

**JOH. MICHAELIS  
BRUTI OPERA  
VARIA SELECTA,  
NIMIRUM  
EPISTOL. LIB 5...**

---

Gian Michele Bruto



8

6-6

5

7

2 A

49

*Handwritten scribble or signature*

*Handwritten signature or scribble*









XXIX. 14. 18

R. 10.

JOH. MICHAELIS  
BRUTI

OPERA VARIA  
SELECTA,

NIMIRUM

EPISTOL. LIB. V.

DE

HISTORIÆ LAUDIBUS,

SIVE DE RATIONE LEGENDI

SCRIPTORES HISTORICOS

LIBER,

PRÆCEPTORUM CONJU-

GALIIUM LIBER,

EPISTOLIS & ORATIONIBUS

COMPLURIBUS

EDITIONE CRACOVIENSI AUCTIORA.



BEROLINI,  
Sumptibus JOH. MICHAEL RÜDIGERI, 1698.

Imprim, ULRICUS LIEBPERTUS Elect. Typogr.





tibus imprimis, quibus recte carere hominum societas non potest: cum enim sit infinitus eorum numerus, varie sint & multiplices artes, quæ ab his cultæ, sint iis ad vitam agendam subsidio, & ornamento, digna res summa admiratione videri possit, vix unum, aut alterum inveniri, qui eam probet, ad quam sit aut consilio, aut fortuna delatus, eam non appetat, unde eum aut certa ratio averterit, aut casus. Quod quidem qui queruntur, rectius mihi facturi videantur, si, cum vere sapientes sint, detecta inconstantie causa, iis certam viam, & rationem ostendant, quam in vivendo quasi ducem secuti, e flexis, ac sinuosis opinionum anfractibus, quibus digressi a proposito sibi vitæ fine, aberrant, in rectam viam, aliquando sui memores, revertantur. In multis enim tenebris, quæ vitæ hominum obducuntur, cum errori acti, atque ignoratione sui querant in terris, quod nusquam est, summum bonum: etiamsi aut virtute adnixi, aut fortune indulgentia provecti, humane felicitatis verticem teneant, habet tamen eorum animus regnis omnibus, atque imperiis major, quod queratur, nondum quo se expleat, consors divine nature, & generis nactus. Quod quidem qui e cælo sibi petendum existimant, unde ortum trahunt, quocunque illi in statu, tanquam in certa vitæ statione, & munere sint à Deo imperatore collocati, sibi statuunt manendum. Ita vero ii, qui tantum vident, subductas vitæ rationes habent, ut ex quadam vi, & natura humanarum rerum, quæ fluxæ, variæ, inconstantesque sunt, presentem rerum statum metiendo, haud egre, quæ insunt, incommoda ferant.

Quam





*casa. Quod quidem quàm verum sit olim docuit Solon summus sapientiæ auctor, beatissimo Lydorum regi, Telum Atheniensem præferre haud veritus, qui optime de patria meritus, parvo agello victam tuebatur, purus ab omni sceleris, & flagitii labe. Enimvero merito homines plectimur, qui contrario naturæ instituto, summum bonum in nostris commodis constituentes, quasi nobis modo, & nostra causa nati simus, naturæ præstare, quod nobis munus imposuit, negamus: quæ eadem a nobis tamen nolentibus, & invitis, quod cum laude agere volentibus licuit, extorquet: ut tuendæ hominum societati, dum nostris commodis inservire credimus, illecti privati commodi spe, velimus, nolimus serviamus. Itaque privati reges, regibus serviunt privati, urbanis qui agrum colunt, rusticis urbani, cæteri ita inter se, ut hominum cætum mutuis officiis, quod unum natura spectat, tueantur. Neque sunt in his tamen veri præmiî expertes, qui, nulla quæstus spe, naturæ legibus parentes, in ea vitæ statione, in qua sunt positi, alacres, & seduli delato sibi munere funguntur: ut enim in corpore, cujus optima constitutio habeatur, non meliore conditione est caput, quàm pedes, quod in illo sit mentis arx, & hominis principatus; pedes in imo loco, totam sustineant corporis molem; sic nec figulus totum diem rotæ alligatus, nec marra, aut ligoni alius, qui videntur positi in infima vitæ parte, regi sumptam cœnam in aureis lancibus invidebit: sed hilaris, cum occidente sole, finiente laborum, & curarum aestu, e parva quidem, sed munda men-*



*Spe assequendi ausus emulari) prius populi laudibus, quam conscientia præclare a se perfecti operis affectus est: sic rex, quem nobis animo fingimus sapientem, iustum, fortem, virtutum omnium maximarum exemplar clarissimum, quarum insignia gerit, unum sibi opus præstandum censet, ut omnium humanarum rerum difficillimum, ita longe maximum, & pulcherrimum, populorum otium, civium concordiam, ordinum æquabilem consensum, tranquillum reipub. statum; id ubi est assecutus, operi quasi coronide imposita, unum agnoscit suæ virtutis præmii, quod solidum, & perenne, intelligit sibi a nemine præcipi posse, SE DEO IMPERANTI PARUISSE, à quo regium munus sibi in terris creditum sit: quod cum agit, gaudet idem tamen, opus suum iis probari, quorum causa statuit sibi in eo laborandum: neque ita hoc ipsum adeo, ut non iustæ voluptati, quam percipit ex suorum laudibus, eorum ipsorum salutem prævertat, quem finem propositum habuit in recte agendo. Quem quidem si quisque in suo statu, & fortuna teneat, jam facessat illa sapientium querela, de hominum mobilitate, & inconstantia expositulantium: neque miles si se norit, mercatori, neque militi mercator, non magis quam Jurisconsultus ei, qui agrum colit, aut is Jurisconsulto, damnata sua, alienam sortem admiratus invidet: non enim miles sua causa bellum gerere, non mercator negotiari, non Jurisconsultus respondere se de jure consulentibus, non rusticus agrum colere se credet, sed parere eidem imperanti Deo, qui mu-*

*tua*



vim frigoris, cœli duritiem, e gelido Septentrionum  
axe, salutare spiritum jumentis, & hominibus ne-  
gantis. Quam virtutem Poloni principes emulati  
facile fidem fecere, & se tanto rege dignos, & dignum  
regem, qui fortissime genti, & nobilissime impera-  
ret. In quibus quidem cum tua summa virtus e lo-  
co excelso enitisset: facile intellectum est, ejusdem  
esse virtutis, divine, atque incredibilis, ubi, cum in-  
signi sapientia, sit par magnitudo animi conjuncta,  
æque in toga, atque in armis, dignitatis locum prin-  
cipem tueri. Quæ priore belli anno, quæ altero, sint  
abs te gesta, & doctorum hominum scripta alia testan-  
tur, literis consignata, & posteritati testabuntur Polo-  
norum annales. Nam hoc anno quæ gesseris regni ex-  
ercituum imperator, hujusmodi feruntur, ut appa-  
reat, regem sapientissimum, in te tanto munere or-  
nando, cum multa alia sint in te digna eo loco, quem  
promeritus virtute, constantia tueris, uni modo tue  
virtuti honorem habuisse. Ex quo quidem illius ju-  
dicio acerrimo tuarum laudum maxima pars in eum  
ipsum redundat: quem tu multis quotidie justitiæ, sa-  
pientiæ, constantiæ documentis ostendis, in tuo hono-  
re non voluntatem, & animi studium, etiamsi tuo  
merito est in te eximium, sed judicium, reipub. com-  
modum, non privatum tuum secutum. Maxima ve-  
ro regum laus, in eorum delectu, quibus functiones, &  
publica munera tradunt, una modo spectata virtus.  
Unam tibi invidit fortitudinis laudem, hostis non au-  
sus de summa rerum in certamen descendere, quam  
tibi maximam, animi fiducia ex conscientia domesti-  
carum



gloria illustrior, quanto minus à togato homine expectabatur laus imperatoria, & qui se à prima sua etate, literarum studiis tradidisset, quod de Lucullo summus orator ait. Sed incredibilis, inquit, quedam ingenii magnitudo, indocilem usus disciplinam non desideravit, quæ raro est felix, nisi virtus par, & magnitudo animi res gerentem consequatur. Atque alius quidem, qui diu excolendis pacis artibus, tantos effecerunt processus, quantos te fecisse jam pridem florenti tua etate vidimus, datur, quasi stipendia emeritis, vacatio, omnium concessu, a bellicis rebus: tu quidem, cum tot jam annos eum magistratum geras, quo perfungendo qui non succumbit, majus quippiam se assecutum credit hominis facultate: integras, & vegetas vires ad rem militarem contulisti, cui parum temporis dedit, qui se illi a prima adolescentia totum dedit, & quidem quantumvis idem cumulate ab animi magnitudine, disciplina, studio, atque omnibus imperatoris artibus paratus. Ita quidem tu brevi effecisti, ut, quod alii longo vix usu, & tractatione rerum maximarum assequuntur, divinitus a natura unus videreris esse adeptus, unde exemplum alii sumerent, ad recte rem bellicam administrandam. Neque vero hoc loco necesse habeo, ea longa oratione recensere, quibus est tibi tantum gloriæ decus partum: ex rebus abs te gestis ea & præsentis homines cognoscent, & qui sunt postea futuri: quæ quidem tantæ sunt, ut non luculento scriptore, sed fidei indigeant: nude enim omnibus artis ornamentis efficient, ut inter virorum principum illustria nomina,



*mina, celebre tuum nomen bellicis artibus, auctori-  
tate, consilio, prudentia, fiducia, & presentia animi,  
sit in omni memoria futurum. Quod si mihi hunc ho-  
norem habueris, ut me non indignum censeas, cujus  
stylo res tue gestæ posteris prodantur, id quod te audio  
non nolle, efficiam diligentia, & studio, ut hanc ipsam  
gravis, & religiosi scriptoris fidelem, sedulamque ope-  
ram non desideres. Ita vero magnas res gessisti, ut,  
etiamsi superare hominum fidem videantur; in luce  
clarissima, magna tuorum, magna exterarum gen-  
tium frequentia spectata tua virtus, sapientia, ma-  
gnitudo animi non indigeat teste. Rarum, inquam,  
est, atque admirabile, eundem belli, eundem pacis arti-  
bus excellere, & cum literarum gloria habere conjun-  
ctum militiæ decus: sed tu quidem jam pridem docui-  
sti, tue virtutis hoc proprium esse, agere quæ rara a-  
liis, atque admirabilia videantur. Sit minus usita-  
tum, inauditum, dignum summa admiratione, tibi, in-  
quam, hæc certa est desponsa laus, ut quocunque te a-  
nimo convertas, siue apud regem sapientissimum, cum  
principibus regni clavum imperii tenens, ad guber-  
nacula reipub. assistas, siue foris armatus bella geras,  
in dubio relinquo, utro eorum sis clarior, aut major.  
Ac quanquam res tue tantæ sunt, quantas esse oportet,  
quæ a tanta animi vi, atque ingenii proficiuntur:  
quo minus tamen ipsi miremur, facit nobis co-  
gnita maximis in rebus ea ipsa animi tui vis, atque  
ingeni: quæ ex culta iis artibus, quibus te à primis  
annis dedidisti, eos de te fructus, quibus nunc pa-  
tria fruitur, maximis, atque uberrimis, spondebat.*  
*Insignis*

*Insignis vero illa gloria, & solida voluptas, in eodem conspici tum virtutem, quæ verū maximarum faciant fidem, tum eas res, quæ fidem faciant magnæ virtutis, unde illa fluxerunt: quorum utrumque in te magna cum tui nominis celebritate & fama, & tui præsentis, & nationes exteræ admirantur. Una te manebat laus, quam tibi præripiunt publicæ occupationes maxima, & gravissima, quib9 distineris, ut ipse, editis rerum abs te gestarum commentariis, probares, ejusdem virtutis, atq; ingenii fuisse, & res gerere literis ad posteritatem consignandas, & facultatem scribendi afferre, quæ reb9 maximis gestis memoria prodendis digna haberetur. Quod quidem quando minus a te præstari potest, ita, si pateris, succedam quasi vicarius tanto muneri, ut si tibi, id quod video te spectare, is modo optandus est, qui abs te omnia, nihil sibi præter fidem, & religionem præstandum putet, non desperem, me tibi fidelem operam, quod jam dixi, & sedulam imprimis, etiamsi minus luculentâ, navaturum. Quanquam ne hoc ipsum quidem, si vere dictum est; Nihil difficile, volenti præclara, plane abfuturum confido: quod enim mihi minus ab ingenio suppetitabit, præstabit incredibilis mea erga te observantia, atque eximia voluntas: ut non solum res tuas gestas posteritas legat, cum fide scriptas, sed nonnulla etiam cū scribentis laude tum industriæ, tum ingenii. Quod si mihi continget, cum satis magnū ipse, & copiosum laboris fructum referam; tum apud te haud obscurum mei in te amoris, & studii, tuæ gloriæ apud exteras gentes, ut spero, monumentum perpetuum exstabit. Atq; ex tua tanta gloria, fructus uberri-*

*mus*



abutuntur. Non nominabo eos, qui nonum jam abhinc annum hoc unum à me postulant (tot enim vere sunt anni) & quod hoc multi noverunt, & quod nolim, hominibus mihi amicissimis, quod eorum judicium fuit amoris, fraudi esse, ubi sua opinione frustrentur: tantum hoc dicam, quando diu tergiversantem dare aliquando oportuit manus, enixe me dedisse operam, ut eas seligerem è multis, quæ argumento legentes tenerent, iis conceptis, quæ de meis privatis rebus ad amicos scriptæ, quibus cum sæpius quicquid venit in buccam, visæ sunt parum dignæ, quæ in manus hominum prodirent. Quanquam & ex iis ipsis, nonnullas haud plane indignas censuimus hominum luce, uno hoc nomine, ut cætera abessent, quod in his speraremus fore, ut grati animi monumenta multa, atque insignia in optime de nobis meritos homines apud posteros exstarent. Tu quæ summa tua est humanitas, quando animus, qui maximus in me est, parvo munere non potest contineri, voluntatem eximiam in te meam, cui in amando, suspiciendo, colendo te nulla vis rerum, aut temporum præscribet modum, ita agnoscas, ut ames, ita ames, ut omnes intelligant à te agnosci, quod est semper mihi honestissimum futurum: certe si, quod reprehensor Momus, in hominis fabrica desideravit, per fenestras pectoris, quàm sit erga te effusus, & prolixus animus meus inspicere possit, eum invenias omnium opinione, & prædicatione mea, prolixiorum. Vale. Datum Cracovia, Kal. Maj. M D XIIXC.





JOH. MICHAELIS BRUTI  
SELECTARUM  
EPISTOLARUM  
LIBER PRIMUS.

AD  
STEPHANUM  
POLONORUM REGEM.

**I**N magna ejus diei  
celebritate, quo die no-  
bis renunciatum est, te,  
optimis Christianæ rei-  
publ. auspiciis, à Polo-  
nis Regem creatum, ita  
tibi præsentî summum  
partum in terris honorem gratulatus sum,  
ut quod assequi nulla facultate dicendi pos-  
sem, tibi vultu, oculis, gestu significarem,  
nullum mihi diem unquam in vivendo eo  
uno illustriorem, lætioresque illuxisse. Si  
quid enim est à me unquam cum laude a-  
ctum, cujus mihi fructum paulo uberio-

A

rem

rem sponderem, ita mihi visus sum eo die illum retulisse, ut non solum meam spem omnem superarit, sed æquarit etiam vota: quæ cum sæpe ultra præscriptos fines humanæ felicitati efferantur, nemini unquam licuit freto humanis viribus implere. Equidem hoc unum semper habui in optatis maximum, ut quando, difficillimis meis rebus, mihi esset vitæ præsidium à viri principis liberalitate petendum, is mihi contingeret, qui tantus esset, quantum te esse videmus (solatium enim ingens in malis, ab eo vitam agnoscere, cui vitam debere honestissimum sit) ut hoc mihi aliquando accideret, nunquam mihi venit in mentem sperare: cum quidem me minime fugeret, tui similem in terris effingere, Deum unum modo posse: qui ea sibi, quæ hominis vis non assequitur, propria, perpetuaque reservavit. Accidit hoc ipsum tamen, cujus spem omnem, longo jam decurso ætatis spatio, deploratam habebam; & quidem, quò magis præter meam spem omnem, eò cum tuæ virtutis admiratione majore accidit: conscius enim humanæ imbecillitatis, ea modo didiceram sperare; quæ ratio doceret, viribus hominis parari, & facultate ingenii posse: ea, quæ his essent potiora, a Deo uno, unde manarent, statuerem mihi supplicibus precibus petenda. Tibi vero me, quasi in terris

ris præfidi Deo, obtulerunt benigna fata: quod mihi totum Dei immortalis insigni beneficio evenisse intelligo; cujus unius munus est, eos, qui populis, & gentibus præfint, ad sapientiæ, & justitiæ iux imaginem conformare. Tanto quidem semper à me longius abfuit, ut hoc mihi animo sponderem, quanto me propius novi, & ex ratione humanarum rerum, non ex animi cupiditate, cujus sunt immensi fines, meas spes fovere & vota consuevi. Ac non ignorabam quidem, quid sapientes homines sentirent de providentia Dei immortalis rebus hominum regendis: nihil enim mihi certius erat, quam eum qui esset præfuturus magnis regnis, atque imperiis, ita fingi admirabili naturæ solertia sapientem, justum, moderatum, fortem: ut non posset, cum maximarum virtutum splendore illustris inter multos conspiceretur, diu, magno cum hominum incommodo, latere: sed illud etiam sciebam, sæpe fieri insigni fortunæ injuriâ, ut, multis erroris tenebris mentibus hominum involutis, ii magna regna, ac summos honores inter homines consequerentur, quos sagax natura ad suum opus condendum, aut colendo agro, aut cadendæ silvæ, aut fabricæ instruendæ destinasset, præteritis iis, quorum à natura certum munus esset, populos justo, atque æquabili im-



## LIBER

perio moderandi : quod raro præstare, magna fortunæ indulgentia adepti regna jure hæreditario noverunt : quibus adeundis, perpauca ostendunt, cum secunda fortuna, insignem virtutem animi conjunctam. Juris enim gentium minime æqui interpretes, non unum multorum causa regnare, sed parere multos regis imperio, unius causa existimant, quo nihil injustius, aut fœdus est in societate hominum habendum ; quibus initio rerum una causa fuit, perferendi regiam potestatem, invisam iis, quos liberos natura finxisset, unius virtuti multorum committenda salus. Ac vicit divina, atque admirabilis tua virtus hominum errorem : ne falli possent, late sua luce ad exteras gentes diffusa, ut ad nobilissimum principatum evecta, ex alto, atque eminenti loco, in sui admirationem omnes converteret. Atque aliis quidem omnibus ita illuxit, ut in te explicaret imaginem legitimi imperii ; ad quam magni reges, vitæ instituta, moresque effingentes, discerent recte populis imperare : vicinis Polonis ita illuxit, ut apparet, qui nobilissimæ genti præesset, te illis, eorum opportunissimo tempore, regem maximum, fortissimum, sapientissimum, Dei immortalis divino consilio oblatum. Neque vero illi Transylvanis domesticam felicitatem inviderunt, adsciscentes sibi (erat enim futu-



futurum, ut iis tuæ sapientiæ lux affulgeret, è propinquo loco ) sed te ita sibi regem adoptarunt, ut cum Polonos præfenti ope juvares, tum Transylvaniæ populis æque consuleres: quibus tuæ sapientiæ, & justitiæ germanam effigiem fratrem relinqueres, cuius justissimo imperio regerentur. Quod quidem Polonorum de te iudicium, & tibi æque, & tuis in omni memoria futurum honorificentissimum, ita, inquam, tibi præfenti gratulatus sum, ut satis mihi sim visus, tibi probasse observantiam summam in te meam, qui eam tibi spectandam, non ex orationis artificio, & copia, sed ex animi studio existimas, cujus à me jam documenta multa, & minime obscura habes: in eo vereor, ne quibus videar minus officio satisfacisse: qui cum quantum tibi debeam norint, quantum referenda gratia possim, ita videntur ignorare, ut munus à me requirant; quod si, pro tua excellenti virtute, mihi obeundum sit, plane intelligam quasi deficientibus viribus, sub injusto onere mihi esse succumbendum. Scripsi orationem tamen & mearum virium conscius, & quàm in arduo argumento versarer æque memor, unius tua virtute, atque animi æquitate fretus: quæ in tam excelsa fortuna, cujus splendor late omnium oculos perfringit, nulla te alia repatitur magis splendere, cum sis illustris

A 3

multis,

multis, quàm iustitia, temperantia, sanctitate morum : quæ animi ornamenta multo pluris facis, quàm magna regna, & peropulenta, quæ prius promeritus es domestica, virtute, quàm exterorum suffragiis consecutus : cujus fructum maximum in rectissimi animi conscientia positum habes. Nam & in faciendo benigne, non quid alios, sed quid te deceat, spectas ; & in gratia exigenda, non quid debeat, sed quid possit is cogitas, in quem beneficium contulisti : ut si quid inde commodi fluat, id ad eos totum pertinere existimes ; de quibus quòd tibi recte statueris bene merendum, frui solida voluptate animi videaris : nulla enim sit virtus, si aliunde petat, quibus se expleat ; quæ ita omnia implet suis copiis, & divitiis diffuens, ut qui se beatissimos putant, in magnis copiis, atque honoribus positi, sint, sine ea, miserrimi habendi. Leges, si modo id per tuas occupationes gravissimas licebit, ut soles alia omnia, meam hanc gratulationem, neque quid assecutus sim, scribendo, sed quid voluerim spectabis, meæ in te voluntatis, studii, observantiæ minime ignarus : illud certe non dubito, quin docti homines judicent, me quasi aliud agendo, ex verissimo argumento tuarum laudum, imaginem optimi regis, sanctissimi, fortissimique exprimere voluisse :  
quod

quod si impetravi, id quod fore non despero, non facultati orationis, quæ non me fugit quàm in me exigua sit, sed divinæ tuæ virtuti tribues, in qua una, simulatque explicata est, sese aperit exemplar virtutum omnium, quæ in quibus conspiciuntur, ostendunt mortalium oculis speciem moderantis omnia atque imperantis Dei. Neque vero mihi fuit laborandum, ut in tuis laudibus assentandi suspensionem vitarem: ita enim est in omnium ore tui nominis fama, ut non ei, qui te laudet verendum sit, ne quid plus æquo gratiæ dare videatur; sed, ne quid videatur detrachere de tuis laudibus, minus pro tuis meritis te laudando: quod ei accidat necesse est, qui, in tanto persolvendo munere, sit magis à studio animi, quàm ab ingenii viribus paratus. Itaque si magna parvis sint conferenda, non invitatus audio, quod doctissimorum hominum de hac ipsa mea oratione iudicium sit. Qui quidem, quòd eam adducti argumenti similitudine, Agesilaum meum vocent, facile falli possunt, atque adeo falluntur (non enim ego hanc laudem agnosco) quòd cum Agesilao te tantum regem conferam, id eos ita iudicio facere contendam, ut credam, Agesilai manes habere, quod plurimum sibi gratulentur, quòd ei licuerit cum Stephano rege, iudicio summorum hominum comparari.

rari. Scripsit vero Xenophon philosophus de ejus regis laudibus orationem, quæ adhuc exstat, luculentam: cujus si similes reges permulti Christianam rempub. moderarentur, præclare nobiscum actum videri posset. Qui ipsi tamen, si quando existit, qui cum Agesilao justitiæ, fortitudinis, sapientiæ laude certet, tristi æmulatione depravato judicio virtutem incolumem odimus, ut ille ait, mox, pari acti inconstantia morbo, sublatam ex oculis quærimus invidi. Parum quidem æqui judices posterifavemus antiquitati, non veritatis studio, sed nostrorum odio; de quibus, quantum tribuimus veterum ingeniis, excolendis ingenuis artibus, tantum detrahere videmur: quæ non eadem semper polleat naturæ vis suis bonis hominibus augendis, atque ornandis. Sed ita natura comparatum est, ut quos summam laudem promeritos æquare honesta æmulatione haud possumus, iis uno nomine, quod nobis meliores sint, minus æqui simus. Movit me vero scribere aggredientem, qua deterreri æquius fuit, argumenti majestas: cum quidem intelligerem, me facere injuste, si, quod de Agesilao Xenophon ait, propterea non laudarem nostræ, superiorisque memoriæ regem maximum, & fortissimum, quod quicquid ego scribendo possem, multo infra ejus laudes pos-

positum intelligerem: in eo enim, qui, quantum habet, dat, id quod est minimum cense-  
tur maximum: ut qui, ex ingenti acervo,  
offert centum auri pondo, minus dare vide-  
atur, quam qui, ex angusta & tenui re, ter-  
uncium, assenve offerat. Neque vero æ-  
quum est, carere insigni virtutis præmio vi-  
ros fortes, quòd cum magnæ iis laudes de-  
beantur, desint, qui eas pari dicendi facul-  
tate consequantur. Unum enim genus lau-  
dis maximum, atque imprimis expetendum  
viri fortes assequuntur, ubi multa agendo  
præclare, efficiant, ut ei qui sit eorum præ-  
dicator futurus, omnis spes præcidatur, ma-  
gnitudinem rerum gestarum, aut oratione,  
aut stylo æquandi. Equidem si spes sit, ex  
altissimo cœli vertice dicentem me de tuis  
laudibus ab universo Christiano orbe exau-  
diri, ita de iis agam, ut exorsus à principio  
idem mihi initium dicendi, eandem perora-  
tionem habeam: Non me fugere quidem,  
quanta sit tua virtus, quanta magnitudo a-  
nimi, & sapientia; sed ita quidem non me  
fugere, ut ea perspecta mihi, atque explo-  
rata maxime, neque ad agendum animum  
addat, & ab hoc persolvendo officio volen-  
tem, flagrantemque adeo dicendi studio a-  
vertat. Qui eò provectus virtute sit, ut,  
pro ejus meritis, excogitari par laus à di-  
cente nulla possit; eum summam omnium



laudem adeptum: non enim ei quærendum disertum oratorem qui laudet, cui est rebus gestis parta laus: quæ quidē simulatq; explicatæ patefactæq; propriis, usitatis, significatibus verbis, non speciosis, non disertis, non ex interiore artificio depromptis in hominum conspectum, & lucem prodeunt, satis ipsæ abunde, & cumulate per se laudare videntur. Ea enim est virtutis vis, atque honestatis, ut ubicunque eluceat, eam taciti homines, & venerantium similes, tanquam rem divinam, & maiorem, augustioremque hominum laudibus admirentur: quorum oratio non magis virtuti lucem afferre, quàm soli, cum est nitidissimus, incensa fax, aut funale addere splendorem potest. Itaque si viris fortibus optio detur, quorum nomina futurum est, ut per gentium annales, & fastos evolvantur, utrum mortuos se disertis oratoris laudatione, an rerum scriptoris monumentis honestari malint: haud dubitem, quin hujus testimonium, etiam si minus ejus oratio ornata splendidaque habeatur, illius artificiosæ, & magno studio elaboratæ sint prælaturi. Itaque si quis apud Thucydidem, Herodotum, Xenophontem legat, quæ pro patriæ salute clari belliduces, Græciæ principes domi forisque cum laude gesserunt; apud Livium, Plutarchum, Dionysium, quæ Fabii, Camilli, Scipi-

Scipiones; plura eorum memoriæ tribuat, quorum virtutis est testis, fidelis, & gravis scriptor, quàm quorum res gestæ à summo oratore magnificis, & speciolis verbis laudentur: ut enim fucus matronæ oblitus, etiam si formæ elegantia excellat, indicio sit, aliquid subesse, quod, ne offendat, occultandum videatur: ita in laudando magno homine, è reconditioribus artis locis petitæ laudes, habent, quasi fucus in matronæ ornatu ementitæ formæ, suspensionem assentantis ei, & blandientis lenocinio orationis, qui minime veras laudes meritus sit. Agnoscent vero te, Stephane rex, posteris, non ex mea oratione, sed ex rebus abs te gestis, dignum quidem, cui contingeret rerum scriptor, qui ita excelleret copia, atque ubertate orationis, ut tu omnibus artibus excellis, quæ te ad majestatem regii nominis evexerunt: verum, quod audeo de me spondere, teste non indigebis: cujus quò magis oratio simplex, & nullis oratoriis pigmentis ornata, colorataque est, eò magis faciet fidem, expressa à me verissima tuæ virtutis lineamenta, quæ nativo suo colore, ac sanguine, non adventitio, & accersito spectantes teneat. Itaque intelligo quàm mecum honorifice egeris, qui me hominem quidem perstudiosum tui, sed cum multis tamen, quibus est fama cognita tua sapientia,

tia,

tia, justitia, magnitudo animi, unum inter multos delegeris, cujus scriptis res tuas gestas commendares. Tantæ enim illæ sunt, ut nisi is, qui hoc munus susceperit, ad eum locum gloriæ perveniat scribendo, quò tu eas gerendo es provectus, haud speret, se eas sua oratione, pro earum magnitudine, complecti posse. Quæ cum ita se habeant; quòd hunc mihi honorem habueris, mihi, ut debeo, plurimum gratulor; immortales tibi gratias habeo: quòd intelligam quàm impar sim tam eximio tuo de me judicio tuendo, ita mihi displicere incipio, ut nunquam mei me pœnituerit magis. Quæ me cura quòd me angat vehementius, magna ipse tua cum laude effecisti: cum enim per se arduum munus sit, regis fortissimi insignia monumenta gloriæ scriptis consignare: illud tu addidisti, ut quæ his constituendis virtus, moderatio, sapientia eluxerit, concipi quidem à me animo queat; quibus quanta illa sint explicetur, eidem haud sufficientiant vires. Addet tamen hoc tuum de me judicium, mea sponte mihi incitato studium, atque alacritatem, ne aut tu male de me judicasse, aut ego eos videar fefellis- se, qui tibi, ut me tanto munere honestares, auctores fuerunt. Neque vero illud solum magno regi expetendum est, ut cum res gesserit immortalitate dignas, ex à disertò scriptore



ptore literis mandentur; sed ei etiam, qui facultate scribendi præstat, ut digna materia summo ingenio, atque eloquentia subjiciatur, est optandum. Est enim illud verum, & virtutem, quæ celata sit, parum à sepulta inertia abesse, &urgeri multos longa nocte, carent quia vate sacro, ut ille præclare ait. Hinc Alexander ad Sigæum Achilli invidit Homerum prædicatorem domesticarum laudum, cum secum haberet rerum suarum scriptores multos: Pompejus Theophanem Mytilenæum; ante eum, superior Africanus, Ennium, qui dicitur in eodem etiam Scipionum sepulchro esse tumultatus; posterior tum Polybium, tum Pannætium summo in honore habuit: quorum alter rerum scriptor prudens, & gravis; alter philosophus magni nominis habitus est. Quæ quanquam magna cum laude de summis hominibus ferantur: illud tamen nemo negabit, non Homero minus Achillem fuisse optandum, cujus gloriam carmine celebraret; quàm Achilli Homerum, cujus divina facultate ingenii propagatum iri suum nomen ad posteritatem speraret. Atque ut à fabulis recedam, tanta illa Romani nominis majestas, tot partæ victoriæ de ferocissimis gentibus, tot devictæ nationes, in triumphum magni acti reges, longe lateque producti fines imperii, alia, quorum mo-

monumenta sunt hominum iudicio immortalitate digna, ut quanta essent, nobis, post tot secula, viderentur, rerum scriptores perfecerunt: qui & multi majorum memoria, & magni iidem nominis tum in Italia, tum in Græcia floruerunt. Nisi vero illa ad nostram ætatem veterum scriptis consignata pervenissent; brevi erat futurum, ut oblivionis sempiternis tenebris involuta, atque obruta jacerent. Est hoc, inquam, nemo negat. Sed quæ fluxisset Livii aureum illud eloquentiæ flumen? cuius usus tanta illa ingenii vis, facultas, copia posteritati fuisset, nisi parem rerum molem, quam, tanquam rapidissimo orationis cursu ad posteritatem transtuleret, populi Romani virtus, & fortuna scribenti suppeditasset? Cuius usus Sallustii brevis illa uberrima, ratio illa scribendi tum gravitate, atque acumine sententiarum, tum luminibus multis orationis, atque ornamentis admirabilis? cuius tot Græcorum scripta, beata illa Herodoti copia; Thucydidis gravitas, nervi in scribendo, & robur; Xenophontis Attica oratio, cuius ore muia locuta feruntur; nisi quæ summi homines gessissent, & belli, ac pacis artibus clari, iis argumentum, eorum dignum ingenio, ad scribendum subiecissent? Enimvero clari illi testes majorum virtutis, & locu-

locupletes, per quorum scripta illa erant ad posteros perventura: sed quibus tamen ea ipsa, quæ ornate, & copiose sibi scribenda suscepissent, in magnam eorundem ipsorum, qui scriberent, gloriam redundarent. Itaque Livio vitio datum est, cum ad Augusti tempora historiam perduxisset, amicis hortantibus, ut pergeret scribere, ita respondisse: satis à se suæ gloriæ factum. Quod quidem ita non impune tulit, ut in reprehensione insigne gloriæ testimonium sit consecutus: Satis vero illum prospexisse domesticæ laudi, sed nondum satis populi Romani gloriæ fecisse, cujus multo magis, quàm suæ fuerit ratio habenda. Atqui ita quidem potuit Livio responderi Romanæ historiæ principi; mihi si hoc sumam, ut credam meis scriptis apud posteros illustrari tuam gloriam posse, & quantus ipse rex sis, quem summa virtus, consentiente hominum fama, in cælo collocavit, & quantus sim ego videar ignorare: cui ad celebrandas tuas laudes, præter voluntatem, & studium, qua in re nemini concedo, nihil insigne, & dignum expectatione hominum suppeditatur. Quæ quò major indies de me excitetur, facis, ipsæ constantia tua, & gravitate incredibili, benignitatis tuæ documentis multis, & clarissimis me quotidie augendo, atque honestando. Appetit jam nonus  
annus

annus, ex quo tempore mihi hoc munus mandasti; quo quidem fungendo cum mea solertia, atque industria, sic tua benignitas certavit, ut volenti sedulitate, atque officio præcurrere, ipse indies novo genere honoris, & commodi me augendo anteverteris. Qua quidem in contentione, quàm mihi bene eveniat, facile animadverto. Sive enim vincam, sive victus discedam, utrumque præclare cadit. Nam & tu vinci in hoc mavis, ad alia omnia invictus; & facile tamen idem pateris me abs te vinci: ita enim es beneficus in omnes, & prolixus, ut pro re, si ea minus suppeditet, voluntatem & animi studium habeas, quæ mirifica est, ubi egregia volentem deficient vires. Sed me unum illud tamen agnoscentem, quàm mihi impar sit hæc contentio solatur: studium in homine recte agendi ab eodem proficisci, a quo omnia recta, & honesta manant, auctore omnium, & perfectore Deo: qui nunquam inchoavit, quod ceptum non perficeret, atque absolveret opus, ut si vere unquam creditum est: Nihil difficile volenti; id multo æquius fit, sibi Christianum hominem spondere, qui cum alia omnia, tum, quod caput in omni re agenda est, eam ipsam voluntatem, & inductionem ad honesta studia, uni acceptam refert, cui quicquid à nobis aut fortunæ temeritati, aut hominum

minum

minum industriæ adscribitur, est tribuendū. Quot vero, quantaque sunt, quæ in tam eximio opere sunt nobis præstanda? Et difficile est omnia enumerare, & si id sit facile, quando agi sine magno tuarum laudum cumulo haud potest, ne vera dicenti assentionis suspicio sit subeunda, à quo longe absum, volens, & prudens missa facio. Nam & ipse ea pietate es, & moderatione animi, ut quicquid sit, quod de te homines cum laude ferant, id pari ipse pietate in auctorem unum Deum referas, ducem, & moderatorem rerum omnium, quas geris: ut si mihi, fidei meæ consulenti, divinam opem in re tanta subsidio fore non desperem, haud videar cuiquam temere fecisse. Hac tanta spe fretus, manus recepto operi admovi, eò solutiore animo curis omnibus, quò exploratior mihi tua sententia est, non te prius à me genus scribendi, quàm religionem, & fidem narrandis rebus exacturum: quo in munere ne qua cognita minus, ubi is temere assentirer, eriperet mihi meæ fidei fructum, qua una nihil prius, aut antiquius habeo, multa mihi ad scribendum adjumenta & subsidia comparavi. Nam & alii aderunt scribenti, qui te maxime observant, & colunt, & sunt earum rerum, de quibus nobis scribendum est, periti, & Forgatii fratres, imprimis, non solum tua propinquitate,

B



tate, sed domestica gloria clari homines: quorum qui vita non ita pridem est functus Franciscus, quæ studio ornandæ patriæ collegerat, ita multa reliquit, ut satis appareat in eo jam diu historiam meditante, neque voluntatem ingenio, neque ingenium voluntati defuisse. Sed is, scriptis, quod potuit vitæ mitiora studia sectatus, quæ partim percunctando ab aliis, partim è monumentis vetustatis eruendo accepit: Simon frater, non ea solum nobis tradidit, quæ ipse ab aliis, sed quæ ab ipso alii accipere poterunt, vir magnitudine rerum gestarum clarissimus; quarum commendatione provectus ad summos militiæ honores, sed minime majores illius merito, nunc magnam Ungariæ partem, quam habet à Cæsare suæ virtuti, & fidei commendatam, insigni cum prudentiæ, & fortitudinis laude adversus hostes Turcas tuetur. Sed de his jam nimis multa, ad eum præsertim, cujus animum vere regium, ingentem curarum molem sustinentem, reipub. occupationes gravissimæ perpetuo districtum, circum sessumque habent. Doces enim ex eminenti loco, illustri exemplo, regni honorem, non desidiæ, & socordiæ, sed virtutis, temperantiæ, fortitudinis præmium esse: ita autem esse divisas partes, ut rex unus, multorum causa, suscipiat maximos vitæ labores, adeat gravissima vitæ



vit, illustri fama peruagata ad ultimas gentes, divina tua, atque excellens virtus; sed non eandem omnes rationem in perfungendo gratulationis munere sequuntur. Permuli enim sunt, quorum oculos perstringit tantæ dignitatis splendor, regii nominis majestas, insignia imperii, regnorum amplitudo, atque opulentia; ut cum potiora non videant, quæ admirentur, mirifica quædam in his videatur laudanda voluntas, iis ipsis ignoscendum sit; quòd in persolvendo hoc tanto munere, voluntatem, atque animi studium, facultas ingenii par non consequatur. Quæ enim ornamenta virtutis noverunt, iis, qui ea parta habent, gratulantur: venerantur in rege virtutem coronatam, sedentem aurea sella, gestantem sceptrum, incedentem longa apparitorum pompa, præeuntibus hinc stipatoribus multis, hinc magno sequente principum comitatu. Qui quidem si norint, quantus virtutis splendor, majestasque sit, tum intelligant, non virtutem, quæ suis modo luminibus splendet, & sibi una est ornamento; sed fortunam nitentem alieno splendore se in regno potente venerari. Itaque ille vere beatus rex, ad cujus exemplar, te natura, & parentum educatio conformavit: qui adeptus etiam orbis terræ imperium, in rerum omnium infinita opulentia, nihil una virtu-





ne plane solida laus habeatur, ea ipsa, unde manat, multitudo facit: cujus quidem de maximis rebus iudicium, raro non studio, odio, cupiditate depravatum est, magno cum hominum incommodo, sæpe gentium, & populorum exitio: cum quisque ita in alieno honore privatum commodum spectet, ut eò propendeat animo, non quò suadeat reipub. salus, cujus fere nullo ducitur sensu, sed unde ostendatur spes compendii major. Quæ una causa est, ut haud sæpius, quam expediat hominum rebus, multitudo, cum in aliarum rerum delectu, tum in mandandis summis imperiis sit felix. Illud vero unum maxime omnibus expetendum, quod quidem sperare non ita multos, per paucos assequi animadvertimus, quos raro inter homines spectata virtus sustulit in cœlum: ut, quem naturæ vis excellens, atque alta ingenii indoles regno destinavit, is populorum studia virtute anteeat, ac meritis in homines amplissimis: quæ una ratio summis hominibus proposita est, ad regna sibi comparanda, quibus pluris est promereri imperium, quàm potiri. Nam qui ita pervenit ad regnum virtute provectus sua, ut non prius homines uni regni honorem, quàm salutem populis multis, & gentibus gratulentur; is inter homines assecutus nescio quid majus, atque amplius homine videtur.

Ita

Ita enim multi fortunæ indulgentia maxima regna consequuntur, ut, his adeundis, nihil, præter regni honorem, & commoda spectent, ab iis curis averſi, quæ civitatũ, & rerũ pub. rectores manent: ut nemo iis gratulari queat, sine magna populorum querela, unde ea commoda ducenda sunt, in quibus, præpostero naturæ, & gentium instituto, habent positam causam regnandi. Hinc iæpe fit, ut cum multi regni honore potiantur, ii, qui eorum parent imperio, careant rege: cujus qui gestet insignia habent: regem, quod monstri simile est, in regia requirunt. Ac cum ita natura comparatum sit, ut eos ab hominum cœtu arcendos censeamus, qui, tanquam sibi modo nati, patiuntur à se humanitatis officia, in homines desiderari: quid de his statuendum est, qui regia potestate, quæ est hominum causa, ab hominibus constituta, ad privatum suum commodum, populorum exitium abutuntur? Adeo vero semper excelsus tuus animus, atque erectus ad summam gloriam fuit, ut, si quid videatur, tibi, in adeundo regno, præter populorum salutem, propositum esse, aut plus tibi ornamentum è regno accedere, quàm ex te regno: haud satis nobis esse causæ putes, quare tibi oblatum à Polonis regnum maximum, nobilissimumque gratulemur: vere enim beatos eos esse

censes, non qui regna, & principatus in homines obtinent, qui honos aliorum causa, non eorum qui potiuntur, est capeffendus, sed quibus licuit, in privata domo, tanquam in virtutis sacrario, iustitiam, sapientiam, magnitudinem animi, ac reliquas virtutes regia dignas, vitæ innocentia tueri. Magnum quiddam videor dixisse, & quod plane multorum opinionem vincat. Imo vero ita magnum, atque admirabile, ut verear, ne idem videar parum, pro rei magnitudine, dixisse: Hoc inquam in te modo summa gratulatione dignum habendum: Effecisse te singulari quadam tua, & divina virtute adnixum, ut in magna populorum lætitia, atque alacritate, qui cum delato tibi honore, publicam salutem conjunctam esse intelligunt, omnibus prius, quàm tibi sapientes homines arbitrentur esse gratulandum. Namque hoc virorum fortium est, in quibus tu principem locum tenes, ut si qui sint, qui iis plurimum studeant, eos non aliena sibi, sed quæ vere sunt sua gratulari velint. Itaque, etiamsi est maximus regius honos, ubi tamen sit alterutro carendum, multo quidem malint regno carere, quod legitimum esse, sine virtute, nullum potest, quàm carere virtute: quæ hominibus regna, atque imperia parit, ubi sit naturæ legibus parendum. Hominis enim proprium est u-

est unum virtutis decus, divinum, perenne, immortale, & quod nulla ratione ab eo, nisi cum vita avelli possit: alienum alterum, adventitium, externum: ut qui regno possunt, si quando accidat, ut, manente incolumi virtute, in quam frustra fortuna intendit sua tela, excidant regno, æquissimo animo ferant, id quod accidisse priscis temporibus, multis, & nostra patrumque memoria, haud raro animadvertimus. Neque vero cuiquam videar parum facere opportune, qui in gratulationis munere, à quo debent tristitia omnia cuncta abesse, nimius videar eo elevando honore, quem adepti homines, proxime accedere ad Dei immortalis majestatem credantur. Non enim detrahimus de regni honore, qui ita sæpe in privata fortuna nitet, sui natura admirabilis, ut hominum plausus, atq; acclamationes promereatur; sed de eo honore, qui nunquam non est contemnendus, ubi fortunæ munus, non virtutis præmium sit. Commemorandis enim eorum exemplis, quibus regnum exitio fuit, nostrum consilium est, demonstrare, quam rationem ii debeant sequi, qui iustissimo, atque optimo principi hoc officium gratulationis sibi aut oratione præstandum, aut, quod ipsi nunc facimus, testandum literis, consignandumq; censeant. Neque vero cuiquam ulla causa esse debet, ei gratulan-



di, qui oblata sibi insignia vitæ commoda, copias, divitias modo existimat, in mandata sibi regii imperii potestate. Hoc enim primi homines spectarunt, cum se unius potestati permitterent; non ut libertatem, vitam, fortunas unius facerent prædam, quod iis accidit, qui victi armis, constrikti hostibus deduntur: sed ut esset, qui, sua sapientia, & consilio, multorum salutem, pari, atque æquabili jure rempub. administrando, in hominum societate tueretur. Itaque qui est tam augusto dignus nomine (neque enim quicunque regnum adipiscuntur, continuo reges) is sibi dandam operam intelligit, ut regia dignitas quidem sibi posterisque honorifica sit, sed ita, ut sit eadem salutaris populis: quorum salutem habet suæ fidei commendatam. Namque ut in bene constituta domo, paterfamilias gnavus, atque industrius, sibi sumit duriores partes, in rei familiaris procuratione, pro tuorum salute vigilandi, multos perferendi labores, gravissima pericula adeundi, alendi liberos, ad honestatem instituendi, defendendi ab injuriis temporum, & vitæ incommodis: ita, qui obtinuit in multos principatum, Deo immortali simillimus omnium parenti, à quo regnandi munus agnoscit, gerit in suos non tyranni spiritus, non impotentes animos, non fastidium, non arrogantiam,

gantiam, quæ tamdiu populi ferunt, quamdiu vis, atque arma, plus quàm jus, atque æquitas possunt; sed parentis indulgentiam, caritatis sensum amabilem, mite, justum, ac facile imperium; ut suis curis, vigiliis, laboribus, suorum otium, securitatemque sibi esse præstandam putet, quam habet sua vita, & salute potiolem. Huic si quis gratulationis munus persolvit, evecto ad regnum, non illi imperii honorem prius, quàm eas virtutes gratulatur, quas qui hausit è cælo, cujuscunque ordinis, & fortunæ fit, est rex, moderator populorum, & princeps habendus. Ita, inquam, regi partum imperium honori est, si testimonium illustre habeat sapientiæ, fortitudinis, magni, atque excelsi animi, justitiæ maxime, quæ una alias omnes virtutes complexa, regna, & principatus statu tranquillo, & quieto reipub. moderatur. Nam iis, in quibus hæc desiderantur, potest fortuna regna, & summos honores impertire; sed ita ut ostendat, tenere eos aliena, non sua: ut si qui sint, qui illos beatos prædicent, quòd eos fortuna magnis honoribus cumularit, id quod agunt multi, qui ignorant, quantum à verò distat fucatus honos, haud facile sit dijudicare, utrum qui tam turpiter iis assentantur, an qui assentantibus se opportunos reddunt, sint gravius reprehendendi. Quan-



di. Quantum vero discriminis est inter eum, quem virtus ad regnum evexit, & cui aut fortuna, aut multitudinis studia regnum conciliarunt? Ille semper rex, etiam cum caret regno: hic ne tum quidem cum regno potitur, rex. Tempus vero, quod sero ferre, & raro, cum usu, & proventu homines docet, facile ostendit, nihil causæ fuisse, quare malis rationibus, adeptis in populos imperium gratularentur, invenientibus fati, etiam in regio folio, exitii locum, unde tanto majore cum clade ruant, quanto est è sublimi, quàm ex imo loco gravior casus. Ex hoc genere fuit olim beatissimus ille Lydorum rex, qui, quasi subito ictu fulminis, ex altissimo fortunæ gradu præceps actus, ni Solon subsidio fuisset jam in rogo imposito, erat Cyro victori spectaculo è flammis futurus: ex hoc, Samius ille, diu, raro felicitatis exemplo, beatissimus habitus, extremo vitæ tempore in crucem actus: pulsus è Sicilia Dionysius: Tarquinii ejecti Roma; Siphax Numidarum rex, Macedonum Perseus, ille ab Africano, hic à Paulo in triumphum ductus; Mithridates à Pompejo; à Cæsare Juba sibi afferre manum coactus; alii multi, qui cum magnitudine rerum gestarum, & gloria floruisent; vitam miserabili exitu, cum omnibus fortunæ ornamentis, spoliati regno, clauferunt.

Nam

Nam patrum nostrorum memoria, & nostra, quot, quamque illustria exempla suæ inconstantia fortuna constituit? Ex una Arragonia domo, in Italia olim, atque in Hispania florentissima, Ferdinandum Neapolitanorum regem, cujus idem fuit vitæ, & regni occasus: Alphonsum filium, insigni exemplo fortunæ inconstantia, ne ludibrio suis, hostibus prædæ esset, eodem tempore se abdicare regno, quo regnum inierat, coactum: ejus Fredericum fratrem à cognato rege proditum, regno ejectum, inimico regi deditum, omnes fortunæ acerbitates, atque indignitates perpeffum. Quorum malorum auctorem, inimicis regibus, Ludovicum Sfortiam, qui se Italiæ arbitrum, everforem regnorum maximorum, & conditorem jactabat, totius Christiani orbis pestem verius, facem, incendium, ad infestissimum regem abductum captivum in Galliam, teterrimo carcere inclusum, redidisse ultimum spiritum, devotam victimam Arragonensium manibus audivimus. Jam Gallorum, Germanorum, Anglorum monumenta, referta exemplis fœdissimis. Ludovicus Pius Caroli regis proles, quem, propter res gestas immortalitate dignas, consensus hominum Magni titulo ornavit, à liberis petitus impiis armis, per fraudem captus, regno atque imperio exutus; liberorum

rorum intestina odia, dissensiones, bella, funesta praelia. Inde Caroli Calvi immanitas in fratris Pipini liberos, mox in Carolum filium, quem patri infidiantem, effossis oculis, in sceleris expiationem, regni successionem, atque imperii privavit. Ejusdem nominis Carolus simplex, qui à suis captus in Veromanduis, & cella turri inclusus, triennium carceris tenebras, & squalorem perpessus interiit. Unus è Germanis Henricus Tertius, quem non doceat suo exemplo virtutem amplecti animo, regna contemnere, & magna imperia; cum liberis bella gerere, de imperio pacisci, fasces imperii filio submittere, subire carcerem, & mori adeo, ne filii successionem dubiam faceret, coactus? In Svevorum principum augusta domo, quot reges, atque imperatores, tot mœroris, luctus, acerbitalis tragica argumenta: Frederico Secundo, ab Henrico filio illata arma: victi adolescentis calamitas, carcer, squalor, mors indigna atque acerba: Manfredi parricidium, & patris Frederici, & Conradi fratris morte infamis: hujus cæde expiatum in suos scelus: Conradinus natus adolescens, in spem maximi imperii, indigna morte functus sub carnificis manu. Piget quæ suppeditant Anglorum annales figillatim exempla omnia referre, in magna copia insigniora persequi volen-

volentem : ejectos à parentibus liberos in  
exilium , à liberis parentes , fratrum inter  
se cades ; pupillos à tutoribus extinctos  
ferro ; aditum regnum per suorum funera ;  
subjectas securibus cervices , quas regia in-  
signia ornavissent : fortunæ prodigia alia ,  
atque ostenta multa : ut ii beatissimi ha-  
berentur , qui quam longissime à regio ge-  
nere abessent. Atque ex his multa ita no-  
stra memoria evenere , ut fama accepta alii ,  
multi visa posteritati potuerint tradere. Il-  
lud omnium maxime memorabile exem-  
plum , quod olim in uno Henrico Sexto for-  
tuna proposuit , ad rerum humanarum in-  
constantiam ostendendam. Idem Gallo-  
rum , Anglorum idem rex omnium suæ æ-  
tatis maximus , non duorum nobilissimo-  
rum regnorum sceptro , non maximis par-  
tis de hoste victoriis , non parentis gloria ,  
non sua magis , quàm domesticis cladibus ,  
atque exitu vitæ clarus. Ter ab inimicis  
in potestatem redactus , semel atque iterum  
fuga elapsus , postremo Londini in carcere  
necatus , in uno vere habitus felix , quòd ea  
rex passus , quæ homini sunt ultima in ma-  
lis , potuit ad mortem usque , adversus mala  
omnia invictum animum , quæ virtus est o-  
mnibus regnis major atque augustior , re-  
tinere. Quæ quidem quanti facienda sint ,  
etiamsi satis per se ratio ostendit , docuit o-  
lim

limpositus Diocletianus in summo orbis terræ imperio ; in omni ætate exemplo memorabili, ausus otiosam, & curis solutam vitam, potestati, atque arbitrio terrarum omnium præferre : cum quidem incredibili constantia usus in suscepto consilio, dicere non dubitarit, nunquam sibi nitidiores soles, illustrioresque illuxisse. Nam Abdolomini illius, quem non magis clarum reddidit Alexandri iudicium, quam domestica virtus, ex infima fortuna quidem, sed haud minus tamen illustre exemplum. Qui cum è suburbano horto, quem colebat exigua stipe, repente ad Sidoniorum regnum esset evectus : interroganti Alexandro, quo animo vitæ egestatem tulisset, immunda illuvie, atque æternis sordibus squalidus : Utinam, inquit, eodem animo regnum pati possim, hæc manus suffecere desiderio meo, nihil defuit, nihil habenti. Quæ animi illius tam insignis moderatio potior causâ Alexandro fuit, illum ornandi regio insigni, quàm quòd regium genus propinqua cognatione attingeret, uno nomine, quòd nosset regnum contemnere, visus dignus regno. Unum enimvero est homini in vita expetendum, ut, propter excellentem virtutem, videatur regno dignus : sed ut id affecutus, quod est primum habendum, illud secundo loco sibi



runt; sed ad maximi regni administratio-  
nem: in qua multorum tibi ærumnæ susti-  
nendæ, molestiæ, sollicitudines, angores,  
quarum rerum ingentem molem, una cum  
titulo regni, atque imperii, tibi imponi sen-  
tiebas. Ita enim sunt inter reges, & subje-  
ctos populos divisæ partes, ut penes quos  
sit regni dignitas, & imperii majestas, sint  
regni administrandi labores, quorum illa  
justa præmia habentur: ii, qui regum ju-  
stitia, & sapientia, honesto otio fruuntur,  
dum recte credunt in reipub. cura, privatæ  
sux esse curam inclusam; æquo animo sa-  
lutem, & libertatem iis habent addictam,  
quibus libertatem, & salutem referunt acce-  
ptam. Tumeant vero alii inanibus hono-  
rum titulis; reges, principes, heroes ap-  
pellentur: modo iidem non ignorent, tur-  
pe haberi, cum splendida nomina, atque  
illustria sint, quibus honestentur, in iis res,  
quarum illa sunt nomina, requiri. Quàm  
verò arduum munus rex suscipiat, sed verus  
rex, & similis tui, is facile intelligit, qui me-  
minit uni esse præstanda, quæ magno inge-  
nio, & doctrina homines, multis volumi-  
nibus perscripta, de regii imperii munere  
recte administrando posteris prodiderunt.  
Cum alia vero te sollicitum habent, quæ tibi  
cum aliis regibus communia sunt, ut domi,  
forisque bene reipub. gerenda, te regem sa-  
pientis-







bilitatis tenentur : id quod te affecutum  
insigni cum tua gloria , virtute & modera-  
tione animi incredibili , animadvertimus.  
His enim adduci modo homines possunt, ut  
unius in se imperium æquo animo ferant :  
quem cum excellere virtute tum sua , tum  
majorum intelligant, quasi præstantiore na-  
tura fatum, neque jam homine, sed proгна-  
tum Deo , sibi imperare patiantur : vera e-  
nim nobilitas est , quæ ita cum majorum  
nobilitate certat , ut eam adepti multo ma-  
jorem, quam ipsi acceperint, relinquant po-  
steris æmulandam. Jam quæ habet popu-  
larem auram , & multitudinis plausum , tibi  
formæ dignitas adest , vere digna imperio ,  
& corporis constitutio eximia ; ut cum præ-  
te feras parem animi indolem , qua re maxi-  
me sapientes moventur ; habeat simul ama-  
bilem quandam virium significationem, &  
quæ procul à ferociæ ostentatione absit :  
quæ ipsa tamen , ne quando sit offensionis ,  
in sermone , & congressu , comitate verere-  
gia , & morum suavitate, elegantiaque con-  
diatur. Nam domo affers, præter summam  
nobilitatem, tibi relictam à majoribus, tua  
virtute magnum abs te partum laudis , &  
gloriæ incrementum , æque secundis, & ad-  
versis tuis temporibus invictum animum ,  
non languentem in malis , non in latis se  
efferentem altius, eadem æquabilitate , & in

C 3

secun



lissimis gentibus præfutura, eam, virtute ingenti, adversus omnem fortunæ impetum corroboratam, animi magnitudine pari, & constantia tuereris. Quanta vero illa gravitas? quam alte animo infidens virtus? ut, quo tempore alii malorum levationem à mimo, morione, collusore petunt, quorum interpellatione opportuna, doloris sensum fallant: tu graves, & doctos homines arcesseres; ex quorum consuetudine, & sermone, philosophiæ pastu recreatum animum non fineres inerti otio languere. Quæ tua eximia sapientia, ne careret virtutis fructu, si teste careret, qui tibi magnus debebatur, fama, nomine, gloria: ex iis tenebris, quibus delitescibat, in theatrum, ac lucem hominum educta, omnium in se oculos statim, animosque convertit. Et si enim satis uberem fructum, ex rectissimo animi sensu referebas, in quo uno est sapienti, in vivendo, summum bonum constitutum: at non est tamen passus Deus, tantum virtutis splendorem tenebris inclusum extinguui, quæ longe lateque quasi prælata fax, lucem erat hominibus, ad capeßendum veræ laudis cursum allatura. Rediisti in patriam de fortuna abs te victa, justissimo, & speciosissimo triumpho deportato: quæ eadem tamen multo, quàm antea infestius, in te ea tela, quæ abjecisse videbatur, intentavit.

C 4

Cum

Cum enim tibi satis esset , illa innocentiae  
tuae scuto hærentia retundi ; vindex Deus  
in eorum viscera retorfit , qui tibi exitium ,  
& tuis crudelissime , atque injustissime para-  
bant. Potuit vero tibi quicquam accidere  
ad comparandam immortalitatem aptius ,  
ad declarandam Dei immortalis providen-  
tiam majus , quàm , ut , deturbatis quasi su-  
bito ictu fulminis , è celso loco , qui tuae fa-  
luti insidiabantur , eodem tibi loco assurge-  
re , te supplices adire , venerarique cogeren-  
tur , unde tibi ruinam , & pestem essent mo-  
liti ? Jam plane eluxisse tua virtus videba-  
tur , neque apud illos solum , quorum ocu-  
lis nullis potest tenebris involuta occul-  
tari , sed apud alios etiam , qui cæcati odio ,  
diu præclaros tuos animi impetus ad sum-  
mam gloriam nequicquam conati essent re-  
tardare. Ita tu primum ostendisti adversa-  
riis , id quod jam pridem sapientes homines  
viderunt , ubi excellat vera virtus , haud præ-  
clarius cum iis agi , qui diu fortuna indul-  
gentissima sint usi , quàm quibus fortuna ,  
acrius vehementiusque adversata sit. Fa-  
veat enim vero fortuna ut lubet , beatis ho-  
minibus ; ingentes opes , potentiamque  
conciliet ; aliud agentibus bella conficiat ;  
victorias , triumphos pariat , imperio ad-  
jungat nobilissimas gentes : sed ita iis fa-  
veat , ut tantarum rerum præmium fortunæ  
cedant ,





Unde sapientiæ, consilii, nisi crebro effes  
petitus adversariorum insidiis? Unde mo-  
derationis laus, clementiæ, lenitatis, quam  
ingenio insitam, tecum nato in lucem extu-  
listi, nisi, rebus afflictis tuis, moveri mise-  
rorum incommodis, jacentes erigere, hu-  
mano more exercere inimicitias, vim justæ  
iracundiæ afferre, condonare injurias, con-  
servare eos, qui te perditum vellent, ratio-  
nem tuæ humanitatis, & clementiæ habere  
didicisses? Jam pietas illa in patriam, sum-  
ma illa in Deum religio, castus animus, in-  
credibilis in fratrem amor, &, rari inter ho-  
mines exempli, vitæ sanctitas, elegantia mo-  
rum, cætera ornamenta animi, quæ facilius  
admirari homines, quàm æstimare animo  
queunt, non tibi in umbra quæsitæ somno,  
turpi otio, convivii, molli, & delicata vi-  
ta; sed vigilantia, studio, perpetuis exer-  
citationibus tum corporis, tum animi, in  
campo, in acie, in pulvere rem adversus ho-  
stem gerendo, gravissimis vitæ incommo-  
dis, pro tuorum salute, domestica gloria,  
suscipiendis: quibus durati homines ad ex-  
plicandum laudis cursum ad summam glo-  
riam, virtute adnitentes, & animi robore  
excitantur. Atque in malis tu quidem vi-  
cisti fortunam: quæ victoria quanti æsti-  
manda sit, docet ingens eorum numerus,  
quorum animos afflictis rebus ea ipsa for-  
tuna

tuna fregit: sed multo illa major, atque illustrior in bonis, cum non jam alios, id quod tibi facile fuit, freto virtute illa tua, & constantia incredibili, sed adversus te invictus, eundem ipse te vicisti. Inde enim sumpsiſti materiam ad laudem, unde erat tibi ad cædes, proſcriptiones, exilia, amandationes, cum multorum ruina, & perniciæ aditus patefactus; niſi juſtiſſimo dolori, clementia, & magnitudine animi occuſiſſes. Quod quidem ne accideret, poſuiſti inimici perſonam, ſumpſiſti tuam, hoc eſt omnium principis lenitate, manſuetudine, miſericordia; non dolori, quod multi feciſſent, in ſumma omnium poteſtate, ſed ingenio, quæ laus perpaucorum hominum eſt, morigeratus, quod ad clementiam proclive, tui magis te eſſe memorem, quàm inimicorum cogeſſet. Paſſus es illos eodem eſſe loco, quo antea fuerant, frui patriis bonis, quæ conviſti majeſtatis, naturæ, & gentium jure amiſiſſent, & quidem, ut obliſi conſervatæ vitæ tuo beneficio, haberent, unde animos ſumerent, ad perturbandum publicum otium, & ſi votis fortuna reſponderet, te ſuum conſervatorem vita, ſimul & principatu deturbandum. Quod adeo triſte omen in eorum capita avertit præſens ſuis ſemper, ac propitius Deus. Explorata tibi erant eorum conſilia omnia, quid domi,

mi, quid foris agerent, quid cum suis, cum  
exteris molirentur. Audiebas undique  
non obscure, à tuis rationibus nonnullos a-  
versos ad defectionem spectare, sollicitare  
nobilitatem, reges maximos, ac potentissi-  
mos concitare ad arma. Neque tamen, uti  
illos, siue humanus error, siue saucius do-  
lore animus, abs te avertit, ita te à magnitu-  
dine animi, & propositi constantia, tanta  
quæsitæ accessio injuriæ deducere potuit.  
Curasti monendos uti pertinacia desiste-  
rent, atque, averfis animis à ferocioribus  
consiliis, paterentur te à vetere tua consue-  
tudine non recedere, non ex inimicorū in te  
injuriis, sed ex tua lenitate & clemētia agen-  
di. quicquid esset, quod postulares, quo nihil  
æquius esset, malle illos concedere volentes,  
quam pati aperta vi, cui impares essent, ab  
invitis extorqueri. Nihil te morari victo-  
riam, adversariorum cæde, & ruina paran-  
dam ( commune enim tibi cum multis futu-  
rum, vincere armis ) sed quæ vere dici, at-  
que haberi tua victoria posset, obliviscen-  
dis injuriis, comprimenda ferocia animi,  
pro odio benevolentiam, beneficium pro  
injuria, pro contumelia honorem habendo.  
Tanta vero hæc tua gloria est, ut ejus ma-  
gnitudine, in me victa facultate dicendi,  
intelligam jam mihi meæ orationi modum  
esse statuendum. Effecisti enim hac magni-  
tudine

tudine animi, ut quæ tibi laudes debeantur, nemo non norit; quæ ratio, pro tuo merito, tui laudandi sit, nemo se assequi speret, ut omnes industriæ, atque ingenii explicet vires. Quid multis moror? Amittere inimici omnia, sua pertinacia, quàm retinere tuo beneficio maluerunt: obsessi, victi, fuga sibi consulere, de regno decedere coacti, victoriam, cui jus, fas, causæ æquitas favebat, & pro ea sumpta arma, concesserunt. Vix annus præterit, cum inimicorum ferocia domita armis, nondum, qua flagrabant, extincta odii face, nova belli fama, te nihil aliud minus cogitantem, ad arma excivit, exulibus, delectorum militum coacta manu, in interiora regni irrumpentibus, cum novarum rerum studiosos homines in partes permultos traduxissent. Hic si tantum dicam, vicisse te, magnum hoc videri possit, sed non iis, qui abs te nova, raro audita aliis, hoc est maxima, & te uno, modo, digna exspectant. Subito enim exorta belli procella, cum hinc elatus hostis victoriæ spe, regno armatus immineret; hinc imparatus ipse à rebus omnibus, quibus tui sperarent, te irruentis impetum excepturum, in una tua virtute spem omnem positam haberes: præter unum te, cujus caput petebatur, omnes de victoria simul, & de salute adeo, spem omnem abjecerant.

cerant. Itaque cum in te erecto fiducia tui, ingens pectoris robur, atque animi præsentia emineret : neque facile sibi persuadere poterant , tibi esse justam alacritatis causam, quæ aliis pavoris , & trepidationis esset ; & , tuorum confirmandorum gratia , vultu præ te spem ferre, suppresso animi dolore , de privata sua , & reipub. solliciti credebant. Eorum suspicionem adjuvabat concepta ab his opinio de tua sapientia : qui nunquam consuevisses, secundis etiam tuis rebus, fortunæ temeritati salutem tuam, & tuorum permittere ; hoc dignum viro principe arbitratus efficere tua prudentia , ut nunquam casu videreris potius , quàm consilio , & virtute , bene re gerenda felix. Nihil domi tutum ; foris dubia omnia, præter unum armatum hostem ; ubique suspecta hominum fides , in sanctissimis regię penetralibus, tuæ , & tuorum saluti hoste infidante. Non domesticæ copię, non externa auxilia aderant temporis angustiiis excluso , quibus hosti jam ingresso in regnum ire obviam, ut postulabat belli ratio , posset. Quæ tanta malorum moles, alios quidem de spe vitæ , & fortunarum deturbavit : te in spem certam gloriæ , materia virtutis ubere, & fortitudinis objecta , in omni fortuna tui similem erexit. Cum eodem , inquam , tempore nutare populorum fidem ,  
multos

multos spe præmiorum ingentium, magnitudine largitionum sollicitari, dubia suspensaque omnia domi, foris pariter non ignores: jactatis tuis, quasi turbulenta tempestate, ea ipsa, quæ in te exstabat fiducia, & magnitudo animi, ad regni gubernacula assistente, quo minus naufragium facerent, subsidio fuit; una eos tua virtus, imminetibus in eorum perniciem hostibus, ne malis victi manus darent, in spem salutis revocavit; una bene sentientium spem fovit; omnium animos ad virtutis studium, ad decus, ad gloriam, laudis æmulatione inter se certantium inflammavit. Ita tuorum animis oratione confirmatis, cum hinc vultu, oculis, gestu, inde ex ore dicentis, ardor animi, spiritus, aciem, & prælium poscentis, victoriæ spes certa promineret: inventium se hostium impetum, primo quoque tempore disjiciendum armis, atque ultro obviam eundum statuisti. Profectus es ad bellum, & quidem vi animi ingenti, copiis, pro hostis ferocia, & ratione præsentis temporis, exiguis: contulisti signa, pugnante hoste acerrime, cum victoriæ præmium, regnum opulentum in medio positum, victo omnis salutis præcisa spes esset. Vicisti, neque prælio solum, hostibus, aut cæsis, aut captis, aut in fugam conjectis, sed bello etiam vicisti, tantaque tua gloria adeo, ut multorum

torum voces auditæ sint absenti victoriam ,  
atque ejus summum præmium regni hono-  
rem gratulantium , in his, nonnullis audi-  
entibus , etiam mea , cum dicere non dubi-  
tasset, ignorare multos quantam eo die rem  
gessisses , qui crederent ea pugna actum  
modo de Transylvaniæ principatu esse: ho-  
stem , quo die abs te victus, fractusque esset,  
viam tibi certam , atque aditum ad Sarma-  
tarum regnum patefecisse. Erat unus, at-  
que idem omnium consensus , qui rei ge-  
rendæ interfuissent, tui unius consilio , for-  
titudine, alacritate , Dei immortalis beni-  
gno numine justissimæ tuæ causæ favente ,  
cujus præsidio, adversus vim omnem , tuta  
innocentia stat, difficillimam, alio duce, vi-  
ctoriam partam: te unum simul militis par-  
tes, simul ducis præstitisse; obiisse eundem  
vigilias; locasse eundem castra; instruxis-  
se aciem; tormenta ad ictum direxisse; ita  
denique omnia comparasse , ut nihil sibi, aut  
tui, aut hostes in fortuna subsidii relictum;  
omnia sibi in virtute posita, atque in dex-  
tris arbitrarentur. Sed hæc aut ante victo-  
riam, aut in gerenda administrandaque re ,  
quæ digna essent omnium principe virtute,  
fortitudine, magnitudine animi: illud di-  
vinum, hoc est vere tuum, & haustum è cœ-  
lo, quò quidem, quæ tua pietas est, omnia  
tua refers; te victoria potitum, cum una,  
fere,



fere, atque eadem omnium causa esset, qui adversus te arma sumpserant, per paucis exceptis, quorum in patriam esset insignis scelus, omnes, victo misericordia animo, conservasse, victoriae premio contentum, quod clementiae, & temperantiae monumentum in victos, in quos fortitudinis exstitisset, ad posteritatem clarissimum perpetuumque haberet. Nam quae commoda manerent victores, eadem virtutis eorum, & fidei, tuae moderationis, & justitiae insignia exstare voluisti, summa aequitate singulis, pro cuiusque merito, praemiis distributis. Haec sunt, quae tibi evenisse laetemur; quae tibi quacunque in fortuna esses natus, magnos principatus, & regna nobilissima sponderent; quae plausus, acclamationes, laeta, & fausta omnia non jam tuorum solum tibi bene precantium, sed exterarum gentium, populorumque omnium consequantur, quos in admirationem tui trahunt, quae vere tua sunt decora habenda: quae non in temeritate fortunae, sed in virorum fortium animis posita opportuno tempore virtutis in lucem hominum educit. Tantam vero gloriam sic diu tibi fortuna invidit, ut quod maiore nisu depressa, demersaque emergeret, eò elata altius, in hoc quasi humanarum rerum altissimo gradu splendidior, admirabiliorque conspiceretur. Hinc enim

D

tu vere

tu vere rex, hinc vere beatus, hinc felix, sed contraria id ratione, atque alii multi; quos illi titulos, & honores fortunæ debent, tu, victa fortuna, & fasces tibi submittere coacta, pari virtute, & felicitate assecutus. Ac cum alia omnia abs te gesta habent justissimas gratulationis causas, tum illud unum imprimis, te ita nactum præmium virtutis in terris maximum, ut, superata invidia, quæ nunquam non sumæ gloriæ fuit comes, ejus quasi hydræ renascentia capita, præsentī ac forti animo sustuleris: quam unam pestem gravissimam ne virtus quidem declinare, contemnendo modo conficere, & dissimulando potest. Cujus rei documentum nobis maximum dedisti; quem sæpe audivimus illud usurpare, magna cum sapientiæ, & constantiæ tuæ laude, haud tibi posse eam rationem probari, quam & alii multi, & magni reges nonnulli sequerentur, malevolorum hominum voces, & maledicta scriptis refellendi. Respondendo enim, addi iis auctoritatem, quibus detractam vellent: dissimulatione, & silentio detrahi, si qua esset: id quod fiduciæ commendationem, ex recti animi conscientia haberet. Pulcherrimam illam contentionem esse, & longe tutissimam, ubi invidorum calumniæ, & criminationes, non facultate dicendi, aut artificio orationis (quò  
qui

qui perfugerent, parum præsidii positum habere in vitæ innocentia crederentur) sed recte factorum constantia diluerentur: quæ peti quidem improborum hominum maledictis; convelli, aut labefactari nulla ratione possent. Neque vero videri in invidos vindicandum pœna acriore, quàm qua ipsi sua sponte plecterentur: non enim illos infestiores aliis, quàm sibi hostes. Nam siue commoda opulenti, divitias, copias; siue potentibus honores, magistratus; siue principibus gloriam, famam, nomen inviderent: eos perpetuum animi cruciarum effugere non posse: quem ii ipsi, quibus inviderent, honestis rationibus rem augendo, magnas gerendo res, præclare de repub. merendo augerent. Unum hoc esse telum acerrimum, ad invidorum odium ulciscendum: ut eorum ipsorum animi, quanto altius insideret tam teter, & dirus morbus, tanto vehementiore plaga, per aliorum lætam fortunam sauciarentur. Capite damnatos, propter admissa facinora, uno carnificis ictu pœna defungi: invidorum perpetuum supplicium esse, quod non minueret, sed augeret dies: Maledictum, tristem ex ægro animo invidentiæ partum, in pectus emissum innocentia munitum, cadere irritò ictu. Neque nunc ego ea commemoro, quæ aut ab ingenio hausta, aut è

sapientium monumentis, quod eorum fere, qui laudant institutum est, tibi adscribam. Faceffat vero tam fœdus mos à verissimis tuis laudibus, minime iis necessarius, qui à rebus ipsis, non ab orationis artificio, & assentandi studio, argumentum laudandi petunt. Nullus artifex dicendi major, etiamsi natura infantissimus sit, quàm iis, cui oratio suppetit à rerum fide. Ea una, disertum oratorem, acrem, luculentum facit. Quæ ego abs te accepi, ex ore tuo augustissimo hausi, totidem fere urbis translata refero, & quidem, ut facile faciant fidem, quam philosophiam alii, pertinaci studio, assiduis commentationibus, multis volutandis veterum scriptis, habent quæsitam, te siue populis jus dicas, siue in castris, in campo, in acie rem adversus hostem geras, æque domi, foris inclusam pectore habere. Neque tu vero, cujusmodi sunt multi, verbo, & oratione sapiens modo, sed vitæ institutis, pudore, probitate, sanctitate morum, ad quorum normam magni reges discant, vere sapientes, iusti, moderati esse. Doces tuo exemplo, qui sit vere rex habendus, eundem esse sapientem oportere: ut is, cui sit mandatum in infinitos homines imperium, infinitam vim pariter habeat comprehensam animo, qua virtutes omnes complectatur, quæ quoniam in singulis, quibus imperat,

perat, non inveniantur, necesse sit illos tum legislatore, tum magistratu indigere. Nam si justī omnes, temperantes, moderati; sibi esset quisque lex, magistratus, rector, & vitæ dux: quod quando accidere haud potuit, unus fuit deligendus è multis, cujus tanta esset virtus, quantam inveniri in multis difficillimum esset, & in unum modo cadere sapientem posset. Ita qui unus inter multos tantus est, idem sapiens, atque unus mortalium omnium summus: qui non ex testamenti tabulis regnum adeat, atque hæreditario jure, sed è cœlo, & quasi ex Dei sinu, qui unus conditor regum est, in terram demissus. Justus, & moderatus princeps, est Dei immortalis maximum inter homines munus. Cujus tu quidem ita vivam imaginem refers, ut vere probes, unum esse regum parentem, atque effectorem Deum, cujus nutu, atque imperio prius, quàm vi humani consilii, societates, ac cœtus hominum regantur. Non enim Platonis scripta, non Aristotelis, non Xenophontis, non philosophorum ullæ præceptiones, quorum sunt illustriora nomina, talem finxerunt, qualem jam te pridem esse videmus. Regem enim similem sibi Deus unus gignit, penes quem est totius mundi, & rerum omnium summa potestas, ut delibata mente, è sapientiæ fonte, unde ortum habet: quem-

admodum sol sua luce cuncta collustrat, ne animantes errore acti in tenebris ruant, eos, quorum saluti procurandæ præfectum se esse intelligit, proferenda suæ justitiæ, & sapientiæ luce, vindicet ab errore; quam viam insistere, à qua declinare debeant, suo exemplo demonstrando. Quorum omnium cum una ratio sit, & tibi gratulamur, à quo ea tanquam fonte manant; &, quod in maiorem tuam laudem redundat, gratulamur simul Poloniæ populis. quibus assuetis parere justissimo Jagellonum imperio, is contigit rex, quem non sibi ipsi prius delegerunt, quàm finxit suorum votis propitius Deus. Non hoc fuit, inquam, hominis opus (quis enim, qui hoc posset, erat tantus in terris futurus?) sed ejus unius, qui ea novit condere, quæ perfecta quidem homines admirantur: sed quibus rationibus efficiantur, nec tenent, nec norunt: te unum, Deus admirabili providentia, quasi solertis naturæ manu conformavit ad regnum: te divina indoles, & virtus, exercitata per gravissimos casus, ad jus populis dicendum, ad scribendas civitatibus leges, populos exemplo ad justitiam adhortandos, ad tuendum otium armis, pacis studio bella gerenda, cætera munera exsequenda, quæ digna sunt maximo rege, & fortissimo, omnibus pacis, & belli artibus instruxit, auxit, ornavit.



vit. Ac si qua est causa extra ipsum te, unde fides sit, præcipue tibi Deum immortalem in capeffendo regni honore indulgisse: ea est tota posita in eorum laudibus, à quibus tibi est regni procuratio mandata. Quæ quidem semper, ut cætera absint, per se gravis, multo gravior est ubi potentem regno ea deficiunt, quæ recte non possunt in regni moderatore desiderari, à primis annis hausta è domestica disciplina maximarum virtutum elementa, usus rerum, literæ, tum, quæ à natura proficiscuntur, vis ingenii, mentis acies, vegetus animus, & propensus ad virtutem, & honestatem: sed est eadem omnium gravissima, ubi is sit in regni procuratione constitutus, in quo cum ea omnia desiderantur, quæ requirit regis munus, tum populorum moderatio imprimis, agnoscendo eo, ad quem sit summa imperii delata. Neque vero aliis solum, sed regi etiam justissimo, & sapientissimo difficilem, atque arduam regni administrationem reddunt populorum contumaces animi, non disciplina ulla, non liberaliore educatione ad virtutem, & ad laudis studium exculti; contra, scelerum infinita licentia, nulla legum, nulla magistratum auctoritas, corruptus largitionibus populus, venalis libertas, principum ambitio: quod olim Campanis in Italia, & Ro-





nibus sapientissimis, & Platoni, cujus est in his insigne nomen, eoque arduum est visum, ut, depravatis licentia suorum moribus, accedere ad rempub. recusarit, senescentem, ut agebat, & degenerantem à majorum virtute: quorum optimis legibus, & institutis ad Græciæ principatum, multis terra, marique gloriæ constitutis monumentis, pervenisset. Nam in Romana civitate, & quidem, quod admirabilius est, vigente adhuc disciplina majorum, T. Manlius Torquatus, vir priscæ severitatis, deferente illi ultro civitate consulare imperium, pari animi magnitudine, & constantia recusavit; cum ita præfatus esset, neque se suorum civium mores, neque cives ferre suos posse. At in quos populos tibi delata est imperii potestas? in feroces credo, immanes, barbaros, non imperii, non legum, non judiciorum, non hujus mitioris, atque humanioris cultus, non disciplinæ potentes: imo in longe humanissimam gentem; in homines mitissimo ingenio; in assuetos populos optimorum regum imperio; in eos, quos cum aliæ artes ornant; tum illæ imprimis quibus homines ad vitæ honestatem, atque elegantiam instituuntur. Equidem hoc possum affirmare, non fama acceptum ab aliis, non temere creditum, nulla esse nunc Europæ gymnasia, Patavii in Ita-

D s

lia, Bo-

lia, Bononiæ, quorum summa celebritas est; Avarici in Gallia, Lutetiæ, Aureliæ; nulla in Germania, cum sint multa, quæ non Polonorum laudibus, ut nostra ætate, sic majorum memoria floruerint. Hinc illi Orichovii, Ofii, Sarii, Cromeri, Varsëvicii, alii pene innumerabiles: qui horum ætati succedentes, per æmulationem domesticarum laudum, sunt posteris, quasi per manus, uberem gloriæ segetem, materiamque relicturi. De quorum singulari doctrina, atque eloquentia ne nunc mihi pluribus agendum sit, ipsi efficiunt, quorum ingenii monumenta, & nunc vigent, &, quamdiu vigebit hominum memoria, iis ipsis sunt ornamēto, & patriæ futura. Ac ne quid iis desit ad summam laudem, neu in beneficentiæ contentione inferiores videantur, celeberrimum gymnasium habent exteris nationibus apertum: in quo homines doctissimi, artes omnes ingenuas, & politiores literas professi, & patriæ, & finitimis populis semper ad virtutis viam capeffendam sapientiæ lumen prætulērunt. Hinc Polonis humanitatis eximius cultus, hinc sanctissima hospitalitatis jura: ut cum undique in regnum confluant multi ex nationibus exteris, cujus longe lateque patent fines; nemo patriam delideret, in qua aut securius, aut commodius, aut majore caritate cum suis

ſuis conjuncti vivant. Nihil in his fucatum, nihil non apertum; non à mentelinguà diſſentiens; non ſimulandi ulla, non diſſimulandi ars; nullæ occultæ conſilii latebræ; non alte reconditi ſenſus; æque amicis, & inimicis recluſum pectus; non amoris, non odii potens animus: ut ubi quis ſit tutus ab aperta vi nihil ſibi intelligat à dolis, atque inſidiis timendum. Nam de iis, qui rei militaris gloria excellunt, nobilitate, generis ſplendore, omnibus animi, & fortunæ ornamentis, laudandarum omnium artium ſtudio, idcirco dicere in præſentia omitto, quod & omnes percenſere difficile fit, & aliquem præterire volentem, quem ſpectata virtus inſignem reddat, flagitium eſt. Unum audeo affirmare, quod ſæpe uſurpare ſoleo, ſi Polonorum principum ſplendor, gloria, magnificentia ſpectetur; tum vero facile apparere, non te imperare privatis, ſed in reges, ipſum eundem regum regem obtinere imperium. Quanta vero tibi felicitatis acceſſio, ſi illa modo extra ipſum te eſt quærenda, quanta nobis, & quàm juſta cauſa gratulandi, qui per virginis regiæ nuptias, Sigismundi regis filiæ, ejus regis prolem, qui omnium ſæculorum princeps, ſapientia & juſtitia habitus eſt, ineas regnum? Quam vero auſpicatum nobiliſſimæ genti; quàm lati, & fauſti o-

sti ominis, quàm plausibile, & popolare Polonis Jagellonum nomen? Quantus Sigismundus rex fuit? Quantus Casimirus pater? Quantus Uladislaus patruus, qui, pro tuendis Christianæ reipub. finibus, adversus Turcas fortissime pugnans ad Varnam occubuit? quæ illius mors, quibus victoriis & triumphis non est anteponenda? quis unquam majore cum gloria vicit, quam ipse est victus? Quantus hujus pater Uladislaus? qui primus Jagellonum à Polonis ascitus, iisdem auspiciis, quibus Christiana sacra suscepit, iniit regnum? Gaudent quidem Poloni, te sibi tantum regem oblatum, quantum ipsi vix sperare essent ausi, quem regiæ virtutes omnes, & viro principe dignæ artes, regno dignum reddant: gaudent: sed nescio quomodo lætantur magis, qui tantus esses futurus rex, Sigismundi generum fuisse; quem quidem, qualiscunque esset, fuerint in honore habituri: ut jam non Polonis magis, quàm tibi, virgo augustissima, gratulari æquum sit (ad te jam meam orationem convertam) cui quidem, divino, atque admirabili consilio dederit Deus, ut non prius tibi Poloni regia insignia deferrent, quàm ex hoc tam eximio eorum de te judicio, constaret omnibus communis salus. Felicitatis magnæ fuit, è rege nasci; majoris è Sigismundo rege; maximæ,  
in au-

In augusta domo educari in spem regni, institui ad religionis, & pietatis cultum, atque ad omnes artes virgine regia dignas : sed illud unius tuæ virtutis : ut quæ bona aut à fortuna, aut à natura inchoata haberes, ea exculta studio, & perducta ad summum, efficeres tua : ut non solum, quòd patre rege nata sis, id quod totum sibi fortuna sumit, sed quòd te dignam ipsa ostendisti, quæ patre rege nata inires regnum, tantus tibi honos debeatur, quantus nusquam fortunæ, nisi, per violatum gentium jus, & divinarum, atque humanarum legum interitum, habitus est. Quàm enim raro sit populis felix hæreditarium regnum, veterum exempla docent multa, & clarissima, in Romano imperio è Germanico natus C. Cæsar, pestis, atque exitium terrarum orbis ; adoptatus à Claudio, Nero, execrandi ad posteritatem nominis ; è Vespasiano, natus Domitianus ; ex M. Antonio, Commodus ; è Severo, Caracalla : qui nati ex optimis, & fortissimis parentibus, reipub. ruinæ, atque exitio fuerunt. Hoc vero est vincere fortunam, quæ sibi illa referre accepta velit, ea recte agendo, colendo officio, pudore, sanctitate morum, manare à sua virtute docere. Cujus tuæ virtutis magnum, & luculentum fructum, te insigni tua cum laude referre animadvertimus, debitum honorem non jam Jagellonum

ionum sanguini, non in regia natæ, non fortunæ, quæ temere, & casu melioribus favet, sed, quod vere tuum, perenne tibi, & propriū est, vitæ abs te innocenter actæ, castissimis moribus, animi pietati, celsi, atque erecti in Deum, demissi in magno fortunæ fastigio, in quo quidem non excellis magis majestatis honore, quàm iis virtutibus, quibus ille debetur, maximis & clarissimis. Gratulamur vero tibi, Dei immortalis æterno consilio conciliatas Stephani regis nuptias; per regis optimi, & fortissimi conjunctionem partam tot gentibus, & populis salutem; constitutam pacem, atque otium; tanti rectoris, ac moderatoris virtute rempub. constabilitam. Quæ quidem omnia ita lætis, faustisque ominibus rata, perpetuaque populis precamur, ut in te unum, regem maximum auctorem, gloria summa, par in nos voluptas, ex tua gloria redundet. Tanta vero est, ut si quis nobis hoc nomine gratulari velit, is suam voluntatem facile nobis probare, quantum nobis gratulandam sit, nulla ratione se consequi posse speret. Hic tantus honor, hæc tanta majestas, hic splendor, quo es totus circumfusus, habet quod in nos redundet; qui ita tibi devincti hæremus, ut nos tanquam tui partem, agnoscas, & tantæ tuæ gloriæ, & felicitatis confortes. Quod tuum in nos beneficium eò  
illustrius



illustrius est, quò minus nostræ virtuti debitum, totum à summa liberalitate tua manat: cujus te perexiguum fructum referre censes, nisi in benemerendo ei spem omnem referendæ gratiæ tollas, in quo beneficium collocaris. Hunc, inquam, nobis honorem habuisti, ut nos velles esse tuos: quod quidem si est, quocunque sis loco, quò te evexerit insignium meritorum in Christianam rempub. commendatio, quin, ut tuo judicio sumus, ita habeamur tui, nec debes, ne detrahere de tuo judicio gravissimo videaris, nec vis, tuæ constantiæ memor, recusare. Equidem quid alii tota hac de re statuant ignoro: hoc mihi ita hæret infixum animo, ut à me nulla vi, aut ratione possit divelli, non solum, ut me credam esse tuum, quod tanti apud me est, quanti id esse debet, quod sit homini maxime in vita expetendum, sed, fretus etiam hinc summa mea in te observantia, hinc benignitate incredibili in me tua, me esse in eorum numero confidam, qui tibi carissimi habeantur. Quis vero pater unquam amantius, prolixius, sermonis majore comitate liberos, quos carissimos haberet allocutus est, quàm tu princeps tantus, meis adversis rebus ægrum mœrore animum solari, recreare, atque erigere afflictum, ad meliora in dies speranda excitare es conatus? Quis, inquam,

quam, mihi dies unquam eo uno lætior illuxit, quis posthac illustrior exorietur (unum excipio, quo nobis de tanto tibi à Polonis delato honore nuncii allati sunt) quàm quo die tantum tuæ voluntatis, & benignitatis in me pignus, tam illustre tuæ virtutis, & sapientiæ documentum, me hortando, monendo, ad contemnendas inimicorum voces excitando, in me contulisti? Quæ tua affabilitas, & comitas tanta quando ita animo insculpta hæret, ut nulla eam temporis diuturnitas sit oblitteratura; qui diffidere possum, qui semel tuo sapientissimo iudicio visus sim dignus honesto imprimis apud te loco, tanto in posterum fore apud eundem te honestiore, quanto nunc tua fortuna amplior augustiorque est? itaque & tibi gratulor, quem constans illustrium meritorum fama regno dignum, magna Polonorum consensio regem fecit; & simul gratulor tuis, quibus tanquam clarissima fax præluces, ad iter gloriæ rectum tenendum, ne quæ aberrare possint, tuis pridem vestigiis impressum: gratulor regiæ Jagellonum soboli per felicissimas nuptias, quasi nascentem majorum prolem; gratulator vero sanctissimis Jagellonum manibus, quos me juvat sperare, si fas est, in illa etiam beatorum sede, ex tanto suorum gaudio incredibili lætitia exsultare; Sigismundi patris im-

primis

primis, cujus divinam indolem, ex oris lineamentis, in filia agnoscimus regis omnium suæ ætatis optimi, & sanctissimi, ejusdem Sigismundi filii, ut nominis, & regni, sic patriæ virtutis hæredis. Gratulor simul Pannonibus, quibus licuit Polonis tantum regem dare, simul Polonis, quibus licuit à Pannonibus accipere; universæ Christianæ reipub. denique, quæ tanto rectore, ac duce, opportunissimo tempore, in pristinum splendorem vindicata, pace, otio, securitate, id quod libet ominari, sperat se diuturna fruituram.

### *AD EUNDEM.*

**E**Rat meum consilium, repub. bene abs te, atque ex sententia gesta, felicem tibi reditum è bello, quod nunc statui his meis ad te literis mihi esse faciendum, coram gratulari. Sed me ab hoc consilio cum alia multa revocarunt, tum illud unum maxime, quòd nunquam fore speravi, ut, pro meo sensu, concepto animi gaudio declarando, facultas ingenii par, & dicendi copia suppeditaret. Et si enim non est scribentis, quàm dicentis facultas major (ciet enim oratiò dicentis, animorum motus vehementiores, atque afficit, & delectat magis) nescio quo pacto tamen adjuvat acrior

E

com-

commentatio scribentem: quæ, ne temere fluat oratio, graviolem curam adhibet, & cultum verborum ac sententiarum majorem, quem subita oratio, ut sit maxime à divite vena, non facile admittit. Ea vero nunc mea ratio est, ut, pro iis, quæ abs te cum laude geruntur, non minus alii mihi, mea causa, quam tibi ego, tua, qui eas gessisti, sibi statuant hoc gratulationis officio fungendum. Namque id mihi pridem divino tuo beneficio contigit, ita ut in tuorum numero essem, ut ex rebus abs te gestis, in me tanquam unum è tuis, fructus tuæ gloriæ redundaret: tua enim virtus tanta est, ut ejus diffusa lux, suo splendore omnes colustret, quos tanquam devinctos unius corporis compage, tua sapientia summa, & nominis majestas, quasi anima alit. Felicitas vero hæc tua admirabilis, quam non à fortuna, sed à tua virtute habes; ut, magnis gerendis rebus, nostrum otium, securitatem, pacem, tuam esse gloriam velis: quæ tum solida est, cum non quæsitâ sequitur, veluti umbra, corpus: vir fortis enim, à recta animi conscientia virtutis præmium petit, nunquam aliorum, sed suo judicio beatus. Nam cætera, quæ expetunt multi, honores, plausus, popularem auram, quæ omnia dat æque multitudo, atque aufert, ubi visum est, ita non contemnit, si virtuti debita,

debita, quod accidit perraro, sui conscius agnoscit. Cur vero non mihi omnes gratulentur, nactum me esse regem, cujus cum res gestas susceperim scribendas, non quidem verear, ne quando id videar gratiæ dare, quod requirat mea fides; sed, ut sim par futurus, ubi vires ingenii, atque industriæ omnes explicarim, iis, ut gestæ sint, literis mandandis? Cum vero duo illa munera sint in vita hominum conjuncta, & res gerere dignas, quæ ad posteritatem prodantur, & gestas res, ut posteris exemplo sint ad decus capeffendum, literis complecti: non magis gerenti res est luculentus scriptor optandus, per quem in multa secula speret suam gloriam propagatum iri, quàm ei, qui facultate scribendi præstat, is cujus gloriæ seruiat, nulla suæ fidei, & religionis jactura: quod qui scribit per eum assequitur, qui cum multa gesserit, per se laudanda, non prædicatore suarum laudum indiget, sed scribentis fide. Hæc enim gravitas requiritur in rerum scriptore, ut rebus narrandis, quemadmodum quæque gestæ sint, statuatur sibi modo explicandum, æque idem ab assentandi, & maledicendi studio absit: quod cum agit, fit, ut ea ipsa, quæ scribit, siue fœda, & turpia, siue digna laude habeantur, nihil augendo ipse, aut elevando, eos, qui ea gesserunt, aut laudare,

salva sua fide, aut vituperare patiatur. Quæ vero ejus ratio futura est, qui, ut olim Philistus Dionysio, ei habeat obstrictam præmio fidem, quem suæ constantiæ oblitus, laudare cum suo dedecore cogatur; vituperare, dum suæ religioni consulit, sine vitæ periculo haud possit? quot vero causæ tibi gratulandi, regi maximo, & fortissimo nobis abs te ostenduntur? multæ illæ quidem, & variæ, sed æque dignæ omnes immortalitate: magna gloria bella gesta, paratæ victoriæ, captæ urbes, expugnatae arces munitissimæ, propagati imperii fines; in his omnibus, quot fortitudinis, tot clementiæ tuæ monumenta, quæ una in terris virtus, hominem reddit similem Deo, & multo illustrior de ipso te victoria, quàm de hostibus victis. Ac si quando, per imposuitum mihi scribendi munus, hoc ipsum liceat agere solutiore animo; non ex iis, quæ gessisti magis, quanquam illa tanta sint, quàm ex iis, quæ ea consequuntur, tibi gratulandum censeam. Non enim vicisti Moschum solum apertum hostem, sed occultos alios, & multos etiam, quorum oculos perstringit tuæ virtutis splendor. Itaque memini, me hoc non semel, ex tuo ore augustissimo hausisse, cum ita diceres, te non improbare quidem, quam de tuis laudibus orationem scripsissem (videri enim diserte



diserte & copiose scriptam) sed recte factis multis te, quàm disertī scriptoris oratione constare tibi tuas laudes malle. Sed hæ tuæ partes, hoc est, omnium gravissimi regis, & moderatissimi: illæ sunt nostræ; ut cum te facile patiamur fructu recte factorum, tacita animi conscientia frui, abs te iidem impetremus, ut patiare ipse vim modestiæ tuæ afferri, & literis prodendis rebus gestis tuis, eam gloriam, quam semper promereri magis, quàm consequi studuisti, nostris scriptis æternitati consecrari. Quanta vero in te magnitudo animi, qui cum materiam ipse suppedites ad scribendum cumulate; scriptorem qui nomini tuo & gloriæ serviat non requiras: qui aliorum illustria facta, consignent monumentis literarum, luculentis stipendiis alas, in honore habeas, omni genere munificentiæ, & liberalitatis prosequare? Nam, ut diximus, inter cæteras causas, quæ mihi sunt impedimento, quo minus liceat te nunc præsentem venerari, est illud ipsum pridem abs te mihi mandatum munus, res Pannonicas scribendi: cujus, pro summa tua in patriam pietate, ita es sedulus exactor, ut eorum, quæ ipse geris, quamvis illa immortalitate digna, non à scriptore abs te quæsito præmio, ne parum solida gloria, iis, qui te minus norint, frui vidēare, sed à quovis potius li-



teris prodi velis, cujus, fidem nulla sollicitet  
præmii spes, quò minus libero judicio utatur  
in scribendo. Quæ tua virtus cum satis  
mihi perspecta sit (quem vero fugiat, tam  
alte exaggeratus ad gloriam animus) ita in  
hoc ipso munere exsequendo dies, noctes-  
que laboro, ut nemo in magnis negotiis,  
quàm ego in summo otio, sit occupatus mag-  
gis. Itaque cum horum altero esset caren-  
dum: malui à me hoc tempore, gratulan-  
di à me officium desiderari, quàm in scri-  
bendo ea, quæ nunc in manibus habeo, di-  
ligentiam, & studium: quod quidem cum  
acerrimum sit, non putavi mihi comit-  
tendum, ut suscipiendo itinere, anni tem-  
pore difficillimo, remitteretur. Ac si ta-  
men, inter gravissimas tuas occupationes,  
quibus tanti regni unus sustines onus, spe-  
ras audiendis iis, quæ scribo, locum futu-  
rum; simulatque imperaveris, istuc advo-  
labo. Nihil enim non mihi facile, expli-  
catumque efficiat, quantumvis difficile, at-  
que arduum, cupiditas visendi, ac præsen-  
tis venerandi tui. Jam pertexui Joannis re-  
gis nuptias, receptum in Transylvaniam,  
indicta comitia Tordam, non Cibinium, ut  
Jovius tradit, judicium, & animadversio-  
nem in Stephanum Maylatum absentem,  
præsentem Chendium, & Balassam: secutam  
inde Joannis mortem, qua in re sum secutus

manu-



renda magno fuit adjumento. Inde cætera perlecutus, clades omnes illas, Germanis à Turcis illatas ita scripsi, multis à Jovio sumptis, ut res eadem, scribendi alia ratio, & ex meo more, atque instituto, doceat, quale meum judicium de toto hoc genere fuerit: qua in re quid effecerim, doctorum hominum judicium erit; quid voluerim, neminem fugit. Sequitur Solimani adventus, & victis Ungaris, & victoribus infesti; accitus in castra rex puer; dimissus, in castris comitibus retentis; Valentini Terechii calamitas; celsus animus agnoscendo ea, quæ Turcæ criminabantur (objiciebat enim se monuisse Perinnium de receptu, & ut subtraheret Ungaros, per hostium adventum, imminenti exitio) inde jussa regina, urbe, atque arce excedere, & se in Transylvaniam recipere; Verbeoczius, dum execratur barbari perfidiam, & suam canitiem patriæ funestam, jussus Budæ Ungaris jus dicere, & brevi postea lento veneno sublatus. Quæ omnia ex Thomæ Ephemeride scripsimus, tum, cujus rei Jovius non meminit, & minime erat negligendum, præmonitum Terechium à Turca genere Ungaro, caveret ne in Solimani conspectum veniret, & sibi, quamdiu liceret, per honestam impetratam missionem consuleret. Jam in expeditione suscepta contra Maylatum, non Jovium, sed Tho-

Thomam auctorem sum secutus, cui & Ungaro, & earum rerum imprimis perito, quàm Jovio fidem malui habere. Inde, data occasione, è Petri Moldavi perfidia Maylato, à pristino instituto non discedens, alte principio sumpto, variam ejus fortunam percensui; victoriam partam de Ferdinandi ducibus; Joanne rege vivente, occupatum Bistricium; mox eundem, accepta clade, in Ruthenorum finibus, à Joanne Tarnovio victum, & castris exutum; ac paulo post, à Solimano principatu ejectum; illius præcipitem fugam; in afflictâ, & prostrata fortuna erectum animum in spem salutis; deditionem ejusdem; Joannis regis in supplicem misericordem animum, callidum consilium, per legationis speciem, illi Solimanum conciliandi; Stephani fratris cædem; in ejus locum Alexam succectum; eo trucidato, Petrum à Solimano receptum in fidem, ac, perejus duces, in regnum reductum. Hinc ab ea digressionem ad institutum reversus, Nicolai Salmensis legationem sum persecutus, & triste, ac superbum Solimani responsum: inde ea, quæ annus XLII. excipit: comitia à Ferdinando Novisolum indicta, de ineunda inter Ungaros concordia, & instaurando adversus Turcam bello: mox Spiræ coactum principum conventum, de mittendis in Pannoniam ad bellum

auxiliis: quem, falsus Jovius prava suppuratione temporis, ait Norimbergæ habitum postremo à nostris contractum exercitum ingentem, Joachimo Brandenburgensi duce. Quæ omnia quatuor libros conficiunt satis ubere: quos quidem, eo consilio à principio descripsi, ut ad te afferrem, utrumque facturus, ut & haberes aliquid, unde tibi fides certa de nostra industria fieret, & ut tibi præsentì, quod mihi optatissimum erat, summam meam in te observantiam, & studium, persoluto gratulationis officio, præsens declararem. Ubi enim ab ea religione discedo, qua Deum immortalem parentem omnium homines in terris colimus, nihil mihi est augustissimo tuo conspectu, aut antiquius, aut majus. Interea, ne te fugeret, quò opus perductum esset, meis his literis placuit capita rerum ordine descripta adjungere: quibus absolutis, si hoc modo vires hominis possunt præstare, ut in rebus humanis quicquam vere absolutum dici queat, justì duodecim libri conficientur, his postremis IIX. prioribus adjectis, initio facto, unde est Forgiatus suos annales exorsus. Sed ita quidem, ut quæ ille nimis brevi oratione percurrit, fusius mihi statuerem explicanda. Qua de re ne pluribus agam, quàm occupationes tuæ gravissimæ patiantur, ad Paulum Giulanum pluribus scribo.

scribo. Fortunet tibi Deus tua consilia, inceptaque omnia, quorum unum propositum finem habes, populorum salutem, concordiam, pacem, otium, auctos & propagatos longe lateque imperii fines. Vale, nostræ ætatis maximorum regum maximum decus. Datum Cracovia Kal. Decemb. M D LXXIX.

## AD EUNDEM.

*Gratulatur eidem iterum rem feliciter adversus Moschum gestam.*

**F**acit singularis tua, & divina virtus, Polonorum felicitas summa, quorum res admirabili Dei providentia moderaris, ut crebris nuntiis & multorum literis certior factus de repub. bene abs te, & feliciter gesta, sentiam me ea voluptate perfundi: quæ cum à summa mea in te voluntate, atque observantia posciscatur, ita in me existit, ut vultu quidem, quo animi sensus homines effingimus, oratione quanta sit, nulla ratione declarari queat. Quicquid enim in nobis erat facultatis ad scribendum, id pridem consumpsimus; dum sæperes abs te feliciter gestæ, idem à nobis requirerent munus, non ita copiosis in scribendo, ut tu fortis, atque alacer cum gerenda

gerenda re, tum ad exitum perducenda. Cum vero duplex hujus rei ratio sit, utra causam habeat gratulandi justiore, haud facile dijudicari potest. Nam & tibi solidam gloriam, verissimas laudes, populorum studia, famam, nomen; & Poloniae populis, quæ multo his potiora præmia tuæ virtutis agnoscis, pacem, otium, securitatem gratulamur. Dixi duplicem nobis esse impositam hujus muneris rationem, & male hoc quidem: tertia enim accedit justissima: qua quidem explicanda, video mihi necesse esse, ad eundem locum confugere, quem superiore anno, cum de eodem hoste tibi partam victoriam gratularer, memini me usurpasse, & ut spero, usurpabo posthac crebro, ut nobis quoque ab aliis idem gratulationis munus deberi contendam: quibus cum hoc dederis, ut tui & appellemur, & simus, quod nobis est in omni posteritate futurum honestissimum, efficis ipse, ut pro iis, quæ læta tibi secundaque eveniunt, beatissimi fortunatissimique habeamur. Tua enim gloria, nostra est; tuum, est nostrum decus; luce tua & splendore conspici-mur; quo plane videamur indigni, nisi virtus, unde is manat, & studia earum artium, quas nunc, è loco excelso, ad excitandam honestam æmulationem animis ostendis, fidem faciant, nos vere esse tuos: Beatissimus ve-



ro is est, & felicissimus habendus, qui ita se comparavit, ut quam gloriam partam habet meritis in homines maximis, cum multorum habeat gloria, & felicitate conjunctam; quæ una res facit, ut cum homines simus, videamur divinam quandam vim, & naturam homines affecuti. Ut vero non sibi modo sol splendet, sed sua luce longe lateque universum orbem illustrat: sic non uni sibi est rex, sapiens, non uni sibi justus, non fortis: sed sapientiæ suæ lucem, justitiæ, fortitudinis in omnes diffundit, quibus iners, & flagitiosa vita erroris tenebras non obduxit, unius virtute in terris beatis. Gratulandum tibi, Poloniæ populis, nobisque adeo; quos, immortalis tuo beneficio, propius regiam attingentes, homines agnoscunt cum tuo merito, tum nostro judicio, voluntate, studio animi, tuos: sed ita gratulandum, ut qui has partes sibi sumit, vi ingenii acerrima, varietate, copia dicendi, explicandis gratulationis causis, intelligat sibi utendum: quæ cum tot tantæque sint, neque epistolæ sunt, neque mei ingenii, neque adeo temporis: cujus non sunt plura momenta, quàm tuæ occupationes, quæ non permittunt distentum publicis curis longiori orationi vacare. Neque vero potes iis laudibus esse contentus, quarum partem sibi vindicant multi: tua enim virtute, & forti-



fortitudine itares est adversus hostem barbarum administrata, ut tuæ gloriæ confor-  
tes, quos in partem laboris ascivisti, multos  
admittas, in his fortissimos milites, equitum,  
& peditum præfectos, è Polonorum nobi-  
litate voluntarios, lectissimos adolescentes,  
atque eximix spei, qui laudi, & gloriæ ser-  
vientes, sint cum majoribus pietate erga  
patriam, in hostes virtute, robore, ac præ-  
sentia animorum certaturi. Altius nobis  
effert animos tua virtus, & quò perpauci  
freti humanis viribus ascendunt. Commu-  
ne hoc habes cum multis, hostes vincere,  
expugnare urbes, cogere superbos hostes  
fasces submittere, lætam victoriam, laure-  
am, & triumphum de hostibus victis de-  
portare. Hæc magna aliis, speciosa, digna  
semper visa, quæ alat hominum fama, & ad  
ultimas usque gentes provehat, digna sum-  
mis regibus, & clarissimis belli ducibus, qui  
rerum gestarum gloria universum orbem  
terrarum impleverunt; sed iis ipsis tamen  
visa, quibus datum non est, ut norint, quæ  
sperent, majora. Tua cum est illustris vir-  
tus vincendo hoste; tum multo illustrior  
reprimenda animi ferocia, atque iracundia:  
ut, si fieri possit, victoriam oderis, per quam  
tibi non liceat conservare, quos immanitas  
perdit, nunquam non victoriæ comes.  
Quanta autem tua victoria est, hoc est vere  
tua?

tua? imo quot quantæque, in hac una, victoriæ insignes? æquitate vicisti hostem, nondum bello aggressus, illi propositis conditionibus æquissimis; fortitudine gerendo bello; mansuetudine, & clementia victis conservandis. Hoc multum forte aliis, nondum tibi: vicisti animi constantia in præferocem, & præfractum, de integro instaurando bello: ipse te postremo vicisti, retinenda illa animi facilitate, illa infita ingenio lenitate tua admirabili, quæ est omnium una victoria difficillima. Admirantur alii cætera, & jure illi quidem (digna enim summa admiratione) mea est diversa ratio, atque altius, & magnificentius de tua virtute judicium. Hanc tibi victoriam gratulor, quæ te fert in cælum, tacente etiam me, neque longa oratione, sed, quod possum præstare, grato, & prolixo animo. Qui si verbis aperiri, explicarique possit, non jam ego epistola, sed volumine, id statuam mihi esse agendum. Quid vero exploratius omnibus, quàm mea in te colendo, observando, suspiciendo voluntas? æque illa vero, ut tua in me merita, quæ sunt immortalia. Quibus si hoc unum addes, ut mihi, quod meæ vires recusant, totum hoc munus condones; non efficies tu quidem, ut te aut observem, aut colam magis (nihil enim accedere ad summam meam erga te observantiam

vantiam potest) sed iis, quæ tot tantaque in me contulisti, cumulum addes. Rei arduæ imprimis, & neque mearum virium, neque ingenii, per te, mihi liceat prævertere grave officii onus: quod abs te mihi mandatum, à me receptum cum perficiendi spe, quævis alia me agentem totum ad se rapit. Dabitur aliquando facultas, Deo bene juvante, defuncto tanto labore, de tuis laudibus solutiore animo agendi, quæ non solum liberum hominem ab occupationibus aliis, sed vacuum etiam, si fieri possit, cura sui, propter argumenti maiestatem, atque amplitudinem requirunt. Non enim despero fore, jam XII. iustis libris Pannonicarum rerum confectis, quos meæ sedulitatis, & vigiliarum testes posteritas leget, ut non mihi aliquando liceat, quod mihi unum in optatis maximum est, rebus abs te gestis admoveere manus. Quibus literis mandandis, etiam si me imparem agnosco, imbecillitatis conscius meæ; haud dubito tamen, quin Deus, qui semper hominum præclaros conatus, in virtutis cursu, secunda numinis aura provexit, sit benignus vires pio voto subministraturus. Equidem, si diuturnus rerum usus, si producta longius vita per varia rerum discrimina, si studia honestarum artium, ingenii vim, atque industriam adjuvant, haud videar

dear facere arroganter, si, mea hac grandi ætate, allaturum me spondeam, ad hoc tantum sustinendum onus, vires robustiores. Ac ne dissimulem, id quod res est, gratulor mihi hoc nomine plurimum, quo vulgo homines, non vitio ætatis morosi, sed suo, queruntur, qua parte ætatis maturiores ingenii fœtus, firmioresque eduntur, ea mihi vim ingenii intendere celebrandis tuis rebus gestis licere: quæ nihil non elaboratum industria, perfectum summa vi ingenii, absolutum numeris, & partibus suis omnibus requirunt. Valeas, fortissime rex, maxime, sapientissime, cujus vita digna immortalitate ita innititur Poloniæ regnum, ut salutarem regem Christiano orbi universo spondeat in multos annos futurum. Datum ex regia arce Cracou. M D LXXX. Kal. Novembr.

AD EUNDEM  
TRANSYLVANIÆ  
PRINCIPEM.

*Gratulatur partam de exulibus victoriam,  
anno M D LXXV.*

**N**on dubito fore, quin iis sera mea gratulatio videatur, qui sciant quan-  
F topere

topere à me illam, summa, atque illustria tua in me merita requirant. Equidem non solum hoc fateor, sed illud etiam de meo addo, ita illam à me requiri, ut, etiamsi tibi tantum non debeam, quantum multi sciunt, & ego præ me fero, una tua virtute tamen sentiam me ad hoc ipsum gratulationis munus mea sponte impelli. Non ita vero matura gratulatio, sed multo illa nunc tamen, quàm cum est à me cœpta deberi, opportunior. Tum enim in magno summorum hominum concursu, qui quasi apud te gratulandi munere certabant, tanquam minimares, inter maximas, si mea fortuna magis, quàm animus esset spectandus, obruta delituisse: nunc, id quod mihi maxime optandum erat, ita nunc ingentis animi agnoscis à me exiguum munus, ut non tu quidem, à quàm tenui fortuna homine, sed à quam præclare affecto animo, hoc proficiscatur, tibi esse statuendum existimes. Neque tamen comittam, ut pluribus de his agendo, quàm publicæ occupationes multæ, & graves patiantur, quibus distineris, videar sperare, ad animi mei voluptatem declarandam, ullam orationem parem fore: sed illud tantum enitar, ut ostendam, hoc uno etiam videri magnam hanc ipsam voluptatem meam debere, quòd me illam consequi ulla facultate dicendi haud sperem. Ac, quoni-

quoniam in tanta gerenda re, quo minus  
insigne ullum meum meritum existeret, meæ  
vitæ rationes prohibuerunt, à prima mea  
adolescencia susceptæ: quod reliquum est,  
operam dabo, ut stylo eam causam suscipiam  
tuendam, quam alii defenderunt armis, tu  
invicta manu, consilio, atque animi robo-  
re incredibili, ab inimicorum subita conspi-  
ratione vindicasti. Id est futurum, si quàm  
primum, de tota gesta re, conscriptum com-  
mentarium mihi jubeas tradi, unde mihi  
liceat integram historiam, uberiores certe,  
& si modo mea modestia id dici à me patia-  
tur; ornatior, luculentiorque con-  
texere. Quæ mea in hac tota re ratio sit, si  
licebit agere coram, quod ut mihi liceat &  
opto, & spero adeo, paucis ostendam. In-  
terim brevitati meæ ignosces: quæ eadem  
est tota aut tempori, aut meæ modestiæ tri-  
buenda. Plane vero illa videar carere, nisi  
gravissimarum tuarum occupationum, quæ  
te manent, constituenda repub. defunctum  
bello, sim memor. Vale, augustissime, &  
fortissime princeps, in quo uno positum est  
nostrum præsidium, decus, & cum tua con-  
iuncta totius regni salus. *Claudiopoli,*  
*IX. Kal. Sextil. M D LXXV.*



AD EUNDEM  
TRANSYLVANIÆ  
PRINCIPEM.

**N**unc vero est, maxime princeps, cum mihi mea vita, quam insigni fortunæ injuria, casus aduersi multi ad hunc diem jactarunt, spe omni, atque expectatione debet esse carior mea. Ita enim me expetis tantus princeps, ut etiam si tui tam præclari de me judicii causam nullam in me agnoscam, qui mihi magis ex meo sensu, quam ex cujusquam judicio cognitus sim, & fructu tamen singulari fruar, quòd tibi dignus sim visus, de quo ita statueres, & meæ modestiæ fructu simul non sentiam privari. Neque enim quòd dignus tuo tanto munere sim habitus, sentio de me magnificentius: sed totum id tuæ singulari beneficentiæ, amicorum studio, per quos mihi tantum apud te licuit assequi, adscribo. Ac quanquam est perhonorifica conditio, quæ est mihi tuo nomine oblata, non me tamen illa magis movet, quàm certa abs te mihi injecta spes fore, ut indies meæ apud te industriæ fructus uberiores referam: in quo quidem facile intellexi, ingens tuæ benignitatis argumentum, & munifi-

nificentia exstare in studiosos homines optimarum artium, in quorum me numero haberi audisti, certe nunquam indignum, visum, qui haberer, si voluntas quædam præclara semper laudanda est, ubi etiam minus pares consequantur vires. Quod nisi ego omnibus vitæ commodis, atque ornamentis antepōnam, nihil causæ subesse existimem, cur non plane ferreus omnem videar humanitatis sensum exuisse. Atque equidem facile intelligo, quanta nunc mole officii premar: quem cum minime fugiat, quantum tibi debeam, qui tantum mihi honorem habueris; vires deficiant tamen, quibus fretus, sperem me aliquando referendæ gratiæ parem fore. Quæ res tamen quò me minus angat, summa tua æquitas, ac magnitudo animi facit: ita enim in conscientia rectissimi animi fructum habes tuæ liberalitatis constitutum; ut qui semel tibi debuit, eum, quamdiu illius rationes requirant, facile tibi debere patiari. Equidem faciam, quod à me totum est, ut cum inducam animum tibi debere, idem quòd in tuo ære sim, id mihi esse præclarum, ad nominis commendationem putem. Ita enim ego, pro summo tuo in me merito, parem tibi gratiam non possum referre, ut, quod possum, maximam habeam, atque immortalem, Quam meam voluntatem, etiam si non de-



spero fore, ut ex his meis ad te litteris plane perspectam, cognitamque habeas, si quando mihi continget invictas tuas illas manus deosculari, quibus me complexus ad salutem absentem, tua gratia, & liberalitate augendum, honestandumque censuisti, oratione, fronte, vultu, qui est unus certissimus index animi, spero te exploratam habiturum. Id ut quamprimum mihi contingat (sunt enim mihi cætera explicata) ne mihi ipse sim in mora, plus æquo rem differendo procrastinandoque sedulo enitar. Vale, princeps illustrissime, atque augustissime, & quando cœpisti me in tuorum numero habere, perfice constantia, & gravitate tua singulari, ut cum tibi ego omne animi studium, omnem ingenii vim, & facultatem volens prudensque consecrarim, non præsentibus modo hominibus, sed posteris etiam testatum hoc tuum tam præclarum de me iudicium, multo præclarius de te meum, literarum monumentis esse velis. Certe, ne quando te pœniteat de me ita sensisse, ut vir amplissimus Forgacius tibi sua prædicatione persuadere conatus est, neve eum aliquando de mea fide sponso rem apelles, operam dabo. Iterum vale. Datum Lugduni Kal. Jun. M D LXXIII.

AD

## AD EUNDEM.

*Consolatur lugentem fratris mortem Transylvania principem.*

**C**Um minime dubia ad nos fama, ac mox eam subsequuti nuntii allati essent de fratris tui morte principis optimi, & sapientissimi: pro summa mea in te observantia, immortalibus tuis in meritis, incredibili, ut par erat, mœrore, ac molestia sum affectus. Cujus enim vitæ jactura, in quacunque esset fortuna positus, propter summam virtutem, & sapientiam, nobis esset lugenda; is tot populis gentibusque ereptus, quibus, dum viveret, salutis fuit; non secus, ac si iis afferret lucis, & vitæ occasum; multo acrius, acerbiusque deplendus, deplorandusque videatur. Enimvero misera, atque acerba hominum conditio, quibus ea lege bona contingunt, ut parta brevis voluptas; amissa perpetuus dolor, atque animi mœror consequatur; ea lege eveniunt mala, ut sit miserorum acerba vita, qui his jactantur; jucunda mors, quæ una miseris sit vindex malorum futura. Hanc rerum humanarum vicissitudinem, æterno Dei immortalis consilio, fert provida, & sagax natura suo opere condendo; ut

dolorem voluptas, voluptatem dolor excipiat, nunquam, nisi quanta voluptas sit, doceat dolor, solidam futuram. Ita est grata quies, fessis labore; suavis somnus, vigiliis confectis; jucundus cibus, diu fame conflictatis. Jam assueverat stylus celebrandis bellicis tuis laudibus, efferendis victoriis, triumphis prædicandis, monumentis gloriæ clarissimis ad posteritatem constituendis: quod à nobis munus nostra fides, incredibilis tua felicitas, & virtus requirebat. Sed hanc nobis voluptatem, adversa fortuna invidit: quæ, gravissimo tibi imposito vulnere, nos coegit uti stylo tuo sanando dolori, quo libentius tuæ illustrandæ, & propagandæ gloriæ usi essemus. Tametsi, ne in hoc ipso quidem fungendo munere, videor à pristino meo instituto, tui illustrandi, & celebrandi nominis discessisse. Tuæ enim virtutis est, æque ex lætis, & adversis rebus, tibi sternere viam ad gloriam; quò viri fortes, magnitudine animi adnixi, pari celeritate, facili, atque expedita via, & prærupta, atque ardua contendunt, non divitiis, non ullis vitæ commodis, non blanda ulla, ac fallaci voluptatis illecebra; nullis malis, calamitatibus, ærumnis iis, sua acerbitate, injicientibus moram. Nullum enim viris fortibus non pervium iter; nullum mare adeo vastum, atque implacabile; quod

quod horreat virtus : in magnis fluctibus, & adversa tempestate, quasi in portu, & statione tranquillissima, secura. Dejiciunt adversæ res molles, & quibus deest animi virtus, quam fortunæ opponant impetum in se facienti, magnis viris, quò acrius infensusque adversatur, eò uberiores suppeditat materiam ad laudem. Amisisti, STEPHANE rex, eum fratrem, quem cum eo nomine amares, quòd frater esset, quòd tantus esset frater, virtute incredibili, morum sanctitate, sapientia, summi amoris minimam causam in sanguinis conjunctione, & propinquitate haberes. Itaque quamdiu licuit una vivere, una mens, idem animus, voluntas eadem duos rexit : exemplo fraterni amoris, in omni posteritate, memorabili. Neque sejunctis ingenti terrarum spatio deferbuit amor, quem pietas quidem, & religio paterni sanguinis, sed multo omnium maxime studiorum, & voluntatum similitudo conciliaverat. Itaque cum hæreret animis eadem causa amoris ; neque absentium memoriam, distantia locorum oblitescere potuit, & in immensum eadem, amorem desiderio auxit. Itaque fortuna, magna objecta materia, ex alterius morte, alterum dejiciendi ; in superstitem, telum lethale intendit : sed ita quidem ; ut, ea parte hæserit, quæ prona ad mortalem naturam sensibus



libus patet; quæ viget dolor, ægritudo, mœ-  
ror : quæ pestes, homini exitio sunt ; nisi  
rationis robore, divinæ mentis subsidio con-  
firmatæ, disjiciantur. In mentis arcem, for-  
tunæ ictus non pervenit : quò quidem re-  
ceptu quæsito, ita rex fortissimus securus a-  
gis ; ut adversus ærumnas omnes obfirma-  
to animo, fortunæ insultanis impetus o-  
mnes facile contemnas. Urat quæ potest  
dolor, fodiat, pervellat : sed ut ratio, in  
qua viget Dei imago, obtineat in homine  
principatum, & sensuum vim habeat in po-  
testate. Quod illa quidem facile in magno  
homine assequitur, qui, ne ratio sensibus  
succumbat, subsidium à mentis arce,  
petit : quæ divina, pura, immortalis,  
gerit pro ratione, ubi ad se perfugiat, ad-  
versus sensuum vim se efferentium, invicta  
bellum. Sint doloris causæ multæ, & gra-  
ves, quæ hanc tantam jacturam consequan-  
tur : una ratio dolorem sanat : quæ docet  
magnum hominem modice debere iis ma-  
lis commoveri : quæ extra se posita fortu-  
næ maleficio, vel potius, ut rectius Christi-  
ani homines credimus, sibi Dei immorta-  
lis æterna providentia evenire intelligit.  
Ereptus tibi morte est, Stephane rex, frater  
conjunctissimus ; cujus sapientia, & confi-  
lio republica innixa, populi habitimiti, ac  
facili imperio, otium, concordiam, &, quæ  
hujus

hujus propria sunt, digna studia liberis hominibus colebant. Atque quid dico ereptus? imo, quando visum est, naturæ redditus, hoc est imperanti Deo: qui, ut recte sapientes ajunt, ea lege dederat, ut, nulla præscripta die, quasi creditori reposcenti suum, simul atque appellaret, restitueretur. In eo vero, cum suis præclare agit, iis, semper propitius Deus, ut nunquam eos, quasi de credito, appellet, nisi quo tempore iis expediat solvere: quod quidem non ex nostro sensu, qui fallax, & imbecillus est, sed ex sua sapientia præfinitum habet. Et dolendum tamen est gentium, & populorum causa, qui in sanctissimi principis interitu fatum publicum queruntur: nemo negat: sed ita dolendum est, ne superbe Deo præscribere videamur: cujus divino consilio, ita principes præfuturi populis oriuntur, & occidunt, ut ei facultas ne desit, excitandi inde mortui locum salutarem principem populis futurum. Doles tu vero fratris mortem: (quis autem non illam, cui fuerit ejus perspecta virtus?) sed modice doles, sed ita doles, ut hoc dandum humanitati censeas; erectam in Deum mentem, magnitudine animi sustineas; in Dei immortalis æterna sapientia, quò refers tua consilia omnia, acquiescas. Sensisti tantum tibi illatū vuln9, quod effugere, non fuit tuæ potesta-

potestatis: quod viri fuit, & potuisti præstare, in potestate ipse habuisti dolorem: qui, ut vere dictum est, opprimit, nisi in principio opprimatur. Ut vero carere dolore, accepto vulnere, non hominis est, sed statuæ hominis formam referentis: sic immoderate ferre humana quæ nisi superare in homine ratio posset, non vere, humana dicerentur; nimium angere, torqueri, excruciarier, indicia sunt rationis in homine sensibus servientis: quod eorum proprium est, qui hominis dignitatem, cum bestiarum natura commutarunt. Quid autem est causæ, cur plus æquo nos angat eorum mors, qui nobis sunt cari? quod nos illi, an quod illos nos amiserimus? Si, quod nos illi: felicissima vero illa amissio, quæ, per hujus vitæ dissolutionem, parat nobis aditum ad æternam felicitatem? Nam quid nos amisimus, quare sit nobis eorum, quos vivos amavimus, jactura dolenda? quid vero cari homines nobis vita functi adimunt, quod cum vere eorum dici possit, nos torqueat amissum? divitias? aurum? gemmas? pretiosam suppellectilem? regna? imperia? Nos vero miseros, qui nostri ignorance quæ vere nostra sunt contemnimus: quæ sunt aliena, & adventitia, quasi nostra, amissa lugemus. Non sunt nostri liberi, non parentes, non propinquitates nobiscum, atque amicitia conjuncti, non ulla  
fortu-

fortunæ bona, sed Dei, qui ea dat ad tempus, & repetit, ubi visum est. Nam quæ vere sunt nostra, è corpore, tanquam è tetro carcere migrantes afferimus ad Deum: cætera, quæ mortalia sunt, terræ, unde sunt hausta, relinquimus: quæ nihil gignit sub cælo, quod ortum non aliquando intereat. Amisimus aliquid tamen, & quidem quod esse, in vita maximum credimus, in qua, quicquid est, quod nos teneat, præ illa beata vita, ad quam nobis aditum aperit honesta mors, est minimum habendum; consuetudinis fructum, sermonis, congressus: quem, cum virtus, morum, & vitæ elegantia commendat, suavissimum quidem homines referunt, sed ita, ut, cum eo priventur, doleant, ut homines, id quod æque & natura patitur, & ratio non repugnat: ut Christiani homines, certa spe innixi, se, cum iis, quos amarunt, apud Deum immortali vita fruituros; æquiore animo desiderent amissum: id quod præstare in infinito hominum numero, quò nostra miseria videatur major, unus, aut alter novit. Fingi enim liberis in magnam spem natis, immaturam vitam ereptam: dolorem parentes non ferimus; fletu, comploratione, questu, malum, quod prava opinione nobis magnum fingimus, multis partibus augemus: non ratio, non virtus, non sapientium præcepta, nos ad san-

nitatem



nitatem possunt revocare. Ita ne vero ? Quid nos ita afflictamus ? Quantum est hoc quod amisimus ? quid aliud vero habet productior vita ; quam patientiorem apertum, fortunæ campum , ad nos , aut aperta vi , aut fallaciis , atque infidiis evertendos ? Quot beati in primo ætatis flore occidissent ; qui miseri , exacta ætate , & cum infamia , & dedecore interierunt ? Vix mihi sufficiat dies , ubi eorum persequi exempla velim , quorum gloriam , partam maximis gerendis rebus , cum vitæ terminos , ad ultimam usque senectam produxissent , turpis , atque infelix exitus deformavit. Paucis quidem è multis ero contentus , ne parum confidere tuæ constantiæ , & sapientiæ , videar : cujus adeo nobis multa documenta , & præclara dedisti , ut ad ea contemnenda , quæ multis terribilia videntur , non solum tu non indigeas aliorum exemplis , sed cumulate habeas ipse , unde alii exempla sumant. Nam Polyocrates Samiorum tyrannus , cum perpetuo felicitatis cursu , ita diu vitam produxisset , ut gloriaretur , nullum sibi unquam illuxisse diem , quò minus sibi sua fortuna placeret , beatissimus , ut sibi videbatur , futurus , si anno minor decessisset , supremo vitæ die in crucem actus , clarissimo exemplo docuit , non esse in longiore vita , quod unum omnibus est in votis maximum , sed in honesta mor-

morte, veram felicitatem statuendam. Verissimum enim est, quod Christus, æterni patris sapientia, duobus fratribus dixit, ambientibus apud illum euectum in cœlum, principem locum: Nescire enim vero illos, quid peterent: quod verbo illis quidem, re omnibus dictum, videri debet: quos Christus docuit, non quæ suavia videantur, divitias, copias, longiorem vitam, sed, quæ æterna Dei voluntate sancita, constabilitaque sint, supplicibus votis precari. Jam, Cræsum, qui superbo iudicio elatus, omnium in terris se esse beatissimum statuebat, & vero, ob ingentes thesauros, & immanes divitias, esse credebatur; euectum regno, captivum, palo alligatum, rogo impositum Cyri victoris imperio, & mox vivum cremandum, Solon, & vidit, & conservavit, ab illo olim euectus, quòd ne proximum quidem felicitatis locum à primo ambienti adjudicasset. Quid de Pompejo summus orator, vir idem sapientissimus, ubi de morte, contemnenda agit, in eandem sententiam, scriptum reliquit? operæ præmium quidem fuerit audire. Nam cum ostendisset, beatissimum futurum Priamum, si cecidisset, vivis quinquaginta filiis, incolumi regno, fuisse eundem infelicissimum, cui longior vita, quò esset mors miserabilior, contigisset: Pompejo, inquit, nostro familiari, cum graviter

viter ægrotaret Neapoli, melius est factum. Coronati Neapolitani fuerunt (voti damnati, quod pro ægroto fecissent) nimirum etiam Puteolani vulgo ex oppidis, publice gratulabantur. Ineptum sane negotium, & Græculum; sed tamen fortunatum. Utrum igitur, si tum esset extinctus, à bonis rebus, an à malis discessisset? certe à miseris. Non enim cum socero bellum gessisset; non imparatus arma sumpisset; non domum reliquisset; non ex Italia fugisset; non, exercitu amisso, nudus in iervorum, ferrum, & manus incidisset; non liberi defleti; non fortunæ omnes à victoribus possiderentur: qui, si mortem tum obisset, in amplissimis fortunis occidisset. Is propagatione vitæ, quot, quantas, quàm incredibiles hausit calamitates? Hæc quidem verissime Cicero de Pompejo, sed ut multo uberius Plutarchus. Namque illud addit: Neapolitanorum, & Puteolanorum studia, æmulatas fere alias Italiæ omnes civitates, & municipia, festos dies, pro recuperata illius valetudine egisse: usque adeo, ut iter facienti cum conjugibus, & liberis obviam coronati prodeuntes, victimas, & libamenta offerrent, gestarent faces, flores jacerent, ac gradientem comitarentur. Quatum gloria, quanto satius fuisset, cum vita Pompejum carere, quàm vitam miserabilem

lem suis, ludibrio adversariis futuram, regiorum mancipiorum superbo imperio finire? Itaque, qui è tribus orbis terræ partibus, triumphum clarissimum retulisset: jacuit mactata victima occidenti patriæ, ingens in littore truncus, avulsumque humeris caput. Nam Cæsar, qui Pompejum vicit, uno nomine miser, quòd se beatissimum crederet, se esse miserrimum ignoraret; cum, ante civilia arma, bellicosissimarum gentium victor, Romani imperii fines eosdem, & orbis terræ constituisset, quo tempore optime de patria meritis, magna parta gloria, occidisset: reus posteris oppressæ, atque everse patriæ, & tot malorum, quæ sunt illius mortem consecuta, à suis civibus est interfectus. Raro homines non offendunt in longo vitæ cursu, multa semper fortuna objiciente, quæ cum nos improvisa opprimant, non facile vitari sine offensione queunt: ut sit in optatis unum maximum habendum, in tot casibus adversis, qui vitam nostram perpetuo circumstant aut constantia ferendis, aut consilio vitandis, offensione quam levissima defungi. Quæ vero vitæ nostræ ratio? Antequam iis potiamur, quæ bona ducimus, quibus plectimur malis? Ubi datur potiri; quo angore, quo afficimur metu, ea, quæ parta habemus amittendi? dum optamus,

G

cupi-

cupiditate, & spe miseri; dum fruimur, miseri metu. Adest vero animus, qui mala imminetia præfagiens, quò quis magis prudentia excellat, eò longius impendentia horreat, & reformidet: ut nisi nos certa persuasio ex divinis literis, immortalis vitæ nobis desponsæ faciat fidem; fateri cogamur, rationem, unde est in homine prudentiæ vis, nobis naturam dedisse, dum vivimus, supplicii loco. Quæ autem ea vere dici possunt bona, quibus cum nos fortuna effusissima cumularit, ne ita quidem nos explere queat? Monstrum hoc fædum, atque immane est, in hominis natura: cum ejus sit animus, rerum omnium avidissimus, omnia appetat, poscat omnia; continuo ea adepto, quæ poscebat, vilescere; & præ iis, quæ sperat, præsentia, quanquam illa maxima, sordere. Quis vero cupiendi modus, nisi eum rara virtus, & ratio imponat, in eo animante, cujus est animus, rebus omnibus, quæ sunt in terris, major? Nota est ambitio Alexandri regis, qui cum audisset Anaxagoram, philosophum celebris nominis, docere solitum, innumerabiles esse mundos, dicitur illachrymasse; cum quereretur, ex infinitis, nondum sibi, post tot, tantasque res gestas, uno potiri licuisse. Vastus animus, immensus, & nullis finibus circumscriptus, ubi à se digressus, per inanes



anes rerum species vagatur, nequicquam, quærens, quibus sitim immanem habendi restinguat; non secus frustratur, ac si quis Ætnæ incendium, speret se aquæ haustu restincturum. Ita quæ bona sua natura sunt, pravo errore animi parta naturam mutant; & sunt exitio, quæ esse usui, & compendio debuerunt. Nam quæ habet vita incommoda, cum sint innumerabilia (recte enim qui dixit, nunquam homini evenisse bonum, quin illi duo essent adnexa mala, multo rectius quidem quingenta dicturus) una virtute tolerari modo, atque æquitate animi possunt: qua quotus quisque est ita subnixus, ut ubi se invehant, & impetum faciant, speret se ab his, invictum animum, præstare? Nam, ut hoc maxime assequatur, non effugit laborem tamen, qui est in pugna cum reluctante malorum sensu, acerrimus obeundus, non ærumnas, morbos, exilia, egestatem: quæ ita comes sequitur laus, ut magno pretio, & mercede emptæ sequatur comes. Neque principatus, & magna, atque opulenta regna, homines beatos reddunt: quæ, non eorum causa, qui regnant, sed eorum, qui imperantibus parent, sunt in societatem hominum invec̃ta. Sive enim vere sunt reges, iusti, sapientes; ingentem curarum molem sustinentes, quorum uberimum præmium referunt, summum in ter-

ris honorem; non dies, non noctes quietis locum nacti, perpetuis curis, molestiisque, conficiuntur: cum, ipsi contenti modo ea gloria, agant, quæ recte regio munere functos manet; fructus omnis ad eos perveniat, concordia, pax, otium, qui iusti, & moderati regis imperio continentur. Nam si per vim, immane, & violentum in populos imperium obtinent, quæ mors, non est eorum vita tolerabilior? Quicquid vero vetus illud jactent: Oderint dum metuant; quænam illa felicitas est, qua non prius possunt frui, quam fateantur; in summa voluptate habere constitutam scelerum pœnam? Quæ autem non mitior servitus, eorum dominatione, in quos imperantes per vim multis, exstet multorum justissimum odium? Quæ est illius vita, qui animus, qui ea lege unus velit à multis timeri, ut intelligat multos uni esse metuendos? Quod quidem docuit Dionysius tyrannus, non scito magis, quam salutaris commento. Namque cum unum ex assentatoribus miris laudibus illius fortunam, & felicitatem effarentem; regio apparatu accumbere, aureo lecto, textili stragulo, magnificis operibus picto, astantibus multis, ut moris est, quorum corona esset accubatio augustior, jussit suo loco sedere, & simul suos, ut sibi consueverant, omnia poscenti ministrare; cum, interea,



interea, clam, supra accumbentis caput, è lacunari sēta equina appendendum gladium curasser: quem, cum miser impendentem cervicibus horreret; non sine astantium risu, ut liceret abire, postulavit: non enim se ea lege esse beatum velle. Quem locum, ut solet omnia, est Cicero luculenter in Tusculanis persecutus. Hac conditione qui regnat, ut illi sint suspecta omnia, cuncta timeat, non suis, non exteris fidat, in regiæ penetralibus uxoris venena, ficas horreat; is quomodo vitam beatus aget? Nam Dionysius in Damoclis assentatoris persona, suæ fortunæ imaginem ad vivum expressit: ut minime mirum sit, tam belle Horatium eandem carmine repræsentasse, inde mutuatum:

*Districtus ensis ( inquit ) cui super impia*

*Cervice pendet; non Sicule dapes,*

*Dulcem elaborabunt saporem,*

*Non avium, citbaræque cantus,*

*Somnum reducent: somnus agrestium*

*Lenis virorum, non humiles domos*

*Fastidit, umbrosamque ripam,*

Non Zephyris agitata tempe. -- Ergo tyranni errore imperitorum hominum beati, quæ præpostera felicitas est, miseri suo. Non enim referantur regum pectora captis nominis majestate, regiæ splendore, affectatorum turba, auro, gemmis, quæ imperitis



oculorum aciem perstringunt, ut quæ in his curæ lateant. qui mœrores, & cruciatus exedant animos paventium semper, atque ad omnia trepidantium, possint propius spectare.

*Non enim Gaza, neque consularis*

*Summovet lictor miseros tumultus*

*Mentis, & curas laqueata circum*

Tecta volantes. -- Nam justus, & sanctus rex, si quo bono fruitur, id totum, qua parte vere felix, & beatus est, agnoscit, à bene conscio animo, juste, & recte administrati imperii. Illa enim sunt honoris, ut qui unus videatur multis imperare, rex nomine; dum regnat re unus serviat omnibus; unus vigilet, ut multi quiescant; bella gerat, pro omnium otio; foris arceat inferentes arma; domi præmia bonis, improbis pœnam constituat; laboret perpetuo ipse; æstuet animo; parcat aliis; in eo sibi præmium luculentum spondens, si positis suis in tranquilla statione vitæ, fructu laborum liceat frui, quos eorum causa perfert gravissimos, & maximos. Quibus malis, qui cum mortali vita carent; quis est qui putet recte mortuos lugendos? Quid vero aliud est vivere, quàm per vastum, & profundum mare, quasi inter cautes, & Syrtes, inter gravissima vitæ discrimina, tendere ad portum? quem quidem tranquillissimum, & tutissimum ab  
omni

omni fortunæ impetu, qui alibi quærunt, quam in vitæ migratione recte, & cum laude actæ, longe falluntur. Ad hunc portum felicissimum ii adspirant, qui caste, atque innocenter vitam agentes; non se vivere inter tot objectas imagines mortis, sed peregrinari credunt, tum beati futuri, cum devicto humani generis hoste, ac rejectis mortalitatis involucris, è vita pæana canentes, ad Christum imperatorem migrant, qui vere est vita hominum, & salus. Florent vero ii, qui in ea vita habent positam felicitatem; quæ cum est longissima, ne momentum quidem minimum est vitæ immortalis habenda. Quanti vero illa bona æstimanda, si eorum amissione movemur, quæ cum avide expetantur, non pellunt sitim hausta, sed augent? Nulla est in homine felicitas tanta, non nobilitas, non divitiæ, non voluptates, non honores; nulla alia sunt bona, quæ ita nobis amabilem hanc lucis usuram efficiant, ut non multo plura sint mala, quare ducant sibi homines mortem expetendam. Itaque si in altera lance omnia ponantur, quæ jucunda homini, & suavia sint, instructæ epulæ regio apparatu, generosa vina, suavissimi, & mollissimi odores, musici cantus, puellarum chori, tum quæ maxime eruditos oculos oblectant, antiquo opere signa elaborata, pictæ tabulæ egre-

læ egregii artificis manu; in altera cuncti animi, & corporis morbi, angores, cruciatu, & unde hæc manant, odia, inimicitia, similitates, contumelia, indignitates, acerbitatesque omnes, quæ undique mortalibus impendent; haud dubitem affirmare, quod de virtute sapientes dixerunt; quin ea lanx, in qua sint mala imposita, terram omnem suo pondere, & maria deprimat: ut nisi nos secus suadeat Christiana pietas, nemo sit futurus, quin præclare illud dictum, a nescio quo Sileno putet: Optimum homini, non nasci; proximum, quàm primum mori. Quam sententiam ab Euripide in Cresphontem translata, ut est à summo oratore reddita latino carmine, non est alienum à suscepto munere hoc loco repræsentare:

*Nam nos, inquit, decebat cætus celebrantes domum*

*Lugere, ubi esset aliquis in lucem editus,*

*Humane vitæ varia reputantes mala:*

*At qui labores morte finisset graves,*

*Hūc omnes amicos laude & lætitia exsequi.*

*Cujus sententiæ alterum caput, usque eò rejicimus Christiani homines; ut cum optimum esse hominem nasci, contendamus, illud fateamur tamen; ubi quis morte iis malis exsolvatur, quibus vivens ictatur, decere amicos funeri iusta solventes, cantu, &*

tu, & lætitia prosequi, non funebri nœnia,  
& comploratione, ne veram felicitatem  
nacto, invidere amici videamur. Fuisse  
quidem veteres ferunt, Hegesiam quen-  
dam Cyrenaicum philosophum, qui de vi-  
tæ malis ita diserte, & copiose differeret,  
ut multi ex illius auditoribus, vi, atque o-  
rationis artificio persuasi sibi manum in-  
ferrent: quæ causâ gravis Ptolemæo regi  
fit viâ, ut regio edicto eum de his in po-  
sterum agere in scholis vetaret. Atque hac-  
tenus quidem de iis malis egimus, quæ o-  
mnibus impenduntur neminem ita eximiū  
habent, ut eorum plane se esse expertem  
gloriarî queat: quid de iis dicemus, quæ  
ejus unius vitam circumuallatam, circum-  
scriptamque habuerunt, cujus nunc desi-  
derio languemus? Parum æqui judices, quæ  
modo amisimus bona, cogitamus; quæ ii  
sint adepti, quorum lugemus vitæ inte-  
ritum, nobis non venit in mentem cogi-  
tare. In quorum quidem numero, mini-  
me tu rex gravissimus, & sapientissimus es,  
cujus jam pridem testata omnibus constan-  
tia, & magnitudo animi, te in adversis tem-  
poribus, à malis omnibus ostendit invi-  
ctum. Recte tu quidem dolens fratris tibi  
conjunctissimi vitam importuno tempore  
ereptam, quem unum habebas participem  
consiliorum, unum qui cum lata, & tristia

omnia communicares: doles ereptum tot populis principem optimum, & iustissimum, secundum te regem tantum, unum gentis Bathoreæ ingens, atque eximium decus: sed, quo æquiore animo sis, ita doles, ut simul cogites, quibus sit, per vitæ functionem, liberatus malis: ad quam sit evectus felicitatem mortuus. Nemo illo castior, iustior, sapientior habitus, nemo ad vitæ honestatem, & morum sanctitatem propensior, quam ingenio insitam, domestica disciplina auxit. Aderat nobilitas, quæ cum virtute, & probitate, certaret, quæ, ut erat, summa habebatur: cætera quæ magnum hominem, & summo loco positum ornarent: sed quo tempore tanta virtus esse usui patriæ debuit in Transilvaniæ principatu collocata, afflicta valetudo vehementissimis doloribus, & qui vix essent in otio, & privata vita tolerabiles, animum defecit, ita vegetum, atque alacrem sustinendo onere imperii, ut succumberent vires, quæ animum digna se cogitantem molientemque adeo, minime consequerentur. Itaque cum simul artuum doloribus arderet, simul angeretur animo, quod minus per morbi vim, liceret volenti publica munera obire; illud, quod necesse erat, accidebat, ut & principis malum publico, & publicum malo prin-



principis augeretur, cum esset cum principis salute, & pernicië, reipublicæ salus, & perniciës conjuncta. Accesserunt liberorum, quos alta indoles commendabat, & mox uxoris lectissimæ, & pudicissimæ principis cumulata funera. In quibus malis ita erecta virtus, atque altitudo animi exstabat, ut nisi illa ingentia essent, & non ferenda aliis, haud his perferendis tantus eminere inter cæteros virtute, quantus honoris majestate excellebat. Neque enim ille fortis, qui ea fert, quæ ferre multi possunt, sed cujus virtus in iis conspicitur, quæ alii desperent se posse perferre. Et si autem tum in morbis, & cruciatibus corporis, tum in jactura carissimarum rerum, est maxime posita materia virtutis, non ob eam causam tamen magnus vir, aut sibi ultro morbos asciscet, aut franget crus, aut brachium negliget loco motum, aut --- in mare proximum

Gemmas, & lapides, aurum & inutile,  
Summi materiam mali Mittet: --- nullo enim tempore vacat à rebus cum laude agendis vir fortis, & à secundis æque, & ab adversis rebus virtutis materiam fumens. Nam in his celsum se, atque erectum, victo dolore magnitudine animi; in illis moderatum, & æquabilem, repressa animi ferocia, quæ raro non cum læta fortu-



fortuna existit, quod est unum in vita hominum difficillimum, novit præstare. Itaque ille idem vir magnus, & virtutis documentis multis clarus, quamdiu sperat suam vitam & patriæ, æque & suis esse usui posse, morborum vim omnem perfert, ut vir; ut homo, ea spe dejectus, nisi religione prohibeatur, voluntariam mortem eam calamitatē redemptam malit, quam perfert ingenti cruciatu animi, nullo reipublicæ commodo. Nam qui vere Christianus princeps est, ut noster fuit, non ille quidem sibi mortem consciscet, sed oblatam à Deo, malorum, quibus afficitur vindicem, læto animo agnoscet, & si fieri possit, in illo beatorum cœtu, à quo mœror omnis, & dolor exulat, angetur suorum causa, qui parum opportuno fletu veram, & solidam adeptum felicitatem interpellet. Beati illi vero, quorum fortitudinem, & tolerantiam in malis spes certa immortalitatis fovet; beatissimi, qui spe æternæ felicitatis provecti, fructum, cursu vitæ peracto, dignum sua virtute retulerunt. Non igitur eorum causa dolendum est, qui decesserunt, qui non pluribus bonis morte privantur, quam carent malis, sed nostra: quod sapientem, ut non semel diximus, modice ferre oportet, qui neque plus æquo dolore efferetur, neque omni-

omnino carebit doloris sensu : quorum alterum mollis animi , & muliebris est , alterum duri , atque immanis ; cum quidem , non constantia , & virtute , sed sensus stupore , non moveri eorum morte videatur , quos cum viverent , aut propinquitate , aut amicitia conjunctos debuit carissimos habere. Ergo ut in aliis tuis rebus omnibus , sic in hac una idem es , qui fuisti semper sapientia , & virtute animi adversus mala omnia invictus. Nam & unus optime nosti , quanta illa sint , quæ cum fratre amiseris ; & ita doles amisisse , ut , quod natura postulat , & non negat virtus , mortuo fratri principi , humanitatis partes persolvas : quod decet regem sapientissimum , & fortissimum , non patiæ magnitudine doloris rationem convelli , quæ te doceat contemnere fortunæ tela , quæ frustra mentis arcem , quò receptum quæstisti , immissa petant. Nostro vitio adversæ res , sensu rerum fallaci interprete , graviores nobis , acerbioresque videntur ; nostra culpa nos acrius torquent. Ut enim speculum eo artificio factum , ut objecta omnia grandiora , atque immaniora reddat , fallit se consulentes , nunquam reddens veram imaginem rerum : ita sensus consultus , quem aut nulla , aut perimbecilla ratio moderatur , quæ minima sua natura , & leviss-



& levissima sunt, acerba, atque intolerabilia repræsentat. Ea verissima damna, illa jactura, pestis illa hominum, & perniciies est, scelerum, & flagitiorum magnitudine alienata mens, æstuans pravis cupiditatibus animus, flagitiis contaminata vita, voluptatum illecebris corrupti, atque inquinati mores: quæ omnia mala indicio sunt, extincta in nobis rationis vi, in belluarum naturam nos nostri immemores immigrasse. Quæ vero vitæ jactura est, quam amissam lugemus? Damnum faciunt qui sua amittunt, non qui aliena restitunt. Ut enim alia omnia, ita est vita Dei immortalis munus, & quidem ex illius, non ex hominis præscriptione, aut mature finienda, aut in longum annorum spatium propaganda. Ipse enim unus novit vitæ auctor, quam diu nobis expediat vivere, quando expediat mori. Quod cum aliis omnibus certum esse debet, tum iis maxime, qui, ex Christi oraculis sanctissimis, haustis veræ sapientiæ elementis, ad illius nutum, atque imperium, à quo vitæ ortum agnoscunt, sua consilia, cogitationesque omnes direxerunt. Itaque, & nobiles philosophi vetant, injussu Dei imperatoris, homines è statione vitæ decedere; quod cum vetant, tum multo illud magis, ubi Deo visum sit, eos è vitæ statione

statione revocare, qui superstites iis sint  
flebiliter, ac muliebriter queri: ea enim  
conditione, qua vitæ munus inierunt, in-  
telligunt, omnibus vitæ munere defun-  
gendum. Totius vero hujus mali in no-  
bis culpa est sita, qui pravo errore acti,  
acriores, quàm par est, nostri amatores,  
vitam quam falso credimus nostri juris, &  
mancipii esse, ægre patimur à nobis avel-  
li; ingrati, qui eam, tanquam deposi-  
tum nostræ fidei creditum, ei, à quo acce-  
pimus, reddere recusamus, qui eam non  
ex nostro usu, sed ex suo decreto inexo-  
rabili, æternæ menti fixo, statuit sibi re-  
petendam. Equidem haud dubito, quin  
ii, qui amissos liberos, parentes, fratres  
immoderate querantur, si mortali fas sit,  
Deum in disquisitionem vocare, hæc con-  
tinuo sint audituri: Quæ vero est ista ve-  
stra amentia? quæ arrogantia? elatio a-  
nimi? mortales homines, quorum men-  
tes in terram depressas densa caligo re-  
rum involuit: quorum est omnis vita per-  
petua nox, sapientia tenebræ, veritas er-  
ror; vos qui nihil vestrum agnoscitis, præ-  
ter materiæ labem, corruptionem, illuviem,  
cænum; immemores, vos veram vitam  
habere à divina mente libatam; quasi in  
ista concretione mortali diu hærere possit,  
quæ divinæ naturæ, atque immortalis est;  
revoca-

revcatos ad suam originem animos, ubi sempiterna felicitate fruuntur, quasi erectos vobis injuria expostulatis; multo rectius facturi, si quorum laudabiles mores vobis spem fecerunt, vita functos immortalitatis compotes futuros, eorum in cælum reditum vestra etiam opinione celeriore, & vobis, & iis ipsis adeo veniat in mentem gratulari. Cur vero, quantum in vobis sit post innumerabiles ærumnas in æterna felicitate collocatos fletu, ejulatu, importuno questu interpellatis? At ne ii quidem, qui adversa tempestate conflictati, procul à portu absunt, suis invident, quos jam portum incolumes tenere intelligunt. Cogitate enim vero miseri, quænam sint ea, quæ vestri amiserunt; quæ ea sint, quibus potiuntur, è terris evecti ad Deum, unum hominibus veræ felicitatis auctorem. Intelligetis, solutos vinculis mortalitatis, cum caduca, & fragili natura, ea bona mortuos reliquisse, quæ tum vobis è manibus elabuntur, cum creditis à vobis arctius teneri: ab iis liberatos malis, quibus, admirabili Dei consilio visum est, homines, quam diu viverent, jactari, ne à vita se auelli, quasi è beatorum sede, quæ est animorū carcer teterrimus, ægre ferrent. At quàm nunc felix eorum vita sit, quorum interitum



ritum lugetis, nulla est spes, vos posse assequi; quorum non aures, non oculi, non ulli mortales sensus apti sunt iis, quæ immortalia, atque æterna sunt percipiendis. Ut vero, qui obeunt mandata sibi munera à patrefamilias, quò citius, peracto opere, missi fiant, eò præclarius secum agi putant; item, qui Dei immortalis imperio, in terris vitæ mutæ munus caste, atque innocenter peregerunt, ubi liceat è terris avolare, beatissimam esse mortem debent statuere, unde fessis vitæ laboribus pateat expedita ad cælum via. Nam qui immemores sui vitam traducunt, fœdis voluptatibus, & flagitiis sese contaminantes; iis inertiae, somno, & turpi otio deditis, vita, quamdiu ea datur frui, pro pœna, & supplicio est; cum sint homines, quo nihil est miserius, atque indignius, vivere bestiarum more assuetis. Hæc, inquam, & alia his similia multa, sint audituri, qui nimium molles ferendo eorum desiderio, quos amiserunt, immoderatus frena dolori laxant, quæ adducere, corroborata virtute, ratio debet. Ac ne nobis quære re opus sit, frustra fatigantes animum, æternis minorem consiliis, ut ille ait, cur nobilissimum animantem, effectum ad sui imaginem, morti subjecerit: Christus verissima patris imago, idem homo, idem,

H

Deus,



Deus, æternæ sapientiæ arcana nobis in terris repræsentavit, in divinæ mentis penetralia mentis aciem intendentibus: cuius monumenta literis consignata legentes, non divites beatos esse discimus, non forma, non flore ætatis, non robore virium præstantes, non magnos reges, summos imperatores, qui aliis quidem beati, sibi miseri, conscii malorum, quæ condunt animis, videntur, sed beatos, qui in Domino moriuntur. Huc nos, ubi urgeat vehementius mali vis, nos confugere oportet; & ut in præliis, cum, dubia adhuc victoria, hostes acrius inferunt signa, è subsidiis inducuntur, qui fessis integri succedentes prælium restituant; è sacris literis, cedentibus humanis viribus, sunt documenta petenda, quibus corroborata mens, dolorem, nostra imbecillitate valentiolem effectum, loco motum frangat. Id quod tu quidem facis æque & ab animi sapientia, & à Christiana pietate munitus, qua quidem erecta mens in Deum, unde homini vera oboritur lux, ne in tenebris ruat, novit, distincta, & discriminata habere, quæ bona vere hominis sint, ab iis, quæ esse videntur. Non hanc esse hominum vitam credit, quam mortalis naturæ obterit, atque attenuat dies, morbi convellunt, jactant multi adversi casus, mors postre-

postremo, ubi eam etiam in multos annos  
liceat proferre, fato inexorabili perdit:  
nihil quod hominis sit, credit in morte  
amitti: reddi terris corporis molem, un-  
de est, è crassa, & concreta materia orta:  
divinam illam mentem purissimam, omnis  
corporis, & corruptionis expertem, e-  
missam è terreno carcere, atque alis im-  
mortalitatis sublatam, è terris ad Deum,  
auctorem suæ originis evolare. Tanto  
quidem tibi illato vulnere, voluit te for-  
tuna dejicere de vitæ statu; sed frustra il-  
la intendit suas vires in munitum veræ  
virtute pectus: admirabili enim Dei im-  
mortalis providentia, ut, per secundas,  
& adversas res exercitata virtus, in omniū  
gentium oculis, incredibile fortitudinis  
exemplum, constitueret, non te feliciter,  
per hos annos, administrata respublica,  
non partæ victoriæ, non expugnatae urbes,  
non coactus supplex pacem petere barba-  
rus hostis, tibi extulit animum: quem  
ita habes in potestate, ut nihil patiare in  
te altius conspici tua virtute, quæ te ab  
hoste invictum rapi non sinat fallæ glo-  
riæ æstu, jam pridem assuetum, non te  
rebus, quod multi agunt, sed tibi res sub-  
mittere, quod est certum sapientis mu-  
nus. Vicisti fortunam latis tuis rebus, tum  
maxime insidiantem viris fortibus, cum iis

blanditur, & favet maxime, qua virtute viceras armatum hostem, eadem tibi manus dare, & hastam abjicere coactam. Multi enim semper adversis rebus fortes, qui dulci fortuna ebrii, quasi cum generoso vino, hausto veneno, secundis rebus victi succubuerunt. Ita tu quidem docuisti, quæ magna tua cum gloria gessisses, non te à blandiente fortuna, sed à tua sapientia, & animi magnitudine habere: tuum esse, non solum non parere fortunæ, sed quibus ipsa pareat, imperare, molli- bus, atque effæminatis sæpius, quàm viris fortibus solita morigerari. Nam & hoc ipsum telum, quod nunc in te fortuna in- torfit, non passus descendere in pectus altius vera virtute septum, in magnam tuam laudem vertisti, non magis in tam acerbo casu demisso animo, quàm paulo ante in tot secundis rebus elato. Hoc tu vero agnoscis, à Dei immortalis æterna sapientia in humanis rebus temperamen- tum, ut nunquam illæ diu maneant in eodem statu, &, ut adversas res secundæ, sic secundas adversæ excipiant. Quod cum sapiens optime teneat, se sustinens, nunquam fortunæ nimium credit, &, quod ille egregie ait, paucis multa complexus, sperat infestis, metuit secundis alteram sortem, ita erecto ad honestatem animo, ut in



ut in perpetuo fluxu rerum ipse immobili-  
lis, nunquam, quicquid aut faveat for-  
tuna indulgens, aut officiat adversa, se  
dejici de gradu ulla ratione patiatur. Hu-  
jus rei olim illustre exemplum in L. Paulo  
Romæ fortuna constituit: qui cum ingenti  
gloria victo Perseo Macedonum rege, &  
cum liberis in potestatem redacto, Mace-  
doniæ regnum populo Romano adjunxis-  
set: è duobus liberis, alterum paulo ante  
actum de Perseo triumphum, à triumpho  
alterum continuo amisit. Cujus ille rei,  
in ea oratione, quam post triumphum  
ad populum habuit, sic meminit. Nam  
cum paucis exposuisset, quàm celeriter, &  
ex sententia bellum administrasset: Opta-  
vi, inquit, ut cum ex summo, retro volui  
fortuna consueffet; mutationem ejus, do-  
mus mea potius, quàm respublica senti-  
ret. Itaque defunctam esse fortunam pu-  
blicam, mea tam insigni calamitate spe-  
ro, quòd triumphus meus, velut ad ludi-  
brium casuum humanorum, duobus fune-  
ribus liberorum meorum est interpositus.  
Et cum ego, & Perseus, nunc nobilia ma-  
xime fortis mortalium exempla spectemur:  
ille, qui ante se captivos, captivus ipse du-  
ci liberos vidit, incolumes tamen eos ha-  
bet: ego, qui de illo triumphavi, ab alte-  
rius funere filii, curru ex Capitolio ad al-  
terum



terum prope jam expirantem veni: neque ex tanta stirpe liberum superest, qui L. Æmilii Pauli nomen ferat. Duos enim, tanquam ex magna progenie liberorum, in adoptionem datos Cornelia, & Fabia gens habet. Pauli in domo, præter se, nemo superest. Sed hanc cladem domus meæ, vestra felicitas, & secunda fortuna publica consolatur. Atque hæc quidem Paulus; cujus postrema verba, pro summa tua in Polonos pietate, optime tu quidem potes usurpare, ut illi virtute, barbaro hoste, atque acerrimo debellando, ita æquitate, temperantia, & moderatione par. Tuam enim victoriam non hostis solum genus, qui cum fuit bellandum, sed vis locorum, & temporum etiam, vix hominum virtuti superabilis commendat. Vastæ solitudines, immensæ Sylvæ palustria loca, & expedito etiam homini difficillima ingressu, omnia hyeme rigentia gelu, æstate fœda illuvie liquefcentis soli, & alto cœno impervia, ducenti tibi ingentes peditum, atque equitum copias fuerunt superanda: ut hostis, in quo esset summa belli, & quidem hostis potentissimus, & subnixus immensis viribus, profligatus, fractus, debellatus, videri, præ iis, belli accessio potuerit. Merito inde tui nominis fama ad exteras gentes per-




tes pervagata, ingens gloria, immortalis laus; quæ non quæsitæ etiam, maximarum virtutum, sua sponte semper est comes. Sed tui, in his omnibus victoria major. Vicisti enim, si hoc modo dici potest, victoriam ipsam, quam exultantem ferocia ex successu rerum, tibi parere cœgisti, pacem poscentem hostem non iis propositis conditionibus, quas requirerent secundæ tuæ res, sed quas postularet summa tuæ æquitas, minime aspernatus. Hanc tantam tuam felicitatem, cujus dulcedine, sæpe, in magnis etiam animis, languet, virtus, hoc tuo tam acerbo casu conata, est fortuna corrumpere; sed hoc quidem Dei immortalis providentia, à quo tu adversa, & prospera omnia, in utrisque gerens eundem animum, agnoscis: qui te regem fortissimum, pari in omni fortuna constantia, & robore animi, proponere, exemplar, ad veram æmulandam laudem magnis regibus constituisset. Jam pridem nos vero, quæ tibi fluxa & quanta accidissent, ita fama accepimus, ut simul quæ tua virtus, & quanta his perferendis extitisset, eosdem minime fugeret: eundem ad Transylvaniæ principatum, atque inde, quasi per gradus, ad Polonorum regnum evectum vidimus: cum magna fortunæ commutatio esset, in utraque fortuna eun-



dem te vidimus, moderationem eandem animi, temperantiam, æquitatem retinentem: ut fides esset, unam in te virtutem, imperii habenas moderari, quæ eas in præcipiti cursu adduceret, laxaret in arduis, nullum fortunæ locum relinquens, id quod frustra sæpe molita esset, te de instituto vitæ cursu dimovendi. Lamentari, queri, fletu omnia complere, eos decet, quibus deest alia ratio compescendi dolorem; qui, quod rationi debere æquius esset, debere temporari malunt, molles, fracti, imbelles, in virili sexu gerentes muliebre ingenium. Alia tua est ratio, cujus, proprium est, exemplo docere, unde vires sint, & robur adversus mollitiam animi sumendum. Id quod tu quidem ita facis, ut facile patiare, quod Ennius ait, plebem hoc loco regi antestare. Nam licet, inquit, lacrumare plebi; regi honeste non licet: multo minus regi sapientissimo, & fortissimo, qui & novit quid dolendum sit, & ne dolor erumpat, quò frustra suas vires intēdit fortuna, nisi se animo infra hominis vires demittat, virtute, & fortitudine excellit. Valeas gloriosissime rex, & hunc tuum vere regium animum, in longam añorum seriem (quod ut nobis contingat, Deum immortalem supplicibus votis precamur) invictum præsta. Datum Cracoviæ ex regia arce M D XXCL.

Kalend. Augusti.


JOH.



JOH. MICHAELIS BRUTI  
 SELECTARUM  
 EPISTOLARUM  
 LIBER SECUNDUS.

AD

PETRUM MISCHOVIUM  
 CRACOVENSIVM PONTIFICEM.



Non dubito quin omnes, quibus  
 est summa mea erga te obser-  
 vantia, & benevolentia per-  
 spectâ, hoc persuasum habeant,  
 nihil tibi in vita posse accide-  
 re, aut commodi, aut ornamenti, quin  
 mihi idem gratum, jucundumque accadat.  
 Cum autem alia sunt in te multa, atque  
 illustria, quæ nisi norim, ne me ipse qui-  
 dem videar nosse; nisi cognita amem, vi-  
 dear summo odio dignus; tum in altissi-  
 mo gradu honoris elucet maxime incredi-  
 bilis illa tua humanitas, facilitas, comitas,  
 elegantia, & suavitas morum: quam cum

H 5

pari

pari gravitate conjunctam ita ornat generis nobilitas, literæ, eruditio, cognitio rerum maximarum, in magnis rebus spectata virtus, in amplissimis gerendis honoribus moderatio, ut qui plura sibi ducat in vita expetenda, is egressus præscriptum homini felicitatis modum, Dei immortalis vim, felicitatenique sibi expetere videatur: qui quidem unus beatissimus, eorum omnium est malorum expertus, quibus est obnoxia hominis natura. Accedit vero ad hæc omnia eximius tuus in me amor: quem non plurimum amare, qui possum, & dignus haberi eo ipso tuo amore? Quanti autem hoc sit apud me oportet, si is haberi volo, qui ut essem, semper a primis annis laboravi? Amari enim abs te summo homine, qui ipse es amabilissimus, cum est optandum omnibus, sperandum paucis; tum in eo, qui est tantum affecutus, insigne virtutis indicium est, quæ una modo inter eos amorem conciliat, inter quos etiam magnum fortuna constituit discrimen. Ac quanquam minime hoc multi vident, illud tamen imprimis mihi honorificum est, te hominem gravissimum, & sapientissimum, non posse, sine justissimis causis, quenquam statuere tibi amandum. Quod quidem nisi ita agnoscam, ut grato animo prosequar; tum  
vero

verò fatear, non me solum parum dignum, quem tu ames virtantus, sed quem omnes etiam odio habeant. Non enim plane illud verum, quod vulgo fertur, non ultimam esse laudem, principibus placuisse, viris, sed iis placuisse, qui ita sunt honore, & dignitate principes, ut sint iidem etiam principes virtute, cujus sunt certa præmia principatus, regna, atque imperia. Itaque nemo est miratus, ubi primum nobis renunciatum est, te fratris filiam virginem lectissimam optimo, ac nobilissimo adolescenti collocasse, non secus me esse affectum, ac si ipse in tuo commodo, atque honore, auctus insigni honore, ac commodo essem. Fecisti tu enim me tuo amore complectendo, ut qui amare neminem, nisi tui similem possis, pudoris, fidei, officii amantem: nemo credat, qui sciat, quo apud te loco fin, me passurum à me animi constantiam, in persolvendo grati hominis officio, desiderari. Cum vero ex hoc iudicio de me tuo sentio quàm mecum præclare agatur, tum fructum refero uberrimum. Ex quo enim tempore te cœpi colere, ipse cœptus sum abs te amari, certam mihi imposui legem, ut cum essem tantum apud te affectus tuo merito maximo, nullo meo; tum darem operam acriore studio iis artibus excolen-

excolendis, quarum commendatione dignus tibi visus essem tuo amore, ut non indignus tuo beneficio viderer. Itaque qui mea sponte esse velim, quem viri principes merito ament, nunc, ut is esse etiam videar, tanquam stimulos mihi, facesque sentio admoveri: ut ad voluntatem quandam præclaram, qua mihi proborum de me hominum opinionem tuendam intelligo, accedat lex, necessaria illa quidem, sed, ob eam ipsam causam tamen, quòd est necessaria, eadem mihi jucunda maxime. Neque ego vero, accepto tam læto nuncio, mihi visus essem satis officio functus, si tibi animo tantum gratulatus essem, qua de re intelligebam te minime dubitare: illud addendum etiam censui, ut quod gaudium conceptum animo haberem, cum intra pectoris angustias contineri diu haud posset, scriptis his meis ad te literis testandum tibi, declarandumque statuerem: cujus obeundi muneris quàm mihi justæ causæ, & quàm multæ sint, ut pluribus tecum recognoscam, pro singulari tua humanitate, patiari abs te impetrari. Quò enim majora, & plura sunt, quæ, una fratris filia collocanda, effecisti, dum eadem opera æque & tuis privatim, & reipub. consulis, eò pluribus, & justioribus de causis, nos tibi gratulari æquum



quum est. Debent enim ita esse sancta hominibus connubii jura, ut in eis credant esse situm optimum, ac felicissimum reipub. statum, atque unam rationem, tutissimam, propositam privatis ex hominis dignitate vitam traducendi. Unum, hoc, inquam, est munus maximum in vita agenda, & ut maturo consilio suscipiendum, sic pari gravitate, & constantia ob-eundum per privatorum conjunctiones, unde est propagatio, & origo rerum publicarum, societatem humani generis tue-ri; unum in quo administrando, cum tantum sit, minime homines laborent, ut recte eo, atque exsententia fungantur. Ita vero habet hæc consociatio vitæ cum privatorum salute publicam conjunctam, ut dolendum magnopere sit, iis permitti, tanquam unius res, non publica agatur, de ea impune statuere quod malint. Nam, qui ob eam causam credunt id minus reipub. obesse, quòd nemo volens, & prudens, aut sibi imparem deligat, aut impari suam tradat: is non intelligit, ad recte agendum, non satis esse, velle præclare, nisi ad voluntatem, quo minus præceps feratur, prudentia, & vis consilii accedat: quæ raro in privatis non desideratur: quorum in infinita multitudine, vix unus, aut alter non in omnibus, quæ ag-  
git

git privatum commodum publico præfert. Itaque cum in aliis multis accusandi acrius homines videntur, tum in eo uno maxime, in quo recte, aut perperam agendo, vertit hominum aut perniciēs, aut salus. Nam in fundo emendo cum accurate circumspiciant, quàm fertili, & feraci solus situs ager, quàm salubri cœlo sit, quàm belle, & opportune exstructa villa, fore sperantes, ubi fortuna respondeat votis, ut ex bene culto, & ubere agro fructus copiosiores legant: in quærenda matrona, ex qua liberos suscipiant, quorum hæc causa parantur, omnis curæ expertes, alia omnia potius, quàm salutem aut suam privatam, aut reipub. spectant. Quæ cum ita se habeant, bene iis evenire dicendum est, quibus, cum sint adeo præpostero ingenio, ea contingat sociæ vitæ, ex qualiberos suscipiant sui similes; ut nati modo male partis copiis fruendis, à parentibus debitas expetant pœnas, qui, cum è meliore liceret gignere liberos, utiles tum sibi, tum reipub. futuros, in exsolvendo tanto patriæ munere aut formam, aut divitias, aut genus pudori, & probitati præoptarint: digni illi vero, qui liberis ob tam præposterum iudicium pœnas luant, non sua, sed parentum culpa, & vitio perditis. Quid vero fœdus, & minus homine di-

ne dignum, quàm laborare parentes, quàm opulenti filii relinquantur: eosdem quàm ea fortuna digni, quam iis partam relinquant, quàm probi, prudentes, moderati evadant non laborare? Sed hoc præclare caderet, ubi domestici mali sibi homines modo essent auctores; mali vis, quo plectuntur, non in rempub. redundaret: inde enim tanquam è perenni fonte malorum, intestina in civitatibus bella, seditiones, dissidia, pestesque omnes manant, quæ civitates maximas, ac regna, & imperia opulentissima evertunt. Ac si olim ii populi laudati sunt, apud quos, lege lata, liberi tolli vetabantur, quos nuper natos, ex prava corporis constitutione, minus futuros utiles cives reipub. sperarent; quanto ii laudandi magis videantur, qui, quantum humana prudentia fert, delectu earum habendo, ex quibus liberi gignantur, operam dant, ne tam immanis lex necessaria habeatur? Itaque merito sapientes homines, cum de educandis liberis præcepta traderent, à parentibus auspicati sunt, hanc primam, atque antiquissimam curam eorum debere esse arbitrati, ut è privata domo, tanquam seminario reipub. salutare patriæ cives atque universo adeo hominum generi susciperentur. Cum enim multa sint in hac

vitæ

vita conjunctione quærenda, mores, ingenium, educatio, forma, copiarum: quibus horum contingat potior pars, sunt perpauci, cum nemo non cura intentissima annitatur, ut omnia assequatur: qui plane voto potiantur, id quod tibi nunc video contigisse, raro seculum extulit par. Quæ cum ita sint, ne nostra culpa, id minus, quod volumus assecuti nostra spe excidisse videamur: in eo erit laborandum, ut quam minima id accadat cum eorum, jactura, quæ prima sapientibus, multis postrema habentur. Neque enim respublicæ cui debemus omnia, aut divitias, aut copias prius à nobis, quam probitatem, justitiam, & sapientiam requirit: quæ virtutes maximæ in quibus sunt, ab iis non patiuntur, ea, quæ habentur infra suam, magnitudinem desiderari. In Cælo enim collocata virtus, quæ infra se sunt posita contemnit; cum ejus ope omnia alia indigeant; ipsa nullius egeat, quare auctior aut beatior sit. Itaque in fratris filia collocanda, cum omnia assecutus es, quorum qui sunt adepti partem beati creduntur: tum ita es assecutus, ut nihil sit quod tuæ fortunæ debeas; omnia tuæ sapientiæ referas accepta. Postremo, id quod summæ virtutis, felicitatisque est, unus effecisti, ut per te multis sit nobis gratulandum.



dum. Ita enim tuam despondisti adolescenti nobilissimo, prædito castissimismoribus, omnibus animi, corporis, fortunæ ornamentis perpolito, unde nobis, tibi gratulandi justissima causa est, ut huic ipsi æque nobis justissimam causam gratulandi statuamus, quòd illi nupserit castissima virgo, educata in sanctissima domo, in qua una cum omnia sint summa, quæ mediocria homines admirantur, pudor, religio, probitas morum, cumque his alia omnia, quæ fortuna indulgentissima raro in vita agenda homini largitur, dijudicare qua excellat difficile sit. Felix vero hæc contentio, & beatissima, cum utrique sit, gratulandi causa gravissima, nondum cui sit justior constare. Nam illud pulcherri-  
mum, ita utrinque animos comparatos esse, ut iis non vinci minus, quàm vincere optandum sit. Quid enim potest esse separati in eorum conjunctione, quorum, alter quasi alteri anima, & vita est, ut quamdiu alter vivat, mori alter haud possit? Atque adhuc est mea gratulatio conclusa intra fines privatae domus, amplissimæ illius quidem, & nobilissimæ, sed privatae tamen: quanto effusius reipub. gratulandum est, & Poloniæ regno univèrsò? Quid enim reipub. accidere felicius potest, quàm ex optimorum civium affinitatibus, suscepta spes,



pta spes, optimorum civium subolem propagandi? Quanti vero reipub. interest, in magna natione improborum, sapientem, civem nasci, & patriæ amantem? Quàm sæpe usu venisse legimus, ut unus civis in magnis imperiis, & clarissimis civitatibus multis mortalibus salutis esset. Quacunque te veritas, referta exemplis est hominum vita: in quibus cum aliorum, tum illustria Græcorum multa, & Romanorum monumenta, hæc esse verissima testantur. Unus fuit L. Brutus suis auctor libertatis, Tarquiniis exactis: unus Camillus, qui patriam à Gallis captam virtute, & magnitudine animi à fœda servitute liberavit: unus Claudius cæcus, qui cum Pyrrho pacem diremit: unus Africanus cum paucis, Maximis, Marcellis, Fulviis, Claudis, qui Hannibale, & Pœnis devictis, orbis imperii sedem Romam, domiciliumque constituit. Quid Athenis? Vigebit in omni posterorum memoria, Themistoclis nomen, apud Salaminam ingenti gloria devictis Persis, Miltiadis apud Marathona, Thrafibuli, Harmodii, & Aristogitonis liberata patria à Tyrannis. Ne longius abeam: quot hujus rei exempla vestra Polonia supeditat? An non videtur, ut vetera omit-  
tam, unus Sigismundus rex, per quadraginta atque eo amplius annos feliciter re-  
pub. ad-

pub. administrata, satis probasse, multorum populorum, & gentium salutem uni deberi? non vicinus rex docuisse, hujus fratris filius adolescens, cum patrui consilio regis sapientissimi improbato, fœdus facere cum hoste potentissimo recusasset, ut in uno salutem, sic in uno maximorum regnorum exitium, & ruinam positam esse? Facit tua gravitas, & modestia summa, antistes sapientissime, mea constantia nonnulla, ut de te parcius loquar, cujus quanta sit virtus, & sapientia, ne multis quidem explicari potest: si enim civitates maximæ, ac regna amplissima, civium optimorum consilio, & prudentia, reguntur, maximarum rerum tractatione, ac laudandarum artium studiis confirmata; an non te in lucem orto, fuit patriæ gratulandum? orto autem? an non illud optandum in magnis imperiis, ut tui similes cives unum, aut alterum nasci contingat, cum vix sperandum sit, ut quis terras, & maria omnia lustret suscipi multos? Ita enim te gessisti amplissimis muneribus fungendis, ut duo, quæ sunt aliis difficillima sis consecutus, ut & patriæ serves, iis partibus præstandis, quas illa tibi imposuisset gravissimas, atque arduas, cum pari fidei, atque integritatis laude; & doceres alios tuo exemplo, qui vere vitæ fru-

ctus maximus esset viris fortibus expetendus, adeptus eos honores, qui etiam si sint maximi, nulli sunt, nisi virtuti habeantur, quæ nunquam est vere virtus, nisi cum se una contenta, casus omnes, & fortunam infra se positam habeat. Itaque ut id ipsum repetam, & tua & reipub. causa lator, non potuisse te tuis consulere, tam claris nuptiis conciliandis, quin simul prospiceres patriæ: quæ ex clarissimorum civium virtute, quorum nobilitas splendet in fortunæ summa indulgentia, aliquando sentiat, raro felicitatis exemplo, quid mens rite, quid indolees nutrita faustis sub penetralibus possit: cujus, per longam posteritatis propagationem, patria sperat, similes virtute, & sapientia cives, reipub. temporibus affuturos. Hoc à me habes quasi nuptiale carmen, pontifex sapientissime, haud illud quidem inter eos, qui Hymenæum canunt, sed, quò mihi summa tua humanitas aperuit aditum, in intimo tuo pectore, amoris, & observantiæ perpetuæ in te meæ certum pignus condendum: quo loco ut diu vigeat, impletis tuorum votis, & meis adeo, Deum immortalem etiam, atque etiam rogo. Datum ex arce Cracoviensi M D XLIX. XV. Kalend. Quintil.

AD

A D

ANDREAM SBOROV-  
VIUM, S. R. AULÆ  
PRÆFECTUM.

**R**Eddidit mihi tuas literas Seb. Crivellius, quibus erat adscripta dies Kal. Mart. in quibus cum me alia exhilararunt, tum illud unum maxime, in magna curarum mole, quam sustines, & reipub. causa, & privatæ tuæ, apud te vigere memoriam mei. Atque equidem non ignorabam, quanta esset tua constantia amando, & fovendo me, illustribus tuis in me officiis testata multit; sed etiam illud me minime fugiebat, multa, sæpe cuivis posse accidere, quorum causa non aliorum illi solum, sed sui etiam oblivisci præclarum sit: id quod pariter tibi posse evenire, nulla cum cujusquam justa expostulatione, tua summa cum laude, facile intelligebam, summo homini, & apud regem sapientissimum inter regni principes rempub. administranti. Illud unum, fateor, nonnulla me molestia asperfit, cum mihi onus imponeres per se gravissimum, te illud addere, quod ego minime agnosco, meis viribus, munus, quod multis grave, atque arduum esset, & facile, & leve fore. Et

I 3

vero

vero in eo tibi facile assentior, ut leve mihi esse fatear hoc officii onus, præsertim, tua causa susceptum, sed ut illud etiam addam, id futurum, ubi in exigendo officio, quid velim modo, non quid rei magnitudo postulet spectes; qua quidem præstanda, non semper voluntatem, ut illa, etiam eximia sit, æquant hominis vires. Huc accedit opinio multorum, cum de rebus aliis, tum de hac ipsa nobilitate imprimis, de qua quæris, quorum animos, ubi semel insedit altius, nullum telum valentius percellit. Ita si quis demissus è cælo, probet argumentis firmissimis, eos in iis, quæ credant fæde labi; continuo clament, hominem ad extremos Scythas amandandum; ut mitius cum illo agant, facessere cum nova sapientia jubeant: quæ frustra suas copias explicet, ubi eos, quibus consulere velit, nulla lux illustret, quæ oculis captis, quantæ illæ sint, & quàm uberes ostendat. Nam si quis arreptum è populi corona interroget, quid nobilitas sit; tum monstra ab illo, & portenta audiat: qui si in clara domo fictum hominem ex argilla, aut lapide videat, illum nobilem, & summis afficiendum honoribus censeat. A cujus judicio sapiens longe aberit: qui in parva sæpe, & humili casa, rusticum patrem familias nobilem agnoscit, atque è fictilibus



bus olus, & nasturtium sumentem: cuiusmodi olim fuisse Fabricios illos, & Curios fama est, maximorum regum victores: sæpe idem, eum, qui lautus in regum mensis accumbit, ostentantem majorum imagines, ac longa mora, orationes, triumphos, superbos nobilitatis titulos è veterum fastis recensentem, ne dignum quidem statuit, qui hac usura lucis fruatur. Neque hic tamen videri velim decus nobilitatis splendoremque elevare: qui quidem est tantus, ut, post multa etiam secula, præluceat posteris, nullis temporum spatiis præfinitus: illud contendo, cum nullus sit ejus lucis occasus, quæ à vera nobilitate oriatur, fieri sæpe posterorum culpa, ut iis sit dedecori, quibus debuit esse ornameto. Fuit semper apud omnes gentes permagni nobilitatis honor, præmium unum eorum, quæ homines præclare gerant, maximum, atque amplissimum. Nam, ut quis cuncta numeret, quibus qui potiuntur, in vivendo, beatissimi esse existimantur, divitias, copias, commoda, voluptates, ei si optio detur, malit iis omnibus carere, integra existimatione, quàm, sine ea una, in maxima rerum omnium opulentia, orbis terrarum imperio potiri. Neque qui ita credunt magnopere falluntur si præmia, non ex eorum virtute, qui ea sunt,



sunt promeriti, sed ex eorum facultate sibi censeant spectanda, qui quæ credunt esse expetenda maxime, optime de vita, hominum meritis persolvunt: laudes enim, gloriam, nomen, famam dat multitudo, quæ his non habet potiora: quæ quidem etiamsi viri fortes non contemnunt, quibus quidem cum sit cum multis vivendum, præclarum est, à multis coli, atque in honore haberi; majora tamen præmia animo habent constituta, quàm quæ tribui à multitudine queant. Nam eorum una ratio est, ut qua temeritate comparantur, eadem parta amittantur. Itaque multi, prisca temporibus, cum ad summum gradum honoris pervenissent; inde, quasi subito ictu fulminis, gravi fortunæ casu deturbati, illustria documenta posteris, popularis inconstantia, temeritatisque reliquerunt. Hinc Camilli, & Africani exilium Romæ; Athenis Themistoclis calamitas; Miltiadis in carcere acerba mors: hinc patrum nostrorum memoria, magnis regnis, atque opulentis exuti alii, exulare, omnes vitæ indignitates, atque acerbitates haurire, in carcere finire vitam coacti. Aliud præmium expetunt viri fortes, quod iis in omni fortuna, sive illa secunda, sive adversa sit, maneat incorruptum; eorum conscientiam, quæ domi forisque, fortiter, sapienter,

pienter, magnifice, pro suis, & pro patria gesserunt, quæ nunquam tamen vera laude caruerunt: non enim diu potest latere summa virtus, quæ una nobilitatem parit, ita posita alto, atque excellò loco, ut longe, lateque explicata sua luce, undique quanta sit conspiciatur. Neque vero exstinguitur illius lux ulla hominum, aut temporum injuria. Nulla illam calamitas, nullæ circumfusæ tenebræ, non, carcer, non exilium, non vis, non pestis ulla adimit, quibus ad res magnas, atque immortalitate dignas gerendas semel præluxit. Non potest esse obscura, quæ in luce hominum agit; non solitudines petit, non deserta loca; quæ qui incolit procul ab hominum societate, nisi idem sit Deus, qui & sibi unus est satis, & omnibus suppeditat, unde alantur, fons perennis vitæ, fera bestia sit oportet: sed in hominum celebritate, & urbium frequentia conspicitur, ubi viris sapientibus materia ad justitiam, fortitudinem, temperantiam suppeditatur: ut si quid cum laude agant, id non possit in magna luce, & populi theatro laude carere. Inde primis hominibus divini habiti honores: cum inter homines Dii crediti, ex eorum vita monstra tollerent, quæ fœdissima, & teterrima, inter eos sui ignoratio



alebat: cum quidem bestiarum more vitam transfigentes, maiore virtute, quam mortalis homo præstare posset, indigerent, uti ad hunc mitiorem cultum, posita animorum ferocia, perducerentur. Fœdissimi enim morbi tum vitam hominum populabantur, feritas, duritia, immanitas, crudelitas, violentia, alia portenta humani ingenii: quibuscum nemo auderet cum spe victoriæ pugnare, qui non, ut illa magnitudine, & fœditate, sic robore, & magnitudine animi excelleret. Quod quidem qui præstiterunt incensis vera virtute animis, tanquam freti natura, humana, præstantiore, id assequerentur, quod spondere vires hominis non possent, iis sunt, templa exstrui cœpta, aræ consecrari, decerni divini honores, dies festi, mysteria, sacra, quæ uni Deo omnium conditori, quem nullum nossent, debebantur. Hinc veræ nobilitatis initium ortum, rei in vita hominum maximæ: cujus quæ vis, & ratio sit, verbi notio statim ostendit: ut nihil aliud nobilitas sit, quam cognita, & testata virtus, multis insignibus factis, & meritis in vita hominum maximis, atque illustribus. Tanta autem ejus vis est, ut egressa mortalitatis finibus, non cum homine intereat, cujus est vita angustis finibus circumscripta, sed ad posteros transmittatur:

mittatur: quos quidem ut illustrat semper, sic non æque semper illustrat ad laudem; id quod eorum vitio accidit, qui à patria virtute degenerantes, insignia flagitia, quæ in obscuro loco latuissent, luce à nobilitate accepta, in omnium oculis, magno cum suo dedecore constituerunt: ut nati nobiles, legem quandam sibi impositam intelligant, cujus jugum levissimum sentiant, si ultro illud, & volentes inducant animum subire: gravissimum, & durissimum, si subeant inviti. Persequentibus enim majorum vestigia, est capeSSenda ardua via, aspera, crebris sentibus invia, prærupto, ac difficili ascensu, quam multæ insidiæ, perpetui hostes infestam, habent. Ita vero est nobis cum his semper colluctandum, ut illos comitentur ingens vitiorum caterva, deliciæ, voluptates, convivia, tum quæ, hæc consequuntur, illecebræ multæ, libidines, amores; &, quasi ex alia classe, cupiditas, ambitio, iracundia, quorum, tanquam hydræ Lerneæ capita, nisi domitor monstrorum Hercules, hoc est virtutis fiducia invictus animus abscindat, evadere ad summum contendentes non sinant. Ut vero ii lucem expetunt, & se dant hominum conventui, qui lauti, & nitidi, tum in corporis forma, cum in ornatu ostendunt, quod visum,



sum, spectantibus delectabile sit; à luce  
ii refugiunt, quorum squalent ora situ, pæ-  
dore, & sordibus obsita: sic nobilitatis  
splendor iis amabilissimus, in quibus cum  
alia animi ornamenta, tum illæ artes elu-  
cent, quibus est à majoribus nobilitas par-  
ta; detestandus, averſandusque iis, qui  
cum nihil præ se ferant majoribus dignum;  
multa immaniter, fœde, & flagitiose admi-  
ferunt. Itaque ii monendi sunt, vel ca-  
stigandi acrius potius, qui, quasi idem sit  
adire hæreditate fundum, agrum, domum,  
ac nobilitatem virtute partam, ita adeo  
præclaro titulo, & splendido inflantur:  
qui esset iis dissimulandus, ne viderentur  
voluisse domesticis flagitiis lumen auferre,  
quæ sunt oblivionis tenebris alte obruen-  
da. In eo vero falluntur, quòd specio-  
sum illud nobilitatis nomen, quo inflati  
tument, in scelerum, & flagitiorum licen-  
tiam vertunt, qua una sibi præcidenda, ma-  
jores posteris decus nobilitatis pepere-  
runt: quo ne illi ipsi quidem satis digni  
fuisse videri possint, si, cum id maximis  
haberent vitæ laboribus comparatum; eo  
vellent impuris, & flagitiosis, viam ad ne-  
quitiam, & socordiam sterni. Unum vero  
argumentum clarissimum est, posteros ma-  
jorum nobilitate excidisse, contrarias illos  
artes iis exercere, quibus excolendis, illi  
sunt

sunt nobilitatem adepti: ut si nobiles majores, ob res multas sapienter, juste, fortiter gestas: indigni sint habendi majorum nobilitate: qui nequitiae, & flagitiorum tenebris, quantum in se esset, splendorem nobilitatis obscurarunt. Non sunt autem virtutis illa præmia, tituli, honores, elogia, statuae, columnæ, pyramides, sed virtutis insignia; quæ, extra se unam, nullum præmium novit. Neque enim vir fortis, eorum, quæ agit præclare, est adeo malus æstimator, ut præmium sibi spondeat, quod non in sua sit, sed in alterius potestate; sed quod divinum, atque immortale, nullius injuria, non fortunæ, non temporis, non inimicorum, sibi præripi possit, totum in una virtute positum: quæ non sit vera virtus, si aliunde, quàm à se ipsa præmium petat. Neque autem Paulus ille, cujus fuit nobilissima de rege Persæ victoria, etiamsi caruisset triumphi honore, quod ut accideret, enixe inimici egerunt, erat minus insignis domestica virtute futurus, quæ in magna omnium luce spectata, haud poterat justissimo præmio carere, quod à præclara conscientia eorum, quæ pro patria gessisset, triumphorum, atque imaginum omnium maximum, & præstantissimum petebat. Poterat illi Senatus triumphi insignia negare, lauream, palmatam

palmatam togam, quadrigas albas; non poterat ullis senatusconsultis officere virtutis splendori, cujus altitudo, supra omnium mortalium judicium elata eminebat. Fortitudo illa admirabilis, & confilii vis, qua hostem vicit, & fama gentis, & copiis maximis, atque auxiliis munitum; illa constantia, & magnitudo animi comprimendo dolore, inter liberorum funera triumphum agentis, non poterat ullis hominum sententiis aut obscurari, aut nitere magis. Neque Pauli patris victoria, quanquam tantus fuisset Africanus filius, qui Carthaginem æmulam imperii, Numantiamque evertit, magis, quàm sua gloria claruit, non Macedoniæ titulo, paternæ gloriæ hæres, sed devictæ à se Africæ assumpto. Neque vero ego credo, illum paternam gloriam contempsisse, cujus præsertim particeps, eo ipso gerendo bello, quo pater vicerat, adolescentiæ rudimentum magna cum laude posuisset, sed recte vidisse, non gerendarum rerum gloriam ad posteros, sed exemplum pervenire: unde quidem si adjumenta petant, majorum vestigiis posteri insistentes, sint, multo justius laborum præmium, quos veræ laudis causa ferant, quàm inanem nobilitatis titulum percepturi. Est enim hæc ratio veræ nobilitatis, hoc est, Virorum fortium

fortium claræ, & spectatæ virtutis, magnis procurandis, gerendisque rebus; ut homines ei honorem habendo, aras, templa consecrando, testimonium quidem illi apud posteros, quod maximum, amplissimumque norint, tribuant; præmium excogitare, quod illius magnitudine dignum sit, nullum possint. Tanta vero hæc nobilitas est, ut etiam si eorum sit propria, à quibus manat, & pertineat præterea ad neminem; eorum causa tamen, posteris honos habeatur; & quidem, ut iis, ni sibi ipsi desint, facilem expeditamque viam ad ingentia vitæ commoda, atque amplissimas dignitates patefaciat: quam tenues homines, multis deterriti incommodis, vigiliis, ærumnis, quæ subeundæ sunt ingressis gloriæ cursum, raro sibi explicare potuerunt. Ita à vera nobilitate oritur ea nobilitas quoque, quæ vulgo permagni sit, & merito quidem, ubi eos ornat, qui sua ipsi nobilitate sunt posteris ornamento. Auget vero nobilitatis honorem, hominum iudicium, atque ab iis suscepta magna spes, etiam si haud raro fallax, fore, ut liberi, non minus parentum virtutem, quàm oris lineamenta referant, incensi virtutis amore. Non enim semper,

*Fortes creantur fortibus, & bonis,*

*Est in iuvenis, est in equis patrum*

*Virtus,*

& se-

& sæpe accidit, quod ille negat ut --  
*imbellem feroces progenerent aquila columbam.*  
Inde fit, ut non solum nobilitas majorum  
non sit adjumento posteris ad laudis  
decus consequendum, sed, quod jam  
diximus, lumen etiam præferat, ad pro-  
dendam infamiae labem. Adjuvat ea-  
dem tamen, atque adeo multum adjuvat,  
ubi in magnis animis hæret: excitat enim  
generosam in his æmulationem, non so-  
lum eorum virtutem æquandi, à quibus  
habent partam nobilitatem, sed superan-  
di etiam. Ita olim verisimile est, Miltia-  
dis memoria, clarissimi imperatoris, Cimo-  
nis filii virtutem excitatam, qui maximas  
res adversus nationes exteras, pro patria  
gessit: Romæ patris pietatem æmulatum  
Decium filium, vita pro patriæ salute pro-  
fundenda: superiorem Africanum patris  
Scipionis, & patruī diu invictam virtutem  
bello; quos pietate in patriam æquavit, ma-  
gnitudine rerum gestarum & gloria supe-  
ravit, sine imposito secundo Punico bel-  
lo, in quo sæpius de salute populus Ro-  
manus, quàm de imperii gloria dimicavit.  
Ut vero eos non ferimus, qui à patrefa-  
miliis gnavo, & experienti, relictum am-  
plum patrimonium, non auctum multis  
partibus liberis reliquerunt; eos credimus  
supplicio dignos, qui, patriis bonis dila-  
pidatis,



pidatis, in nepotum, & decoctorum grege conspiciuntur, nullo numero, nomine, censu: sic non possumus eos ferre æquo animo, qui contenti parentum gloria, hoc est aliena, & non sua, non dant operam, ut, augenda, proferendaq; , quam hæreditate quaesitam habent, majorem multo, quam acceperint, liberis relinquant hæreditate adeundam. Nam eos, qui multis flagitiis cooperiti, majorum merita, si modo illa macula ulla affici possunt, vita impure & flagitiose acta inquinaverunt, dignos statuimus, quorum nomina avulsa è majorum fastis, æternis oblivionis tenebris involvantur. Hujusmodi Lentulus ille fuit, qui Romæ prætor, natus è Cornelia gente longe nobilissima, avo P. Lentulo senatus principe, convictus, cum Catilina adversus rempub. conjurasse, in carcere, fractis cervicibus carnificis manu, male actam vitam, genere mortis terribissimo clausit. Hinc in nobili illa epistola ad Appium Claudium summæ hominem nobilitatis, Ciceronis illa expositulatio acerri-  
ma. Illud idem, Pausania, inquit, dicebat te dixisse (quidni?) Appius Lentulo, Lentulus Appio processit obviam: Cicero Appio noluit? Quæso, etiamne tu has ineptias, homo, mea sententia, summa prudentia, multa etiam doctrina, plurimo rerum usu, addo urbanitatem, quæ est virtus, ut Stoici

K

rectissi-

rectissime putant, ullam Appietatem, aut Lentulitatem, valere apud me plus, quàm ornamenta virtutis existimas? cum ea consecutus nondum eram, quæ sunt hominum opinionibus amplissima; tamen ista vestra nomina, nunquam sum admiratus; viros eos, qui vobis ea reliquissent, magnos arbitrabar, postea vero quam ita & accepi, & gessi maxima imperia; ut mihi nihil neque ad honorem, neque ad gloriam acquirendum putarem; superiorem quidem nunquam, sed parem vobis me speravi esse factum, nec mehercule aliter vidi existimare vel Cn. Pompejum, quem omnibus, qui unquam fuerunt, vel P. Lentulum, quem mihi ipsi antepono, tu si aliter existimas; nihil errabis, si paulo diligentius [ut, quid sit εὐγένεια, quid sit nobilitas, intelligas] Athenodorus, Sandonis filius, quid de his rebus dicat attenderis. Sed, ut ad rem redeam, me tibi non amicum modo, verum etiam amicissimum existimes velim. Profecto omnibus meis officiis efficiam, ut ita esse vere possis judicare, tu autem si id agis, ut minus mea causa, dum ego absum, debere videaris, quàm ego tua laborarim; libero te ista cura. Atque hæc Cicero quidem, quibus multo illa commemorata acerbius, quibus Marius hujus popularis, novus, & ipse homo in nobilitatem apud Sallu-



Sallustium consul invehitur. Comparete nunc, inquit, Quirites, me hominem novum cum illorum superbia. Quæ illi audire, legere solent, eorum partem vidi, alia egomet gessi, quæ illi literis, ea ego didici militando, nunc vos existimate, facta, an dicta pluris sint. Contemnunt novitatem meam, ego illorum ignaviam : mihi fortuna, illis probra objectantur. Quamquam ego naturam unam, & communem omnium existimo : sed fortissimum quemque generosum esse, ac si jam ex patribus Albini, aut Bestiæ quæri posset, me ne an illos ex se gigni maluerint : quid responsuros creditis, nisi, sese liberos quamoptimos voluisse ? Quod si jure despiciunt me ; faciant idem majoribus suis ; quibus, uti mihi, ex virtute nobilitas cæpit. Invident honori meo : ergo invideant labori, innocentia, periculis etiam meis : quoniam per hæc illum cæpi ; verum homines corrupti superbia, ita ætatem agunt, quasi vestros honores contemnant : ita hos petunt, quasi honeste vixerint. Næ illi falsi sunt, qui durissimas res pariter expetant, ignavia voluptatem, & præmia virtutis. Atque etiam cum apud vos, aut in senatu verba faciunt, pleraque oratione majores suos extollunt, atque eorum fortia facta, memorando clariores sese putant : quod

contra est : nam, quanto vita illorum præclarius, tanto horum socordia flagitiosior, & profecto ita se res habet ; majorum gloria posteris quasi lumen est : neque bona eorum, neque mala in occulto patitur. Hujusce rei ego inopiam patior, Quirites ; verum id, quod multo præclarius est, meamet factam mihi dicere licet. Nunc videte, quàm iniqui sint ; quod ex aliena virtute sibi arrogant, id mihi ex mea non concedunt : scilicet quia imagines non habeo, & quia mihi nova nobilitas est : quam certe peperisse, quàm acceptam corrupisse, melius est. Equidem ego non ignoro, si jam mihi respondere velint, abunde illis facundam, & compositam orationem fore ; sed in maximo vestro beneficio, cum omnibus locis me, vosque maledictis lacerent, non placuit reticere, ne quis modestiam in conscientiam duceret, nam, quidem, ex animi mei scientia lædere nulla oratio potest ; quippe vera, necesse est, bene prædicet : falsam vita, moresque mei superant ; sed quoniam vestra consilia accusantur, qui mihi summum honorem, & maximum negotium imposuistis : etiam atque etiam reputate, num eorum poenitendum sit. Non possum, fidei causa, imagines, neque triumphos, aut consulatus majorum meorum ostentare ; at, si res postulet, hastas,



stas, vexillum, phaleras, alia militaria dona, præterea cicatrices adverso corpore, hæ sunt meæ imagines, hæc mea nobilitas, non hæreditate relicta, ut illa illis, sed quæ ego plurimis meis laboribus, & periculis quæfivi. Non sunt composita verba mea: parvi id facio: ipsa se virtus satis ostendit: illis artificio opus est, ut turpia facta oratione tegant. Neque literas Græcas didici, parum placebat eas discere, quippe quæ ad virtutem doctoribus nihil profuerunt, at illa multo optima reipub. doctus sum hostem ferire, præsidia agitare, nihil metuere, nisi turpem famam; hyemem, & æstatem juxta pati, humi requiescere, eodem tempore inopiam, & laborem tolerare, his ego præceptis milites hortabor, neque illos arcte colam, me opulenter; neque gloriam meam, laborem illorum faciam; hoc est utile, hoc civile imperium, namque, cum tute per molliem agas, exercitum supplicio cogere, id est dominum esse, non imperatorem. Hæc atque alia majores vestri faciendo, seque, & remp. celebravere, quæ nobilitas freta ipsa dissimilis moribus, nos illorum æmulos contemnit, & omnes honores, non ex merito, sed quasi debitos à vobis repetit; cæterum homines superbissimi procul errant. Majores eorū omnia, quæ licebat, illis reliquere, divitias,



imagines, memoriam sui præclaram; virtutem non relinquere: neque poterant: ea sola neque datur dono, neque accipitur. Atque hæc ille quidem. Quæ quanquam ita se habeant; raro accidit tamen, ut qui nati probis parentibus ingenuarum artium studio ad honestatem excoluntur, non eos fructus edant, qui generis sui, atque ortus faciant fidem. Magnum enim aculeum habet eorum recordatio, in magnis ingeniis, & generosæ indolis, quæ majores cum laude gesserunt, ad ea agenda, quibus fama hominibus, & nomen comparatur. Quod si quando minus accidit, id parentum prava educatione accidere dicendum est, quorum indulgentia, è teneris animis cum majorum memoria, sui effluit: id quod sæpius, quàm rebus hominum expediat, usu venire animadvertimus. Nam si meminerint è quibus majoribus sint orti, tum verò existiment, eam ipsam generis nobilitatem, quam rerum omnium primam homines habent, nisi quantam majoribus referunt acceptam posteris expensam ferant, sibi dedecori fore. Non enim existimandum est, unum Alexandrum fuisse, qui patri summo regi, & imperatori clarissimo, partas victorias, & actos de victis gentibus triumphos invideret, sed in unius Alexandri multorum ingenia esse expressa, ne parentes quidem, in gloriæ con-



contentione, superiores ferentium. Nam hoc fere nobilitas agit, ut intuentes posteri rectis oculis majorum splendorem, ejus indolis se esse doceant, cujus ii fuerunt, à quibus ortum trahunt; degeneres eos indicet, quorum aciem tantam lucem non ferentem, splendor generis perstringit. Quod de aquila Phyci ferunt; quæ pullos eos agnoscit, quos acie in adversum solem defixa, stare alacres, erectosque animadvertit; averfos, & refugientes à lucis splendore, deturbat præcipites è nido. Raro vero accidit, ut etiam si à recta via aliquando adolescentes nobiles deflectant, non se recipiant ad bonam frugem, simulatque in suorum præclara facta intueantur: habet enim vim ingentem communicatio generis, & sanguinis, ut nemo desperet, quæ majores sui gesserint, se posse præstare: nunquam generosa arbore, ubi in feraci solo confita, & studio culta, ac cura assidua sit, deteriores fructus gignente. Itaque si cui nato è parentibus claris bellica gloria, hinc offeratur serra, ascia, dolabra; illinc gladius, thorax, galea, data optione, uti eligat utrum malit; haud dubitandum sit, quin serra, & dolabra fabricæ relicta, ut Achilles olim, pensis, & quas illis Lycomedis filiabor relicta, ipse sumat arma, quæ sibi instrumenta gloriæ, & laudis recte utenti sint à parentibus tradita.

dita. Tametsi vero haud raro magna ingenii vis ex imo loco existens, sua sponte confurgit ad summum, quod de Agathocle ferunt Syracusanorum tyranno, quem bellica virtus è figuli rota evexit ad regnum; de Iphicrate Atheniensium duce; Romæ Mario VI. Consule; Ventidio Basso, aliis: ubi tamen qui pari virtute præditus sit, idem sit superior generis nobilitate, hoc uno adjumento præstabit, ut ad id, quò sua sponte propendet, tanquam calcar, & stimulus, æmulatio domesticæ gloriæ, quam à genere habet in cûrsu properantem urgeat, atque impellat. Itaque, quocunque quis sit loco natus, ut vere nobilis sit, sibi ipsè suæ nobilitatis auctor à se habet: sed ut numeros omnes nobilitatis expleat, & à majoribus, & à se ipsè habeat quo splendeat oportet, multa relicturus, quibus qui sunt postea futuri majore gloria aucti honestentur. Hæc fuisse Platonis sententia, videtur in Alcibiade primo; quam quidem maxime aptam huic loco illustrando, placet referre: Ita enim Socratem inducit cum Alcibiade disputantem: Utrum, inquit, consentaneum est, meliora ingenia esse in nobili genere, an in obscuro? Alcib. Nemo dubitat, quin in nobili. Socr. Nonne qui sunt bene nati, ubi æque honesta educatio accedat, eadem ratione perfectam sibi compa-



comparare virtutem queunt? Alcib. Necessè hoc vero. Socr. Jam illud primum videamus, nostra cum eorum conferentes, utrum videantur Lacedæmoniorum, & Persarum reges deteriore genere orti. An vero nos fugit, illos ab Hercule, hos ab Achæmene originem ducere? Nam & Herculis, & Achamenis genus æque ad Perseum Jovis filium refertur. Alcib. Et nostrum in Eurysacem, ô Socrates, Eurysacis in Jovem. Socr. At nostrum, generose Alcibiades, in Dædalum, hic in Vulcanum natum è Jove. Sed isti quidem, ab iis ipsis initio factò, reges orti è regibus sunt, usque ad Jovem, illi Archivorum, & Lacedæmoniorum, hi Persidis semper, & nonnunquam, ut hoc tempore, Asiæ. At nos æque, & patres nostri privati. Sin vero tibi sint & majores tui, & patria Salamina proferenda, vel Æaci prioris quoque Ægina, Artaxerxi Xerxis filio, quantum risus de te excitatum iri putas? Sed vide, ne generis amplitudine, & reliqua quoque educatione nobis antecellant. Nonne fama accepisti, quanta sit Lacedæmoniorum regum majestas? quorum uxores, Ephori publice in tutela, & custodia habent, hoc quidem, ne, quoad fieri potest, ex alio, quàm ex Heraclidarum genere ortus, regno potiatur. Nam rex Persarum usque adeo in hoc alios superat,

ut ne leviter quidem quis suspicetur, regem ex alio, quàm ex ipso natum esse. Quo fit, ut regis uxor, nullius custodia, sed metu in officio contineatur. Nato enim, eo qui ætate major, est regnaturus, primum diem illum festum populi celebrant, quicumque parent regis imperio, atque inde in posterum, Asia omnis, eo die regis natalitia anniversaria sacrificiis, ac festis agunt. Nobis vero nascentibus, ne vicini quidem, ut comicus ille ait, ô Alcibiades, sentiunt. His ita administratis, alitur puer, non à nutrice, parum digna eo munere, sed ab Eunuchis, qui omnium, apud regem optimi habentur: quibus cum alia, imperantur, quæ ad pueri nati curam pertinent, tum illud maxime, ut dent operam, sedulo membra ejus conformando, & dirigendo, ut quam pulcherrimum efficiant. Qua cura recte defuncti magno in honore habentur. Annum vero septimum nati, equestris artis peritis traduntur, & venationi operam dare assuescunt. At ubi XIV. ætatis annum impleverint, eos prædagogi suscipiunt instituendos, quos regios appellant, Sunt hi vero quatuor, qui vigentes robore ætatis, ex omni Persarum delectu optimi habentur, ut in his sapientissimus quisque, justissimus, temperantissimus, & fortissimus sit. Quorum quidem qui



qui sapientissimus habetur, eum magiam Zoroastri docet, Oromazi filii, quæ est tota de Deorum cultu. Idem vero regia instituta tradit. Qui iustissimus est monet, ut in omni vita virtutem colat. At tertius, qui temperantia excellit, ne patiatur se ulla voluptate vinci, ac liber vivere assuefcet, & vere rex; non serviens, sed imperans iis, quæ in ipso habentur. Postremus dat operam, ut illum invictum, atque impavidum reddat, ne quando quid metu admittat, quare videatur servire, qui rex sit. Atque hæc quidem, ut meæ occupationes tulerunt, dere gravissima, & quæ cujusmodi sit, Aristoteles ait, tantus Philosophus, se dubitare, certe argumenti proluxioris, quàm ut contineri epistolæ angustis spatiis possit. . Accedit, quò minus multis nunc rem agam, certa suscepta spes, ubi primum detur relaxatio aliqua à præsentibus curis, quibus distringor, de ea, ut argumenti dignitas postulat, & fusius, & uberius agendi. Vale, vir maxime, & fortissime, quem dignum immortalitate, domestica, & majorum nobilitate illustrem, in omni memoria posteritas colet. Datum è Cracovienfi regia M D XIIXC.

Kalend. Octobr.

AD

## AD EUNDEM.

**S**Ebastianus Crivellius, dignus vir eo loco, in quo eum insignis virtus, & fides apud te collocavit, obtulit mihi, tuo nomine, tymbrum Zibellinarum pellium, regium illud quidem plane munus, sed non excelso, atque invicto tuo illo animo majus, qui erectus ad summam gloriam, nunquam in magnifice agendo, quid alios, in quos munificus esses, sed quid te deceret, spectavit. Ita vero illud luculenta oratione prosecutus est, vir cum primis disertus, ut elevando munere, per se maximo, animum augendo, unde munus manaret, ingenii tui ad vivum expressam imaginem, & cum eo simul amorem in me tuum singularem, atque eximium, de me judicium repræsentaret. Quæ tua tanta in me liberalitas, cum me ita subito occupasset, ut nullam mihi partem relinqueret mei, ad eum ipsum confugi præclarum artificem dicendi, qui tam belle sua oratione te mihi exprimere novisset, majorem in modum precatus, in referenda gratia, meas ipse susciperet partes, atque uno hoc argumento ostenderet, tuum mihi munus, quam gratissimum accidisse, quod cum meas ingenii copias omnes, viresque effudissem, nihil invenissem, quo sperarem, quantum me tibi agnosce-

agnoscerem debere, præstare aut dicendo, aut scribendo posse. Facit vero multorum injuria, quos blanda fortuna ad summos honores evexit, ut si qui sint ejus ordinis, qui studiosos liberalium artium homines sublevandos sibi sua liberalitate censeant, quod summorum hominum certum munus est; ii videantur digni, quibus divini honores decernantur. Una enim iis proposita ratio est, ad divinitatis sibi opinionem conciliandam, quæ tota constat liberalitatis, & munificentia partibus, ut multos juvando, fovendo, sublevando probent, se vere effectos ad Dei imaginem, qui totius mundi conditor, ac naturæ parens, cumulate supeditat, unde omnia alantur, & præcipuam notam divini generis affixit hominum animis, ut sui similes inter se amando, ac faciendo benigne, vitam communem, pro suis quisque viribus, facultateque ingenii tuerentur. Quo quidem in beneficentiæ munere obeundo, qui vere videri volunt, originem ducere è cælo, unde vera nobilitas est, delectum eorum habent, quibus sunt benigne facturi, neque eos continuo sua munificentia dignos censerent, quibus modo cum cæteris convenit oris forma; moribus, & vitæ institutis, ferarum ingenia præ se ferentibus; sed in quibus elucent insignes notæ virtutis, justitiæ, sapientiæ, quæ quantum homi-

homines à bestiis differunt, tantum eos, qui vere homines sunt, à multis differre ostendunt, qui oris lineamentis modo homines habentur. Vere nobiles homines, & similes tui, probis modo patent, pudentibus, castis, armis, literis claris, atque ingenii laude; non scurris, mimis, saltatoribus, qui in maximorum regum aulis, sæpe, jacentibus probis, magno suo, majore cum regum dedecore, atque infamia ditantur. Quod quidem accidit non sine insigni incommodo communis vitæ: tenues enim homines, quas artes norunt, apud summos reges, & viros principes in honore haberi, ad eas applicant animum, deterriti ab iis, quibus maxime populorum, & gentium salus continetur. Itaque qui sunt in probos, & eruditos homines liberales, in quorum numero tu excellis, iis eò major, quasi gratiarum cumulus, debetur, quo latius ab his patet exemplum liberalitatis in multos. Atque alii quidem viderint; quid de toto hoc genere statuant: mihi nullus videtur in terris tantus honos, qui non sit eorum merito minor, qui præstanti virtute homines, sua beneficentia, & liberalitate ornant: Ita enim videntur non alienam virtutem ornare magis, quàm augere, & illustrare suam. In quorum numero cum me collocaris, amore in me quodam tuo potius, atque indu-  
ctione

Etione animi , quàm iudicio provectus , quod est acerrimum ; utrumque efficis , ut & quantum tibi hoc nomine debeam , intelligam , & quàm mihi laborandum sit , ne videre , in iudicando ita de me , esse , falsus , æque habeam exploratum. Tanto vero nunc tibi hoc majori laudi dandum , quanto rarius ejus exstat , hoc tempore , exemplum. Unius enim opus summæ virtutis est , in magno homine , cum aliis exemplo sit ad recte agendum , nullius incensum æmulatione , probitatis documenta illustria multis tradere æmulanda. Quo me vero tempore adeo insigni munere es profecutus ? credo , aureo illo sæculo Augusti , omnium gentium victoris , quo non triumphis magis , trophæis , splendidissimis honorum titulis , quàm concursu doctorum hominum , Roma sedes imperii florebat. Nonne vero in id tempus incidimus , ut si quis se honestis studiis dedat , quò id rarius , & majoris virtutis sit , eò majoribus sit laudibus efferendus ? si quis sæde quid , & turpiter admittat , id ei , in magna flagitiorum licentia , remittendum condonandumque videatur ? Minime vero ego , amplissime vir , laborabo , quibus verbis tibi pro tuo tam præclaro munere gratias agam , id quod ego assequi despero , & tu à me non requiris , sed quibus laudibus istum  
tam



tam effusum animum tuum prædicem, in causa afflicta bonorum sublevanda, honestandis politioribus literis, promovendis ingeniis, præmiis luculentis augendis. Nam, quod argumentum divinæ virtutis est, nullo tu meo officio in te provocatus in me est tam effusus; sed, quod decet summum hominem, & præmium eorum, quæ recte agit à se ipso agnoscentem, tua sponte judicasti me dignum, in quo magni animi, & liberalitatis tuæ insigne monumentum constitueres. Et si vero ego credo, te opinione nonnulla adductum me amare, cœpisse, quòd me regem sapientissimum, eo loco, in quo me suo beneficio collocavit, pari gravitate, & constantia tueri augendo, & ornando animadverteres: ut hoc ipsum tamen esset in te summe laudandum, virtutem in me modo cognitam fama, sive illa à vero, sive à falso initio orta continuo es animo complexus; cum quidem tanti apud te esset, ut malles te falli, nimis celeri studio non visæ obviam eundo, quàm nimia mora, si de me vera, fama prædicaret, videri tardum fuisse in honore virtuti habendo. Quo ex tuo de me iudicio, illud tamen videor mihi affecutus, quod jam dixi, ut non stimulos solum mihi, sed faces etiam, animo admovendas censeam, per se satis acri in virtutis cursu, quibus osten-



ostendam haud plane me indignum tanto tuo in me merito fuisse. Sed alia multo in hac tua liberalitate potiora: agentem enim tibi gratias in discessu, non oratione magis, quàm animo, qui in verbis eminebat, non me secus statuere iussisti de tuis rebus omnibus, ac de iis, quæ mea optimo jure essent. Atque illud totum fuit à mirifica, quadam propensione in me tua; illud meæ modestiæ erit, ut, pro tam eximio tuo animo, aliquando grati animi signum aliquod edam; cujus rei non solum oblatam omnem occasionem amplectar, sed ultro ipse etiam undique omni sedulitate, & studio captabo. Vale. Datum è Cracoviensi regia Idib. Mart. CIO IO XIIXC.

*AD EUNDEM.*

**N**ihil mihi vero gratius accidere poterat, quàm, id quod nunquam ego nec potui, nec debui sperare, in persolvendo officio, apud te patronum tantum, cui ea debeo, quæ homini sunt vita cariora, gratiam inire: qui enim officio fungitur, unam modo se assequi laudem sperat, ut se à dedecore vindicet, quod ingens ab eo admittitur, qui officio deest: illud non assequitur, ut in eo sibi promereatur laudem, quod omissum severe est vindicandum. Itaque qui grato homini, quoniam id quod debuit persolvit,  
L gratias



gratias agit, is vult videri, non se suum, sed alienum exigere: quod viri cujusdam magni, atque excelsi est, qui cum beneficium facit, non ab eo repetit, cui fecit benigne sed à recte sibi conscio animo. Atque is tamen in eo minime fallitur: quasi enim beneficium sit fœneratus, abunde à se ipse habet, quo non æquet solum, sed superet etiam & sortem, & fœnus. Gratias agere, non ejus est, qui cum laudatur, debitum suæ virtuti exigit, sed ejus, qui à laudantis ingenio, non à domestica virtute laudes agnoscit. Neque vero continuo is magnus vir, qui laudatur (Busiris enim à summo dicendi magistro laudatus est) sed ejus, qui recte agendo, se laudantibus præcurrit. Tanta autem est honesti vis, ut cum quis dignas res multas laude gesserit, is qui ferat æquo animo, iis prædicandis, efferendisque, à se laudantis partes desiderari, non ei, qui, cum meretur, maximam refert laudem, sed sibi faciat injuriam: ostendit enim, aut se ignorare, quod laudandum sit, quod est fœdum, aut cum norit, virtuti honorem nolle habere, quod multo fœdius, turpiusque est habendum. Equidem hoc egi in commemoratione vestrarum laudum, quod qui tabulam pictam, sublato velo, ostendit; quæ cum pulcherrima sit sua sponte omnes in sui admirationem convertit.

Ve-



Vestrum hoc fuit hoc accepto instituto à majoribus, domi, forisque res magnas gerere, honestam mortem oppetere in bello, in campo, in acie patriæ causa. Cujus vestræ pietatis ita multa monumenta, atque illustria extant: ut ipsa per se laudanda, non magis prædicatore indigeant, quam illa ipsa præclara tabula, cujus splendor, non cujusquam prædicatione prius, quam artificis ingenio, industriaque spectantes tenet. Inchoatum opus ad vos misi, non ignarus multa deesse, quæ huic ipsi perpoliando necessaria requirebantur: sed illud tamen egi, ut eodem in simili perstem, quod ille idem, qui tabulam detegit: ut quemadmodum illi non addit splendorem, quem à se habet, dum eam aperit, sed efficit, ut quæ sit, esse videatur; non vestra, non familiaris decora, laudarem, quo illa non indigent, sed in lucem modo proferrem. Unum vero ubi hoc agerem, speravi fore, ut laus quidem vestra tota haberetur, quam quidem non verba splendida sed res à vobis in luce hominum gestæ fortiter, iuste, & sapienter vobis peperissent; sed ut simul ex vestra laude aliquid in me redundaret. Quod quidem speravi futurum, si darent operam, ut non illæ à malo artifice proditæ literis viderentur: ut enim cognitio rerum maximarum sit prima iis, qui illa tenentur;

nemo tamen non malit illas de deserto interpretare cognoscere, quam de impolito, & rudi. Itaque cum multa conversa è Græcis in alias linguas legantur, ex Latinis multa, flagitium sit, cui utrumvis liceat, non malle legere aut Demosthenis, & Ciceronis orationes, aut Virgilii, & Homeri carmen, aut à Thucydide, & à Xenophonte scriptas Græcorum res gestas, qua illi lingua sunt usi, quam peregrina, & non æque eleganti. Prohibent gravissimæ curæ, quib9 urgeor, de eo pluribus agere: unum addam, nihil eorū me, quæ tuum in me meritum, mea in te, summa observantia requirat, grati animi officio fungendo omissum. Quod si erit huiusmodi, ut insigne animi studium quo efferor, vobis magnis patronis probem, ut ultima respondeant primis, mihi erit quam gratissimum: id quod fretus vestra, summa humanitate, spero fore. Vale. Datum Cracovia 15. Sept. M DLXXXII.

## AD JULIUM COMITEM

SALMENSEM.

**S**ignificavit mihi vir optimus gener meus, tui homo studiosissimus, quod tibi semper optatissimum fuit nobisq; adeo, quos tibi insignia tua merita devinxerunt, lectissimam, atque amplissimam scæminam uxorem tuā, facili, acceleri partu te filiolo auxisse: qui me nuncius ea voluptate



ptate affecit, ut si eam sperem ullis verbis  
posse declarare, haud dubitem, quin mihi  
& ad tuam in me benevolentiam ingens cu-  
mulus, & ad eam opinionem, quam de mea  
in scribendo facultate animo conceptam,  
habes (equidem perexiguam agnosco) plu-  
rimum accedat. Neque vero una mihi gra-  
tulandi causa est, quòd tibi sit filius natus,  
virtutis tuæ, majorumque imaginem ad po-  
steros transmissurus, sed quòd, ex patre o-  
ptimo, & nobilissimo, natus sit reipub. ci-  
vis, qui cum à genere multa habeat, quæ  
exculpta studio, sint suo tempore mirificos  
fructus editura; de se multa spondeat, qua-  
re non patriæ minus, quam parentibus sit  
gratulandum. Fortunatus vero pater, qui  
ita liberos suscipit, ut ex eorum virtute,  
non plura ipse monumenta gloriæ, quam  
patria felicitatis relatura sit. Etsi vero vir-  
tus, ut sit major, atque illustrior, non à loco,  
sed à se habet, ut tamen constituta disci-  
plina citius existat, facilius assequitur, ubi  
cum nobilitate, & generis splendore coa-  
lescat. Nam præter educationem, quæ  
fere liberalior contingit natis claro, atque  
illustri loco, nescio quo pacto, in magnis  
animis, à suorum æmulatione aculei exi-  
stunt acriores, facesq; adeo, quæ incendunt,  
atq; inflamment animos ad virtutem capes-  
sendam, quibus nati obscuro loco carent.

L 3

Itaque



Itaque ubi ad generis nobilitatem accedat ingenii indoles, qui claro loco natus sit, nisi à se habeat ipse, quod majoribus, multis domi forisque cum laude gerendis, sit ornamento, indignum se censeat domestica nobilitate, quam ita agnoscit, ut majore ipse, & veriore splendeat sua. Neque vero unquam Decium filium quisquam laudavit, quod parente natus esset, cui plaris, quam vita, fuisset patriæ salus: sed quod æmulatus paternam laudem, profundenda vita, pro patriæ salute, pietatem à genere insitam animo repræsentarit, & posteris spem sustulerit superandi suam. Habet vero patria, quod nati è claris familiaris itatuas habent, & monumenta alia nobilitatis, tot obsides majorum virtutis, in posteris conspiciendæ; ut non possit dubitare, quin nunquam sint à majorum virtute degeneraturi, qui ita creduntur posse domesticam nobilitatem tueri, si multis partibus auctam posteris relinquant æmulandam, id quod maximis, atque illustribus in rempub. meritis sunt consecuturi. Quæ cum ita se habeant, sic esse statuendum videtur, & gravem, & justam subesse causam, patriæ gratulandi, ubi ex parentibus optimis, cujuscunque illi ordinis sint, liberi suscipiantur; sed multo justiore subesse tamen, ubi suscipiantur ex iis parentibus,



tibus, in quibus insignis probitas sit cum pari nobilitate conjuncta. Quò enim altius elata virtus majorum meritis tendit ad summum, eò splendidior sua luce in sui admirationem homines trahit: ut ii acerrime castigandi videantur, quibus cum majorum nobilitas præluceat, quò minus in gloriæ cursu offendant, generis splendor ad detegendas domesticas maculas, lucem affert, iis conditione deterioribus, quorum flagitia, ex obscuro loco, & domesticis tenebris, multorum conscientiam fallunt. Atque, ut in bene consito agro, & florè arbores delectant, & spe proven-tus, quem sibi à stirpe spondent: ita è nobili, & clara domo, assueta patria conspiciere multos claros sapientiæ, & fortitudinis laude, & spe oblectatur, cum persimiles posteros majorum futuros sperat, & complectitur eosdem summo amore, cum parentibus, ne sibi modo liberos natos censeant, caritatis omnibus officiis certando. Quò est solidior patrum voluptas habenda, quibus id contingit, quod est rarum in hominum vita felicitatis exemplum, ut plurimi ex unius subolis incremento, pari voluptate perfusi, publicam inter se felicitatem gratulentur. Itaque olim & aliis in civitatibus bene institutis, & Spartæ imprimis, cujus disciplina, magna cum lau-



de, per multa secula viguit incorrupta, cura gignendorum liberum privata, educandorum publica fuit: ut enim bene culta ingenia fructus efferant patriæ salutare; id quod liberis educatio præstat; abducendi sunt à privatorum cura statim nati, cum quidem quominus probi evadant, parentum sæpe mollitia, atque indulgentia efficiat, quorum maxime interest, eos probos esse: id quod patria ferre non debet; cujus est primum jus in natum civem, & naturæ instituto, & gentium omnium jure. Hinc leges de maritandis ordinibus, quibus sancendis, non privatorum commoda prius, quam reipub. legislator spectat, cujus institutum est, ex bene consentientium civium studiis, optimis legibus temperatam civitatem moderatamque constituere. Itaque Cato ille sapiens, quanquam exactæ ætatis, filio jam prætorio, & Pauli genero, qui de Macedonia & de Perseo rege triumphavit, novercam clientis filiam induxit, cum ita tristem solatus esset: Non debere illum ferre iniquo animo, patrem similes sui cives, quamdiu spes prolis vigeret, gignere patriæ pergere, cui omnia deberet. Neque cecidit irritum omen. Inde enim ortus ejus pronepos Cato, qui civili bello, meliorum partium dux, una, cum occidente patriæ libertate occidit, virtutum



tutum omnium maximarum singulare exemplum. Accessit vero tibi ad hanc curam tantam, quam tibi patria imposuit, privata tua; cum non solum tibi patriæ civis, sed dignus, qui te parente filius nasceretur, alendus, educandusque sit. Nam & majores tui clarissimi viri, atque amplissimi, hoc abs te requirunt; qui partam insignem gloriam rerum gestarum magnitudine, noluerunt posterorum ignavia corrumpi, & vero postulat patria, quæ abs te reposcit ad avi virtutem conformatum civem, cujus magnitudine animi, & constantia, nostra memoria, adversus totius orientis vires, Vienna urbs invicta stetit. Qua in re tamen parum tibi laborandum erit. Si quando enim continget, quod nos juvat, sperare, ut cum ætate filii virtus adolescat, habebis quos des illi evolvendos majorum annales, quibus plura à tuis justitiæ, fortitudinis, pietatis relicta documenta percipiat, quam ex universis Philosophorum scholis. Tanto vero hinc hauriuntur præcepta ad virtutem certiora, quanto res movent, quam verba, domestica, quam aliena exempla, vehementius. Hinc enim oritur studium, majorum virtutem æmulandi, quod cum in liberorum educatione sit primum, insitum, nobis à natura nondum natis, avelli à nobis non potest: parentum enim virtutes ut



assequi speremus, habemus ab iis ipsis, qui una cum vita, & fortunis, earum ipsarum virtutum semina nobis hæreditaria reliquerunt. Cogit autem nos natura eos amare, quorum & animi imago, & vitæ pars sumus; ut quamdiu in nobis infirma est rationis vis, nihil non præclarum ab iis manare censeamus, à quibus ortum, & vitam habemus. Quò parentibus acrius danda opera est, ne quid in moribus appareat, quod liberi æmulati, sine sua culpa, parentibus dedecori sint. Felices porro illi, & fortunati existimandi, qui ex iis maioribus sunt orti, quorum non possunt vere æmulatores haberi, nisi frugi, casti, iusti, moderatique habeantur. Quid vero non liceat de iis sperare, qui cum minus etiam norint, quæ discant, præclara discere assuescant? de iis, quorum sunt prima vitæ elementa parentum probitas, virtus, religio, pudor? ut cum non possint sibi persuadere, parentes falli, quos amant, eos duces sequantur, quibus viam præeuntibus, sint perventuri ad summam laudem. Dicerem quæ abs te proposita liberis essent ad æmulandum, quæ documenta pudoris, modestiæ, probitatis, à primis tuis annis dederis, tum de castissimis tuis moribus, vitæ elegantia, ingenii suavitate illa incredibili, qua primo sermone, & congressu vix tibi fama cognitos homines



nes devinctos tenes, si hoc, sine modestiæ tuæ offensione, commemorari à me posse existimarem. Quæ tamen ne a me dari gratiæ videantur, aut meritis in me tuis, ita famam de tua virtute pervagatam constantia tueris, ut quorum prædicatione est celebre tuum nomen apud exteras gentes, ii potius videantur afferre minora vero, quam non in te ornando verissimis laudibus suæ religioni servire. Jam vix filio nato, per te cogitas, quanta hæc una cura sit, quæ tibi est mandata, fictum hominem ad Dei imaginem, dignis moribus tam excellenti natura instituendi: ut sensim adolescens, sese nosse affuescat, atque inde captus notitia sui, quo nihil majus in terris est, qua vere est homo, se quasi admirari incipiat, animantem præditum ratione, qua efficitur Dei immortalis sui conditoris verissima imago, divinæ, ac cœlestis originis, peneque alter in terris Deus. Ita quidem cætera expetet, quæ infra hominis dignitatem habentur, ut corpus animi domicilium, tanquam templum sacrosanctum, ab omni labe, & mortali corruptione, castum illibatumque servet. Quod ubi aget, simul illud assequetur, ut cum intelligat, non secus sibi Deo parendum, à quo est in hoc mundo collocatus, atque ei, qui uni regi servit, ad cujus nutum, atque imperium, dirigit



dirigit quæ agit, & cogitat omnia: statuat sibi, quasi in certa statione, & munere manendum, quod sibi impositum ab iis sit, qui divini operis in terris administri, in se habeant legitimum imperium. Quæ quidem qui ita docent, ut re prius, atque exemplo, quam oratione doceant, id quod tu præclare potes, iis, quin liberi evadant, progrediendo recto virtutis cursu ad summum, minime est dubitandum. Facimus vero sæpe parentes, aut prava indulgentia, aut socordia nimia liberis educandis, ut ii, sine justa reprehensione, improbi, & nefarii, sibi infamiæ, & suis, haud raro patriæ pesti, atque exitio sint. Dum enim eorum teneris animis patimur nostrorum flagitiorum veluti characteres quosdam, & notas inuri: ita illa, nobis spectantibus, exprimere, atque effingere assuecunt, ut quæ vere agenda sint contemnere, atque odisse adeo, parentibus sui exitii auctoribus, discant: quod in magnum reipub. incommodum, vertit: in qua quidem non potest peccare privatus civis, quin exemplo multos in eandem secum perniciem trahat. Itaque quod facinus admisit, etiam si illud gravissimum, præ eo, quod in patriam suscepit, est leve habendum. Passim vero videmus multos ad supplicium rapi, quòd multa in Deum, in homines scelerate egerint, quorum



rum parentes auctores, à quibus nequitia  
semina habent, justius supplicio plectan-  
tur. Facimus ipsi, inquam, nostram ipsi  
querelam injustam, dum liberis utentes  
parum æquis, respub. improbis civibus,  
querimur ab iis ea admitti scelera, & ma-  
leficia, quæ ut admitterentur, magna ex  
parte nostra culpa fuit. Querimur nul-  
lam vim legum esse, judicia contemni, sce-  
leratorum ingentem numerum, proborum,  
& sapientium perexiguum esse? id efficit  
una educatio neglecta, & disciplina mayo-  
rum iis instituendis, quos parentibus, tan-  
quam vicariis sui muneris, patria suos cives  
tradit alendos. Quanta vero sit civitatis  
jactura perditus civis, ex iis, quæ potuit  
patriæ præstare domi, foris, belli, pacis  
tempore tum consilio, tum armis, ejus  
causa natus, potest facile animadverti: quæ  
omnia pater sceleratus reipub. ademta,,  
quo supplicio, se compensaturum censeat  
tanto scelere digno? Quoties enim acci-  
dit, ut unius viri sapientia, magnitudo, a-  
nimi, fortitudo, maximis regnis, atque  
imperiiis saluti esset? Ad quem virtutis  
gradum, præclusum nemini, quibus per ne-  
quitiam parentum non licuit pervenire,,  
non ab iis justius patria suorum virtute  
frustrata, quam a parentibus expetat pœ-  
nas. Nam liberis ea ipsa improbitas est  
suppli-



supplicii loco, quam à parentibus, nulla sua cum culpa domi hauserunt, tum quod multo est acerbius malum, amissus vitæ fructus, gloria, nomen, bonorum existimatio, quæ recta studia, & res præclare gestas, consequuntur. Itaque sapientes homines, & qui vere se esse parentes meminerunt, cum vicarios naturæ succedere se, ejus opere formando, & perpoliendo intelligant, filios clarissimis virtutis exemplis, hinc excolendis ad pietatem moribus, hinc vitæ institutis rectissimis docendis, excitare ad decus, & laudem conantur. Qui quidem cum haud patiantur pictam sui effigiem conspici, nisi referat veræ suæ imaginis vivum exemplum, multo acriore cura sibi laborandum statuunt, ut liberi, in quibus veriore suæ imaginem spectari volunt, animi virtutes non leviter adumbratas, sed plane expressas ad suum exemplum repræsentent. Atque in eo non erit sapiens pater accuratus minus, quàm Philippus Macedonum rex, in Alexandri filii educatione: ita enim illum summo philosopho tradidit instituendum; ut unum se illi exemplar proposuerit ad imitandum, & patrem eundem, & summum regem. Quem hic idem sapiens pater æmulatus, aliis artibus quidem, quæ sint dignæ ingenuo adolescente à summis hominibus liberos patietur infor-



informari; ad exprimendam in iis ipsis sui ingenii indolem, neminem statuet uno se esse aptiorem. Neque vero plus Alexandro adjumenti Aristoteles contulit, ad res magnas gerendas, philosophiæ præceptis, quam Philippus pater sui æmulatione, ipse olim acerrimus Epaminondæ, & Pelopidæ æmulator, qui non prius illum verbis, quam recte factis multis, atque illustribus ad gloriæ studium excitarunt. Quanto vero præstat, disciplinam percipere à suis, quam ab alienis, ut illi maxime etiam virtute excellent? Nam eruditionem alii forte majorem, & cognitionem reconditarum artium; parentum studium, atque animi vim, ut efficiant, quod conantur, nunquam docendis alienis liberis præstabunt. Itaque quando non potest esse facultas agendi, & studium par, ita habebit distributas partes, ut alia doceri suos ab aliis patiatur, literas, rem militarem, cæteras viro principe dignas artes: ipse, sibi præcisa licentia rerum omnium, quæ debent à summo homine abesse, ita se animo comparabit, ut suis in uno se ostendat, & rebus a se laudabiliter gestis, expressam purissimam honestatis formam, ex qua quidem illustria multa documenta petere ad componendos, conformandosque mores ad virtutis decus, & rerum gerendarum gloriam queant.

Qua

Qua in re quidem secum bene agi intelliger, qui cum sua sponte esse probus, justus, & castus velit, ut qualis velit, studeat esse, à tam præclaro munere necessitatem impositam, habeat. Nam, ne fessus quasi fatiscat labore, cum efficit virtus, quæ nunquam in suo opere victa languet, tum delectatio operis maxime; cujus contemplatione sensim ad summum assurgentis, futuri spe, non minus afficitur, quàm Phidias, cum sculperet Minervæ signum in arce Athenis locandum. Quanto vero præstat, formato signo è marmore, aut ære, divina mens, cujus est in terris homo simulachrum; tanto hominis, quàm signi formandi ars præclarior habenda. Ut vero qui agrum colit feraci solo, dum versat animo frugum ubertatem, quam spondet bene subactus, & cultus ager, spe fallit laborem, ut nunquam deficient semper in opere vigentes vires: ita credo superioris Africani Scipionem patrem; Paulum alterius patrem Africani, qui Carthaginem, & Numantiam delevit, dum cura attentiore filios educando, præsagirent, animis, ad quem gloriæ locum ita exculsi, essent perventuri [ tantum abfuit, ut ea illis esset gravis cura ] incredibilem percipere voluptatem consuevisse. Nunquam hic noster audiet à suis, parum castum, & pudicum verbum, non aniles fabulas, non amato-



amatorium carmen, non convitia, non maledicta in homines, in Deum, non falsas imbibet de rebus opiniones: agnoscet in parentibus, quam ad posteros sit propagaturus, pietatis, religionis, pudoris, temperantiae laudem, quarum virtutum pulchritudine incensus, ea assuescet amare, quae insita animo, alte radices agat, ut aetate corroborata, fructus opimos, & suavissimos edat. Hinc illud accidet, quod nos jubet sperare tua virtus summa, ut cum te non nomine filius magis, & oris lineamentis, quam viva animi effigie, atque ingenii exprimat, tum te vere beatum, ac fortunatum patrem homines praedicent, & cui non solum tantum natum filium patri, sed adultum civem patriae gratulentur. Vale.

## AD EUNDEM.

**E**tiam si non essent merita tua in me tanta, quanta ut essent, & ratio meorum temporum, & singularis tua virtus fecit; suaderet tamen scribendi munus mihi ab fortissimo rege, & sapientissimo mandatum; ut cum esset mihi in Ungarica historia de familiae vestrae splendore, atque amplitudine scribendum, de eo te quam accuratissime literis monendum curarem. Qua in re quidem quò plures patiuntur se falli, qui ignorant, quanti testimonium

M faciens



faciendum sit, quod à diserto scriptore con-  
nat, sive dedecoris atque infamiae, sive glo-  
riae, & laudis, cò danda opera est abs te dili-  
gentius, quem à multorum numero eximit  
non summa nobilitas solum, sed virtus et-  
iam, & magnitudo animi par, ut mea spem  
te me vestra laudi faventem adjuves. iis scrip-  
tis subministrandis, quibus, salva mea reli-  
gione, & fide, locus mihi detur, meam erga  
te familiamque tuam amplissimam, obser-  
vantiam, & studium, testificandi. Equi-  
dem, & alibi non semel, & cum de prima  
illa legatione ad Isabellam reginam agerem,  
qua est pater tuus vir amplissimus sanctus,  
tum de alia ad Solimannum, mox de collo-  
quio, quod cum Georgio iniit, non se-  
mel Ungariae prorex, ita scripsi, ut ab ho-  
mine suae gravitatis memore, & qui non  
plura potentium gratiae, quam suae religio-  
ni daret, uberior laus non posset expectari.  
Nam illud etiam dedi operam, ut tan-  
quam aliud agens revocarem sub stylium,  
quod aliquando in sermone meminisse so-  
litum commemorare: cum quereretur, de  
praelio describendo, quo Franciscus rex et-  
ad Ticinum victus, capti regis laudem  
scriptores viro fortissimo patri tuo prae-  
ptam in alios transfulisse. Olivi, amplis-  
sime vir, ne graveris per hanc rationem  
prospicere tanti parentis laudi, quàm quidem  
ut ni-

ut nihil addam, sed, sicut ex commemo-  
rationibus Cassiodori, quas mactare  
gessit, constituitur, & monumentum, sed ita ta-  
men, ut nihil sit, quod simul iteris possit, in  
quo se super laudandis laudibus solutio sit  
tametsi virtuti debitas praerogative. Non  
semel obrepit tota hac de re ad eum do-  
ctissimum Jacobum Marquetum, amicissi-  
mum meum hominem, ut in damnae per-  
fessionem: sed, ut videtur, ad hoc nihil effe-  
cit. Quia, rei quamque peritiam, rema-  
jorem in modum, ut in quoque, amari  
de in, ut in, peritiam, in quoque, in  
pian. Cumque, in quoque, in quoque, in  
flice gloria, ubi, in quoque, in quoque, in  
ter possenti, in quoque, in quoque, in  
imprimis, quem, in quoque, in quoque, in  
multas, quibus, in quoque, in quoque, in  
sit summus, in quoque, in quoque, in  
omnes, quam, in quoque, in quoque, in  
nam, ut in, in quoque, in quoque, in  
quod, in quoque, in quoque, in  
ritate, in quoque, in quoque, in  
fons, in quoque, in quoque, in  
nas. Nolo.

AD NICOLAUM FALLA-

VICENIENSIS.

**E**rgo, in quoque, in quoque, in  
nam, ut in, in quoque, in quoque, in  
M 2 plu-

plurimum habeas devinctum. Nam cum alia in me officia contulisti, quorum ego oblivisci sine ingrati animi crimine haud possum; tum, ut me imprunis diligere putarem, nullo unquam genere liberasti, quod quidem ab humanitate summas atque inductione animi proficiscatur, declarare intermisisti. Ea autem est tua virtus, ut tanquam mihi hoc uno nomine nudo sis amandus, quem amare multis debeo, me totum tibi plane addicat. Est autem hoc virtutis, ut quemadmodum, cum exoritur sol, lumina nulla alia compinguntur, quorum est admirabilis aspectus, & clarissimus: sic magnitudine illius ipsius, quaecunque sunt in vita ornamenta reliqua, siue illa præclara a fortuna, siue a natura sint, ubi semel illa eluxerit, obsolescant. Itaque etsi fortunæ debes multum, quæ tantum tibi tribuit, quantum moderato homini, & ad agendam vitam, & ad dignitatem tuendam satis videri potest; a natura tamen unus habes, quæ illa raro pluribus largitur: at quod te omnes ament, in oculis ferant, beatissimum esse, & honestissimum velint, virtuti uni, pudori, probitati referre acceptum debes. Atque in eo est amen fortunatus, quod non solum iis, qui hæc in te bona agnoscunt, amabilis videris (per pauci enim hi essent) sed quos illa etiam

tenent,





ceret. Est autem cū hoc semper in vita tutissimum omnibus, tum adolescenti imprimis, cum viae multiplices sint, una ex his modo ad vitae beatæ finem directa, quò est viris bonis contendendum, deligere sibi ducem optimum, qui, & quò insistendum sit, & quā declinandum, necubi offendatur, possit commonstrare. Sed dum tibi probare contendo, quā te merito tuo amem, id autem non in eo esse, quòd multis mihi in rebus tuam erga me benevolentiam esse perspectam voluisti, sed in una virtute possumtum tua: multo, quā volebam scribendo progredior longius. Nam quòd me, diligis opinione nonnulla, quā de mea, virtute habes. [ ne quando te ista ipsa fallat, video quā mihi elaborandum sit ] illud efficis, ut vicissim amando te, haud plane inhumanus videar, & ferreus esse: quòd mirificum in me tuum amorem mentis tuis in me multis, & officiis testatum mihi esse voluisti, sit, nulla ut mihi laus debeat major, quā quæ grato homini speranda est, & non inmemori beneficiorum: est enim totius hujus rei una ratio, ut quemadmodum in referenda gratia perexigua, est laus, ita in habenda, cum possis referre, & turpitudine insignis sit, & scelus maximum. At virtutem tu quidem, quā ego una adductus, quā mihi sis amandus, intelligo,

relligo, in te persequantur moderatione animi quidam, quæstis: quæ quidem res est modestior, et est ornamento, ne quando mihi tamen offensioni sit, tibi est magis oportere providendum. Ita enim mihi a morem tribuit, ut non adimas idem judicium, quamquam me nunquam sine periculo, dum ego hoc ipsum urgeo, consequi te, idem negando, modestæ laudem consensu civium singularem. Illud quidem abs te peto, quando per me tibi licet, meo etiam periculo, moderato esse: facile patiaris, dum de te ea prædico, quæ debeo, sinceram mihi mei officii constare. Ea enim si rejicis, detrahis, ut dixi, de meo judicio plurimum: quod quidem si mihi concedis, quid habes, quod de me exoptules prædicante vera, & te digna? Nam quod crebro idem inuincas, & libentius te auditurum adhortantem me, quam laudantem scribis: genus est adhortationis, quo ego uxor, tibi uni maxime probandum. Ante enim vitæ laudes, constantiam exigunt in reliqua agenda. Itaque si mihi adhortandus esses, idem ego prope efficerem: amulam enim constituerem tibi, idem te ornatum verissimis laudibus, ut cum quædam stultes, manumiles, cujusmodi esse possent futuris, tibi etiam curæ esset. Idem autem verissimile, qui adolefcens

pudoris, integritatis, constantiæ, & temperantia laude plurimum inter aquidones celluerit: confirmata, eundem jam animo, non quidem meliorem [qui enim fieri id potest?] sed constantem tibi in cunctis vitæ reliquo fore. Neque enim verum est, eos qui dñi viam hauri, atque eleganter traduxerunt, hand tibi facile posse commutare, ut repare in sordibus, nisi occurrat, atque invitagent; animam quem dñi corpus pueri cogitationibus optimis, tibi subito vetere instituto, ad improbandum dedecere. Nunquam hoc, nobis crede, verendum est: neque quibus hauri, semel que sit honesti species videre. Neque nunquam in mentem, ut in nequitiæ, & turpitudinis castra transiugiant. A pueri enim cum, natura duce optima, mentis aciem ad virtutem intendisses, pulchritudine illius, dignitateque perspecta, illum quidem, tanquam virginis liberali forma captus, animam adamasti: ut jam minime mirandum sit, te adolescentem nobilissimum, quamquam affluentem omnibus fortunæ bonis, cetera semper, præ hac una, aspernatum esse, ubi illi semel tibi ad oculos fulsisset. Quin etiam illud esset summe mirandum, cui tanto bono sui contiguisset, cum quidquam præterea posse in vita adamari, ut aliis maxime etiam expectandam videretur.

Facit





autem, à qua hæc ipsa ornamenta manant, ita pectore intimo inclusam constanter tueris, ut citius vita tibi [ multis enim casibus exposita est ] quam illa eripi possit. Ubi vero illa semel tanquam in suo consisterit, se ipsa facillime sua vi, & robore tuetur. Itaque secundis rebus, ne se exollat plus a quo animus, temperantia moderatur; erigit in adversis jacentem fortitudo, & constantia; ab errore, & imperitia prudentia vindicat; justitia animi impotentiarum, cupiditatem continentia, ratione ferociam coercet; ut cum nusquam oculos de vite custodia dejiciat, tutissimam eandem semper adversus vim omnem, atque insidias præstet. Eo igitur bono qui fruaris, in quo uno ea omnia sunt sita, quæ summa expeti ab homine in vita possunt: nisi sit mihi tua plane modestia peripecta, non me irrideri abs te putem, qui me tuis literis ad tui cohortationem impellas? At ita mihi Deum immortalem propitium velim, ut tua probitas me, religio, pudor, moderatio, excellens in rebus omnibus virtas, si quando ejus mihi in mentem venit, hominem hac ætate, usu rerum [ adde literis, si placet, id quod mihi video abs te tribui ] ita commoveret animo, ut tanquam tuam mihi primum perfectæ virtutis imagine objecta, ex ea notum esse incipiat, quid mihi illam

## SECONDIES

HANC

Hanc tantam animi tui virtutem, cum primum ego te aduissent, populari multis fama acceperam: cui quidem, sapientioris, quam vissem, non sine causa facillime credidi. Itaque a te iam accedere propius, non omnino existimans, de nobilissimo patre meo adolescente, eam diuipari famam te me e potuisse. Qua quidem in re, est quod mirum non debeam Joanni Francisco Batigo iuveni de cetera virtutis, ac minime de eo ca. fortasse, qua nunc iactatur: quod mihi interire, licuit, ut me minime esse mea deceat computarem, consuetudinem tuam, & amicitiam jungere. Nam cum te de te praedicaret, quae referente alio, noni prorsus incredibilia possent: de illa scitata, in quo ne ipse falleretur, praedicatis summa, ne me falleret, fides, & benevolentia praestaret in me singularem, eam cupiditatem mihi cognoscendi copijecerunt, ut non sim passus, quin me ad te deduceret, intercedere diem. Minutem fuit Batigo satis & ad liberandam meam fidem, & ad me confirmandum in ea constantia, in quam me tum ille de tua virtute adduxerat. Cetera unicus ille conatus ita comprobavit, ut statim mihi dubitatio omnis tolleretur, quicquam esse famae dictum tuis ludibus. De quibus equidem amore, & studio proventus, pluribus ego

fortasse,





ejus monumenta in te insignia, si modo dederit Deus, ut vita sit comes, quam te, tuo merito colam, aliquando declarabunt. Atque aliquidem, qui non te magis, quā fortunam tuam intuentur, cum quæ norint non habeant potiora, iis te sibi pomeri student, quæ admirantur, auro, gemmis, numismatis, pictistabulis: mea erunt munera, quæ cum iis in te consentientia sunt, quæ, ut te amarem effecerunt. Quæ tamen tanta in te sunt, ut haud nobis sit laborandum, quā illa augeantur, cum haud majora esse possint, sed quibus rationibus, quasi in sacrario tuæ mentis purissimo, & castissimo, facta tecta servari, aduersus æstum ætatis, ac voluptatum blanditias queant: quibus cum ita tibi in hac tua adolescentia consistendum est, ut ne ipse quidem velis, ut ipsis, quibus debes, laudibus ornari, nisi, ut speratis, magnitudine animi illos, & constantia augeas: quarum virtutum præsidio aliter maneat in te incorrupta. Hactenus sunt in te virtus tanquam septa, ac vallata domestica disciplina; quæ tibi assidua contigit, cum tanti parentis gravitate, & sapientia, tum consuetudine via optima, & doctrinæ confirmata; ut regenda esset te ordo, probitas, integritas, modestia, quæ inamabilem omnibus mihi admirabilem etiam reddunt, longe ab omni









ctorem referas Deum. Atque ut tibi tanti sis, quanti esse debes, in quo haud tuam modestiam laaseris, te ad illud Apollinis re-jicio, vel sapientiae oraculum potius, TE UT IPSE NORIS, te undique circumspicias, assentatorum blandimentis, voluptatum illecebris, vitiorum delinimentis opponas eum ipsum, qui in te elucet, virtutis splendorem; non secus ut tecum agi putes, ubi iis victus des manus, ac si, exuta hominis forma quam non haustam è mortali corpore, sed libatam è divina mente habes, veluti Circeò sumta poculo, induas bestiae naturam. Quantum vero dedecus est cum in homine alia sint, quibus non differat à bestia, divina alia, quæ habet communia cum Deo; negligere, quæ hominem efficiant Dei simillimum, religionis, pudoris, honestatis, & virtutis cultum; iis teneri, quibus sensus obiectentur, qua in re bestiarum similes homines efficiuntur? Ergo hoc tibi propugnaculum esto, hoc vallum, hæc arx: ubi pudori insidias, per amicitiae speciem, moliatur homo impurus, turpis voluptatis administer, assentator: meminervis tanquam in munitissimam arcem, in mentis penetralia querere receptum: ut cum tibi tute inde, quasi è speculo, noris, divino ortu natum, conciliis naturæ, immortalem; discas ea contemnere, quæ te indigna, id quod

quod cum omnium malorum postrema esset  
in obliuione rapuerant. Quam uero  
uenerit esse tanquam summi artificis li-  
gnum, cum radi, & imposita materia, sum-  
mum animi bonum mentis decus, diuinam  
indoles, cum eo genere voluptatum com-  
mune: quibus beatis prestantiores haud  
sumus? Commutat uero is, qui cum habeat  
à natura certum munus, omnia iusto, sapi-  
enter, temperate agendi, quod cum facit,  
adhuc in hac mortali uita, fruitur beatorum  
felicitate, desiderans naturam sui, & sensim  
inducens resum ingenium, in contraria  
uita uiuat indulgens illius amoribus, ui-  
no, epulis, que quibus rei imagine habet  
potiora summe disponit, qui pseudome-  
lior habeatur: cuius uita prestantior  
haud nouit. Hoc militum multorum est:  
tua, mi Petre, diuinitas, quem a multis ab-  
ducit excellens uirtus. Pareant tibi, quae  
eos, quibus impedit, in exitum impel-  
lunt. Titillat sensus libido: excitet tem-  
perantia ad deum: maiorem gloriam con-  
cedendis, quae sua in sunt, quam fru-  
dis voluptas: & hoc beatus, iudicium  
qui se necemur; potius accedere mentis  
prestantia ad Deum. Audiamus uero, in  
mortalium ingenio, potius di-  
pna uirtute in promouendo, non  
in adquirendo honore inliguit: hoc enim

aliorum potestatis, illud proprium hominis est; & alterum quidem est semper cum laude, sæpe cum dedecore alterum. Quantum magnificentia fama, conviviorum apparatus, instruendis epulis regio more, fatigandis ingeniis, quæ gulæ lenocinentur? cur non frugalitatis laus potius, ex eorum despicientia major? cur non brevi voluptati, quæ eadem est sæpe cum pudoris jactura, vera, ac solida gloria antelatur? Ergo certum illud: quæ ratio suadet teneantur; quæ sensus poscit, rejicit ratio, contemnantur. In deside vita quidem inest otium, quies, quæ delectant multa; sed ut æque multa, sint, quæ angant, & conficiant mœrore animos, tristis nota inertia, nomen aut obscurum, aut cum infamia celebre, pudor neglecti officii, male conscii animi aculeus, pertinax malum, quod auget ætas, nullum solatium minuit: cum ejus unius memoria, quò tenacior, eò invisâ hæreat magis. At contraria omnia in labore: industria, vigilantia, tolerantia malorum: quod angit, spes certa commodilevat; sequitur ipem, ex officii laude, solida voluptas: in qua cum sint omnia summa, nihil esse nimium potest, fama, nomen justissimum recte factorum præmium. Referta est vita hominum exemplis; ut non solum improbi, sed qui non sint probi, plecti æquum sit, & quidem





gam à me epistolam habes, clarissime adolescens, sed ut prolixior multo voluntas, & benevolentia mea in te sit. Clarissimum, virum, atque amplissimum patrem tuum, matrem lectissimam matronam, & quem merito colis, parentis loco, doctum hominem, atque integerrimum Balthasarem Schumannum à me plurimum jubeas salvere. Vale. Datum Cracovia XII. Kal. Febr. MD LXXIIX.

*AD EUNDEM.*

**R**Ecte quidem tu facis, qui ita meam liberalitatem verbis auges: videris enim spectare non munus sed voluntatem, quæ est mirifica, unde illud est: quod tuum judicium tamen minime mihi est novum: altam enim animi tui indolem novi, quæ in hac tua primæ ætate, maturos eos fructus edit, qui etiam acerbi expectationem hominum superant, quæ de te est maxima. Atque erat meum consilium de singulari tua in me humanitate, benevolentia, amore pluribus agere, si per tabellarium liceret, qui hinc avolat. In eo bene agitur, quòd summam meam in te observantiam, patrenique tuum virum amplissimum, non ex oratione spectandum tibi, sed ex voluntate, & studio animi censes:

fes : quod tu sciam sit, quamnam modo quare non possim, verbis mihi declarandum patrem : sed non despero fore, ut, quod nunc, post huius temporis angustias, minulicium a me, veluti candidato, aliquid domi se, etiam voluntate uberius redirciam. Quamvis autem, minime, Ungaricos, quos pro libris, dederem accepi, & vascula duo fassus sum, quo nihil parius mandius, pelliculis, potest, excogitari : sed multo plus omnibus, praestantior, ac candidior, tuam animam. Ugent tui, ut scribendi ad te, timor tacet, cois amandi, colendi, atque obsequandi, nullum mihi habeo propositum fecim. Iussit Deus, ut diu me immor, felix, non minusque tibi, tuis, patrie, vivas. Vale. XVII. Kalend. Jan. CID IO LXXVII.

## AD EUNDEM.

**N**on patiuntur gravissimae occupationes meae, ut officio nato possulat, & conceptus a me, animi dolor ex obitu vii, amplissimi patris tui, pluribus tecum agere. Nam neque agi patris magna de re potest : & facilius agenda pluribus haud datur. Quod quamquam ita sit, in magno animi dolore tamen, una me res consolatur, nondam apud re obisse.

leviſſe memoriam ſingularis meæ erga te obſervantiæ, atque amoris. Non enim me ſolum curavi certiorẽ faciendum de acerbiffimo tuo caſu, id quod amici animi argu-  
mentum habet, ſed dignum ſtatuiffi etiam, à quo tanti parentis apud poſteros virtutis, fidei, atque innocentie monumentum con-  
ſtitueretur. Qua quidem in re ita impe-  
ranti ſum obſecutus, ut tibi forte facile, mihi nulla ratione ſacere ſatis poterim. Tu enim, quæ tua humanitas eſt, quid ego poſ-  
ſim modo, id quod tibi pateris pro re eſſe; quid debeam etiam, ipſe mihi ſpectandum cenſeo, quod quidem per ſe magnum, red-  
dit imbecillitas mearum virium majus. Tria ſcripti. in quorum delectu, non tu quidem deliges, quod melius, atque ele-  
gantius eſt (neque enim tantum mihi ſpon-  
deo, ut quicquam antiquæ elegantie in  
meis ſcriptis ſperem exiſtare) ſed quod lon-  
gius recedens, à vulgo recepta ſcribendi  
conſuetudine, quæ tota fore eſt inſuſcata  
verborum tetra barbarie, propius accedat  
ad veterem illam Romanam, & nativam e-  
legantiam, quam conatus ſum una cum ſin-  
gulari meo in te animi ſtudio repræſentare.  
Brevis in toto hoc genere debet eſſe verbo-  
rum ambitus; ſed quo multa comprehen-  
dantur; ita concifa oratio, ut hinc plena  
nervorum, & roboris, hinc proluxa ſenten-  
tius





laudem rejiciendis, quam innocentia, & sedulitatis administrandis consecutus. Cuius virtutis fama Stephanus rex sapientissimus adductus, & aliis præmiis præclare de re publica meritum auxit, & Syradiensem Castellum creavit: quo postremo munere perfunctus, caste, atque innocenter acta vitæ iustius, atque uberius præmium, quo in terris non licuit, apud Deum relatum, spem certam, & vitam hominum, cum statu gloriæ, parum suis, & patriæ vixisset, solutis mortalitatis vinculis avolavit. Anno ætatis LXV. M. IV. D. II.

Petrus filius parentis virtutis vera imago, pietatis suæ monumentum patri. Regina uxor viro conjunctissimo Matiff. PP.

## D. O. M.

**H**icronymus Buzinskius amplissimi ordinis vir, Regni ararii, & Salinarum Cracoviensium procuratore, magna cum fidei laude functus, cum honoribus clarus, multo clarius in patriam meritis, satis gloriæ, suis parum, & patriæ vixisset; desperato in terris vitæ præmio caste, atque innocenter actæ, in cælum, certiore apud Deum fruiturus, qui ipse præmium, spes certa hominum, & vita est, ingenti sui omnibus desiderio relicto, avolavit. Anno Sal.



apud Deum relaturus, qui ipse, spes certa hominum, & vita est, solutus mortalitatis vinculis patriæ magis, quàm suo acerbò tempore, avolavit.

AD

PETRUM BUZINSKIUM.

**B** Revitati literarum ignoscas, quibus scribendis ut possem vacare occupationibus districtus gravissimis, vix amor eximius in te meus potuit impetrare. Elogium scripsi, id quod ego spectavi, & te velle animadverti, si id modo sum affectus, non verborum magis copia, quàm sententiarum vi, ac robore insigne. Habes quod potui tua causa potius, quàm quod volui: quem ita adolescentem pridem amare, & colere institui, ut nihil non mihi esse agendum censeam, quod postulet tua eximia virtus. Qua quidem prædicanda, par animi studium, facultatem multo infra voluntatem positam, de me tibi possum polliceri. Vale, clarissime adolescens, & me, ut pridem cœpisti, amare perge.

AD

GASPAREM BECHESIUUM.

**M**ihi omnino stat, ad te non scribere, districtum curis gravissimis tum publicis, tum privatis tuis, nisi certum mihi suppeditet rerum mearum ratio argumentum.

iustitiam, quod iustum est, non laudat  
 nec odit, nec querit, nec querendum  
 ipse, neque alius, autem omnia, quae  
 manus hominum sunt, magnitudo animi  
 tui facit, utis utinam modo memortui eo-  
 rum meminere, ut in me contulisti, cuius  
 coram nimis est ea meminisse, recte fa-  
 ceras praeterita, non verberem hono-  
 re, ut illis, quae sunt, quam memini ex-  
 spectare, sed te, ut veluptate vivere a-  
 gam, ut moribus. Quod te exspectare quid  
 enim, ut vellem apparatu velim. Ni-  
 hil quidem, quod non te, neque adeo  
 diuina, cuius auctoritatem longo,  
 rebus meis, exemplum, interpono, ut, quod  
 officii eius nihil gerere, innumerationem im-  
 becillitas reddet, qui leuet, qui minus hoc  
 potest, sequitur, nullum omnium potest.  
 Levabit vero nomen, si ea mihi jubeat tra-  
 di, sine quibus non fieri, sine considerare in  
 scribendo haud possum. Atque in regis  
 tabulario, praeter praeterantiquitati monu-  
 menta, tabulas publicas, leges, edicta re-  
 gum: licet ad reges scriptas, utrum: ex  
 quibus si mihi potestas, ut legendi, quae  
 ad Sygnum in a. Iovianum, ad Jovianum  
 in Sygnum, in a. Iovianum, praeter tem-  
 pora, quibus ille de regibus, in a. Iovianum  
 de regibus, in a. Iovianum, in a. Iovianum,  
 quantum scribenti Pannonicas res, in a. Iovianum  
 adju-



adjumenti sit accessurum. Adjuvanda  
minimo est mea industria : Namque in iis  
quæ typis excusa leguntur : quæ ad rem  
faciat, ne litera quidem. Unus mihi vir  
idem amplissimus, & cupidus imprimis pa-  
triae illustrandæ multa Andreas Dudithus  
subministravit ; sed ut de his, quæ ad Jo-  
annem regem pertinent, sit mirum silen-  
tium. Si meum studium rex adjuvabit, haud  
vereor fore, ut quam de me spem concepit  
habet, liceat mihi egregie tueri. Fit vero  
cum rei magnitudine, tum tanti regis judi-  
cio, à quo nihil non præclarum creditur,  
posse proficisci, accedente nonnulla opi-  
nionem mei ingenii ( recte, an secus docui ho-  
mines viderint ) ut res in magna expecta-  
tione posita negligi haud possit : ita quidem  
est in omnium ore, ut jam à typographis  
Basilienfibus, à me historia Ungarica po-  
stuletur. Summa totius rei, ut mihi à rege  
impetres literas ad regii tabularii præfe-  
ctum, quibus mihi permittat cum regi-  
as illas literas inspicere, tum si quæ  
alia sunt earum rerum, de quibus scri-  
bimus, certiora monumenta. Neque  
recuso, & si hoc minime mea fides re-  
quirit, quin de eo, quod sumam, Synga-  
pha caveatur. Quod ipsum tamen ita po-  
stulo, si ulitatum, permissum aliis, deni-  
que ut complectar uno verbo omnia,  
si mihi



ter adornabat. Valeas, amplissime vir,  
& inter tot curas, quæ te sollicitum ha-  
bent, tuum in me amorem, haud obli-  
lescere patiare. Giulianum, Ghilium,  
totamque illam cruditorum manum,  
aulæ lumina, delicias, atque amores, im-  
primis, qui est horum omnium patronus,  
virum amplissimum Procancellarium, plu-  
rimum jubeo saluere. Datum Cracovia  
XII. Kal. Feb. M D LXXIX.

## AD EUNDEM.

**A**Dhuc me Viennæ hyemis sævitas te-  
net, quæ properanti ad vos animo,  
longioris moræ necessitatem affert:  
effusa enim repente nives, in eam altitu-  
dinem, ut nunquam homines majorem,  
meminerint, passim vias fæde straverunt,  
tanto ultro, ac citro euntium incommode,  
ut ægre per totum diem, qui perniciosius  
etiam equis utantur, conficere milliare u-  
nicum queant. Ita, magna cum animi  
molestia, coactus sum, reditum in aliquot  
dies differe. id meorum precibus, vel po-  
tius ratione, quæ apud me pluris est, ab  
invito extorquente. Non cesso tamen;  
peracri ingenio, & mentis vegeta vi, me-  
tum quidem, cum est nulla facultas agen-  
di, otium ferente, in eo totus, ut opus hu-  
jus meæ peregrinationis exstet: quod qui-  
dem

data est: nec mihi debetur, cui idem detur-  
turus, & vitium debet. Levat enim ap-  
porem Sankti consuetudo, cum doctissi-  
mi hominum, tum veterum amicorum, & studio-  
rum similitudine mihi conjunctissimi: qui  
cum de Ungarorum rebus scire quotidie; &  
quidem ut in magna spe sim, fore, ut neque  
me, neque regem adeo meae hujus preniteat  
more. Malo vero illum ab aliis de me, quam  
ex meis licentis: quae quidem quando hujus  
argumenti sunt, nunquam, nisi cum maxi-  
me sunt necessariae, non pudica habentur.  
In Belgia cum caetera ex sententia succede-  
rent, & optime inter civitates conveniret,  
subito est dissidium ortum Antwerpiae, ob  
diversas de religione sententias, populo  
tumultuante. Cum cum Calviniani, ut  
convenerat, certa templa tenerent, quibus  
concionarentur: subito facta manu a pon-  
tificiis, in eos est impetus factus, magno  
bonorum metu, ne per quorundam turbu-  
lenta ingenia, quantum de repub. aequam  
esset unam, atque eandem sententiam esse,  
debilitatis viribus, integri Hispani, distra-  
ctos in varia studia adorerentur. Sedatum  
tamen tumultum ajant, per interpolitam  
Matthiae principis auctoritatem, quae ad-  
huc sancta illis populis habetur: quem diu  
sit flamma, non liber deinare. Illud Belgis  
majori terrori fuit, quod Mechlanæ acci-  
dit,



dit, in qua urbe est totius Brabantiz armamentarium: asservatur enim in quadam castro-  
fiore turri, & imprimis munita, cum alia  
armorum copia, tum ingens vis pulveris  
tormentarii. Eam urbem communicato  
consilio, cum suarum partium hominibus,  
quorum erat intus numerus non contem-  
nendus, dicebantur Hispani constituisse  
invadere; cum multi, rusticorum ornatu,  
nundinarum diebus in urbem essent ingres-  
si. Erat vero eorum consilium, per cunicu-  
los, noctu subjectis ignibus, & magna vi  
pulveris, turrim incendere: ut dum territi  
subito casu oppidani trepidarent, caesis iis,  
qui adversariorum partium essent, id quod  
facile futurum credebant, urbe potirentur.  
Detecta conjuratio, & sumptum de paucis  
supplicium est, cum quidem consocii, sibi  
fuga consulissent. Ex Italia scribunt, &  
Genuam quatuor peditum Hispanorum,  
millia adventasse: qui cum veteranis, qui  
sunt apud Insubres in praeliis, ineunte ve-  
re, in Belgas proficiscantur. Venetiis cer-  
tiores indies nuntii de Persarum victoria.  
Id ex mercatorum literis, quas certi homi-  
nes attulerunt, cum X. Kal. Novembr. Tri-  
poli, urbe Syriz, navi oneraria solvissent.  
In his erat, Turcas, superioribus etiam die-  
bus, magno praelio à Persis victos ad XXV.  
hominum millia amisisse. Vale.

A D

# AD EUNDEM.

**O**Mnino mihi confutatur: est, nam-  
nem hinc pati, sine meo iure, i-  
sine venire. Nam ut aliunde mi-  
hi non esset scribendi argumentum, non  
patientur decesse singularis mea in te obe-  
vantia, atque amor? Ita vero videor scri-  
bendo desiderium absentis lenire, ut, quod  
mihi multo magis est curæ, sperem fore ex  
hac mea sedulitate, ut pro eximiis tuis in  
me meritis, grati a me animi clarissima do-  
cumenta apud polleros meis literis confi-  
gnata essent. Hæc mentis solitudo; nec qui  
referat, nec qui audiat, quæ te scire velle  
verisimile sit, summum hominem, & quem  
minime de foro hausta delectant; neque  
enim magnopere curas, quæ in mercato-  
rum conventu agantur, honestulorum  
quidem hominum, sed quorum infinita,  
pugnant cum tuis: nisi hoc permagni tua  
scire interfit, quod te minime tamen fugit,  
alium ab his agi, quæ arte ex hominum  
incommodis fuerant quædam, his objicien-  
do, aut purpuream, aut holoternicam ve-  
stem, aut quæ palato sapiant, peregrinis  
regionibus advecta, Ungaricum vinum im-  
primis, melioris nati, aut Gallum, aut  
Hispanum, quæ puro pato auro commu-  
tante. In magna tamen hic summo expe-

Statione Moschici belli, qua de re, si per  
publicas occupationes licebit, ut me cer-  
torem facias, te etiam atque etiam oro. Tui  
strenue ædificant: faxit Deus ex tua senten-  
tia: cætera, ut volumus. Jam pridem me-  
mini monuisse te, cum mihi esset ad te scri-  
bendum, me scripturum, ut ratio Latini ser-  
monis postulat, hoc est pure, significanti-  
bus verbis, & Romano more. Itaque me-  
patiare, cum te eo loco colam, quo optime  
de me meritum hominem par est, sine ulla,  
tua offensione, ab ineptis assentationibus,  
quibus aula redundat, abstinere. Nullæ  
enim hic dominationes, præter unius regis,  
quæ ne ipsa quidem tamen dominatio est,  
sed justissimi regis, ac sanctissimi imperium.  
Nam magnificentiæ tituli multi, quibus qui-  
dem ita moveor, ut magnificos malim:  
quod ipsum reipub. magis conducere. Ne-  
que vero cum nominibus loquimur, etiam  
si perampla, & speciosa sint, aut ad nomi-  
na scribimus, sed ad eos, quibus nomina,  
imponuntur, quorum non tituli spectantur,  
sed virtutes, & res gestæ, quæ etiam sine  
ullis titulis, claros homines, atque illu-  
stres reddunt. Vale, amplissime vir, & mei  
sis apud regem memor, cui consilia, cogi-  
tataque omnia, ut Deus fortunet, etiam,  
atque etiam oro. Datum Cracoviæ IV. Non.  
April. M D LXXIX.

A D

## AD EUNDEM.

**D**ixit me heri Tenaudus, vir optimus. & tui perstudiosus, quendam etiam hæc per dispositos equos advenisse, qui hodie, transactis iis, quorum causa veniret, diceret se discessurum: eum tunc meis ad te literis non sum passus redire. Nunquam enim hæc una mihi deerit ratio, ut me deficiant cætera, meam in te observantiam, studium, amorem declarandi. Alii quibus est facultas, alia ratione tibi gratiam referent, ego, quando minus ut velim possum, uno scribendi officio quod possum, quam grata memoria, prosequar tua multa, atque illustria in me merita ostendam. Post veltrum discessum, mera hic solitudo, & de rebus omnibus ingens silentium. In Italia Ferrariensis aperte bellum gerit, insensu Lucensium civitati, quam receptam olim in fidem tuetur Philippus rex. Belli occasio ex finium controversia: quam pontifex sibi dirimendam suscepit, ubi uterque discedat ab armis. In Belgis fama constans, obsessos Mastrocienfes, eruptione facta, ad V. Hispanorum milia concidisse. Quæ clades tamen non deterruit Hispanum, quo minus adjiciat animum ad Lusitanorum regnum, à cujus spe,

ne ii ipsi quidem Lusitani esse ferantur alieni, perpetui Hispanorum hostes, certis conditionibus tamen: in his, ut rex futurus, Philippi regis filius infans, in Lusitaniam mittatur ad mores, & patria instituta addiscenda. Nam illud etiam fertur, moli-ri Hispanum adversus Mauros bellum, at-que ex Italice delectibus propediem, eo nomine, ad X. millia peditum in Hispania, futura. Hic sumus in magna exspectati-one futuri belli ita affecti animo, ut pro optima causa, & iustissima pugnanti regi fortissimo, atque optimo, cuncta ex senten-tia animi speremus successura. Vale, patro-ne optime, &, quod te ultro facturum pol-liceris, de omni statu rerum tuarum, pau-cis, quò crebrius liceat, me pergas facere, certio-rem. Iterum vale.

## AD FRANCISCUM FORGATIUM.

**U**T minus multis tecum agam, quam & mea consuetudo, & immortale tuum in me meritum requirit, faciunt occupationes multa meæ: quas quidem per se graves, ut nulla preterea accessio queratur, valetudo, qua incommoda utor, & perimbecilla reddit ali-quantò graviores. Cum vero tuum in me benefici-



beneficium me debeo, facio magni, qui quo  
minus tempore cogitabam, aditum mihi ad  
optimi principis, & fortissimi gratiam, a-  
trefecisti, tum animum multo pluris, un-  
cæ fluxit, id quod multi præpostere, secundo  
loco habent. Neque enim est in re posi-  
tum beneficium, ut maxima etiam illa sit,  
sed in ejus voluntate, qui beneficium facit;  
ut in levi munere sæpe gratia summa; in-  
maximo levis gratia, haud raro offensio et-  
iam exstet. Id tum accidit cum a cun-  
ctante, & tergiversante, quasi ab invito be-  
neficium extorquetur, & qui cum facit be-  
nigne, si id modo est benigne facere, mu-  
nificenciam habere venalem. At in te uno  
utrumque est, ut & beneficii magnitudine,  
si res spectetur, me tibi devincias, & ratio-  
nem simul omnem adimas tibi pro ejus ma-  
gnitudine referendæ gratiæ, si, quo id ani-  
mo egeris, velim æstimare. Quanti vero  
semper mihi illa sunt apud me futura? Igno-  
rare vero te, tu ne in amando inter nos, an  
ego constantia vicerim? quid his verbis  
amantius, suavius, præstis? Ego vero,  
amplissime vir, qui omnium maxime in hoc  
genere ambitiosus sum, tantum mihi videor  
facere in hac contentione quæstus, ut non  
solum, si vincam te in amando, sed etiam  
si abire vider, agi mecum putem præcla-  
re. Nam quanta est benevolentia, quæ me

prosequeris, qui amorem in te meum, cum sit summus, superare possit? Jam propius accedo, & qui hoc plane persuasum habeam, te non posse impelli ad amandum, virum tantum, nisi adductum virtutis, atque honestatis studio, & incipio jam mihi ipse blandiri, & suspicari interdum, aliquid in me inesse præclari, cujus tu specie incensus, amandum me tibi fovendumque susceperis. Sed ne progrediar scribendo ultra præscriptos mihi fines, flagitante tabellario literas: & quod me ita amas, quæ te cumque causa ad amandum impellat, & quod amoris in me rui, opimos sperare fructus velis, tibi maximas, atque immortales gratias ago. Quæ etiam ipsa mihi causa erit gravissima accelerandi ad te profectionem meam: quam quidem, ne videaris quicquam tibi reliqui facere in juvando, atque ornando me, ita explicasti mihi, facilemque reddidisti, ut, quicquid moræ intercedat, id instar mortis mihi debeat videri. Utar in suscipiendo faciendoque itinere, ut in aliis omnibus rebus, tuo consilio, ut hinc Ulmam rheda, inde Viennam vectus secundo flumine, Posonium Vienna contendam, quo in oppido pecuniam decretam mihi ad iter principis liberalitate numerari placet. Illic apud Purckircherum divertar, virum operam, cujus summam in te observan-

tiam,

## SECUNDUM.

tiam : ut benevolentiam jam patrem  
gratias. Tamen mallem, si foret, ut  
vires per te ad literas peruenirent, Ar-  
gentorini, si conuenirent ; sed cum dispe-  
randum sit, esse Demetriorenes munda-  
nas pone ; si Poionii mihi curabitur, satis  
mihi in tempore prospectum putabo. Ca-  
tero apparatus, ut superioribus ad te literis  
scripti, accedat, ut bibliothecam ut desi-  
deras, citanti mihi sit ulterius eundem,  
inducere animum non possum. Vale, &  
me perge in tuorum numero habere. Da-  
tum Basilea Kal. Jan. MD. LXIIII.

## AD EUNDEM.

**C**um ad XXII. Kal. Mart. quo tem-  
pore tuit mihi Vienna disceden-  
dum, ad te scripsissem, negotium  
dedi Antonio Laureæ homini mihi  
amicissimo, cui, si responderes, literas ad  
me tuas consignari placebat, ut curaret,  
ad me eas per celeres equos perferendas.  
Quod cum ad eum diem factum non esset,  
non quidem parua id oblivione mei acci-  
disse ( quid enim mihi certius, quam me  
plurimum abs te amari ) sed aut tabellario-  
rum culpa factum, aut meo quodam fato,  
cuius ego vim rebus meis omnibus  
intelli, vix posse videri ulli ratione  
effugere. Ita cum animo angeret, &  
mihi totus hoc nomine displicerem ;

commodum literæ mihi Vienna a V. C. Joanne Cratone afferuntur, in quibus etiam alia erant, quæ me scire mea permagni interesse existimabat, tum illud imprimis, Kal. Majis pervespero ad se N. venisse, tui hominem studiosissimum, qui cum illum & multa alia de me, & utrum eo tempore Viennæ agerem, percunctatus esset, illud etiam, præter suam expectationem addidisset; datum esse abs te sibi in mandatis, ut centum mihi aurei nummi Ungariæ numerarentur, quibus pro viatico acceptum, me primo quoque tempore istuc transferrem. Quod quidem ita mihi accidit gratum, ut voluptati tamen, quam summam cæpi, molestia idem non nihil asperserit: vix enim fieri posse puto, ut non eidem simul literas ad me dederis: quarum quidem desiderio, non ob eam solum causam afficior, quod mihi semper tuæ literæ jucundissima accidunt, sed quod æque etiam incertus mearum rerum, variis æstuo curis: quarum quidem una est maxima, ut tibi poscenti meam operam videar haud defuisse. Itaque quò me vertam non habeo, mihi ipse invisus, cui res omnes, quæ temporum injuria per se haud satis sunt lætæ, hoc nomine videantur duriores. Sed hanc ipsam tamen a me factam jacturam temporis, & spe certa sarciam præsentis visendi, & velendi

lendi tui, & officii sedulitate, cum te agendis rebus, quas pertinere ad tuam dignitatem, committam, voluntas impio existimabo. Interim crebro ad te mentis intendis, & desidero tuos, utam, & sentiam meum: id enim me iuvat sperare, cum optime teneas, quia ego semper te obsequantia, studio, amore, nunquam fore, ut tibi facile mei memoria cesset: inter dum desiderium subeat; cuius aculeum tene, quia idem homo sit, haud scire potest. Neque vero te ego censo de me tanquam de alieno homine jam cogitare, sed, ut de eo decet, qui, ut ellet place tuus, beneficium tuo illustri pridem effexisti. Itaque, quando video mihi constare tuam benevolentiam, te de singulari mea observantia minime dubitare: ego vero, Deo immortali bene iuvante, me itineri ad proximas Francordientes nundinas accingam, praemissis, cum aliis impedimentis, bibliotheca, qua quidem carere, ut dixi, nisi ut vita simul mihi carendum sit, haud facile possum. Quo quidem itinere faciundo, cum mihi sit opus subsidio, obsecro te, cum pecunia summam jubebas mihi, Vienna, Francordia cures representandam. Ac tuae literae, si dabis operam, ut Turianis tuto reddantur, quorum est celebre nomen Francoburgi, atque in Norimbergensium conventu, quod mihi



mihi agendum tota de hac re statuas, docebunt. His autem ipsis, qui mihi pecuniam dissolvent, mea omnia tradi placet, ut simul, & tibi de pecunia caveatur [etiam si scio non te minus præclare de fide mea, quàm de ingenio existimare] & mihi consulatur: qui non facile, nisi, præcepto temporis spatio, meo adventui præcurram libris mittendis, sperem meam tibi operam me probaturum. Habeo in manibus Cæsaris commentarios, multis à me animadversionibus emendatos, quibus justum volumen accedet, in quo, certo ordine, politissimi scriptoris voces phrasæque omnes, tum, quod permagni faciendum est, rerum omnium descriptiones in locos communes redactæ habentur; ut si cui sit scribenda historia; & lauta supellex, & luculenta, ex tanti scriptoris monumentis, ad ea ornanda, atque illustranda, quæ velit, suppeditentur. Eum librum Basileæ excusum, animus est inscribere Transylvaniæ principi, si minus ex re ipsa, at ex voluntate, atque animi studio, unde est, quæ una res spectari in omni munere largiendo debet, non ingratum futurum munus. Vale.

AD.

AD EUNDEM.

**W**ilfgangus Kovaciorius, vir tui  
perstudiosus, ut mihi ex illius li-  
teris est visus, cum superiore anno  
Lutetiae essem, literas ad me Pata-  
vio dederat, quibus de re jam non semel  
inter nos acta, tuo nomine mecum dili-  
gentissime agebat. Summa quidem: ubi  
animum inducerem oblatam olim mihi  
conditionem accipere, rum commodam,  
tam honorificam, & meis rationibus non  
male consulturum me, & quod unum mihi  
esset imprimis optandum, tibi tanto viro  
rem gratissimum facturum. Me unum abs  
te delectum multis, qui cum præclari mu-  
neris consortem sperares tibi laborem le-  
viorum futurum, quo tibi esset magno per-  
fungendum, & consiliorum communicati-  
one, & eorum studiorum societate, sine,  
quibus scribendi munus de rebus Pannoni-  
cis, præsertim quantantæ essent, nemo recte  
obire posset: his ego literis, quibus dies X.  
Kal. April. erat adscripta, pridie Idus cum  
mihi essent allatae, Idibus respondi, cura-  
vique per Delbenios Florentinos merca-  
tores, quam primum meas illi literas red-  
dendas. Non ita multo postea, cum mihi  
eundem Lugdunum esset, meis rationibus  
id po-

id postulantibus, ne hominem fugeret. ubinam agerem, si quid illi mandatum abs te esset, quade re me fieri certiores oporteret, id continuo illi curavi significandum: quo ille nuntio accepto, alias ad me literas dedit, quarum ad te exemplum, ut aliarum etiam, cum his mitto: ut abs te tanquam perpetua series totius rei inspiciatur. Convenerat vero, ut Lugduni tuas literas expectarem, cum mihi scripsisset, meas literas cum suis certo se homini dedisse ad te perferendas, quem istuc mittere constitueret. Moratus sum postea Lugduni ad XVII. Kal. Octobris, quo die mihi fuit illinc discedendum, certis de causis, quas nunc minime necesse habeo commemorare: atque ita hoc tamen, ut de his ipsis ad meum adventum pluribus coram, si id mihi, Dei immortalis benignitate, contingeret. Certe si existimas hoc mihi primum, atque antiquissimum in meis optatis esse, nunquam ego tuam opinionem fallam. Ita enim, octo jam ab hinc annis, me primo congressu cepisti facilitate illa, & comitate tua incredibili, ut nisi in te uno colendo, atque observando cum iis contendam, quorū est tibi maxime probata benevolentia, & fides, non tibi deesse magis, quam mihi videri possim. Veni Viennam ad IIX. Kal. Decemb. quae mihi urbs, quod tu abesses, magno carere tui ornameto

mentem esse. Acceptus tamen & humaniter, & potius à Cratone Casimiro medico primario, doctissimo homine & de me optime merito, mansi Viennæ circiter N. diem. unde Symptam me contuli, ad amplissimum virum Julium Comitem Salmensem: apud quem jam XXXV. diem ago. Inde erat animus, etiam si durissimo anni tempore, ubi nactus itineris comites essem, me recta ad te, vix desiderium tui ferens. Sed difficile iter, impeditum, vix non iterata solum, sed obruta nivibus, hic salitudo mæra, ut nulla spes esset conratus, tam Viennensis mensa, si illuc redirem, futura, ut qui sumptuosa ad te animo properanti impedimentum fieret. Quibus difficultatibus, nequam adversis fortunæ fluctibus, per hujus viri libertatem, & natiuitatem emeritis, conditui erat bene mane Viennam redire. Illi ita transierat constitui expectare, ut nulla sit futura conditio, quæ me ab uno desiderio vivendi, & complectendi tui avcharet. Nunc quoque tempore: ferre enim durius sumptum vix possem. Existimo quidem ad exitum, ut præ mentis febri, ut me Viennæ futurum. Literarum agenda ad te, Philippum Montium regis prætoris magistrum: cui cum honoris vestitus nomen: & omnibus humanitatis officis

officiis mecum conjuncto, mihi, jam eo tempore, quo in Belgis agebam, summa familiaritas intercedit. Ita quid de tota hac re statuas, quæve tua sententia de mea professione sit, quod consilium, tuis literis me facias certiores. Vale.

AD  
WOLFGANGUM  
KOVACIOTIUM.

**R** Eddita mihi tuæ literæ sunt, pridie Id. April. à Delbenii puero, quæ me incredibili voluptate affecerunt. Nam ea mihi attulerunt, quæ & maxime optabam, &, ut brevi adeo evenirent, sperabam fore, ut clarissimus vir, atque amplissimus eò perveniret singulari virtute, atque excellenti provectus, unde illi fuerit dei, atque integritatis documenta multa, & maxima constituendi, fortunæ posthac in illum bacchandi facultas nulla facile pateret. Jam quod mihi gratissimum accidit de instituta jam pridem ratione Forgasiani negotii certiora affirmas; quod mihi indicio est, adhuc vigere apud clarissimum virum, & quem unice amo, atque, observo, memoriam mei. Nam quod de conditione agis, unum ego spectavi semper meæ industriæ fructum, ut ea agerem, quæ





quàm illuc pervenero, sint ad manus me-  
perventura. Ita cum cavebitur ei, per quem  
mihi pecunia curari placebit. ac vobis adeo.  
si id modo necesse est, quorum res agitur.  
tum meis rationibus optime consulatur.  
Nam quæ hic licet non magno parari, & op-  
tima habentur, ut vestiaria res, omnis fere  
generis; libri imprimis, quorum hic magna  
est copia, & luculentissima, commodius e-  
mere licebit. Quod reliquum est, te etiam  
atque etiam oro, ut quando per te cæpta  
est res agi, operam des, quoad ejus fieri  
possit, ut per te eadem quam celerrime  
transigatur. Certe, quicquid id futurum  
sit, ne dubius, atque incertus animus dia-  
obscura rei expectatione torqueatur, hæc  
sedulitate, & cura efficies. Vale.

## AD MARTINUM BER- SEVICAEUM EQV.

**N**ON dubito, quin mihi ignoscas, mi-  
nus mature quàm tu velis, & officii  
ratio requirat, humanissimis tuis li-  
teris respondenti. Ut vero hoc spe-  
rem, cum tua æquitas facit, quæ est iūmna,  
tum mea causa; quam quidem si habeas  
perspectam, non solum tibi veniat in men-  
tem mihi ignoscere. ubi præsertim hoc abs-  
te contendam vehementius, sed iusta etiam  
esse.

cum causam additur, quare hoc, quicquid  
 est, meo nomine tibi debeo, meaque  
 finis agere tibi debere patiare. Ita vero  
 tibi pergratulas velim, quicquid sit in me,  
 ingenii, aut, et aditionis, timido est in  
 me uili, tota ad rebus his scribendis, quas  
 in manibus habeo, plane esse exhaustum;  
 ut, quod aut mihi, aut amicis præterea im-  
 pendam, nihil pene jam reliquum sit. Quod  
 rex meam sedulitatem probet, est id vero  
 mihi quam gratissimum, cum re ipsa, tum,  
 eximio illius de me iudicio, atque adeo meo,  
 cui ille plurimum tribuit: nihil enim mihi  
 certius est, quam per vos amicos meos  
 complexor apud regem meam causam, cui  
 non semper datur facultas legendi mea mi-  
 hi licuisse contempni, quod in vita erat mihi  
 maxime optandum, ut de mea indutritia,  
 tam honorifice, existeret & promoueretur.  
 Quod reliquum est, dabo ipse operam, se-  
 dulitatem, atque indutritiam peritiam stu-  
 dio tuendo, ut neque vos regem, quod mi-  
 hi apud illum feceritis, forellis videami-  
 ni; neque cum ipsam peruenit sui iudi-  
 cii, quod de me animum indaxerit bene-  
 sperare. Hodie bene mane Christianam  
 convocat ad iter se adiuvantem, atque illi  
 ostendi, quæ superiore nocte scripti: cum  
 quibus si dabit Deus, ut cunctis constan-  
 tiant, brevi fore spero, namque etis vobis mi-  
 niscam

rificum opus exstet, & ut spero, regi non ingratum. Jam rem perduxì, ab anno quinquagesimo exoritus ad Lippæ usque expugnationem; rebus scribendis, usus, præter Forgatii scripta, Ascanii Centorii Itali hominis commentariis, qui eorum temporum res gestas, exceptas sive à Castaldio, sive, ab alio, qui ab eo hauserit, certe maxime earum rerum perito, literis mandavit. Adjuvat meum hoc iudicium Forgatii auctoritas, quem memini aliquando mihi huius hominis fidem apprime commendasse. Multa recondita habet, & quidem, ut quo tempore, die, hora, quidque gestum sit tradat, ut non ita nostra lingua eleganter, ut accurate imprimis. Convenit illi fere in omnibus cum Forgatio, de tempore ita dissentienti, ut de summa rerum nihil propterea decedat. Nam quòd sit multus laudandis Hispanis, non est minus effusus tamen ornandis vestris verissimis laudibus, Lozoncio, Joanne Terechio, aliis, quos suo testimonio fert in cælum. Addidi ego alios, à Forgatio mutuatus; quorum Centorius mentionem non facit, in his Simonem fratrem, quem virum fortissimum ita laudat, ut simul appareat, a me gravitatis meæ, & constantiæ rationem habitam esse. Honorificentius quidem appellari, a Francisco Theatre non potuit, si meo loco esset. Nam patidis-





tum adiumenti potuit afferre ; qui toto cōgerendo bello, insignis virtutis, & fortunæ monumenta multa constituit, vir, præter nobilitatem, & pacis, & belli artibus clarus. Scripsi ut dicebam, ad Lippæ usque oppugnationem ; quod mihi opus tantum occupat ( exacte enim, & diligenter sum dimensus ) quantum est Cæsar materiæ, à primo ad tertium usque commentarium belli Gallici, complexus. Multum inquis ? imo tum videbitur multum, ubi leges non quantum scripserim solum, sed quid, & quemadmodum id adeo scripserim. Librarius est totus in describendo, sed ut non putem, per totum hunc mensem, absoluturum. Urgebo ut ad vos mittam quamprimum. Ardeo enim cupiditate meum vobis studium probandi, id quod spero brevi fore, si vita suppetabit : quæ mihi uno hoc nomine gravior erit, ubi eum fructum, quem spero, regi, & per eum, Ungaris liceat legere. De N. quod mones, in optimam partem accipio : sed tamen, ut te obsecrem majorem in modum, de ejus alienato in me animo patiari me vis credere, quos tu æque, atque ego summo studio, atque observantia colis. Nam quod dixerim illum in statuendo de me, secutum esse alienum magis iudicium, quàm suum, res ipsa loquitur. Illius enim fuit iudicium & quidem

Sanctitate doctrinarum hominum  
condemnat, quod te non fugit, ut mihi  
hoc tantum minus recte princeps munda-  
ret : alterum fuit, ab hominis gravitate,  
habere idem temere levissimo homini, five  
is decessisset, five de facultate scribendi  
dubitaret, eum hominem facile patior ab  
me differre, quorum eruditio summa ma-  
gno est huius seculo ornamento. Neque  
ille, quando vixit hoc ipsum dissimula-  
vit: quem quidem optime aliquando de me  
meritum ita non nego, ut ultro etiam præ  
me feram, ita paratus animo, ut semper  
illius mentionem præto animo, & insigni  
cessu, utroque illius in me meriti sim profe-  
cturus. Quo pietatis tamen munere fun-  
ctus, illud tuo iudicio permittam, quanti  
sit ejus meritum faciendum, qui aliquem ob  
eam causam exchat in celum, ut inde de-  
jecti sit gravior casus. Certe ego scripti  
supplicem libellam, de milione, in princi-  
pio itatim, quem per G. B. offerre conli-  
tueram, & mox non semel ipse principem  
adit, postulavique adeo ut missus fierem,  
qua de re, idem nunc res, & quidem rex  
carius, si rogaris, est meam idem liberatu-  
rus. Id facile potest cuivis probare, me  
non plus, quam N. voluerit, illius bene-  
ficiam fecisse. Sed ego libenter condono  
totum hoc tamen illius manibus, & viris

amplissimis illius fratribus, de quibus quidem, ubicunque incidet mentio, ita scribam, ut intelligas, quod tui memones, & sapienter imprimis, & amice, meam sponte facturum fuisse. Obsecro eam partem literarum regi ostendas, quam ita ad meum, pertinentem munus exaravi, & per te sperem ab eo lectum iri. Valeas diu felix. Datum Cracovia VII. Id. Februar. MDLXXX.

## AD EUNDEM.

**R**eddidit mihi mane, ante lucem puer regi, & procuratoris, tuas literas, quae me plane exhilararunt. Nam & eo argumento sunt, ut etiamsi abesset elegantia, quae est summa, me ingenti voluptate perfunderet; ea sunt elegantia, ut quacunque de re scriptae quam gratissima mihi etiam esse debuerint. Huc accedunt insignes notae, & multae tui in me amoris, quibus sunt asperitae: quem nisi tanti faciam, quanti id quod sit mihi maxime in vita expetendum, tum haud satis videar intelligere, quid mihi maxime in vita expetendum sit. Amare ii vero, quos commendat cum summa virtus, tum literarum ingenium, suavitas morum tanta, atque elegantia, quanta in te est, nisi sui similes, & in qui-



lius eruditio requirit ; eadem ipsa prius quoque tempore descripta elegantius, legendae ad vos mittam. Interea dabo operam, id quod regem video velle, ut ea in compendium redigam, quæ scripsi ad Joannem Secundum usque interitum : ut si quid rex minus recte relatum legat ( quid enim certius, quam natum hominem errare ? ) eorum judicio emendandum subiciatur, qui iis gerendis interfuerunt, quorum verisimile est multos adhuc superstites esse. Equidem ut omnia agam, quæ ad hoc minus sancte, & religiose obeundum requirantur, nihil mihi reliquifaciam, quasi ab hominis summa vigilantia, & sedulitate præstari possit. Vale.

## AD EUNDEM.

**R** Eddita mihi tuæ literæ sunt IV. Non. Junii, datæ abs te Vilna XVI. Kal. quæ per mihi gratæ, perque jucundæ fuerunt. Nam quod certatum diligentia ais inter eos, qui ad te meas literas attulerunt, est, cur illis gratias agam. Equidem verebar, ne meam sedulitatem, fortuna eluderet, id quod illa & sapius quam velim, & gravioribus etiam in rebus solet. Nam audiebam, te, post regis discessum, Varsoviæ mansisse : cum ii, quibus  
ad te



ad te meum haec dedidit, ut, si tuum  
magna quantitas mea cum me fecisset, con-  
dideret, utinam: iam enim solent in scrip-  
ta erant, ut me per magis emittit, eandem  
roge simul legi. De primo nam defectio-  
ne non temere scripsi, sed quoniam Thome  
literari commentarios, qui sunt diserte ut:  
post mortem regis, Petrum Perinnum, Han-  
cium, Rebelinum, Stephanum Romanum, &  
alios nonnullos statim in Ferdinandi regis  
patre transiit: cum Perinnum transiit  
perinnum, Canalicium minus mandaret,  
duabusque deus Agria & Thatha, certissi-  
ma perinnum, ut agitis. Neque video tecum  
Jovium: scriptum est quidem. Nam cum de  
prima Budesti oblatione ageret: jam, in-  
quit, Perinnum ipse inter Ungaros nobili-  
tate, atque opibus facile princeps, quon-  
quam filium Solimano dei oblationem de-  
disset, ad Ferdinandum transiit, consensu  
scilicet ingentibus promissis. Nam ab ipsa  
statim victoria regi scribit, quod mag-  
ister in locum Verbetti futurus erat, da-  
banturque ei dono aliquot oppida, quae  
ambiguo jure in potestate Thomae erant.  
Desererant etiam regina Stephanus Ras-  
lajas, & quae sequuntur. Quae quidem  
ita se habent, critini tamen temperant,  
debet, tanti regis auctoritas prima: quem  
scio, omnium maxime, unam in scriptore  
requi-

requirere fidem. Nam de Georgio video:  
& quid alii, & quid Ungari statuatis, quorū  
res est: qui quidem et si effusi, & proxi-  
xi estis illius laudibus celebrandis, qui et  
à vobis æque, & ab exteris sit illius fides in  
administratione tutelæ desiderata, neque  
dissimulare potestis [res enim ipsa loquitur]  
neque adeo vultis, quæ vestra fides, & con-  
stantia est. Forgatius quidem ornat ho-  
minem testimonio luculento, sed cum ea  
exceptione, ut cumularum etiam de illius  
laudibus æternis infamæ iniustum malis  
ad posteritatem prodar. Ita enim ait, esse  
hominem magni consilii, ingentis virtu-  
tis, auctoritatis, ut, in maximarum virtu-  
tum commendatione, unum excipiat pro-  
ditionis crimen: quod perinde est, ac si  
quis, rogaturus amicos ad cenam, pollice-  
atur laute se, ac luculenter illos acceptu-  
rum, conquiritis epulis regio sumptu, sua-  
vissimis ferculis, Cretico & Falerno vino, sed  
quæ sint omnia infusa veneno. Nam & il-  
lud addit, quod video regi gravissimo, & sa-  
pientissimo nulla ratione potuisse probari,  
ejecto Joannis legitimo hærede, quòd mol-  
lius educatum à matre, crederet regno im-  
parem futurum, cogitasse de altero ad re-  
gnum evehendo, quem Joannes celebs di-  
ceretur ex impari suscepisse. Id vero rex  
se negat unquam audisse, apposita ad eum  
locum

truncatus manu : quem utrum quaquam auctor scriptorum Aristarum recitabit. At il vero hac una re injatus. Nam, quoniam Georgio erat regno legitimus heredes deturbandi, ea ipsa causa in eius animi culpam vertebat, qui pueri tamen, ut evaderet dignus regno, minus, ut tacerem decebat, laborasset. Neque illa, faciles defensio : non autem tutorem, matrem obsequere, quae nimia victa indulgentia, non tam, quam pareillet, filium educaret, tantumquam, iussis exercitiis contempnit, ut regere, et tibi parere imperanti ingratia, a regno perniciosa coegisset. Ulterius procedam : Quid si his hominem, callidam ostendat, per hanc ipsam adeo mollem pueri educationem, sperasse sibi aditum ad principatum patetactum in ? Pervulgata quidem ratio, utque et explicata, qui sua fide cupiditatem impediendi habet potiore, ut cum florentia, et fidei regni heredem creditum habent, per pravam educationem, & inaccessam rerum omnium licentiam pariter inlicita, & dedecrata faciant : nisi a consilio, modum abesse sentiant, & debent, post sit impedimento regnum audienti traditum. Ita olim Commodus pariter ad Perennium lectum regitare, ab eo permissus, uni tradita, summa imperii, amplecti cum solatus erat.

ram

tam, & voluptatibus disfluentem: id quod utrique pariter exitio fuit. Eadem ratio Hieronymo Siracusano breve regnum effecit, quod puer inierat majoris molis, quam ea ætas ferre posset; tutoribus exitium maturavit, quorum prava indulgentia corruptum, facile paucorum constantia sustulit: qui pari animi magnitudine, non à rege solum, quod non erat satis patriæ liberatoribus futurum, sed per tutorum eadem, qui unius invidia ad tyrannidem occupandam abuterentur, patriam à regno vindicarunt. Raro vero perniciæ præmium proditori fuit diuturnum. Nam patrum nostrorum memoria, per eandem rationem, Ludovicus Sfortia Insubrum regnum peropulentum invasit. fratris filio, cujus erat tutor, principatu dejecto, cum illum per omnium voluptatum illecebras corrumpendum hominibus impuris tradidisset: quibus libidinum ministris utebatur. Quod quidem assecutus, ita per aliquot annos gessit, ut cum sua, tum totius Italiæ ruina, pari cum domestico dedecore, atque infamia amiserit. Jam quòd eundem Forgiatus magno profèquitur verborum honore, quòd cum alia consilia digna summa virtute, tum de regia urbe recuperanda agitare: mihi multo magis videtur reprehendendus, qui ipse effecisset, ut necessarium

faciam, nullum de amissa recuperanda esse. Quod illi, post Solimani adventum Hadam, coniectus in vincula, Tharectus, barbari imperio, dicitur audacter non minus, quàm vere exprobrasse: id quod mihi affirmavit vir mihi amicissimus Pelius, qui se porro audisse id de amplissimo viro Thoma Nadasdio dicebat, qui regni Palatinus postremis temporibus fuit. Sed hoc, quæ liceat assequi conjectura: mihi tantæ regis auctoritas tanti semper est futura, quantum illius virtus, & sapientia est habenda: quæ non minus, quàm majestate nominis excolit. Nam quòd censeras, antequam non deliberentur, fuisse, fortunam V. Simonem Forcatum, commendandum; mihi tibi convenit mecum, ut nihil sit, quod ego cupiam magis. Sed fuit tamen prius totum quasi corpus historie conficiendum, hominem præsertim natu grandi, & qui memor humane conditionis, non sit immemor sue fidei: cujus dandam operam mihi video, ut certa monumenta post mortem possint. Tunc nullo negotio mutari, ubi opuscent, audi, tolli, multa poterunt, quamlibet bene quamvis sedulam hominem tamen, ut ad nos saltem nonnulli esset. Atque hæc me vulgare iterum meæ fidem faciunt, quæ proximo ad regem dedi, & mea postulatæ simul, in quibus est u-



est unum hoc potissimum, ut aliqua-  
 mihi liceat, bona cum illius venia, qui  
 to potest, Ungariam lustrare; ac cum alio-  
 tum imprimis huncipsum Forгатium con-  
 sulere, qui earum rerum, de quibus nunc  
 scribimus, magna pars fuit, & ut audio,  
 pereruditus est: ut non solum gerendis re-  
 bus, sed etiam explicandis tum oratione,  
 tum scriptis sit par futurus. Ac video qui-  
 dem regem sollicitum de mea salute, ne,  
 quid mihi durius accidat vereri: cujus in  
 me indulgentiam ita agnosco, ut non ta-  
 men absistendum à tam præclaro incepto  
 censeam. Quid vero præclari in vita ho-  
 minum est, quod non magnis periculis ad-  
 cundis, multis perferendis incommodis  
 viri fortes se consequi posse sperent?  
 Neque ob hoc tamen à magnis rebus  
 gerendis deterrentur, quas ob eam,  
 causam consequitur gloria, & laus, quòd  
 materiam fortitudini exercendæ submini-  
 strant: quæ tum fortitudo est, cum quæ  
 aliis sunt ardua, difficilia laborum ingen-  
 tium, & discriminum plena, reddit quam  
 facillima explicatu. Acuet salutis curam  
 operis amor, cujus absolvendi, & perpoli-  
 endi causa, mihi vita mea multo carior est;  
 cum non solum in eo agatur de Ungari-  
 rum gloria, cujus illustrandi munus inces-  
 pi, sed de mea etiam nonnulla, quod præ-  
 mium

minis valde iubilantibus, atque honestissimum iunctilatum sperant futurum. Vos modo amicum, hoc tam in vobis vestigia mihi impetretis à rege maximo, qui huius glorie est patrie auctor, ut jubeat suo nomine scribi cum ad Forgatum, tum ad alios, quos maxime dubium est summos homines, & insignis nobilitatis, magnam turbam clientium alere, a quibus multa, quæ hinc conducant absolvendo operi, dici possint. Quæ de re quando plura cum Giulano ego commi, ita te ad illum rejicio, ac etiam, atque etiam orem, pro summa tua humanitate, ut cum eo ipso meam causam apud regem agas. Nam nunquam ante hæc mihi licuit, ulteriorem fructum meæ industriæ sperare. Ad quæ recte, de Giulano intelliges, quem levinem, ne velit probitas, & fides, ne possit fallere, eruditio par, & ingenii flexitas prestat, quæ est summa. Venio ad Andreæ Bathorem regium adolescentem; de cujus offensione ad me scribis, non sine magna meâ admiratione. Quæ tota de re quid vir prudentissimus statuit, docet rei exitus, qui est talis, qualem sequi oportebat, quæ admissa pati cum fide, & diligentia client. Quis enim ego, ut regis imperio obsequendo, credam me consilium exquiri potius, quod ipsum tamen de agenda re incipitur, non

Q

de

de jam acta, quam vigilantiam & studium.  
Quin si modo a me peccatum est, in eo est  
peccatum, quod plura ego, quam rex im-  
perabat prestiti: cujus consilii me non po-  
nitet: quando ita parvo dispendio: regia-  
dolescentis studiis, atque illius quidem op-  
timæ indolis est consultum. Nam in eo  
indice, quem ad me misisti, cum juberet  
emi Plutarchi vitas; opuscula addidi, cum  
Virgilii unicum exemplar: duo, quorum  
est alterum parva forma, id quod satis in  
præsentia fore visum est; magna forma al-  
terum longe pulcherrimum, Plantiniane  
editionis, novis commentariis, & doctissi-  
mis locupletatum. Habes causam justæ  
querelæ. Nam quod dicant, me consilium  
cujusquam reprehendisse, qui traderet aut  
Hosii scripta, aut Plutarchi, adolescenti le-  
genda: utrumque falsum. Dixi quidem,  
cum de his ipsis libris agerem cum doctissi-  
mo homine, & gravissimo Basilio Rhético,  
qui hic est ex Jesuitarum societate concen-  
nator, non credere me Hosii scripta, quæ  
*Σαλογικὰ* tota, & concertationum plena  
essent, adolescenti empta, sed iis potius,  
in quorum ille contubernio ageret. Id si  
malum est; à depravato animo odio profici-  
scatur oportet: a quo ipse longissime ab-  
sum; tum quod nulla odii causa, tum quod  
minime ego eo ingenio, ut in quemquam,  
quod

quod rudem & barbarum reli, tam in-  
dignum ducipionem. Nam quod amare velis  
finistum, tantum necesse est de te  
testi, quod tuus ei, qui ponit metus tu  
constantia tui. Dudisti, Gratonis. It. si qui  
hujus ordinis homines sint, vel ferentib-  
ire: quibus placere, nisi cui bonum pla-  
ceant, nemo potest. Gratulor tibi, quod  
scribis cum N. reconciliatam gratiam: quod  
mibi tamen novum est, qui inter vos, ne  
levissima quidem unquam offensione inter-  
ceptam aduersionem: non amari enim inter vos,  
cum eadem sint in utroque vestrum cause  
amoris, virtutis, atque honestatis, hand fa-  
cilius possit, quam odio haberi, quod ob-  
jecta tantum quidam sint, aut speciosa des-  
ctu, ei qui plurimum illa experient. Com-  
bo, quae rogas Dadii corrigenda, idque  
quamprimum ad verum delinquis, quam  
tuis literis celsationis consolationem habent:  
quam viro humanissimo non dabo, quae  
tis facile probaturus. Habes longiora res-  
picienda, quam occupationes multae pos-  
sident, quibus distingo: cuiusque men-  
tio de legationum rerum, si reddideris  
legendas, gratissimam in totum con-  
silia amicitia dignam: quam ut intelligas  
nulli potest esse, si non sit tui  
dabo. Vale.

## AD EUNDEM.

**C**Redo tibi pridem meas literas redditas esse, quas Bogdano. cl. V. keliifamilia dederam fasciculol. aureæ inclusas. Quæ quidem eò fuerunt breviores, quò magis mihi constitutum erat, istic ad vos, & de his, quæ mandaveras, tecum coram pluribus agere: quod cum nunc mihi minus per meas occupationes liceat; statui de eo ipso mihi ad regem scribendum; eo consilio, ut, nisi ipse secus statuat, pergam in mea sententia manere. Etsi enim multis de causis, meis rationibus conduceret, me regem adire, in eam tamen sententiam illius voluntatem sum interpretatus, ut malit me hic manere, ubi illi fructus meæ industriæ constet (dies enim noctesque in conclave abditus id unum ago, ut muneri mihi imposito haud videar defuisse) quàm magna temporis jactura, ubi nulla in re usui sim, in regia versari: neque enim me fugit, in isto vestro Varsaviensi conventu, in quo de rebus maximis, & gravissimis agitur, non esse locum homini, ubi à scribendo discedat, otioso: qui nisi occupatissimis verbis negotium faceat, langueat ipse otio necesse sit. Sed tamen si ulla sit spes, inter magnas occupationes, quasi *ὁδοῦ πάρεργον*, regem illis



illis legendis, & scribere, quæ ego scripsi, post  
dilectam salutem; nihil mihi prius erit,  
quam te illis, & ante idam. Equidem spe-  
mem meam, quæ mihi per illius occupatio-  
nem, & sollicitudinis mei sollicitudinem non in-  
gratum illam, perrepturum. Nam ea nunc  
litteræ, quæ propius ad illius tempora ac-  
cedunt; quæ ego spero legenti futura gra-  
tiora, quæ plura sunt, quoram ipse possit  
esse memor. Ne ne forte rex, quæ sint ea  
requirat, quæ per totum hoc tempus scri-  
psi, in unam aut alteram paginam redacta,  
ad te mitto, ut legenda regi cum meis li-  
teris tradas. Quod officio obcundo, tesum-  
mopere rationis tui memor, tuum institu-  
tam sêves, & sollicitudinem erga me tuam,  
& studium mihi probandi. Id quod tua  
summa humanitate consilium, meo in te a-  
more, spero te facturum. Quartum jam  
diem decumbo vehementissimis doloribus  
vexatus, atque adeo, ut vix ulla ratio sit  
levandi mali: id medici ajunt à nimis affi-  
dua commentatione, & pertinaci studio  
scribendi esse: quo ubi non liceat in reli-  
qua vita uti; ab ea ipsa vita, mihi minime  
futura jucunda, non invitus discedam.

Valeas, & me ut soles, amare  
pergas.

Q 3

AD

LIBER  
AD TIDEMANUM  
GHISIUM.

**E**T de literis tuis, quibus est nihil elegantius, aut purius, & de munere pariter, te amo plurimum, sed, ut amor tuus, unde hæc agnosco, me plane tui obstringat. Nam ut te amem non solum facit summa tua virtus, literæ, eruditio, sed etiam elegantia morum, & modestia quadam incredibilis, quam qui in te, norunt, & te non amant, iis sit oportet vita, qua fruuntur inhumanis: quæ vita non est, ubi careat humanitatis sensu; qui maxime moveatur iis, qui sunt propria hominis, modestia, facilitate, comitate, sermone; quas virtutes in medio positas efficiendi cura, & studio tuas. Quod quidem, qui potest præstare, is inter multos, qui hæc aut non noverunt, aut cognita amplecti animo neglexerunt, est vir quidam singularis. Ita autem mihi Deum propitium velim, ut quo te primum die Bidgostie vidi, sic te amare ceperim, amabili illa tua comitate, & quasi effigie quadam humanitatis captus, ut te æque ab iis amari, quos diuturnus usus tibi conciliaffet, vix mihi credibile esset. Accessit ad hanc meam voluntatem arctior consuetudo, cum in Leopoltiano conventu, in clarissimi viri Berzevici:

vixi hospitii, apud vos mihi receptus com-  
mens, vestra liberalitate paraberet. Quo quant-  
tempore sepi mihi minus displicere, ac pla-  
ris meum iudicium facere. Nam quam ego  
antea de summa tua virtute opinionem susce-  
peram, & de morum sanctitate, non ita mul-  
torum dierum consuetudine plane confirma-  
ri. Quod tamen non mihi magis adscribo,  
quam tibi: non enim tanta est in me ingenii  
acies, ut confidam me uno aspectu de summa  
virtute posse statuere; sed hoc est assecuta  
tua virtus, quæ ita in te eminet, ut qui illam  
non videntur capiti oculis; qui visam non pro-  
sequuntur ut suam amore, plane capti mente,  
atque omnimoda carere videantur. Itaque  
quod me amas, ut scribis, & ego speravi sem-  
per, non tu me quidem verius amas, quam,  
quod certum iustitia est munus, redamas te  
amantem. Quod ut pergas posthac facere,  
& me vere in tuorum numero habeas, te e-  
ciam, atque etiam rogo. Equidem dabo ope-  
nam quibuscunque in rebus mihi dabitur oc-  
casio testificandi tibi mei amoris, ut quæ tunc  
ipse, non oblata complexus esse cum ipsam  
occasionem videar; id quod postulat, & mea  
constantia pariter, & tua virtus. Hodie  
Giulianus cum Kentio, & Bathore in Tran-  
sylvaniam discedit. Vale. Datum ex

Craevienſi arce M D LXXX.

VI. id. Februar.


Q 4

JOH

JOH. MICHAELIS BRUTI  
SELECTARUM  
EPISTOLARUM  
*LIBER TERTIUS.*

AD

JOHANNEM CRATONEM  
A CRAFTHEIN.

rave est per se mihi semper scribendi munus, sed tum gravissimum, cum à me maxime postulatur: quid cum ad te scribendum est, hominem de me ita meritum, ut possim quidem complecti animo, quantum tibi debeo; persolvere ne tum quidem possim, ubi, quantum animo completor, aquare scribendo queam? Nam tu, unius modo tuæ humanitatis memor, cum nulla mea erga te merita exstarent, quò illustrius tuum beneficium sit, is in me iustit, cujusmodi ne ego esse possem, & tua fortuna pariter, & mea obstabat. In me quidem

dem egregia voluntas, sed tamen, quæ sit  
quanta, non minus appareret, tempore meo  
efficeretur, quæ id quod à recto animi stu-  
dio promitteretur, extorquere à me, per  
officii speciosam ostentationem, viderentur.  
Nam qui in functione officii nihil aliud,  
quàm voluntatem præstat; is habet quidem  
quod recti animi conscientiam sustentet;  
sed si voluntatem, quancumque illam egre-  
giam, sequatur poena: quæ gravissima est,  
in magnis præsertim animis, ubi volunta-  
tem non sequantur vires referenda gratia  
pares: qui enim non est ingrato animo in  
eum, à quo est beneficium affectus, is, quod  
nullum habet laudem, debitum fatetur, &  
non solvit: cuius quidem est grave onus,  
& non ferendum: nisi illud levet certa spes,  
quasi in officii summa quadam subducen-  
da, quæ tum re, tum animo spectatur, &  
gratiam rei æquandi grato animo, & sem-  
ipsam, quantumvis illam magnam cumu-  
latiore, quàm accepta est merita referen-  
di: à qua ego spe tam longævum, quam  
tu à voluntate, & studio, quantum ego ti-  
bi debeo reperendi. Ita enim tota hac de  
re statuis, in benignitatis officiis præstan-  
dis, cuius rei est facultas omnis à Deo,  
quem auctorem rerum omnium agnosci-  
mus, quæ cum laude ab hominibus ge-  
runtur, non tibi deberi gratiæ relationem,



sed ei, cujus imperium exsequeris: cui quidem præripit debitam laudem, qui non ipse meritis, sibi in faciendo beneficio sumit. Ac ne mihi liceat cessare, ad temporis angustias confugienti; occupatissimus ipse domi, foris, in regia, me scribendo laceffis: deterres idem à scribendo, quæ mihi una grati animi significatio reliqua est; cui nihil scribi potest, non Cratone dignum, hoc est, quod non vi summa ingenii, pari arte, atque industria elaboratum perfectumque sit. Memini vero cum à te proficiscens mandata postrema acciperem, & alia multa te mihi, & illud unum mandasse, quod mihi esse primum omnium velles, ut nullam occasionem prætermitterem scribendi ad te: cum quidem hoc adderes, quamdiu, mihi vitam non eriperet durior casus, nullam te qua uterer, aut rei, aut loci, aut temporis excusationem tibi probari passurum. Quod cum insigne argumentum habeat amoris in me tui [quorsum enim id à me flagites, ni me majorem in modum ames?] ferreus sim, nisi mihi præstandum censeam, & crebrius adeo tua spe, & cumulatus, atque uberius. Et si autem non semel ad te scripsi ex itinere, primo Norimbergæ, inde Francofurti, & quidem non jam semel, sed iterum; vix mihi videor tamen, pro singulari animi studio,

atque

atque amore, quo te pridem sum complexus, ejus omni partem, cujus sum tibi religione obnoxius, vel minimum periculis esse. Nam quominus licuerit a suendio; id accidit, cum, & quidem non sine mea molestia; cum sperarem, ex illius congressu, plenum mihi scribendi argumentum ad te suppeditarum iri. Cum enim jam pene essem ad portas: tanta me repente lassitudo oppresse, ut quibus me equo insidentem taceret, deficerent vires; apte animum suffunderem, hantem, qui succumbere tamen, tangrentibus sibus, & collabi, ac fluere videretur: immo, in illa enim provectus videndi meos, de quibus tristes mihi nuncii Francolinum offerebantur, magnis itineribus contenderam, ita ex superiorum dierum itinere defessus, ut tanquam portum, & receptum spectarem, naufragio defunctus, mihi properandum censerem. Nam postridie, quam id accidit, cum vix alterum milliare Balilea abessem, atque equus, quo pernicissimo utebar, tellinanti quidem animo, negligenteretur, qui eo praeurrebat, sed quassaret idem vehementius inueneris labare tellum, usque eo non ipsum domum me perventurum, ut censerem, si se nisi antitheda, aut vehiculum obstandaret, non consensu, committere, ut quod itineris domum superesset. Perirent, ite tamen,

men, ut cum eo die novem milliaria Germanica confecissem, altera à meridie hinc Basileam pervenirem, unde has ad te literas exaravi. Domi quidem, ut sunt litterana, quæ neque ego, nec tu velles: certe, quæ mei adventus longiorem moram non ferrent. Cogito ad Suendum cras; Iam-mum perendie: qui cum ubi fuero locutus: quid de meis rationibus, & de omni vitæ meæ statu constituam, continuo ad te pluribus. Nullæ certæ meæ occupationes, quantumvis graves, mihi unquam tantierunt, ut animus à grata recordatione eorum, quæ in me contulisti; manus à scribendi munere retardentur: neque verò hoc solum tua causâ, sed quòd ita pridem constitui, ni tibi viderer tuo beneficio dignus, omnibus agendis rebus, quas tibi voluptati, commodo, ornamento, fore intelligerem, ne mihi ipse dignus quidem ea vita, viderer, de qua tu præclare adeo meritis esses. Videor vero ita desiderium abientis posse levius ferre, si quasi me ipse saliendo, dum ad te scribo, te mihi etlingo præsentem: quod cum ago, ita me sentio recreari, ut cum istic agerem, ubi liceret frui tuo congressu, quo nihil mihi poterat accidere amabilius. Tu enim me, ut olim Phæaces Ulysses, post tot vitæ errores, quibus jactatus ad te confugi, etiam si minus

Minervæ

## TERTIUS.

Minerva alumnus, ut Græcum illum sapienter præstans deæ, accepisti in sinum, recreasti, iussisti, testimonio tuo gravissimo ornasti. Neque vero ego à Calypso dea, & desponsa mihi immortalitate, sed à Cycloptum & Lestrigonum antro apud vos receptam quarebam, magno vitæ discrimine in infinita gladiatorum licentia perfunctus; quo mihi tuum beneficium opportunius, perentius subsidium præsto esset. Quæ mihi tamen tunc orta lux, erat ultra brevis futura. Hic enim, quo me, cumque verto, varia malorum facies: tenebræ domi, foris tristis solitudo; ut cum multa sint, quæ angant nihil sit quod mœrorem levet. Nam hominum genus, quæ pacis, atque otii amantes, hæcenus colunt hospitalitatis iura, ut quæ ditionis suæ fines pateant, peregre advenientes, cælo, igni, terra frui, atque haurire e perenni fonte patiantur; credo, ne sint, qui parum opportuni interpellatores, beata civitatis otium turbent: præter paucos enim, qui cum sermonem de literis sēas, aut de anis politioribus artibus, neminem habes. A quibus si percuncteris, quæ huius rei causa sit, æquillimam afferant, non patere ostendit fores multarum choro, unde illa discantur, quæ tenent qui sint similes tui. Alioquin idem viri boni, si satis est ad pro-

bitatem

probitatem comparandam innocentia, ut quis nemini volens negotium facesset. In hac solitudine, non ego populi frequentiam requiro, sed unius tui, cujus colloquium, sermo, sapientia me mihi restituat, post meum discessum abs te, ea perpeſsum, quæ me mihi surreptum, dolori perpetuo mærorique dediderunt. Versaris vero unus ante oculos perpetuo, ut te invisere consueveram. in bibliotheca, in foro, in regia, per urbem incedentem, quacunque usquam memini vidisse me exeuntem te domo, redeuntem: versatur uxor lectissima femina, beilissimus puer, cujus ingenium, & suavissimi mores faciunt, ut minus necessaria sint ea ipsa, de quibus me mones; incendendum puerum ad honesta studia, gloriolæ illecebra: qua quis non ducitur, cujus sit ad majora erectior animus? Atque hoc credas velim dejeranti, per quicquid sanctum homini in terris est, me abs te monitum, pridem mea sponte id meditantem, & molientem animo. Id ut agam celerius etiam tua spe, occasio aventi, & expectanti undique non deerit: nihil certe reliqui mihi faciam, quare sperem fore, ut & in puerum, & in parentem adeo insigne amoris, atque observantiæ meæ monumentum ad posteritatem constituam. De quo meo erga vos animo minime poteris dubitare,



care, quamvis me esse officii memorem, et  
tui, meique adeo censebis: omnibus qui-  
dem hoc exploratum est, quibus sunt explo-  
rata merita in me tua: quæ quidem quibus  
jam mea prædicatione perspecta, testataque  
nō sunt? Superioribꝫ meis literis, quas Steph.  
Diviti Francofurti dedi, te certiorē de  
libris faciebam, quos in dolium coniectos,  
ad vicinū amplissimū Julium cōsulem  
Salmerinū, istuc vehendos curavi. Dolium  
Franco Vertemano negotiatori Norimber-  
genti tradidi, a quo mihi, Julii nomine,  
pecunia numerata est. Is pollicitus est, ubi  
dolium Norimbergam sit vectum, cura-  
rum id, ut duplici involucro tectum, ne  
imbris pateat. & libri, fatiscētibꝫ do-  
lii costis, corrumpantur, Ratisponam, at-  
que inde Viennam secundo flumine ad vos  
importetur. Scio hominem, quæ est indu-  
stria, suscepto muneri non defuturum: li-  
bri sūnt selecti e multis, quorum utic. aut  
nulla copia, aut perexigua est, quorum  
index erit his literis insertus, quas ad vos  
mittendas curavi. Jam existimo Divitem  
istuc, cum meis ad te literis, adventū:  
quem ego adolescentem, eruditum, et, ut  
mihi vixit est, pudore, atque elegantia,  
morum perpolitum, modatū non memori,  
ad te meo, magna spectatur, fove, et si  
ejus operademi, Baptista literis mitteretur.

do utare; suscepti abs te consilii te non po-  
niteat, qualis turba, & tetra colluvione  
multorum optime indolis puerum in pa-  
ternam domum abducendi. Nam cum est  
per se Dives in optimis literarum studiis  
versatus, tum vero est eo ingenio, ut si  
tibi minus quam viam insistat in docendo  
puero ipse probet, facile sit passurus, sibi  
abs te, quam illi tu insistendam putes, pro-  
bari. Fuit mihi Francfordiæ à viris hone-  
stissimis, & quorum est fides, & religio in-  
signis, apprime commendatus. Ac cum  
ea de re mecum ageretur, commodum a-  
derat Languetus, vir excellenti ingenio,  
& quæ magna accessio est, tui perstudio-  
sus: qui poscenti juveni ad te literas, ob  
id negavit se daturum, quod coram polli-  
ceretur prolixius, & cumulatus se tibi eum  
commendaturum. Quod si quid tamen à  
meo discessu accidit, qua re minus tibi li-  
cuerit in sententia manere: obsecro te ma-  
jorem in modum, eum tibi suscipias pro  
tua pristina consuetudine juvandi omnes,  
& fovendum tua gratia, & promovendum.  
Quam tamen meam commendationem, ut  
minus necessariam putem, cum adolescenti-  
tis probitas, & pudor facit, tum vero mul-  
to magis illa tua voluntas mirifica, quæ  
tibi jam pridem studiosos ingenuarum ar-  
tium homines conciliavit: in quos eximia  
tua,

tua, atque immortalia beneficia existunt. Cum has enim obliuiscaturus, heri vespere redditæ sunt mihi aliæ abs te literæ, quas (ut videtur) in fasciculum Suendii conjeceras, ad me attulit Germanus, ab eo huc missus, cum pridie ejus diei Chiusia, ubi ille nunc agit, discessisset. In his de Cæsaris valetudine meliora afferebas: quod quidem eò gratius, quò tristiores de illo erant nuncii per hos dies allati: ut non deessent, qui de morte etiam affirmarent. Sed jam discussa sunt illa: vel potius in lætitiæ, mærorum conuersus: nullius enim testimonium, medici locupletius, Cratonis præferim. Sed illud tamen me pupugit, & si quid inerat voluptatis, corrumpit; certe magna molestia aspersit. Ita enim ais: Cæsar's valetudo sit melior, deterior mea: cujus, te obsecro, rationem habe, ne parum eorum meminisse videre, quorum non prius potes, quam tui obliuisci. Quot autem sunt tui, ubi a domesticis etiam discedas? tu quidem, qui habes tua merita desinita modestia tuis, agnoscis non ita multos, qui tuo merito sint tui, cum tamen sint plerique, fructum unum bene merendi, ab eo ipso studio benemerendi, & voluntate petens: at sunt et innumerabiles, quos singularibus officiis, & meritis tibi devinxisti. De Fabricio quæris? cave putes

tes eo quicquam miserius: nihil vero est, cur Cratonem celatum, mala ejus domestica velim. Habet Xantippem domi, cum ipse tamen non sit Socrates, quò illi laborandum sit vehementius. Neque vero solum ipse Xantippem; sed filia habet novercam, tragica illa Phædra sæviorem, non, ut illam Hippolito, privignæ infestam ex nimio amore, sed ex immortalis odio, quod inexpiabile suscepit in innocentem ubi primum vidit dissimillimam sui: Itaque jam, illi præpostere domo, quò alii receptum quarunt fatigati externis malis, tanquam à peste misero est declinandum. Nam filiam, quæ est, suo merito, vita carior patri, & una fuit olim causa gravissima, tam triste jugum subeundi, si feminam immatissimam pater audiat, cogitur pati exulare domo: quod quidem quid aliud est, quàm, dum vivit, exulare vita? Fert tamen hæc tot mala ut potest. Quid autem sit, quod possit pater, liberorum incommodis dissimulandis, ipse pro tuo sensu, atque in filium tuum indulgentia, potes judicare: Quid enim iis amabilius, cum ad ea, quæ natura poscit, cujus instituto cogimur, cuiusmodi sint, habere carissimos, ingenium accedit, morum elegantia, pietas, pudor? Itaque non formam spectavit, non dotatam, aut superbam majorum titulis: qualis nunc

inge-

ingenium, ad pietatis studium conformatum animum, gravem fecimus. matronam, cujus exemplo filia à parentibus assiste, & pudice a primis annis educata, in suscepto instituto laudis, & pietatis studio confirmata adolefceret ad honestatis decus. Sed ne velle videatur, qui ipse conficitur dolore, sum querendo levare tuo, verat, ad te de his scribi. De Ferdinando quidem nondum sum scribere aggressus; sed ut multa tamen, quæ scribentem juvent, in manibus habeam, quanquam ne illa, quidem hujusmodi, ut spes sit, magno subsidio futura: quæ enim à vulgo scriptoribus suppeditantur, non probantur: reconditiora, unde sumam non habeo. Scio Lazium in proœmio commentariorum reipub. Rom. testatum reliquisse, viginti à se libros editos, de ejus vita, & rebus gestis: quos nondum mihi licuit invenire. Equidem credo, ut ab homine erudito, & qui diu in Ferdinandi regia versatus, nonnulla, quæ exteros ruerent, cognoscere potuisset, multa tradita, quæ huic descriptioni minuerent: sed neque is liber facili inveniri, neque, de quibus me tuis literis admones, ejus commentarii, qui de Ximenii rebus gestis scripsit: quæ tamen tua alimonia me plane exhilaravit: etsi omnes jam Francforti tabernas, in quibus libri venales



nales habentur, & hic bibliothecas omnes doctorum hominum, sed frustra, ut video, lustravi. Qua de re pluribus, ubi Suedium convenero: ad quem propero, cum alias ob causas, quæ te non fugiunt, tum, ut tristem animo disjiciam curam, quæ me pene mœrore confecit. Nam mane cum, in forum descenderem, nondum his literis obfignatis, rumores prioribus haud paulo tristiores dissipabantur, ad Ferdinandum fratrem certos nuncios de Caesaris morte allatos: re illum audita, retro undevenerat, iter in Austriam convertisse: quod etsi accidere potuit nato homini, juvabat me tamen credere, vana omnia esse, quæ nullo certo auctore, & temere ferrentur, certe non temere hominibus non levissimis credenda. Sed quicquid hoc tamen sit, mihi calcaria addit, incenso cupiditate jam mea sponte in viri ampliss. complexum veniendi. Quod dum facio, fruor interim, voluptatis usura, quam incredibilem ex tuis literis hausi, atque adeo, ut non facile eam patiar apud me falsi rumoris aura convelli. Sed jam video, me amore, & studio provectum, neque tui rationem habere in scribendo, hominis occupatissimi (quando enim hæc leges?) & parum mei meminisse; cui cum minima pars temporis super sit, quo mihi liceat aliquid agere, nihil agendum: ita hoc

Et tempore occupatus sim, ut cum nunquam haberent minus otioso esse, tum in maximis temporis angustiis, redundet undique, ac circumstuat animus curarum magnitudo, quoniam obruunt curam valendam tuenda. Sed est, quod præterea abste velim; quæ mihi res ad epistolæ finem prosperanti, injicit moram: ut qui dies, noctes, domi, foris, re familiari procuranda, casibus tuenda valetudine, tibi nunquam vias, ne quando plane, aut à domesticis negotiis, aut ab amicorum feriatis sis, immo inter legendis, quicquid tibi ipsam rebus attinet ad colligendum à curis animarum, totum. Purfanius Fabricii privignus, cum adisset, Augustum principem mira cupiditate teneri, suos ad colendas politiores artes, per exterorum commercium perducendi; ad illum in Germaniam contendit, magnæque incitatus, ubi agenti rem, honestæ conditio pateret, artem jam pridem apud nostros homines celebrem, holoëricam vestem conficiendi, cujus artis peritus habetur, magno suo cum quartu se illic instituturum. Ita, re excogitata, principem adit, rem demonstrat; probat; numeratur pecunia in Italiam eunti, quantum lericæ velleris in præsentia satis esse videatur coempturo. Cum Francofurtum venisset, ad autumnales nundinas:

ut non facile homines præsentibus acquiescunt, futuris inhiantes, præ quibus, præsentia contemnunt, equos sibi emendos ad bellicosius statuit, quibus ubere cum quæstu in Italia divenditis, ad principem majore etiam serici vi coempta, atque auctus hoc tanquam corollario rediret. Quid multis? optimum consilium inuisse poterat videri, si, quod ipse speraverat futurum, præclare inceptis eventus respondisset: nunc is, qui ab exitu rerum, hominum consilia aut reprehendunt, aut laudant, Furfanio, quod res parum ex sententia successit, quæ illum mox mala atque incommoda obruerunt, recte evenisse credunt. Nam cum Mediolanum pervenisset, & videretur jam portum tenere: tanquam in cautes, in adversariorum insidias delatus, in portu naufragium fecit: æmuli enim, falso excogitato crimine, homini diem dicunt: mox magistratui calumnia probata, cum nemo innocenti adesset, curant in carcerem conjiciendum. Cum, sero ille quidem, sed aliquando tamen probasset, ab Augusto principe, se in Italiam missum certis de causis, quas commemorare haud necesse haberet, remittitur è carcere, tanquam è naufragio, tabula in littus delatus, jactura rerum omnium facta. Qua tanta ex calamitate, tamen recepto animo, ad Augustum rediit,

adire, qui, ut est, mirissimo ingenio, & clementia summa, & facile passus est sibi probari, quæ juvenis sui purgandi causa, afferret, & illius fortunæ misertus, cum una hæc ratio reliqua superesset, magnum ab illo acceptum incommodum sarcienti, majorem illi pecuniæ summam, iisdem nominibus expensum ferri jubet. Neque in eo tamen, apud illum humanitatis partes constiterunt: sed literis etiam Francofurtum euntem prædonatus est, quibus illius causam magistratui commendaret. Ita publica auctoritate innixus, Insubrum mercatorum equos, qui illic permulti negotiabantur, in publicam custodiam abductos proscribendos, vendendosque curavit. Hinc autem fore sperabat, ut Mediolanenses cives commoti suorum incommodo, operam darent, ut quæ Furfanio Mediolani iniquo iudicio circumvento essent adempta, primo quoque tempore restituerentur. Id ab homine non ita forensium rerum, ut artis, quam proficitur, perito, neque tempore, neque loco factum, quo agi administrarique oportuit, eundem quem superiora exitum habuit. Itaque cum ventum in iudicium esset: mercatoribus, quorum res erat, acriter insistentibus, equos restituere coactus est, & pro sumptu, quem recessissent, quantum magistratui visum est

solvit. Sed illud ferri æquo animo poterat, præ iis, quæ paulo post sunt secuta. Nam, quod vix bestia facit, ut non faciat, quæ est semel prolapsa, vestigium faciat. (cur enim juvenis sive errorem, sive imprudentiam, sive cupiditatem nimiam non accusem?) ad eundem morbum animi rediit. Principis pecunia. eadem spe ille equos alios coemit, ex eodem scilicet genere. Inde per diversâ alpium juga in Italiam degressus, quod eum agere oportebat, ubi Mediolano declinare vellet, in eam partem, quæ Venetorum ditionis insubrum agrum attingit, proficiscitur, fore arbitratus, ut cum permulti equis indigerent, qui ad bellum Taracium proficerentur, ad maritima loca. ab hostium incursionibus tuenda. magno cum quaestum emptos equos distraheret; quæ illum spes magnopere fefellerit. Nam hæc cogitantem, sunt continuo literæ amicorum consecutæ, quibus certior fiebat, à nonnullis, quorum permagna auctoritas apud Augustum principem haberetur, ea omnia, quæ Francofurti acta essent delata. Quo nuncio accepto, cum equis, sororis viro relicto, quem in artis societatem ascitum secum in Italiam duxerat, magnis itineribus in Germaniam contendit. Cum alia vero illi adversarii objiciebant, tum illud maxime (qui

locus



hunc hinc patet) profusum adolescentem, cum impudentiando nullum sibi statueret modum: vino, alicui scortis, ac domi grandi negotio, cumulo, ac creditoribus magnis mutationibus fraudatis, in Germania proflagare. Ita oblitum suae fidei, nominis, atque existimationis, quam pecunia ad terrena vellera emenda accepisset, oblituisse: Ita, ut erant ab adversariis contracta, qui magnam illi oblatam occasionem bene gerendae rei inviderent, speravit se non magno negotio refutaturum. Aerarii proditorum adit: qui cum pridem inimicorum calumnias incensilis, alienato animo ab eis esset, verbum inde acceptum, in carcerem abduci impetravit. Ita egit hyemem totam, tetro carcere inclusus, cujus vim, saevientis, ut nunquam acrius majorum memoria, qui perperuos dies in vaporariis agerent, & luculentis loco uterentur, vix ferebant. Ad hunc modum miserrimus juvenis, nullius gravius culpae reus, una in re modo reprehendendus, quod plus aequo progressus sit credendo esset, qui uni maxime averti ab illius rationibus, vitandi ei viderentur, catenis vinctus, durissimo anni tempore, fame, frigore, mœrore, ac pudore carceris confectus teneatur: cum parato reddere rationem male administratae pecuniae, & principis optimi, &

sanctissimi fidem imploranti, per certorum hominum immanitatem, haud liceat æque jure uti. Usque eò vero carceris incommodis jactatus fertur, ut si ad hunc diem vivit, monstri similis res sit. Quantum enim jam mentem in ea calamitate egit: ut, vi frigoris nervis contractis, & concreto in venis sanguine, jam plane pedum usum amisso, ubi, gravioris etiam sceleris convictus, afficiendus supplicio sit, satis à mihi sero pœnarum persolutum videri possit: Nunc mater à genere ferici dolium, principis pecunia emprum, per Norimbergenfes mercatores, illius procuratoribus tradendum Norimbergæ curavit, & sororis vir, adversariæ tabulas, syngraphas, quæque ad hanc causam pertinentia in illius potestate habentur, est iis tradere paratus, quibus cognoscendi hanc causam princeps negotium dabit. Itaque obsecro te, & si pateris, obtestor per tuam fidem, perque illam humanitatem tuam, qua neminem pateris, te fovendis miseris, sublevandisque antecire, tuis literis Furfanii causam, apud optimum principem juves. Id facile per te assequemur, si ad Cancellarium principis literas des, quibus literis, juvenis casum acerbissimum, quò est, per errorem, atque imprudentiam lapsus, illi ob oculos ponas: ut, quoad cognitum sit tota

de

de re, liberali custodia, solutus catenis  
asservetur. Vale, & loquacitati meæ igno-  
scet, habet enim summi amoris atque ob-  
servantiae argumentum.

## AD EUNDEM.

**N**ihil mihi quidem tuis literis gratius,  
cujuscunque illæ argumenti sint,  
aut quo mihi placeam magis, sed  
omnium gratissimæ, quæ mihi Kal. reddi-  
tæ, fidei, officii, amoris documentis mul-  
tis clarissimis insignes. Itaque non secus,  
acque ab Aristadapio ἀλεξιφάρμακον, con-  
fectum tristi cura, & mœrore animum ad  
spem vitæ, quam abjeceram revocarunt:  
ut jam non uno nomine semel tibi vitam  
debitam, restitutam acceptam. Ac, ne omen  
averteris, non tu cotato natus, ut qui, quod  
innocentem redueam in vitam fecit, à Jo-  
ve fulmine est ictus, sed ejus qui suo ad-  
ventu Vejoves illos, nocentes, atque im-  
pios Deos sustulit e terris. Hoc vero fert  
morum temporum ratio, ut tua officia  
semper mihi per se expetenda, oportuno-  
ra, atque amabiliora reddat. Remedium  
enim dolorum, etiam cum nulla adsint,  
gratum est, advertis impendentis ului ri-  
tuum: sed ut tum sit gratissimum, cum  
quis illis vehementius conflictatur. Quic-  
quid

quid vero aliis videar belle habere, multis malis circumuentus, ipse efficiis unus habendo, ne me vitæ pigeat, & molestia tibi, quod abs te tam longe absum, & inuisit, quod nihil habeat, quare non eam citro odisse debeam, iis proximus, à quibus longissime velim abesse. Quid, quod à me magnitudinem animi exigitis, ad Socratis normam? nisi sensum omnem exuam, me non fertis? at qui homines? sapientes quidem, graves, amantes mei; ut ab iis non prius dissentire, quam deficere à me ipso possim? Sed hanc ipsam voluptatem, quam percipio incredibilem ex tuis literis, corrumpit animi sollicitudo, quæ me dies, noctesque angit, eandem ipsam, qua fruor, voluptatis usuram, brevem fore. Vereor enim, ne quod nulla mea culpa sit, ut aut fero tibi meæ literæ reddantur, aut ne reddantur quidem. me cessare putes: quem, minime omnium mea sponte cunctatorem, non jam tu impellis, stimulos addendo, sed cogis etiam fodiendo latus. De Ephestione est quidem, quod queraris, sed non quàm de Melanthio iustius. Is cum Hemi. Stephanus, præfenti me de tribus exemplaribus urgeret, & videretur nonnihil ad summam profectum; rem elevando, & de offensionis suspicione detrahendo, quam ego non levem futuram contendebam; fecit, ut

ut homini, cujus haud mihi erat fati, liber-  
bet deus spectata, præciare suum consilium  
insuperet placere: cum illud adderet, sem-  
per, ubi id tibi minus probaret, sibi inte-  
gram facultatem sarcindi fore: Atque E-  
phestio quidem, ne in hoc videretur in-  
dulgere ingenio, quod volumen tertium  
illuc curari oportebat, ut duo ministris re-  
gitis, alterum tibi, quasi honorarium de-  
ferretur, accessorem suæ liberalitatis fecit:  
dedit, rogatus à Rheumannis mercatoribus,  
quibus debere aliquid videri volebat. Quod  
perinde est mihi vitium, ac si plurimum de  
tuo beneficio detraxisset, qui in eo eras,  
& caput, ut dantur, & pedes. Quibus  
autem lueris mandabis, ut non prius di-  
ploma Melantio traderem, quàm Ephe-  
stio promissum daretur, ille à reditu meo,  
mentè integro exultò, mihi reddita sunt.  
Sed de his videamus, qui hæc probare pos-  
sint, aut etiam agere ipsi, quod gravius  
est. Mihi enim tunc tenebræ, imperito  
rerum homini, haud certe, ut illi, specio-  
sis titulis infuso, qui citanti is respon-  
deant, & omnium radices habentur. Nudius  
tertius à suando aliam hanc ac litera, que  
emendat, que aliis ad Perium tuis: qui con-  
dem de oris, que positis, quoniam ha-  
illum sunt certe, & principat partes, ac-  
scribit. Quæ de Hyperbolo ais, molesta  
mihi,













tibi istuc, per Rheumannos reddendas curavi. De Cæsare torqueor, quod adhuc pergis, meliuscule eum, non melius præclariusve habere. Sed hæc ille viderit, cui hæc sunt curæ. Ignosce plura non scribenti: nam & hæc ipsa exaravi vexatus capitis doloribus vehementissimis, & jam alterum diem inedia, ob stomachi imbecillitatem confectus. Valeas, & viro clarissimo atque amplissimo Streinnio meis verbis plurimam salutem impertia, Iterum vale.

## AD EUNDEM.

**E**Nimvero neque ego cessare, neque languere meæ literæ poterunt, quamdiu in me vigebit tuorum in me meritorum memoria: quam quidem pati in me exstingui, & vivere, nec debeo, nec possum? Non patitur hoc vero, ut cætera absint, importunus quasi officii exactor, singularis meus in te amor, quicquid obstant iniqua tempora, tuo merito, mea constantia indies major: ut omittam dubiam tabellariorum fidem, quæ me diu solatio tuarum literarum privavit, quod quidem ego percipere olim ex tuis literis maximum solebam. Ita vero tempore illa mihi effluxerunt, ut tristem quidem mihi re-





nem prius norit lædere, quàm ipse se. Vereor ne tibi sim molestus, si omnia hujus peccata tibi ob oculos ponam; & Gellius, qui est has meas literas ad te allaturus queritur, me properanti esse in mora. Sed habeo uberiores in palimpsesto, & quæ justum volumen efficiant; adeo multa putida, fœda, flagitiosa, quæ invitus facio, ut ad te scribam; ne quando me putes nimis morosum hominem, tanquam ex umbra, solidum, è levissima quaque re sumere occasionem querendi: quod à me longe abest. Quàm ea vero mihi molesta sint, de tuo stomacho facies conjecturam; qui si illa concoquere vix potes legendo, & sine fastidio: quid de me statues, cui vellem, nollem, fuerunt voranda? Unum dicam, esse omnium de illo judicium, idem odium, & contemptionem parem: ut tandem illi fuerit necessaria causa hinc descendendi, non, quam obtendit, cura recuperandæ valetudinis, qua ita utitur imbecilla, ut multo utatur mentis imbecilliore, sed summa indignitas, à quo se vindicandi una erat hæc ratio reliqua. De Torquato me beas; magis tu quidem, si istibi sua probet. Equidem nunquam destiti illum ab hoc instituto dererere, atque adeo etiam si auctoritatem ratio tueretur: sed ita hoc tamen, ut modestiæ meæ rationem









querela tam diri capitis, initium scribendi faciam. Hoc vero unum erat, quod properantem me venire in tuum complexum posset morari, feminæ ingenium, si ita loqui fas est, inter quietas beatorum sedes jurgia, rixas, dissidia, excitaturæ. Neque illa vero minus inimica mihi, quàm viro, cum quereretur, me alienam litem, non viri magis amore, quàm sui odio, meam fecisse. Habes moræ causam: nunc cognosce cætera: Basiliscus tuas mihi literas legit, in quibus erat illustre testimonium tui in me amoris. Quod tamen me ita exhilaravit, ut aculeum idem haberet. Nam & me subaccusare videbaris, tanquam negligerem tua, & improbare meum consilium, qui in Daciam cogitarem, tam longe abs te: Impetrasse enim à Cæsare, mihi perhonorificum stipendium, cui placere, ut cætera abessent, principi optimo, & sapientissimo, mihi instar opimi, & luculenti stipendii esset habendum: quæ conditio, qui potest, non, à me fieri permagni, cum facultatem eadem suppeditet vivendi tecum, & tua consuetudine fruendi? Sed de his coram, atque ita quidem, ut, salva estimatione mea, & fide, nihil sim de rebus meis constituturus, quod non idem tibi intelligam probari. Nam aventi plura scribere occupationes meæ, quæ me obruunt, injiciunt























































sunt adversæ fortunæ fluctibus jactati. Dixerat tamen gener, te revocari: quod facile quidem patior, cum tibi honestissimum sit; sed ut oblecter una spe, minime te passurum, & plenum honoribus, & philosophum, quod apud te pluris est, in altum abripi è portu, quem jam tenes, ullo ambitionis æstu. Levinus, etiamsi vir haberi velit, in aula portum quærit, hoc est, inter scopulos, & Syrtes: quod non secus est, ac si, valetudinis causa, esset hoc tempore in Italiam profectus exhaustam, ut nulla unquam majorum memoria, pertinaci pestilentia lue. Unum tamen otium poscit, receptui canit, ac secessum, villam, agrum crepat, imprimis habet in ore nobilem matronam, liberos, & totum illud Horatii carmen de beata vita: quem, ne illud quidem assecuturum puto, ut patiat se avelli facilius è regia, quàm Alphius ille è foro. Nam quæ de illius profectio in Italiam audisti, falso relata de nobiliore, vere feruntur. Eum ajunt omni valetudinis incommodo simul, & vita Bononiæ defunctum. Montio ærarii præfecto occupaverat grandem pecuniam, viventi non optimam futurum nomen, quid putas mortuo? scilicet speciosum erat, habere in nominibus summos homines. Viderit Cæsius frater, illius delicia, atque amores; cui est,



ex tabulis expensi, nomen exigendum.  
Summa quidem, ut audio, XV. M. talerum.  
Quid, quod, peste gliscente, conduxerat  
suburbanum fundum, scutatorum clo. clo?  
Quamquam ne fundus quidem fuit, quem  
emit, sed fundi usum, quamdiu viveret,  
cum de vita, salubri etiam cælo, ac solo  
patrio, speraret parum; multum dubitaret.  
Itaque paucorum mensium vectigalia, mul-  
torum annorum spem tanti conduxit, quan-  
ti, si fieri possit, pœniteat mortuum: ejus  
quidem pudet vivos. Audio fuisse Nonia-  
nos qui locarunt, nobiles homines: quo-  
rum exemplo quis non vendat? Et, quod  
rideas, agebat sedulo de ducenda uxore,  
non jam homo, sed larva. & spectrum ho-  
minis, cui vires, jam pridem gravissimi mor-  
bi lues exhauserat, usque eò, ut nondum  
visâ statueret parandas domos, hortos, vil-  
las, & quidem quos amnis placide allue-  
ret, unius immemor funeris, aliorum o-  
mnium memor. Itaque jam fatigabat li-  
teris suos, ut à Moïschis pretiosâ pelles, u-  
niones ab Indis, tum gemmæ, lapilli, &  
ad muliebrem mundum alia è Sarmatia: sci-  
licet, ut haberent sui, quibus inter seria,  
luderent. Vide quem mihi hominem pa-  
tronum delegerim expositus tot adversario-  
rum telis: quem equidem credo, ne coge-  
retur mihi solvere C C. taleros, quos mihi  
debebat

dēbebat ex syngrapha, prudentem, & scientem voluisse mori. Rides? equidem vere, & ut res est, ne verbo quidem, augendi causa, addito de meo. Vita enim, quæ tuendæ vitæ causâ parta habebat, pluris faciebat. Ita ditavit moriens, quos noluit: quibus debuit, & quidem, ut minime recusare posset, iis & vivus & mortuus maluit deesse. Habes longam epistolam: quam ut minus probes, agnosces amorem, unde fluxit; qui parum etiam opportunus debet ferri. Unum addam, ut te plurimum salvare jubeam, Heraclii nomine, hominis mihi amicissimi, studiosissimi tui; cujus utrum eruditio major, an ingenii suavitas, & morum elegantia sit, in dubio reliquit. Is ultro tibi & noscendus, & amandus, esse in tuorum numero cupit, ut in omnes propensus, quos aut doctrina excellens commendat, aut eximia virtus, ita in tui unius amorem observantiamque effusus. Quanti apud te esse debeat, de Jacobo Monavio V. C. cognosces, cui sunt, Heraclii mores, ingenium, & literæ perspectæ. Ei de meliore nota me commendes velim, necessitudine summa tibi, ut audio, conjuncto homini: id quod ego facio tanti, ut nihil ei ad summam virtutis commendationem accidere posse putem, aut majus, aut illustrius. Vale, patrone optime,

U;

&amp;, ut



## AD EUNDEM.

**I**Ncredibili me lætitia tuæ literæ afficiunt, quibuscunque de rebus sint, multo illæ magis, quibus intelligo, tibi minime dubium esse, quin mea in te amando constantia, tanta sit, quanta sunt ea merita, quæ ut te amarem effecerunt. Vel quas proxime dedisti, quàm sunt prolixa, effusa, quàm suavitatis, atque amoris omni aspersæ sale? Nam amari abs te, & fuit semper apud me magni, & semper adeo erit: quid cum ita amas, ut si ego inducam animum istic esse, id in parte felicitatis ponas? An non mihi instar sit beatæ vitæ, Cratonis tam mirificum de me iudicium esse? Quot vero hinc gradus amoris, ut ad fastigium conscendas? Præclarum est, à quovis amari; magis expetendum, ab iis qui sint ipsi amabiles: expetendum maxime, ubi qui id assequitur, ut ametur, causam amoris agnoscit, non in voluntate magis, quàm in iudicio illius, à quo se amari intelligit. Qua quidem ex re, mirificum equidem capio fructum. Sive enim iudicio adductus me amas, non indignum, ut credis, tuo amore: habeo, quod mihi gratuler, qui tibi videar is, qui esse velim: sive falleris; jucundissimus mihi est error, cujusest certa

U 4

causa



impudentem prædicando, atque efferendo. Id ne mihi probro dat, quòd maluerim domi meæ colere pudorem, quàm alienis insidiari? hoc enim agit, ut, tanquam. in petulantia verborum, sit magna accessio ad summam laudem, sibi è nequitia gloriam quærat. Ita, per cujus libidinem nemini unquam licuit, ubi diem egisset, integram domum à flagitio servare, is jam gloriatur, nusquam se, apud quemquam divertisse, ubi non expressa domesticæ nequitiae vestigia reliquerit? Is est, à quo illa manarunt, brevi fore, ut Brutus, brevi vere Brutus haberetur: id quòd ego aliò retorquens ita excepi: longius verò mihi nihil fore: si quando id accideret, quemadmodum, duo Bruti exstitissent, quorum alter, Tarquiniis exactis, alter, interfecto Cæsare, Romam liberasset sedem maximi in terris imperii; modo ut tantum possem, daret, Deus, me Christianum orbem tertium Brutum à tam tetra, atque abominanda peste vindicaturum. Injicit mihi mea modestia frenos, justissimo dolore elato: cui tu facile ignoscas, quanquam vir imprimis severus, & gravis, si scias, quæ, quantaque mihi devoranda sint, ut patiar hoc à me, impetrari. Sed vincat modestia tamen, quæ debet: quæ eadem nunquam magis vincit, quàm cum magis videtur victa.























signi nobilitate, humanitas, & comitas  
summa: adde,

*Positos vernas dulcis examen domus, Circum  
residentes lares:*

*Hic secura quies, & nescia fallere vita,  
Dives opum variarum, hic latis otia fundis,  
Spelunca, vivique lacus, hic frigida Tempe,  
Mugitusque bonum, mollesque sub arbore somni.*

Ni vivam vero, nisi summus poeta, veris-  
simis suis coloribus videtur hujus viri vi-  
tam sapientissimi, atque optimi ad vivum  
expressisse. Quid? quod elicit suavitate  
sua musas in hunc secessum? Bibliothecam  
habet refertissimam: libros optimos; de re-  
conditioribus rebus scripta multa: quæ i-  
ta parata ex longo usu rerum maximarum  
mihi referavit, ut nunc modo sperare in-  
cipiam, inchoatum à me opus, haud infe-  
licibus auspiciis, ut me juvat sperare, me  
absoluturum. Jam illud apud me quanti?  
Sive quid joco, sive quid serio agimus,

*Interea pendent dulces circum oscula nati:*  
qui inter se sic gratia, jocis, garritu quo-  
dam amabili, & murmure certant, ut cum  
æque belluli omnes, sciti, hilares, festivi  
sint, nullus, sine aliorum injuria, paren-  
tibus esse eximius possit. Ad prandium  
vocamur, ad cœnam: accipit mensa ita lau-  
te instructa, ut dapes inemptæ nihil à co-  
qui artificio sumant, quò magis sapiant,

X 2

siquis













parum opportunus interpellator, me sua frequentia à scribendo avocet, sit eadem suavissima. De Mathematicis, si quid, ut jubes, ad te statim, ne interea intermittas ad me scribere, hoc est, ut pergas de mea vita, & salute scribendo bene mereri, te vehementer rogo. Vale, in tua salute curanda, non tui solum, sed etiam tuorum memor: in quorum numero quando me habes, nunquam opinionem de me tuam fallam. Datum ex Cracoviensi arce M D LXXIIX. III. Non. Jan.

## AD EUNDEM.

**R**ecte tu quidem, qui me excitas ad scribendi studium, cessationis injecto metu: unum est enim hoc quasi calcar, cujus aculeus me non pungat, sed fodiat, quo in cursu acrior, pernicioque sim. Neque vero te fugit, quantum mihi solatii ex tuis literis, & quam tuo amore, & officio delecter. Credas mihi velim homini minime blando, vir ipse gravissimus, in magno vitæ mœrore, quo animus conflictatur; ubi abs te uno, & Duditio discedo, neminem me habere, in quo ulla spes sit ægrum animum levandi. Cracoviam redii V. Idus Novembris, non regis modò, in quam tantum est meum odium,











tinere illinc profectus XII. jam diem fuissē: easdem apud mercatorem nondum missas inveni. Quæris quo in loco res meæ? auctum stipendium regia munificentia, Cracoviæ, in regia, domus attributa, & ea tum ad usum, tum ad elegantiam præcipua: alia, ut volumus. Ex tuis literis conjiciebam, te, cum hæc scriberem, Uratislaviæ esse: id si accidit, C. V. Monavio multam salutem meo nomine impertias velim. Uxorem tuam lectissimam fœminam, & Baptistam filium plurimum jubeo salvere: quem ita te dignum filium agnoscam: si tibi satis esse causæ intelligam, quare eum beatissimum esse fortunatissimumque velis. Vale. Datum Cracoviæ IX. Kal. Decembr. M D LXXVII.

## AD EUNDEM.

**A**Gitur jam sextus dies, cum anxio de tua salute, tuæ mihi literæ reditæ sunt: quibus resignatis, cum, ut fit, inspicerem diem: qui putarem his, certiores nuncios de tua salute afferri, quæ me res angebat, repente mœrore concidi, ea animadversa: erat enim adscripta antiquissima, III. Kal. Decembr. Sed vide quanta in me inconstantia: quantumvis sero illæ







sint, atque adeo, ut ne unum quidem excipiam, non illum pessime odit: id vero ita abs te accipi volo, ut quæ disertis verbis, & verissime dicuntur. Erit cum his literis epistola ad Buzinskium adolescentem, quam ad te mitto, ne plane inanes literæ, & si modo probabitur, Johan. Baptistæ nostro perofficiosæ etiam sint: certe is, ad quem scribitur, ita pudens, modestus, bene moratus, ut acri etiam æmulatori domesticarum laudum difficilem spem sui assequendi efficiat. Neque tamen verendum est, ubi sit contentio de virtute, suscepta, ne tanti parentis filius tantus in contentione inferior discedat. Diu valeas lætus, & crebro ad me scribas: quod tamen ita abs te fieri volo, ut simul valetudini consulas. Vale.

### AD EUNDEM.

**S**ollicitum me imprimis de tua valetudine, Duditii literæ plane exhilararunt: amor enim semper vates malus, & nunquam, nisi cum plus æquo est sollicitus, vere amor; diuturna cessatio; valetudo tua afflicta; cum jam ego ad te semel è Duditii Paschoviano reversus Cracoviam, iterum scripsissem, cogebat me de tua salute sollicitum esse. Sed quæ me literæ levarunt,



humanos omnes, tabellariorum inanem, fidem, infesta itinera, literas interceptas, morbum, & quidem qui superet vires (qui tantus enim morbus, ut me deterreat à scribendo, quamdiu regit stylum manus?) mortem denique: quemvis, inquam, horum casum subiisse me potius credas, quam quem suspicaris. Alio est culpa transferenda, & ubi vere sit. Sinistro quidem meo fato accidit, ut, ubi minus velim, vincat omnem meam diligentiam & sedulitatem fortuna: qua cum jam LX. annum ita luctor, ut unum modo didicerim, quod maximum est, meis viribus diffidere, in his quæ neque vitari, neque flecti possunt. Id quidem scribit Duditius, credere se, factum per imprudentiam, ut cum duos literarum fasciculos parasset, quorum alter Viennam, alter Uratislaviam destinabatur, in Viennensem meas literas conjiceret. Eas Claudius à Duditio digressus attulit Viennam. Neque aliarum conditio melior. Etsi enim tibi, usus summa diligentia, per Barsingam ille, per mercatores spectatz fidei homines, curavit afferendas; ut verear tamen ne minus recte redditæ sint, diuturnitas temporis facit: cum jam sit mensis exactus ab eo die, qui est dies literis adscriptus. Is pridie Idus Majas fuit. Ingens quidem solatium in recti animi consi-

ficien-





teris meminī me usurpare, viris fortibus, ut tu es, quam minimam vitæ suæ partem deberi. Infelicissimum enim hominum genus, qui cum nati sint multorum causâ, sibi modo vivant, suis commodis, voluptatibusque inservientes, ut appareat, tum, desiisse esse homines, cum esse homines ceperint: à quibus quò longius cum paucis abes, eò tibi cum paucis laborandum est vehementius, ut quam vitam sibi vindicant tui, eam tanquam non tui juris, sed alieni, & apud te depositam, aliorum causâ, muniam studio acerrimo custoditamque velis. Vides me versari in eodem argumento, & sæpe eadem tibi inculcare: quod argumento tibi sit, eundem esse amorem, à quo tanquam fonte hæc fluunt. Vale, patrone optime, & diu latus vive, qui ita maxime es dignus. Iterum vale.

## AD EUNDEM.

**V**Ereor ne queraris, diu me tibi, quasi malum nomen, in expensi tabulis jacere, cui jam ternis tuis literis sit persolvendum: quarum quæ sunt antiquissimæ abs te Pragæ datæ XVII. Kal. Majas, cum, me jam profecto Cracoviam, perlata essent, Viennæ mihi sunt postea reditæ tardius omnino quàm vellem, cum  
me



ptionemque eorum, quæ edunt, tueantur. Do tamen enixe operam, ut exemplar paratum ad futuras nundinas Viennam ad Aubrium mittam, qui ad socrum afferat: Nam cum superioribus diebus Viennæ esset, serio mecum ea de re egit, cum hoc addidisset, epistolas à multis posci. Est opus in manibus, quod accuratius limandum perpoliendumque suscepi, ut si qua sint in sententiis obscuriora, ea aut mutata, aut aucta clariora reddam. Itaque jam à principio librariorum vigilantia diffusus, sum ipse describere aggressus, magno cum labore, ut omittam jacturam temporis, cujus potiore partem mihi eripit Ungarica historia, quam rex à capite descriptam non poscit (parum enim mihi videor dicere) sed flagitat, atque id quidem tacendo, quæ illius modestia stimulos mihi mea sponte concitato addit. Ita, ne succumbam labori, quem ferre, nisi incolumi valetudine, haud facile est, victu tenuissimo utor, & quasi qui adversa valetudine laborat, ex medici præscripto, vix fieri posse arbitratus, ut quis diu vivat sanus, nisi idem quasi æger vivat. N. facile patior esse apud regem primum, & pro re illi, quando hoc videtur, opinionem esse: mihi quidem, quocunque loco sim apud regem tantum, esse honestissimum duco, etiamsi is infimus

infimus habeatur. Id enim soleo usurpare, quod ad alios etiam per hos dies meminime scripsisse: nullum esse infimum locum, ubi quicquid est habetur summum. De aucto stipendio quòd gratularis, agnosco tuam in me benevolentiam, multis meis adversis rebus mihi jam pridem perspectam, & testatam. Videris enim egregius artifex, quod abs te opus est inchoatum, gaudere novis incrementis, atque accessionibus augeri. Nam tua est magna ex parte laus, quicquid illud sit, quod esse videamur, qui nos jacentes princeps erexisti, patefacta ad salutem via, cujus idem nobis dux, atque antesignanus fuisti. Venio ad alteras tuas, XI. Kal. abs te datas, in quibus non modo agis de epistolis edendis, sed etiam de historia Ungarica: quam qui ad te scripserunt absolutam, haud plane scire videntur, quàm sit arduum opus historiam scribere. Alii fortasse sit satis vulgo placere: equidem, nisi vobis placeam, quibus cum quam paucissimis datum est, recte judicare de hominum ingeniis: ne tota quidem literatorum natio sua suffragatione efficiat, ut me, quòd illis placeam, plus pilo amem. In iisdem literis est, te ad me mittere de Criticis nostri seculi satyram. Hui, quàm opportune, si contigisset? Credo ego vero cogitasse te de mit-



In his, quòd te dicas, ex meis literis con-  
jecisse à me plurimum amari, facis ex tua  
vetere consuetudine, ut quod sine nota in-  
grati animi à me præteriri non potest, mi-  
hi des laudi. Fuit quidem gratissima mi-  
hi mora illa Uratislaviensis, sed ita quidem,  
ut non sperarem, me carum esse summis  
hominibus, civibus tuis, quos patriæ tuæ  
lumina, atque ornamenta maxime suspicie-  
bam, nisi crebra commemoratione tuarum  
laudum iis fidem facerem, vigere in me pe-  
rennem memoriam tui. In singulis enim  
cum quasi inspicerem tuæ virtutis imagi-  
nem, gravitatis, sapientiæ, quas virtutes  
dignas principibus viris literæ ornabant, at-  
que omnes ingenuæ artes: te non animo  
solum, sed me fallens etiam, oculis requi-  
rebam, quasi vix fieri posset, ut non ades-  
ses, cum versarer in illo tuorum civium,  
flore. Qui meus error cum me perfunde-  
ret voluptate incredibili, ne ea solida esset,  
succedebat, quo exederetur animus, ubi  
me collegissem, triste desiderium tui. Nam  
in uno quidem tu excellebas, ut cum me  
iis omnibus nominibus devinctum haberes,  
quibus me illi sibi devinxissent, multis ve-  
teribus tuis officiis, atque illustribus, me  
tuo quodam jure tibi Mancipatum vindica-  
res. Jam quòd epistolam illam laudas,  
& quidem verbis magnificis: ni vivam, nisi  
plane





illum gratiam referre humanissimo homini, cujus illi domus, apud suos existimationis, & fortunarum naufragio facto, calamitosissimo suo tempore, receptus, ac portus tutissimus fuisset. Magnopere falli, si existimaret hoc nomine, se magnam gratiam à Severo inire, quòd acerbius in Philadelphum inveheretur, à quo ita Severus dissentiret, de uno aut altero Aristotelis loco, ut minime, ob eam causam, cum illo similitates ullas, & inimicitias susceptas exerceret. Nam si vellet redimere Severi animum, quem suis scriptis parum amice appellasset: haud illi commodiorem rationem, & dignam magis docto homine, & gravi fuisse defuturam. Quid multis moror? Hisce re non est ausus, credo veritus acerrimi hominis vim, in quem non solum à literis, & ab ingenio, sed ab animi præsentia paratum, præter suam opinionem, incidisset. Apud nostros quidem turpiter offendit, tum insolentia verborum, tum importuna ostentatione sui: quorum judicium non poterat ulla re magis, quàm tam præpostera editione jugulare. Animadvertunt enim quanti hominis tumorem, & supercilium emerint: qui se quidem ita belle norit venditare. Nisi vero plane hujus seculi ingenia contemneret, non erat futurum, ut expectantibus nobis montium partum, ridiculum



Ex hoc fonte derivata illa infinita licentia, quæ nobis veterum scripta miserabili multorum seculorum strage ad nostram ætatem emersa laceravit, corrupit, perdidit. Nam alii modice olim, pudenter, & quasi virginali verecundia: horum sunt Manliana imperia. Ita legito; sic emendato, scæde hic lapsus, putide ille. Bene vero nobiscum actum, in quos huic hominum, generi tantum non licuit, quantum animi morbus suadebat. Non enim minus, quàm Manlius ille fuit imperiosus in suos, in nos durierant, atque acerbi futuri. Ignosce ulterius, quàm æquum erat stomacho provecto: Satyra enim, & Jambis est materia exagitanda; certe digna, quæ concursu, & conspiratione doctorum hominum, quod in perditis rebus fieri solet, ut qui remp. salvam velint, capiant arma (nisi aliquando inanis hunc gloriæ æstum, quæ vexat nostrorum ingenia, restinguat benignum numen) quasi importuna quædam pestis politionum artium tollatur. Cum enim, tot jam esse videamus, qui hoc profiteantur, ut difficile sit eorum numerum inire: illud admirabile est, singulis ita probari sua, ut de aliorum judicio, & de suo non secus, atque ex tripode pronuncient, quicquid effantur quasi tenentes postem, id esse Appollinis responsum contententes. Nam  
de

de loco restituto ita, quasi de magna re, gloriantur, ut non æque olim Brutus de liberata patria, Tarquiniis exactis. Hinc efferendis suis, deprimendis aliorum, non modum sibi ex legentium satietate, quos insolentia verborum, & crebra ostentatione sui perdunt, sed ex sua garrulitate statuunt: quæ est morosa, atque intempestiva, etiam cum necessaria est habenda. Pro qua gloria tanta pugnant, tanquam pro aris, & focis, usque eò indulgentes animi morbo, ut eos, qui secus, atque ipsi sentiant, audeant libere pronunciare maledictis, convitiis, petulantibus, & flagitiosis verbis, tanquam majestatis convictos, & aris devota capita insectentur. Sed ut ad nostrum redeam: neque illius epistolæ ita multæ, ut propter verborum copiam, & varietatem, quæ in magno volumine spectatur, videantur expetendæ; neque ita excultæ ad veterum normam, ut propter sententiarum pondus, & orationis nervos, quibus maxime tenentur legentes, videantur legendæ. Quæ tota de re venit in mentem joculari, non dissimili ratione, ac belli olim, atque urbani homines de N. libello, quem de piscibus Romæ edidit, cum ita dicerent, omnibus, qui aderant in risum effusis, vix illum tantum piscium eo collegisse, quantum cænæ paulo lautioris patrisfamilias



tium afferat, qui injuste exitium alteri molebatur. Hic rumores incerti de pace, cedente quidem Livonia Moscho, sed rege Narvam postulante, & Smolenschem, de quibus nisi discedat, negat quicquam esse causæ. cur diutius apud se ejus legati morerentur. Vale. X. Kal. Julias. MDXXCII.

## AD EUNDEM.

**L**iteris tuis; & omni alio genere officii, & crebris reconditis sententiis, & gravissimis refertis, me pluribus respondere prohibent temporis angustia, quibus distringor. Quantæ quidem sint, innotunt, quibus cum typographis, moroso imprimis hominum genere res aliquando fuit. Summa enim eorum laus, ubi illi seduli, & suo æque, atque aliorum otio infesti, operam non pertinacem, & acrem solum, sed importunam etiam exigunt, nunquam prius quieturi, quam recepto operi fastigium imponant. Nam, quod est gravius, quod molesti, importunique sint, tanquam corollarium, gratiarum actionem requirunt. Et merito illi quidem, quorum opera artes, facultatesque omnes, quorum præsidio stat hominum vita, tum insignia monumenta gloriæ, quæ præmia virtutum maximarum habentur, & nunc vigent, &  
quod



quod lubet ominari, in omni posteritate  
vigeant. Atque hoc quidem extra jo-  
cum: ne quis putet, qui hæc typis excu-  
dant suo gladio sibi infligere vulnus. Me  
quidem cum totum sibi habeant addictum  
hec segnem hominem, & in his cumprimis  
exercitatum, ne ita quidem, quantum  
ratio postulat, sibi dari operæ, queruntur.  
Legi vero lubens senex, quæ æqualis de-  
contemnenda morte sapienter imprimis, &  
diserte affers. Efficiunt apud me quidem,  
ut tuo exemplo animum vindicem à gravi  
morbo, quo fere senes vulgo laborant.  
Tanta enim quorundam amentia est, ut  
cum unum habeant in votis maximum,  
productos vitæ fines in quam longissimam  
diem, voto potiti querantur; ut stultitia  
ne sit, an inconstantia major, haud facile  
dijudicari possit. Me vero cum alia dele-  
ctant, quæ sunt propria hujus ætatis, tum  
illud unum maxime, quod audio à sapien-  
tibus usurpari, & jam ipse usu experior,  
jam ad LXV. annum proventus, beatæ vi-  
tæ initium in vitæ exitu esse. Itaque mi-  
nime miror, te hominem non doctrina so-  
lum, sed vitæ etiam philosophum, dum a-  
nimi tranquillitati operam das, ea ipsâ ani-  
mi tranquillitate frui, qui fructus est tuæ  
sapientiæ maximus: meditatio enim ipsa  
quietis, & cogitatio, quietem animi sum-







non prius orare, fatigare precibus, contendere desiisse, quàm exoratum in sententiam traduxerit. Quod frustra contendisse N. civitas dicitur, cum Serenitatis titulum Venetorum principi, propter civitatis amplitudinem, concessum, pontifex negaret se passurum vilescere, per minores potestates evulgatum. Quo te deceat N. filio esse æquiores, unius literæ accessione clarius familiæ nomen ambienti: non enim credo illum à bestia velle videri nominis originem manare, sed à nescio quo Manno Teutonis filio, quem ferunt, priscos Germanos gentis præsidem Deum coluisse, ut propediem sit nobis ἀποδείξις tum patris, tum avi expectanda. Vides me occupationibus obrutum sensim in argumentum delabi, quod vacuum animum à curis omnibus requirit. Nondum his ad te literis scriptis, typographus misit integrum, excusum librum: quem quidem totius operis partem, cum universo epistolarum opere, cui quidem strenue insisto, mox sum editurus. Itaque obsecro te nemini deslegendum, nisi cum operi erit imposita ultima manus. Alterum mitto viro amplissimo Duditio, sed eadem lege: non quòd permagni mea faciam, sed quòd minimi, veritus, ne præjudicium mihi ipse faciam, nisi illius navi in vastiore corpore, vel maculæ







suos à se opem implorare, impavidum feriant ruinæ. Hoc unum habet, inter alia commoda, hæc adeo multis invisæ, & gravis ætas (injuria quidem, quæ sapientibus, & moderatis hominibus est vitæ portus, & statio tutissima) ut grandes natu homines, quasi multis defuncti tempestatibus, id quod in longo spatio vitæ accedat necesse est, animorum tranquillitate eò majore fruantur, quò vehementiores tempestates, turbulentioresque exstiterunt, quibus sunt jactati, durior quidem naturæ lege; ut nullus sit in nobis eorum sensus, quæ jucunda sunt, nisi eorum, quæ sunt gravia, acerba, aspera sensus antecedat. Enimvero portus est senectæ hominibus, si eam sapientia, & animi virtus moderatur: ut et in maris tranquillitas in portu, etiamsi pertinacius venti adversi teneant, & fluctus in cælum tollantur; sic in hac vitæ parte beatissima, quasi adversis ventis, quicquid erat in adolescentia ætus, affectionum, & perturbationum flatibus remittentibus, una relinquitur animorum quies, fructus suavissimus recte & cum laude actæ vitæ. Atque imbecillæ quidem, ut dixi, in sene corporis vires, tardus incessus, gradus infirmior, hebetior visus, sensus earum voluptatum imbecillus, quibus maxime adolescentia tenetur, tum, unde hæc fluunt, remissior indies, qui

Fris.

*Frigidus obhsit circum præcordia sanguis:*

at ut tanto vegetior mens fit, in cujus arcem summam igneus ille vigor ascendit, qui nos adhuc viventes rapit ad Deum, compressa sensuum ferocia, quorum impetus, homines, divinæ originis oblitos in voluptatum cœnum cum bestiis trahit. Tametsi enim in magno etiam æstu ætatis, firmissima adjumenta suppeditant literæ, cognitio ingenuarum artium, domestica disciplina: imbecilliora hæc tamen reddunt, qui in nobis latent infesti hostes. Qui quidem sive domi agimus, sive foris, in otio maxime, & divitiarum affluentia, gerunt nobiscum perpetuum bellum, una sola in nixis vincendi spe, si oppressæ menti maiorum infinita vi, assistat Deus immortalis, suam imaginem è contagione corporeæ, & terrenæ molis, in suam dignitatem vindicaturus. Sed jam videor mihi vere senex, cujus est proprium vitium plus æquo garrire, & ubi minus usus requirat. Quod etiam si est: detur hæc venia tecum loquenti; qui non sis vere Crato, nisi ea audias, quæ sint digna, non nomine, philosopho solum, sed etiam vitæ rationibus, & institutis. Equidem cum scribere cœpissem obfirmaveram animum, adversus vetus meum institutum, intra primam pagellam stylum comprimere, sed fluxit è perenni vena non ingenii,

ingenii, cujus me pœnitet, sed amoris, cujus immensa vis est, quod ad te scriberem: recte an secus ipse videris: nulla quidem est adeo gravis culpa, quam non minuat amor. Epistolas do operam, ut quàm primum subdam prelo invitus, si modo id de me dici potest, qui quò vos vocatis, tantæ auctoritatis homines, velis remisque: sed repugnante, ac refugiente animo, qui verear ne in ea judiciorum pravitate, de qua videris in tuis literis queri, idem mihi accidat, quod aliis contigisse ais, ut non ita multos habeant laudatores, quod tamen esset ferendum: laudatorum enim satis, ubi tibi, & præterea uni, aut alteri placeam. Illud verendum, ne reprehensores multos habeant, quorū turbam mihi convitiū faciendum, homo timidus non sustineam, cujusvis judicio potius assuetus credere, quàm meo. Tantum vero mihi non arrogo, ut, quod robusto nescio cui, liceat dicere, & *Φροντὶς ἱπποκλείδῃ*. Curo enim ego, & quidem, non quòd elogia me illa magnopere delectent, quæ scriptores in Gesneri bibliotheca manent, sed quòd magni reges illis moveantur; qui raro plura vero, quàm opinioni tribuunt: cui qui non serviunt, intelligunt sibi esse cum fame coluctandum. Valeas, ut animo, ita etiam corpore; & à quo alii adjumenta petunt, tibi

tibi ne desis cum in aliis multis, tum in eo beatus maxime, cui sit salus curanda, multorum causa, quibus tua sapientia potest subsidio esse. Iterum vale.

## A D E U N D E M.

**N**isi fatear peccasse me, qui tamdiu ad te nihil literarum, plane vero is sim, qui minime tibi videri velim, omnium hominum ingratus: quod à me omen propitius avertat Deus in vicinum Scytham, aut si quis est immanior, atque importunior Christi hostis. Neque ego verò uno hoc nomine plectendus, quòd sit à me admissum, quare videar esse in te parum grato animo, sed pertinaciæ quoque in flagitio tuendo. Verum si in peccando pariter, & in recte agendo, una voluntas conciliat aut laudem, aut dedecus (non enim res prius, quàm quo quis animo rem egit spectatur) nã ego tibi videar longissime ab ingrati animi crimine abesse; tu facile patiare, hujus meæ taciturnitatis tibi causam probari. Cessavi quidem fateor, sed non in amando, atque observando te: quem nisi feram in oculis atque auctorem vitæ, & salutis agnoscam, tum plane me indignum statuas tuo amore, quem ego pluris, quàm gratiam multorum regum facio. Neque vero hoc mihi abs te solum, sed



sed ab iis etiam deprecandum est, qui mihi plurimum colendi, atque amandi, per diu hoc a me officium desiderant, ita oppresso occupationibus multis, ut, nisi mihi sit vita jucunda meorum causa, in quorum numero tu excellis, veniat in mentem, mortem, quæ me à curis vindicet optare. Non dicam, quæ meæ occupationes fuerint, quas quidem fuisse gravissimas dies declarabit: nolo enim videri confusus potius meis literis, quàm tua æquitate, & benevolentia, animi tui offensionem deprecari. Namque & illud verendum, ne dum in me excusando sum multus, tibi videar eandem hanc ipsam meam excusationem elevare, cui tantum otii à gravissimis meis occupationibus, superfit. Gaudeo, in dies magis, quæ velim, de recuperata tua valetudine audiri, non enim de eo solum ex tuis, sed ex Monavii literis V.C. certior fio: quem ego hominem cum illius merito magnopere amo, tum quòd video abs te amari, studiosissimum eundem, atque amantissimum tui. Edidi jam altero ab hinc mense, Callimachi lib. 3. de rebus gestis Uladislai Ungarorum, & Polonorum regis, non indignos, qui in tua bibliotheca existent, ut credo, jam locupletissimam, cum annus jam nonus agatur, ex quo abs te discessi, quo tempore, memini me refertam libris optimis,

optimis videre. Mitto ad te duo exemplaria, ut sit, quo amico gratificeris, qui sit rerum cognoscendarum studiosus. Cum iis erit epistola ad Amplissimum Virum Johannem Zamoscium, regni Cancellarium, multis mihi nominibus dignum visum hoc genere honoris, sed uno maxime, quòd idem videtur multis, regi imprimis, apud quem nemo potest, in quo non major virtus spectetur, quàm fortuna. Primum mihi librum epistolæ ad regem occupabunt: quæ sunt fere gratulationes omnes. Est vero huic habendus honor, non solum, quòd in eo mihi sint omnia (prohibeat, vero Deus ut hoc mihi modo) sed quòd in eo ipso, non amoris, sed iudicio servio: ut in quavis fortuna, dignum eo honore censeam, qui summis regibus potest haberi maximus. Reges enim non populorum prius studia, aut principum suffragatio, quam Deus constituit, qui votis hominum præcurrit: ut sæpe in privata sortis homine exstent insignes notæ regii animi; in regibus privati: quæ in regia fastigio, tanto majore cum offensione apparent, quanto eas major lux ex loco excelso, quàm ex humili, in hominum oculis constituit. At alter complectitur, quæ variæ quidem argumento, sed morales omnes, videbantur eodem in libro collocandæ: tametsi operam dedimus,



dedimus, ut hæc laus ne in aliis quidem, desideraretur, præclaram quandam esse rem existimantes, cum quis scribit, tanquam aliud agentem, docendo adhortandoque adeo juvare. Tertius destinatus ad te scriptis: quem video in justum volumen crescere; multo plenius futurum, ni multas desiderem, quarum apud me exempla non exstant. Spero tibi pro summa tua æquitate hoc meum judicium probari. Non enim volui videri in epistolarum colloca-tione, atque ordine, cujusquam dignita-tis, aut fortunæ novisse discrimen; quod judicium superbi nimium, & plus æquo si-bi fidentis à me procul mea modestia reji-cit. Ut casus tulit, ita sunt ordine dige-stæ: certe, quod potui præstare, enixe à me data opera est, ut nemo in eorum nu-mero esset, quibus hic honos haberetur, cuius virtus non eum locum, in quo posi-tus esset honestaret, sive primus esset, sive esset postremus. Nullus enim est non ho-nestus sapienti: cuius proprium est, non loco ornari, sed loco ipsum esse ornamen-to: ut sæpe imum gradum honestissimum videamus, quò se sapiens demisit: turpem summum, in quo constituit fortuna homi-nem infimo dignum. Vix spero fore, ut ad proximas nundinas opus absolvatur: negat enim typographus ante Kal. Julias  
sibi



sibi aggredi licere. Sed jam prope à me fit, ut cessationis mihi exultationem præcidam, qui ad te tam longas literas occupatissimus. Nam, ne ignores, integrum fere mentem cum alia scripsi quæ vacuum animum requirerent ab omni alia cura, tum de præceptis conjugalibus commentarium: in quo etiam si plurimum me poterat Plutarchus juvare, indulsi ingenio tamen, conatus, quasi in solitudine agerem, & ubi nulla legendi facultas, aut copia librorum esset, ingenii periculum facere. Et vero Plutarchi non magnus usus, in eodem quidem argumento versanti, sed quòd alia tempora, diversi religionis ritus, sacra varium efficiant. Valeas diu latus non nomine tantum, sed merito etiam insigni tuo, mihi præcipue colendus, atque observandus: Datum è Cracoviensi regia

M D XIIXC. X. Kal.


Julias.



Aa

JOH.





JOH. MICHAELIS BRUTI  
SELECTARUM  
EPISTOLARUM  
*LIBER QUARTUS.*

AD

ANDREAM DUDITIUM.

**J**Am pridem me tibi devinxit, summa tua virtus, mihi à prima tua adolescentia constanti cognita fama: sed ita, ut nullum in te insigne benevolentiae meae monumentum; voluntas modo in te mirifica existeret. Tuæ virtuti hoc, ingenio, literis, imprimis morum suavitati, atque elegantiae debebatur, quæ tumerant in omnium ore: ut qui te nosset, & non amaret, ne satis quidem se ipse nosse, atque amare videretur. Sed qui tam duro ingenio haberetur, erat nemo. Neque enim poterat cuiquam esse

esse obscura tua virtus, neque non, cogitata, amari; cum ejus, quocunque te verteres, statueres insignia multa, atque illustria documenta. Nam est tantus honestatis splendor, tantaque vis, ut semel visa amorem viris bonis, improbis admirationem sui conciliet: qui etiam si minus objectam agnoscunt, mentis oculis multis errorum tenebris offusis: id patiuntur tamen, quod qui, imbecilla oculorum acie, in solem intuentur: quibus pernicioſa lux est, quæ omnibus animantibus est salutaris; sed ita hoc ipsum, ut dum ab illa refugiunt; ex sua imbecillitate, quanta ejus vis sit animadvertentes, cogantur, quam oderunt, tanquam rem divinam tacita admiratione venerari: ut si virtus in hoste conspiciatur, non amari perspecta haud possit, si ulli modo in hominum vita adeo fero, atque immani ingenio inveniuntur, quibus ii sint hostes, quos ornat semel complexa virtus. Atque hujus quidem mei judicii fructu tacitus animo fruebar, quod mihi erat commune cum multis; ita cum multis amabam, uti mihi sumerem principes in te, amando partes, in eo ambitiosus, ne quis mihi ullo genere observantiæ, & studii, ubi ejus daretur declarandi facultas, præverteret in tui amore: id enim si accideret, verebar, ne parum viderer quanti es-



ses novisse. Audiebam quæ Manutius, apud quem agebas, quæ Rullus, quæ Sautius, ex familia Poli Cardinalis alii spectatæ virtutis, & sapientiæ homines, de te prædicabant, consentienti ore: ut mihi viderentur, non laudare te, quòd tantus esses, sed ex te uno, tanquam ex vivo exemplari, expressam nobis imaginem virtutis, atque honestatis repræsentare, quò illam, ejus amore incensi, arctius animo complecteremur. Qui vero fieri poterat, ut te non amaret, qui ita hæc de te acciperet fama, ut, ubi te aspiceret, tanquam in sua certa sede, probitatem, pudorem, modestiam, temperantiam collocatam in tuis suavissimis moribus, & castissimis, vultu, oculis intueretur? Atque in eo quidem fortuna, raro mihi æqua favit. Vidi enim ego te adolescentem ad Benacum, apud Polum Cardinalem, quem ille secessum sibi delegerat, causa relaxandi animum à gravioribus curis, atque vidi, & agnovi statim, non cujusquam indicio, aut ex oris lineamentis, sed ex iis ipsis virtutibus, quæ in te sese efferentes, ut latere non possent, te natum ad honestatem, & ad decus, divinæ indolis, & spei adolescentem, eum esse, quem ego divinabam indicaret. Quanta illa vero tua felicitas, qui in contubernio sanctissimi viri ageres, hoc est, in virtutum

tutum omnium, & sapientiæ domicilio, in quo quidem nemini locus esset, quem non sanctitas morum ornaret, & omnes viro principe dignæ artes? Itaque cum in eo tibi est divinitus prospectum, ut cum iis ageres, à quibus longe abessent, quæ sunt adolescentiæ infesta, tum illud contigit, quod perpaucis datum est, ut vitæ ducem haberes, cujus exemplo, non tu quidem melior fieres (qui enim hoc fieri posset?) sed adversus adolescentiæ æstum, qui sæpe invitos in præceps rapit, quæ in te bona, conspicerentur constantia tuereris. Admiratores tuæ virtutis alii permulti, unus hic æstimator, &, si modo hoc indigebas, custos acerrimus: ut non tu solus eo nomine beatus viderere, quòd eò pervenisses adolescens, quòd vix alii, longo ætatis progressu: sed quòd in eum incidisses, qui aliis exemplo esset ad veræ gloriæ cursum capeffendum; tibi uni ad retinendum constantia; cum haud procul abesses à summo. Semel, inquam, ego te aspexi, sed, ut appareret, quanta vis esset honestatis, & aspexi te simul, & amavi; antea enim admirari mihi potius te, quàm amare, videbar. Ex eo tempore cum etiam abs te longissime abessem, grata recordatione ea animo voluendo, quæ me tibi devinxissent: quanto tu progressus majores ad virtutem, tanto



ego faciebam accessiones colendo, atque amando te majores. Ac vide quanta mea sit in amore constantia. Cum ex inimicorum manibus, sceleratorum hominum evasissem, magno vitæ periculo defunctus, ut mihi esset cœlum, terra, maria omnia clausa, ad te unum mihi, tanquam certo vitæ naufragio perfuncto, statui perfugendum. Si quæris: fretus equidem singulari illa tua humanitate, quæ me cogeret de te mihi omnia spondere, cum ad egregiam in te voluntatem, accederet facultas: sed ne dissimulem, fretus non nihil magnitudine amoris in te mei. Nunquam enim frustra amavit, qui in virtute habuit positam causam amoris, & instituit amare cum delectu. Habebantur tum comitia Cracoviæ de novo rege creando; ut, undique itineribus infestis (ut ferebatur, negligente indies ambitu, novi motus exorirentur) nemini facile aditus in regnum pateret. Accedebat ingens pestis metus, qui me, de amicorum consilio, recta euntem ad te, Praga, quò jam perveneram, Viennam avertit. Cætera omitto, Cratonis officia in me, divini hominis, amorem, pietatem; immortale in me Maximiliani Cæsaris beneficium; reditum ad meos. In Daciam veni, anno insequenti, unde continuo ad te literas: qua in re non magis fui, quàm in

in cæteris, felix. Interceptæ interierunt: ita enim mihi persuaseram, te hominem, summa præditum humanitate, non fuisse passurum, ut à me diutius, quàm necesse esset, tuæ, quæ his responderent desiderarentur: certe abs te ego ne literam quidem: credo quò appareret, meam in te observando amandoque constantiam majorem. Veni postremo in Poloniam, sed ita quidem, ut quæ mihi veniendi causa, eadem tibi discedendi esset. Quo tempore legi tuas literas ad communes amicos, in quibus tu multa prolixè, atque amanter de me, & quidem cum ignorares te amari, quò majus tuæ in me benevolentia argumentum posset videri. Quanta inde accessio, quæ, etiamsi ad eum diem non amassem, erat, mihi causa summæ benevolentia futura? tanta vero vis grati animi est, ut etiam, qui sunt digni odio, cum amant, redamantur. Quid ego facerem amatus, & amatus quidem abs te? quid, cum nullam afferrem tibi causam amandi mei, præter egregiam quidem quandam meam in te voluntatem, atque observantiam, sed quæ nondum tibi cognita erat? In Prussiam contendi ad regem: ubi vidi tuas literas, ad amicissimum tui hominem: legi, facta mihi potestate, atque adeo, summa cum voluptate legi, & quòd ab te essent, & quòd eo argumento. Quid multa? ita mox di-



scessi, ut tanquam in tui complexum venirem, non rheda, non auriga, non equi, ut perniciosissimi etiam essent, satis mihi facere ad te properanti viderentur. Rediit latus, & spei plenus, me vana spe sustentans, qua solent inniti, qui plus æquo amant: ut non quod ratio suaderet, sed quod ipse vellem, putarem fore, ratiocinator officii non malus. Atque, quod tui desiderium augeret, legi per eos dies tuas ad Flavium literas, quibus ita de me honorificam mentionem facis, ut etiam si ferreus sim, non possim non flecti in tui amorem, non te suspicere, atque in oculis ferre: quod enim mihi gratius tam illustre tuum de me testimonium accidat, causa facit: neque enim te iudicio falli quo excellis, sed amore, quo provectus, & me laudas, & mea, conscius mei intelligo. Commodum Paxius incidit cogitanti non jam de scribendo, sed de conveniendo te, cum doctissimus vir, atque humanissimus diceret, se quoque ad te cogitare, eadem qua ego cupiditate incensus visendi, ac complectendi tui. Nam erat animus, cum non auderem temere tabellario committere, quæ à me postulabas, afferre mecum, cuicunque illa essent: quæ, uno mihi nomine, quod illa significares te velle, minus jam mihi displicere viderentur. Sic enim mihi persuadebam,

suadebam,

suadebam, quando hoc tuum de me iudicium, nonnihil depravasset amor, fore, ut, quicquid ego contenderem; minime illa, digna lectu esse; aliis, qui ex tuo iudicio mea æstimarent, viderer poscenti tibi, minus, quàm belli homines soleant, voluisse gratificari. Itaque statui non mihi esse querendum, quare adductus mea velles, sed voluntatem spectandam, quæcunque poscendi tibi causa esset. In amicitia enim voluntas, pro ratione est, ubi est inter eos instituta, quos conciliat virtutis amor. Equidem distuli veniendi consilium ad generi mei adventum: quibus adductus rationibus, exponam coram: aderit quidem, ut spero, post Lintianas nundinas; quas solet statis anni temporibus obire: unum, in præsentia non reticebo, si omnia mihi ita expedita essent, ut vobis esse video, me etiam vinctum catenis ad te advolaturum. Sed quando jam Paxius cœpit mutare; video aliud mihi esse ineundum consilium, prius abjicere coacto. Interea desiderium absentis, ut spero, literis leniam tuis: quas erit tuæ humanitatis, non pati me frustra desiderare: quod ut facias, te etiam, atque etiam oro. Scripta, nisi ipse afferam, dabo operam, ut quam primum ad te mittam: quàm cito, librarius meus viderit, quo ego utor minime strenuo: enitar tamen sedulo,



ut in exsolvendo officio non minus, quàm in suscipiendo, videar viri boni partes præstitisse. Gener meus, cui has ad te literas dedi, cum properaret, non potuit, quoad librarius absolveret, exspectare. Ignosce lituris: & si ad Antinoum scribis, me illi jam plane tuum, de meliore nota commendanda. Fiducia nimia hæc mea ne mihi rubores eliciat, facit amor. Hoc enim unum habes pretium tuæ promerendæ gratiæ, eorum, qui illam ambiunt, amorem, voluntatem, animi studium; quod quidem ut in me esse aliquando erga te intelligas summum, enixe operam dabo. Vale. Datum Cracovia X. Kal. April. M D LXXVII.

### AD EUNDEM.

**C**Um has essem ad te literas daturus, commodum descendenti ex arce, Flavius occurrit, qui mihi tuas literas reddidit. His, ut te velle video, respondebo, cum, ut tibi morem geram, quo nihil mihi prius est, tum, ne si quando hæc sint superioribus annectendæ, haud satis belle cohæreant aliena lingua scriptæ. Quod meas literas ais tibi gratas accidisse, per, mihi, vero, id gratum: five enim id, quòd sunt testes eximiæ meæ erga te voluntatis, atque observantiæ, est cur mihi gratuler, tanti

tanti apud te eas esse: sive, quòd te mearum elegantia literarum delectet, id quod videri vis, tuus est mihi amabilis error: habet enim insigne argumentum tuæ erga me benevolentia; & me falli tuo errore ea lege, ut simul agnoscam, quibus me ornas, laudes, non potest non mihi summæ voluptati esse: honestissimum certe, & nunc mihi est, & posthac est semper futurum, me abs te nunquam satis laudato viro, tanto cumulatius mea spe, certe merito, laudari. Eodem pertinet cupiditas tua visendi mei: quæ quidem ita animum incendit sua sponte tui desiderio flagrantem; ut vix conceptam inde cupiditatem, mens ratione revocata ab errore restinguat: id quod accidit, ubi exploro me, atque excutio diligentius, ita tibi multa tribuens, in hoc tuo de me iudicio, ut nulli magis, quàm mihi ipse habeam fidem: qui, ni plane me ipse parum novi, quid habeo, quare tibi placeam, non mihi displiceam totus? Tibi vero hoc persuadeas velim, cum mihi sit unum in optatis maximum, ut detur facultas aliquando in tuum congressum veniendi, una me re ab eo deterreri, ne, ubi id mihi contingat, frustratus tua spe, intelligas, quam nulla causa tibi fuerit, tam præclare non solum de me iudicandi sed prædicandi etiam: id quod, plane mihi notus,  
intelligo



intelligo futurum. Omitto cætera: nihil in me triste: æger animus, perpetuus mœror, oratio, vultus, oculi mœroris indices, omnium maxime, eorum deplorata spes, propter quæ est vita multis expetenda. Quæ omnia cum mihi jampridem haud obscura essent: hoc mihi esse agendum statueram, ita mihi uni viverem, ut eorum beatam vitam molestus interpellator ne turbarem, quibus multa in vivendo jucunda evenirent. In quorum numero non ego reges pono, quorum fortunam vulgo homines magis, quam virtutem admirantur; sed eos, qui à se ipsi eam felicitatem petunt, quam extra se alii, sed frustra quærunt: in quibus tu es princeps. Sed credo te hoc agere humanitate tua singulari provectum, ut cum tibi meæ solitudinis, & fortunæ veniat in mentem, speres fore, ut in isto præclaro otio, tum cœli temperie, tum loci amœnitate aliquantisper recreatum, suavissimo tuo sermone imprimis, quò me ego hilariorem iis reddam, quibus meam plane vitam debeo, me restituas mihi. Qua ex re non te minor gloria manet, quàm qui in acie servatum civem, & suis, & patriæ restituit; voluptas certe tanta, quanta maxima eos consequitur, qui in officii functione, beatæ vitæ finem habent, constitutum. Ergo neque differendus in longio-



longiorem diem meus adventus, neque  
diu tibi tanta invidenda laus; quam tu  
merito quidem permagni facis: qui non  
censes te vivere, nisi comprehendendo tuo  
beneficio multos, erigendo, sublevando,  
fovendo, doceas tibi fructum vitæ, quæ  
nulla ei futura est, cui quasi infelix arbor,  
iners, atque obscura occidit, tum in tuos,  
tum in externos, constare. Equidem tan-  
tisper, dum ego apud te ero, si minus do-  
lore, at aberratione nescio qua à doloris  
sensu, quæ me aliud agentem fallat, leva-  
bor: cujus altius defixæ radices, quid a-  
liud afferre, quàm fructus mœroris, luctus-  
que possunt? Ac tu quidem, ut video, non  
ignoras, quæ tanti mali mihi causa sit, quæ  
tamen multo tibi exploratior est futura, si  
quam conjecturam facis de aliorum inge-  
niis ex eorum scriptis, nulla mea cum in-  
vidia, aut cujusquam offensione facias de  
meo. Etsi enim cum sit tuum de me judi-  
cium eximium, me ipse tamen non fallo,  
tuo iudicio superbus; præiis quidem si di-  
cam, me aliquid esse, ubi à vobis discedo,  
qui pervenistis adnixi studio ad summum,  
haud videar facere arroganter. Aliquan-  
do vero intelliges, quàm mecum inique  
comparatum sit, à quo homine tanquam  
à fossore opus exigatur: neque enim quid  
scribam quæritur, sed quantum scribam,  
atque



atque hoc adeo à certis hominibus, qui apud sapientissimum regem, & mihi æquissimum sua sponte, crescendi occasionem, ex mea contumelia quærunt; quod iis per summam illius gravitatem, meam constantiam non facile licebit. Quos nam quæris? quos ne centum quidem nulli clitellarii ferant, vultu, fronte, & supercilio graves homines. Quid? quòd veteres non placent: placet Jovius, Bonfinius? miraris me tantulum hominem jacere, qui per veterum vestigia incedo, atque horum ampullas, & tumorem, cujus admiratione vulgo tenentur, non possum, quantum debeo, cum nullum mihi in eo statuam modum, stomachari? Credo ego tibi hæc ridenda. Et vero etiam mihi, si ridere quidem in stomacho possim: quem ipsum, ne dissimulem, plane amisi. Itaque aliquando venit in mentem vereri, etiamsi mihi videor mordicus rem tenere, ne ego fallar; recte hi sentiant: ut præstet, in isto tuo regno Paschoviano, posito stylo, marram, & ligonem sumere, quàm morigerari ingenio, quo me sentio rapi ad scribendum, operis incensum amore. Causam habes mei mœroris, quam non levem quidem mihi statuas esse, si, posita tua perìona, ad tempus suscipias meam. Mirifica vero adeo tua conjectura, ut, rejectis involucris, rem ante oculos explicatam



catam habuisse videare. Mitto ad te descriptam orationem, qua regi sum partum regnum gratulatus, ut, nisi te aliò abstrahant curæ graviore, legere mea causa haud graveris. Non dubito fore, quin ubi legas ipse, & scias idem, quo fastu, & supercilio illam quidam mei Aristarchi legant, te fortunæ pigeat meæ. Utrumque vero malum, & quidem ut ignores, quòdnam deterius sit, sive hi quod legunt probant, & dissimulant tamen; sive non probant; quod minus noverunt: ut in gemmæ æstimatione, cum uterque sit reprehendendus, & qui sibi, ejus imperitus, judicium sumit, & qui cum norit, dissimulans quid sentiat, quam scit esse gemmam, esse lapidem pronunciet, utrumque quidem statuas esse castigandum, sed ut vix tibi liceat, qui gravius, judicare. Et si enim capitale est, volentem quem, & scientem admittere fraudem, odiosa tamen ignoratio est, cum eam arrogantia, id quod sæpius accidit, sequitur comes. Quicquid fuit in me ingenii, quicquid artis, quicquid nervorum, & virium, in hoc unum argumentum effudi: quibus quid perfecerim tu videris: quid assecutus sim, adhuc ipse ignoro: spero quidem regi sapientissimo meum hunc conatum probari: ut enim minus sim, quod volui, assecutus, longe ab eo tamen abfui,

ut

ut putidam nescio quam cantilenam hau-  
 stam ex scholarum fece populo ederem,  
 vobis ridendam, quorum iudicium *λίθοις*  
*ἤσαν λεία*. At satis mihi visus sum placuisse:  
 dicerem cui, si hominis superbiissimi  
 mentionem facere sine stomacho possem:  
 ita enim pronunciavit: non improbari, &  
 videri dignam quæ edatur. Ita ne vero?  
 Ac, multo quàm tu præclarius, indignam  
 Duditiis, Crato, alii statuunt: qui in pe-  
 ctore inclusam sapientiam, non in super-  
 ciliis habent: non enim ita mecum male  
 agetur, ut mea scripta arundini affixa per  
 pueros circumforaneos, populo distrahan-  
 tur? Quia si hoc honorificum regi? Imo,  
 quæ illius summa gravitas, & sapientia est,  
 odit turmales: debet certe rex tantus odif-  
 se. Nosti morem, & quanta hæc scriben-  
 tium licentia. Jam panegyricis, laudatio-  
 nibus, epithalamiis, ut pigeat oculos, at-  
 que aures habere, infelix hæc litterarum  
 natio orbem terræ referferunt. Equidem  
 non usque eò mihi blandus sum, ut in hoc  
 cursu laudis, credam me eò pervenisse,  
 quò haud dissimulo me contendisse, acri  
 studio incitatum: sed eò tamen progressum  
 idem intelligo, ut deprecatus arrogantiae  
 crimen, me non hæsisse diutius in grege,  
 contendam. Vides quid possit libera indi-  
 gnatio: jam tu me putes esse disertum que-  
 rendo,

rendo, qui id das amori in me tuo; alii &  
 garrulum, & loquacem forte existiment:  
 certe mihi hoc satis, si per N. unum, aut  
 alterum, quorum res scribo, liceat, cum  
 vapulem, mittere liberam vocem: omnino  
 cætera facilius: ubi in hoc verfor argumen-  
 to, temperare mihi quin justissimo dolori  
 paream haud possum. De Asclepiade pri-  
 dem satis multa: qui quidem jam lautus,  
 supra regum fortunam positos contemnit:  
 neque vero ille reges, ex Stoicorum scho-  
 la, qui terra, & cælo fruuntur, sed è mul-  
 tis unus, quibus cum ait *ἀντιπάθειαν*  
 habere: ut ne nos quidem ex eorum nu-  
 mero excludat, imperitos homines, & qui  
 ob eam causam, nihil sciamus, quòd unus,  
 exhaustis sapientiæ fontibus, nihil relique-  
 rit, quod nobis inde licuerit libare. Illud  
 tamen addo, non esse cur putes N. futu-  
 rum collegam, nisi forte, ut Cæsaris Bibu-  
 lus, qui toto suo consulatu nunquam in-  
 cūriam: quanquam is, ne hoc ipsum qui-  
 dem. Nam Bibulus hæsit in consulum fa-  
 ctis, hic titulum quem ambit, cum amicos  
 allegasset, qui fatigarent principis aures,  
 non impetravit. Sed quisquis ille, si Por-  
 phyrium consulas, aut ejus aliquem simi-  
 lem, dicat tecum actum bellissime: vix e-  
 nim erat spes, eum, ut nomine, ita re,  
 diu apud te Asclepiadem futurum. De

Tacito multa: sed quæ neque hujus temporis sunt, neque mearum literarum: quæ cum hujus argumenti sunt, ne breves quidem molestia carent; qua ut te, vel levissime, patiar aspergi, haud temere comitam. Ergo de his coram, atque, ut magnam adeo de te mihi expectationem faciam: qui, ut Tacitus absit, haud possis vir tantus, summo ingenio præditus, usu rerum maximarum, literis politioribus, tacitus esse. Paxius, qui se spondet comitem futurum, idoneam censet tempestatem expectandam. Itinera enim, ut nunc sunt tempora, ita fœda, ut redeunti Cracoviam Deo immortalis fuerint vota facienda, ut me sospitem sisteret domi. De eo inveniendo, de quo jam mecum alteris literis, actum agimus: ex qua regione enim, cœlo, solo, qui tibi sit aptus? quanta in eo sit virtus oportet, quem tibi tanquam nobilem partem tui (id enim video te velle) adjungamus, ne monstri, aut prodigii res similis sit? venit mihi in mentem, dum in hoc sum totus, P. Pierii, quem juvenem memini me pridem Lutetiæ vidisse, ob summam eruditionem, & morum elegantiam, omnibus carum, Hospitali imprimis. Audieram illum Piætavii, an Augrelæ, philosophiam profiteri? Non esset desperandum, perpetuis bellorum cladibus, per tot annos, vexata

xata



xata Gallia, ac spe crebra potius, quam firma pacis, illum monitum ad hoc consilium descensurum. Lucerna tibi neque interpretis malus, & acerrimi ingenii, modo accedat voluntas; quod non despero fore. Neque vero solum est Francfordiæ mercatorum conventus, sed doctorum etiam hominum, quos eò contrahit studium optimarum artium: ut haud sit difficilis delectus. Venio ad postremum tuarum literarum caput, quod scio tibi esse primum, de filio puero. Nam patri quidem, quod est filius, nobis, quod est tanti viri filius, cujusmodi sit futurus, injicit curam. Quæcunque erant à natura expetenda, habet, cumulate, ingenii vim, memoriam, tum à forma, & tota constitutione corporis, dignitatis commendationem, à fortuna domesticam disciplinam, qua nihil est castius, purius, elegantius. Quæ tot bona ne frustra in puerum natura proluxa, & fortuna videatur contulisse, sapienter statuisti ab externa disciplina petendum, id quod non facile illi domi continget, & inter suos. Præclarum hoc vero, sed ob eam ipsam causam, quod præclarum, haud facile inventu. Deligendus vero in quo conspiciatur parentum illa *Φιλοσοφία*. quæ vix suscipi iudicio, aut studio potest, cum sit à natura tota; tum, ne ea obsit, tristior.

patruī censūra, quæ à mollitia avertat tene-  
ros animos, ita regendos, ut cum severi-  
tate, sit comitas quædam, & lenitas admi-  
rabilis conjuncta. Quis, inquam, quem,  
nulla sanguinis conjunctio, nulla propin-  
quitas, necessitudo nulla, sed una modo  
spes præmii moveat, id quod vix potest pa-  
trius amor, præstet parem animum iis mo-  
lestiis perferendis, quæ manent adolescen-  
tium moderatores? in quibus si quid est  
indolis, & virtutis, id esse acerbum neces-  
se sit: cum multa luxurient, & redundant,  
quæ mutilari, refecarique, sine sensu dolo-  
ris, à quo natura refugimus, vix possunt.  
Itaque magnus ille sit quidam vir oportet,  
qui tolerantiam laboris, & assiduitatem, ut  
sit inter pueros vir (quod in magnis ani-  
mis est difficillimum, & ab eo abesse, quem  
quærimus) non potest nisi hoc ab illo ex-  
torqueat summa virtus, de se audeat pol-  
liceri: quò minus justa parentum querela  
videri possit, qui ea in alienis requirunt,  
quorum ipsi potentes non sunt, quæque  
in iis excitat insitus à natura amor. Om-  
nium enim unam rem gravissimam, & quæ  
sancta maxime civitatum rectoribus debeat  
esse, temere eorum fidei permittimus, in  
quibus sæpius fides; ubi non sit de fide  
dubitandum, judicium, prudentia, cura  
acerrima, sine quibus probitas nulli est u-  
sui,

fui, desiderantur. Nam si quis est, in quo horum utrumque inveniatur, is huic erit tanto muneri aptissimus: qui quidem est optandus, quàm sperandus magis. Sed quid ego pluribus de his ad te, à quo tanquam à fonte sunt petenda? Magna, inquam, res; sed in qua quidem, ni mea, me fallit opinio, mirifice tibi fortuna favet: habes enim, in quo cum fidem, tum, quod imprimis tibi curæ esse scio, morum elegantiam probes, literas, eruditionem, & quo uno omnia comprehenduntur, judicium acerrimum. Vix plura quæras, si data tibi optio sit, adde studiosissimum tui hominem, in Italia, Germania, Gallia versatum magna cum laude. Quid, quod illius studium diu probatum est excolendis nobilium adolescentium ingeniis? Hoc ego non adductus fama, quæ est sæpe fallax, sed re ipsa de hoc homine audeo polliceri. Fuit proxime in aula: ob integritatis, doctrinæ, & prudentiæ famam, ita amanter, atque honorifice à principibus acceptus est, ut ejus ordinis, ad hunc diem honorificentius, atque amantius excipi neminem viderim. Nam Palatinus, quocunque ille animum convertat, ut hominem respicere, non locum videatur, sive in Pannoniam, quo illi optima conditio, & luculenta patet, sive in Germaniam, illi filium in di-



sciplinam tradit. Jam puto te ex mea oratione Paxium agnoscere suis veris lineamentis circumscriptum: qui cum ego, quasi divinarem fore, ut in hac sententia confisteres, mea sponte sum locutus: neque de eo tamen, tanquam hoc abs te mihi in mandatis, sed, ut integra tibi omnia maneant, & quidem ea ipsa hora, qua mihi sunt tuæ literæ redditæ. Nihil potuit audire libentius. Hui tam longas ego literas? næ tu merito me immemorem, tuum vix feras, qui tibi in otio negotium facessam. Sed tua hæc scilicet culpa, qui, ex tuis literis, vis sperare me in eorum numero haberi, qui tecum serio, & joco. Neque vero tu unquam ita vacuus, ut in otio cesses, cujus nihil mihi tanti esse debet, ut tibi invidiam fructum. Tibi ego vero modo? Tuæ enim hoc felicitatis est, quæ eadem est summorum hominum, ut vitæ fructum nullum censeas, ex quo non plurimum in multorum usum, & compendium redundet. Vale. Cracoviæ datum IX. Kal. Decembr. M D LXXVII.

## AD EUNDEM

**L**iteras tuas, quas ad me proxime dederas, cum plenas amoris, officii, suavitatis, tum multo perfusas elegantiarum lepore, & sale, curavit mihi Scipio

pio Mariæburgi reddendas : quibus quidem  
ita respondi, ut tibi fortassis, quæ tua faci-  
litas est, mihi quidem, pro summo meo in  
te amore, atque observantia, haud fecerim  
satis: hoc enim credas mihi velim, mini-  
me facto homini ad horum temporum am-  
bitionem, jampridem esse cum ego te tan-  
ti faciam, quanti ut apud me sis, eximium  
meum de tua virtute iudicium requirit :  
tantum autem accessisse ad meum in te a-  
morem, ubi te propius licuit adire, ut cum  
in te amando nemini concederem, cujus  
summa erga te benevolentia esset, uno tum  
mihi nomine displicerem, quòd pro inge-  
nii tui suavitate, congressu, sermone, ele-  
gantia, minus mihi viderer te amare. Quid,  
cum effecisti, in me omni genere officii ef-  
fusus, ut crederem, me plane eo loco apud  
te esse, quem ii obtinerent, quos amares  
plurimum, & esse quàm amplissimos, & quàm  
honestissimos velles? Te vero beatum, ,  
quem tanquam è mari vasto, & Syrtibus  
nescio quibus importunissimis, fortuna, tri-  
stis illa quidem tum visâ nonnullis, sed ti-  
bi secunda imprimis futura, in istum otii  
portum, & tranquillitatis abduxit. Equi-  
dem ubi de tuo statu cogito, id quod facio  
sapissime, desiderio tui provehente me ex  
summa tua voluptate, ut me juvat sperare,  
incredibili ipse fruor. Ita enim tu solus, ut

nulla hac solitudine frequentior regia :  
quam tu quidem, cum aliis omnibus cor-  
temnendo, quæ admirantur multi, qui ne-  
que illa, neque se ipsi adeo norunt, recrea-  
tum animum recordatione earum rerum,  
quas multas, è veterum philosophorum  
fontibus hausisti, quasi pastu suavissimo  
alis. Cætera omitto, quæ tu vir gravissi-  
mus in hoc tuo secessu ita tenes, ut tenere  
te noris, unde manat solida voluptas. Quæ  
vero ulla vita innocentior, castior, purior,  
quàm quæ procul à strepitu aulæ, & foro,  
traducitur in cultu agrorum? quot, quan-  
tæ illæ voluptates, quæ, ut ille ait, nulla  
impediuntur senectute, & ad sapientis vi-  
tam accedere videntur? Una est constantia  
opus, vitæ tam præclaro instituto tuendo;  
quam non patieris à te desiderari, homo,  
multo quàm ille firmior, cui vix integrum  
diem agenti vere beatam vitam, non licuit  
tenere: in eo certe tu multo præclarius,  
qui, ut cætera es complexus animo, illi af-  
fensus, ita longe ab eo abes, ut existimes,  
tibi vitæ sociam jungendam, Sabinam ne-  
scio quam, perustam solibus, quam tu qui-  
dem facile pateris, aut Menedemo, aut  
Demiphoni nescio cui probari, durissimis  
hominibus: duxisti enim longe nobilissi-  
mam, ac lectissimam matronam, quæ in  
villa, quamvis luculenta, villa tamen, tibi  
urbanam



urbanam elegantiam, sales, jocos, munditias, repræsentet, quibus condias, si quæ animo infideant, curas graviores. Nam, id quod caput est, & cum dignitate conjunctum otium habes, & ita interpellatore cares, ut tamen eundem non recuses, si ejus sit suavis interpellatio, & te digna: cujus te rei ita video avidum esse, ut, ne quando fallaris, in eo deligendo, cujus consuetudine oblecteris, plurimum tibi præfidii cum in summa tua prudentia, tum, in fide amicorum habeas constitutum. De Asclepiade credo jam te non fugere, quæ amicorum sententia sit: qui quidem, ut in eo sint cætera, ut velles; ita turget opinione sui, ut illi angusta regia sit: de quo homine, nullo meo merito mihi iniquo, ne plura scribam, mea me modestia prohibet: neque enim de illo, quæ vellem, queo scribere; neque ea quæ possum volo. Sed de hoc ipso, ut aliis meis literis, ita nunc te ad Philotheum, rejicio: quo homine, præter unum me, neminem habes tui amantiorum. Hæc puero dictavi, & quidem latine, quòd Germanus linguam Italicam non callet, luxata manu, ob lapsum scalæ: qui casus, quo minus meo instituto uterer in scribendo, fuit impedimento. Si quem tuorum huc ad nos, cui tuto committere audeam, quæ à me postulas,

las, dabo operam, ut continuo ad te mit-  
tam. Vale, amice maxime, neque solum  
virtute, qua excellis, & cæteris vitæ orna-  
mentis, sed fide, studio, amore mihi suspi-  
ciende. Ignoscas pluribus scribenti, quàm  
tuæ occupationes requirunt: ita enim sunt  
meæ literæ loquaces, ut sint insignes amo-  
ris argumento, unde illæ manant: me cer-  
te ita levant ægrum animi, ut cum id ago,  
tanquam coram tecum videar loqui: cujus  
unicum congressum omnibus deliciis an-  
tepono. Vale. Cracovia.

## AD EUNDEM.

**O** Vero aureas tuas literas, & ad me  
demissas è cælo: quantum enim  
in his suavitatis, quantum amoris,  
officii, quæ adversus omne solatii genus  
contumacem animum potuerint exhilara-  
re? parum illas pro earum elegantia videor  
prolixè laudare: ita mihi sit tuus perpe-  
tuus amor, parum. Illæ mihi dictamnum  
illæ salubris Ambrosiæ succos, & odorife-  
ram panaceam, non mihi opportuna mi-  
nus, quàm mater dea sanando Æneæ vul-  
neri, illæ me plane mihi restituere, illæ  
præsentium malorū oblivisci, repente exue-  
re ingenium, alios mores induere coege-  
runt: ut ab eo tempore, quo mihi sunt red-  
ditæ,



ditæ, tristem curam nullam, quæ interpellaret perfusum voluptate animum, emergere patiantur. Quantum sit, quod tibi debeas, vides, beatus, qui cum ipse tibi sis notus, homo divinus, non patiare te cujusquam laudibus altius, quàm tua ferat modestia, extolli. Æsculapio alii sacra faciant, si lubet, qui Hippolytum ad vitam revocavit, malam gratiam apud iratum Jovem initurus: tu quidem effecisti, ut vita, cujus me pridem pœnitebat, non solum non acerba, sed jucunda etiam esset, cum haud me tamen ex Hippolyto Virbium, sed eundem retinueris, quò ex præterito malorum meorum sensu, non ex alterius, vita illis perfuncto gratior esset. Quid enim, si quî jam ridere dedidiceram, jam & ridere, & joculari, hoc est vere vivere, & esse hominem possum? Hoc est ex inferis reducem sistere, qui mœrore, & curis confectus, unico vitæ fructu, animi pœna, & cruciatu sustentatur. Omitto cætera: quàm ampla materia ridendi, quocunque me animo convertam? Ita ne vero? ne tu quidem χρύσεια χαλκείων? quis ergo aurea? Audio: ego: at tu quisquiliæ, aut si quid vilius est. Perbelle hoc quidem, si joco, id quod mallet, & lubet credere: cur enim te non putem εἰρωνεύεσθαι? cujus quicquid est, totum suave, falsum, conditum omni genere elegant-



elegantia est? ut nobis, post multa, secula, quemadmodum olim Euphorbum Pythagoras, & hunc Aspasia nobile scortum, Socratem alterum referas. Sed video te, vincere velle modestia, ut vincis aliis omnibus. Quæ autem ulla modestia major, quam alteri aliena tribuere; non agnoscere sua? Nam si hæc, quibus ipse abundas cum desunt, liceat foris fumere, abs te ego uno, & quidem magno cum sænore. Est sane ingenii acerrimi, & quò hominum opinione majus, eò minus in multis: cum quis sibi præscribat in cursu gloriæ honestissimum finem; etiamsi, tanquam cursum, confecerit, tulerit populi plausum, non remittere tamen de cursu, & non secus, ac si tum primum è carceribus exeat, pari celeritate contendere ad metam. Pervenisti tu enim jam pridem, omnium summo consensu, virtute tua provectus: ut si nunc minus, quantum profeceris, noris, sit cur de nimia tua modestia queraris, quæ te cogat ea de te detrahare, quæ aliis tribuas tam effuse, si modo esse nimia modestia, potest. Malim ego vero, si parum sit à modestia recedendum, propius à nimia fiducia, quam à diffidentia animi abesse: hanc enim desperatio subit; illa animum in spem erigit, ut quæ bona agnoscit, etiamsi tanta non sint, provehere studeat, & ad summam

summam absolutionem perducere, quò  
spem habet erectam: quæ spes nunquam  
à magnis animis abest. Cur vero nobis i-  
psi parum æqui simus, qui vel levissimè læ-  
si ab aliis, non ferimus? Sed tu perge ta-  
men: vix enim credas quantus jam videar  
tua prædicatione esse, non mihi, qui me  
novi, sed amicis quibusdam tuis, lautis  
hominibus, & opulentis: quos facile ego  
patior tecum falli, modo me hilarius lau-  
tiusque accipiant. Non enim jam possum  
esse contentus pristina fortuna, tantus  
vir, & cujus similem vix seculum ferat.  
Vides me ex tuis laudibus tantis, non jam  
aliis sed mihi ipsum nimium esse? Sed ut  
omittam jocari: aliam causam habet tuus  
error, quare me mirum in modum delectet:  
vix enim tibi fides fiat, quanta meis rebus  
sit accessio futura, si tua hæc prædictio de  
me emanet. Sunt enim nonnulli ita mihi  
parum æqui, ut cum non possint secus, at-  
que ipse velim, de meis scriptis pronuncia-  
re, nisi pravitatem ingenii prodant, dissi-  
mulent, quod sentiant, in corona, ubi est  
maledicendi locus, atque in conviviis in  
me diserti. Quiescis, inquis? quid ego ve-  
ro aliud? adjuvat, quod ajunt; Dente ab  
his dentem rodi: efficiet certe ipsa dies, ut  
intelligant, se eò voluisse dentem figere,  
unde resiliunt fortius etiam intentata tela:  
haud

haud dubia enim in pugnando victoria  
 spes, ubi cum recte factis, maledicta con-  
 tendunt. Cur non per te, inquis? per me  
 vero? Quid, si ne esse quidem beatus mea  
 prædicatione velim? Quid, si ejus non  
 possum esse similis, quem ego, quod tui si-  
 milis non sit, pessime odi? Nam tu præcla-  
 re de omnibus, is cui non maledicat, ne-  
 minem eximium habet. Efficies tamen,  
 spero, tua sponte (quæ mihi causa est, cur  
 minus te precibus fatigem) ut tuum mihi  
 testimonium illic honorificum sit, ubi sit  
 usui futurum, homini minime quidem  
 Φιλοχρημάτω, sed cui in hoc uno tamen,  
 secundum honestatem, sint posita omnia.  
 Minime hoc, inquis, Stoice: imo, ut ne-  
 mo me Stoice magis; qui ambitioni qui-  
 dem multam salutem, & solitudinem spe-  
 cto (dicerem hortos, ni me à Stoicis puta-  
 res migrasse in Epicuri regna) sed non pos-  
 sum pera, & dolio esse contentus Dioge-  
 nis regia. At tu ne Stoicam hæresim qui-  
 dem, quam in Zenone rides, sed non quam  
 ego effusius: quo ego tam bello homine a-  
 mando, tecum audeo certare, etiamsi eum  
 fers in oculis. Quanta vero in eo suavi-  
 tas, quem tantum possum amare, quantum  
 ille te, vel eam ipsam potius horridam por-  
 ticum, & incomptam: quam cum depe-  
 reat, habet quod de illa expostulet, quæ  
 in

in amore haud mutuum facit. Vereor, ne te jam pœniteat tuarum literarum, quæ effecerint, ut in ridendo, & jocando nulum inveniam modum. Sed ad testimonium tuum redeo: quod quidem, ut sperem, oratio facit: quæ si placet, ex tuo iudicio, cui velim maxime; me ponis in cœlo: vix enim ii dicant se habere quod laudent, etiamsi sint nonnulla, quæ teneant etiam invitos, quæque intelligant, quibus ego maxime cupio probari. Sed quid, si, ne tibi quidem, ne dum per te aliis? Quod ne accadat, hoc addas licet ad tua in me merita, ut ex eo iudicio de meis scriptis statuas, quo tu alia mea omnia, quod vere est tuum, hoc est amoris; non, quo potes, ubi te excites vehementius, acerrimo, & ad criticorum nescio quorum censuram, à quo te vindicant tui mores. Peierandum vero nonnunquam amicorum causa? O hominem minime philosophum, inquis: imo est philosophi, servare mendacio amicum hominem, præsertim nullius incommodo. Regnas tu vero apud omnes, atque adeo, tum cum vis videri nihil posse: quid, ubi, quantum possis, intelligas, neque enim à te dissentio, ut quod liceat magis, quàm quod deceat velis? præsertim cum intra hos quasi cancellos conclusus, me tanquam aliud agens plurimum juvare queas. Sed in  
hoc

hoc ipso tamen ita, ne videaris, quod tribuis, studio provectus, dare amori. Quod si accidat, verendum, ne aut dependendum pro me tibi, cum ego pridem conturbarim; aut abjuranda sponsio fit. Te enim appellent licebit, si qui se deceptos querantur. Neque vero dubito fore, quin, quem me hominem pingis, ita in me querant, ut in Tragœdia, comœdiæ auctorem. Venio ad tuum consilium, quo nullum aut Cato, aut Lælius sapientius: ut si ego te, tantifaciam, quanti debeo, cur non liceat cum sapiente nescio quo exclamare: *ἄλλ' ἢ Φρόνησις ἀγαθὴ θεὸς μέγας?* Itaque neque ego quicquam temere, & me, quoad, id quod mihi honestum, tutum, etiam sit, sustinebo. Sed in eo, mihi crede, haud me ipse fallit: nemo enim hoc non novit, non te amari solum, & coli à me, sed quàm mihi etiam gravis causâ, & iusta sit tui amandi, quod tantum abest, ut moleste ii ferant, qui possunt, ut me hoc nomine aliquanto etiam ament magis. At per eos licet ad Cecilium scribam, cujus oderunt monumenta pejus; quàm tu nostri Nærias. Neque ob id tamen danda quærentibus sermonis ansa. Invidi enim mali semper interpretes: quos ego, id quod in hac mea fortuna mirum est, habeo plures, quàm velim. Movet enim illud, quod

Græ-

Græcus ille, ἢ δυσμενής, καὶ βάσκανος ὁ  
 γειτόνων ὀφθαλμός. Miraris. Vicini enim-  
 vero hi mihi, etiam cum longissime ab-  
 sunt: ex his propiores nonnulli in Dacia,  
 quam qui sunt in Cracoviensi arce. Addis  
 adhortationem consilio: in quo tu officio  
 persolvendo, ita te mihi aperis totum, ut  
 nisi plane norim unde sit, lucere eidem,  
 ne meridie quidem unquam videatur. Fin-  
 ge vero, me esse Solonem nescio quem,  
 aut ex Areopagitarum consilio aliquem:  
 cui domesticis malis, aut ferendis præsen-  
 tibus, aut imminentibus arcendis, plane,  
 licuit esse sapienti? sub fasce, mihi crede,  
 cum nostra ferimus, concidimus, σοφότε-  
 ροι συµφορὰς τὰς τῆ πέλας διαίρειν, ἢ τύχας  
 τὰς οἰκοθῆν. Verum aliud indicium tui in  
 me amoris: quem mihi adeo probas, ut,  
 cum sint omnia in tuis literis divina, ni-  
 hil sit tamen, quod me aut capiat, aut te-  
 neat magis. Cur non ego vero hunc ipsum  
 amorem tuum amem, cum quidem, quod  
 difficillimum in amicitia est, & tam vche-  
 menter noris, & tam sapienter amare? Nam  
 vis ita, quæ suavia sint; ut quæ tutiora ea-  
 dem, honestioraque esse intelligas, etiam  
 cum desiderio eorum, quibus careas, ma-  
 lis. De Philetio multa: quem ne mireris  
 philosophum eundem, & ex hoc inani, &



jejuno genere, qui vitam terunt fragmen-  
tis legendis, est eo ingenio natus, ut mor-  
bo delectetur, quo laborat. Nam alii fe-  
re, quicunque sunt vitæ hominum infesti,  
eos, qui his corripuntur, modo vexant,  
hic unus extra eos effusus, qui eo tenen-  
tur, late serpit, & ut canes in rabiem acti,  
perdunt, quos morfu lædunt, cogit, qui  
eo tenentur, & in præsentēs æque, & in  
eos qui multis ab hinc sæculis fuerunt, ve-  
neni virus, & rabiem effundere. Quod  
quidem, quò magis videatur odio dignum,  
ita agunt, ut superbo titulo sanandi, emen-  
dandi, corrigendi, eorum memoriam læ-  
dant, quibus auxiliari, atque opem ferre  
videri volunt, eorum scripta fœde laceran-  
do, mutilando, luxando, perdendo: quæ  
mali vis in præsentēs maxime redundat,  
quorum instruendorum, & docendorum  
causa illa sunt literis mandata. in hoc ve-  
ro aliis omnibus pestis tetrior, quòd aliis  
arcendis plura sunt subsidio, in hac nostro-  
rum ingenia luxuriant, sine ulla spe levan-  
di mali: sic enim illos quasi quidam pru-  
ritus titillat, ut dum voluptas præpostera  
sensum fallit, tanquam olim Pompejus, &  
Cæsar de perdendo Romano imperio, de  
offuscanda, & corrumpenda veterum glo-  
ria in scribendo digladiantur. Quod qui-  
dem quàm te delectat, conjicio non ex  
meo

meo solum, sed ex tuo ingenio: in quo mihi faveo plurimum. Quid porro sibi illa tua verba velint? satis enim cum stomacho, vides, inquis, me suspicari ex eo genere hunc esse, qui quicquid industriæ habent, fragmentis è ruderibus legendis instillant totum? Tu vero macte. Me quidem beasti: qui, quod ego jam dudum, mea sponte facio, ut genus hoc totum impensius oderim, das tantum quem ego sequar auctorem: qui, si quando de his coram, sponsonem tecum faciam, ni te ego ad cachinnos. Ne plane nos perderet tanta hæc lues, fecit unius opportuna mors, qui quanquam ex sanguis, & vix dupondii, erat brevi facturus, ut cum effudisset è capite sapientiam omnem, nobis qui esse, præ illo, collossei videmur, & sanguinem & succum, & medullas omnes exfugeret. Ac tanquam nondum nobis satis stomachum perdidisset, tot è veteribus contaminandis, graviora multo his minabatur, ut nisi ipse præveniret, nobis esset cum morte paciscendum. De quo homine Leonicus, cum multa alia false, tum illud magno cum omnium risu: permultum esse, quod præsentis homines hujus memoriæ deberent, quibus auctam latinam linguam tot vocibus præclaris reliquisset: quas ordine cum recenseret, vix ipse philosophus, & gravis à risu



temperabat, disrumperentur alii; Exulium, dilectus, pœnire, recipere, mæros, Sibullas, ficuias, sumtus, comtus, peremtus. Atque hætenus quidem fuit, quod quis ferret non iniquo animo: illud non ferendum, eundem tantos sibi spiritus sumpsisse, ut tanquam in literatos regnum legibus crevisset, in eos, quibus non probaret putidas illas, ficuias, non secus, atque in majestatis convictos inveheretur, nefarios, impuros, sceleratos appellaret. Jam video aliquid subesse causæ, cur mihi incipiam, blandiri, cujus sensus adeo sint in multis congruentes cum tuis. Itaque scribam ad Lecythum, nostras delicias, & de Asteni illo simul, sive Gorgias, sive Hippias sit (Antimachus enim non est, qui nunc è tenebris in lucem revocat horum scholam, quam si quæris tuetur mirifice) quicquid est expiscabor. Sed ne dissimulem, vereor ne actum agamus. Infidet enim tibi in mente hominis species quædam perfecti, atque absoluti numeris omnibus, ad quam conformatum quæris, qui tecum vivat, & quidem, ut ego existimo, frustra: ita enim tu illam à primis adolescentiæ tuæ annis, inspectam adamasti, ut nunquam passus sis abs te avelli. Fuit summæ felicitatis videre (paucis enim hoc contingit) velle virtutis; constantiæ, quam semel voluisses, rebus

rebus omnibus in terris anteferre. Effin-  
xisti enim tuos mores, ad ejus viri exem-  
plum, quem non tu solum, tanquam A-  
lexandrum Apelles, stylo, sed vitæ, ac mo-  
rum elegantiam expressisti, nostræ, supe-  
riorisque ætatis hominem sanctissimum, e-  
ruditione summa, comitate: quam quidem  
à natura, regio genere ortus studio auxit,  
non prius majorum nobilitate, quàm cla-  
rissimis virtutibus, sine quibus nobilitatis  
splendor in homine obsolescit, suspicien-  
dus. Vixisti in illius castissimo contubernio,  
in quo parietes ipsi, cum sanctitate vitæ,  
religionem, pudoremque spirare videren-  
tur: cum eodem tempore, quasi in sacro  
loco, artes facultatesque omnes, quæ sunt  
vitæ ornamento, à summis hominibus ex-  
colerentur, & qui incensi unius virtutis æ-  
mulatione, ex universa Italia eodem con-  
fluerent: cum adversus ætatis vitia, ne iis  
inter vos locus esset, industria pugnaret,  
& studium, ac vigilantia acerrima. Nam  
plane illa divina: comitas in congressu,  
cum de rebus gravissimis ageretur: ubi ef-  
fent relaxandi animi, comitati adjuncta,  
gravitas; omnia eadem moderatione tem-  
perata: ut in remissione animorum, cum  
nihil esset, quod læderet pudorem; essent  
multa ad honestatem tuendam adjumenta:  
ubi quid esset serio agendum, tristis illa

facies abesset, quæ cum sæpe tegat insignia vitia, ostentat, quæ longe abest, simulatam sanctitatem. Patere obsecro, quando huc ventum est, meo ingenio me morigerari, vel, ut video etiam tuo. Non me, illa modo Philothei scutica, quæ non à me fit, quàm abs te pluris, sed ne Stentoris quidem fulmina, me æque afficiant, atque illius viri optimi recordatio. Cujus species ita mihi crebro ob oculos obversatur, ut, me pudeat, cum nulla alia mihi gratior occurrat, non multis partibus me ea captum fieri meliorem. Atque hoc mihi quidem, qui semel illum, aut iterum; quid tibi, cui licuit, in eodem convictu, & tam diu? Plurimum ego, ut debeo, tuo ingenio tribuo: hujusmodi enim, ut tibi tuum reddam, parturiunt secula, parit longa diēs: adde educationem in paterna domo, Manutii consuetudinem, apud quem, ingenti tuæ virtutis expectatione, aliquot annos egiisti: alia omnia ita expetenda, ut bene iis eveniat, cui ex his unum, aut alterum contingat: sed aliquid tamen deerat, ut pervenires, quò te virtus tua proveheret, ad summum gradum. Id ut assequereris; duce indigebas. Is tibi contigit hujusmodi, ut si liceret deligere è philosophorum scholis, nemo fortior, sapientior, castior hoc uno tibi occurrere posset. Requirant, si qui sunt,

sunt, qui id malint, religionem in sapientium præceptionibus, facile patiente me, atque exigant ad certorum hominum normam; modo me quærere in moribus, & vitæ probitate patiantur: ut enim mihi improborum eadem ratio, quocunque in statu, & fortuna sint: sic virtutis splendor, eodem me modo capit, sive illa ornata purpura, & auro, sive pannosa conspiciatur, & æque Romæ, Lutetiæ, & apud Danubii, & Ponti accolas, si modo sperandum est illic posse inveniri. Videlicet probabile est, facile, ex magna hominum turba, & facie, eum existere, qui tibi, & tuis studiis aptus, se ad tuos mores, atque elegantiam ingenii componat? Tua quidem est hæc culpa, sed felix culpa, quæ eadem te, & fortunatum, & beatum facit: assuetus enim te aspiciere, tot ornatum, atque auctum bonis, ex tuo quasi exemplari, beatum illum hominem fingis, qui dignus tuo iudicio sit, quem ames, qui cum vivas, quem de tuis rebus consulas, cui credas te, tuaque omnia, quo tibi uno comite liceat, ut illi cum Lælio olim summo viro marinas conchas, atque umbilicos ad Cajetam, & Lucrinum legere, rusticari, venationi operam dare, piscationi, aucupio, &, quod nonnunquam suavissimum habet otii fructum, repuerascere, & nihil agendo, agere multum. Ubi,



inquam, speras inventurum, quem eadem  
 similitudo voluntatum, studia eadem, mo-  
 rum suavitas, comitas, facilitas, sermo, ti-  
 bi, ut tu te omnibus, se amabilem reddat?  
 Vereor ne suspiceris à me hinc occasionem  
 captatam laudandi tui: à quo tam longe,  
 te abesse velim, quam ego ab eo, ut id a-  
 gam, longe absum. Nam, ut facile cætera  
 de me detrahi patiar, ita hoc mihi sumam,  
 in quo ipso tamen haud videar facere arro-  
 ganter, nunquam ut temporì, aut gratiæ  
 idem, quod non prius veritati, & meæ re-  
 ligioni, mihi dandum putem. Videor enim  
 te eadem canentem audire, ἐπὶ ἐγὼ θεός  
 εἶμι; τί μ' ἀσάδατοις ἐίσχεις; Atqui habeo  
 & ipse, quem Homero opponam, à quo i-  
 pso præsertim ratio stat: quæ multis secu-  
 lis est Homero antiquior. Nam si est Deus  
 homini summum bonum, natura immor-  
 talis, atque æternus, nihil videar facere,  
 à mea constantia alienum, si in quo homi-  
 ne summa excellit virtus, eum similem Deo  
 efficiam. Quanta enim ejus vis, quæ qui-  
 dem dissoluto corpore animum deducit ad  
 Deum, immortalì vita fruiturum? inde ve-  
 ro homo homini Deus, quod ab eodem fonte  
 fluxit. Quoties vero durioribus nostris re-  
 bus, omni spe deplorata; qui nos erigat  
 jacentes, advenit expectatus amicus fidus,  
 tanquam θεός, ἀπὸ τῆς μηχανῆς? Sed redeo  
 ad

ad Lecythum meos amores, cui rem totam commendabo de meliore nota, & quicquid est, quod de libris mandas. Unum mihi superest tuarum literarum caput, quod mihi in respondendo esse debuit primum. Te vero hæc postulare, ut tibi ego ignoscam? quæ tuâ in me tanta injuria? operæ pretium est audire novum genus. Quòd de te, inquit, scripsi honorificentissime. Hæc ne tu serio, an, ut soles *εἰς ὧν ἐνός*; Qui me probum esse, pudentem, grato animo in omnes velis, quæ certæ meæ sunt partes, mihi præripias, poscendi abs te veniam, agendi gratias, verborum honore, meritum tantum in me tuum prædicandi? Hoc vero quid aliud est, quàm in beneficio facere injuriam, & cui benigne feceris, relinquere expostulandi locum? Agam tibi gratias tamen, & quidem si minus agam, quas debeo; at quantas possum maximas: neque de eo solum, quòd mihi tuis literis aditum patefacere ad viri principis gratiam conatus es, sed, quòd mihi in hujus officii religione est pluri, quòd exstare tuæ voluntatis erga me testimonium tam illustre voluisti. Quanti autem mihi esse debeat tuum beneficium, docet eorum injuria, à quibus non lædi, cum nulla sint à me unquam injuria lacesiti, accipiendum est beneficii loco. Sed quid tu iis homini-

bus facias, qui causam amoris, atque odii habent, non in hominum meritis, sed in suo ingenio positam? Atque cum in hoc te simul, & me circumspicio, utrumque facio, ut & singularem humanitatem tuam erga me agnoscam, quæ me res incredibili voluptate perfundit, & tanti meriti tui, mihi ipsè conscius, causam requiram, quam cum minime in me inveniam, id quod necesse est, me pigeat mei, tibi unde est, referam acceptum. Verum tu, ut alia omnia, sic hoc ipsum præclare, qui mihi dederis, homini quamvis mea sponte ingenio peracri, quod instar stimuli, atque aculei sit, ad eum me præstandum, quem tu me viris principibus videri voluisti: dandam mihi certe operam video, ita ut me in posterum geram, memor, quantus pro me sponsor sis, ut in tanto beneficio tuendo, te constantiæ tuæ non pæniteat: id quod necesse est accadat, ubi per me tibi minus liceat, quæ his de me polliceris præstare. De Paxio te jubeo vacuo animo esse: ita enim ad te properat, ut vix mihi concedat: qui quòd recta hinc ad te non avolo, videor mihi Prometheus nescio quis, non quidem, ut ille olim, Caucaſi rupibus, sed pertinaci desiderio, quod me dies noctesque peredit crudeli tæbe, tui videndi complectendique affixus. Vale.

AD



AD EUNDEM.

**M**ulta sunt tui in me amoris documenta, atque illustria, quorum unam causam agnosco in singulari tua humanitate positam, nullo merito, atque officio ergate meo: ut minime mirum sit, te pergere eum ipsum amorem, qui totus abs te est, ut alia omnia quæ tua sunt, constanti tueri. Itaque, quod me mones de Alaudæ scripto, facis id, quod jam pridem tibi usitatum est, ut ad vetera tua in me merita nova addendo, me tibi indies arctius obstringas: quod cum agis, simul illud efficis, ut, cum intelligam, quantum tibi hoc nomine debeam, spem idem mihi omnem tibi referendi gratiam præcidas. Qua de re tamen, quod minus video te laborare, recte tu quidem, & maxime ex animi mei sensu: nam si is pugnat, sive Alauda sit, sive Luscinia, pro ea causa, quam meliorem esse falso existimat, modo de re agat, abstineat à persona, quam tamen frustra petet, ubi minus etiam parcat; nulla mihi est causa, cur non statuam mihi in eo esse connivendum: sin, quod alii etiam ad me scribunt, me sua oratione aliquanto acrius perstringit: dabo operam, modice id ferendo, ut ipse intelligat, neque id  
ab

ab eo effici, quod contendat, ut me fructu æquitatis, & modestiæ meæ privet; & id assequi, ut, qui patiat, in fungendo officio, humanitatis à se partes desiderari, is non facile causa tuenda, quam probat, iis, quibus velit, sit probaturus. Quando vero non licuit de controversis rebus, cuivis, quod sentiat, in medium afferre, adversarias opiniones refellere, confirmare, suas, inviolato humanitatis, & gentium jure? Equidem de hoc genere toto semper ita statui libero homini id esse agendum, ut maledicendi sibi occasionem omnibus præcipiat, recte, atque innocenter vitam agendo: ubi sit innocentiae suæ conscius, ita contemnat, quicquid in se quis, aut dicat, aut scribat, ut qui petitus adversarii ictu, accipiat securus in se emissum telum, totus armis tectus: nam qui queritur, de maledicente sibi, is, non de sua queritur, sed de aliena injuria: neque enim cum, cui maledicit prius, quàm se ipse lædit, ea, quæ indigna sint libero homine, agendo. Sed neque ego quicquam temere statuam de eo, quod nondum vidi: neque, ubi liceat legere illius scriptum, permagni quicquid scribat, quod minus apte in me cadat, sum facturum. Quod ipsum tamen legere haud recusẽm, si per te mihi fiat legendi potestas; ut si minus ille in scribendo suæ  
mode-

modestiae rationem habeat, discat meo exemplo, quem laceffit, æquissimum illius ferenda injuria, moderatior esse. Nam, cum duo in me sint, de quibus quis possit detrachere, ingenium, & morum, ac vitæ ratio: neutrum verbis elevando imminuere potest, non magis, quàm augere effereundo, id quod tu aliquando soles provectus amore. Causa quidem, quam is oppugnat, si ea modo indiget patrono, satis multos habet, in quibus tu excellis, quæ eam tueantur, tacente, & quiescente etiam me. Ita enim tu es paratus ab ingenio, eruditione, eloquentia, ac re ipsa adeo, de qua agitur, ut, ubi eam tibi statuas defendendam, minime verendum sit, ne viris doctis minus tuum judicium probes: qui quidem cum tantus sis, adversus eam causam pugnes, quæ subnixa uno multitudinis errore, eos modo invenit patronos, quibus quæstui sit falli: non enim multitudo audit, quid suadeat ratio, sed quicquid sit, quod objiciat è foro circulator, aut saga, & de trivio haruspex: qui, ut recte quidam inquit, aures imperitorum ditant, exhauriunt loculos: in quos, non, quòd paulo liberius à nobis dictum sit, sed quòd minus acriter, quàm eorum flagitium postulat (quis autem hoc possit?) videmur, reprehendendi. Quid aliud porro est, his respon-



respondere, quàm iis addere auctoritatem, qui ultro, & volentes cum ratione insaniant, ut ille ait, quò citius persuadeant imperitis, quæ viris sapientibus fœda, atque execrabilia habeantur? quibus quidem magnum honorem habet, qui dignos existimat, quorum vanitatem oratione potius, quàm silentio refellat. Quæ quanquam, ita sint, ne videar tamen causa, & ingenii viribus diffusus, à respondendo, optimæ causæ desertor, deterreri; brevi editurus epistolarum volumen, Deo immortalī bene inceptis favente, cujus causam agimus, sic dabo operam, ut rectissimam sententiam tuear, ut non sim meæ gravitatis, & modestiæ immemor futurus. Nam & hæc ipsa epistola edita, cum aliis collata, quæ is in me scribit, ostendet, quemadmodum spero, ut præterea nihil addam, non quid velim solum, sed, ubi discedam ab æquitate animi (quod quidem ut comittam, non sum facturus) quid etiam toto hoc genere possim. Spero equidem fore, ut is intelligat, ubi primas tibi concesserim, magnitudine ingenii, & omnis doctrinæ principi, non mihi facultatem ad scribendum, sed voluntatem defuisse: quæ me eò rapit totum, quò me vocat, à rege sapientissimo mihi impositum munus: quo aliquando absoluto, id quod non despero fore, Dei benignitate

gnitate fretus; non dubito, quin æqui, & iniqui fateantur, quod non statuerim mihi in præsentia pluribus aviculæ respondendum, consulto me id, non desperatione, virium fecisse: quas quidem causâ, quæ optima est, tametsi ab ingenio sint imbecillæ, maximas subministrabit: Quæsi equidem hic sive epistolam, sive libellum diligenter, sed frustra: tu modo mihi cura, id quod potes facillime, editum, uti audio N. parandum. Video quid statuas de tota hac sophistarum schola, dissensionum, & concertationum plena. Equidem facile patior ad quemvis potius has partes, quam ad me deferri, ita me parum hoc totum genus delectat. Nam quod ad Claudium rejicis, quæstio est Aurantio digna, qui quotidie eum, quasi *ἡ δ' οὐνοσκήτης*, de inanibus quæstionibus fatigat: atque id, an lotis tantum. Nam per alterum licet etiam curtis, & quotquot habet mancipia Otomanus: negat alter omnibus, qui non jurarint in Theodori verba, atque adeo, ut ne Symacho quidem, aut Fabio locum relinquat, quibus laudandis, nullum novit modum. Quid hoc homine facias? cœperat dediscere rixari, & turbas ciere. Sed Turpilio hominem calfacit, plane vir mirificus, & dignus, quem de meliore nota ames. Equidem ita afficior, ut non invideam regum deli-

deliciis, ubi liceat praelia miscendi interesse. Dignus vero, ille, qui tecum agat, aut præterea nemo: nam sive morum elegantiam, sive literas, sive suavitatem ingenii spectes, fateare, vix quidquam posse effingi ad liberalem consuetudinem aptius. Magnum illud tibi argumentum, quanti faciendus sit, non licuisse quantus esset, uni Sceptio probare: mihi quidem, cum juvenis admodum, XX. ab hinc anno Lugdunum venisset, vix uno aut altero congressu, sic mores, atque ingenii indolem probavit, ut nunc provectum ætate, cum qua quidem ad cætera bona usus multarum rerum, & maximarum accedit, non patiar, me ab eo horæ momentum divelli. Credas me efferri amore, ut multa de eo dicam; de quo si unum addam, quod vere sentio, rem totam videar complexus; quàm amabilis, suavisque sit, nulla à me posse, vi orationis explicari; quem etiamsi non sim eloquentiæ εἰδωλον illud, ut tu joco me appellas, at, ubi non negem, me non plane esse infantem, haud videar longius à modestiæ meæ finibus recessisse. Si videtur esse epistola evulganda, parcendum ei, cui minus parci velimus; certe digno homini, cui vel tu homo mitissimus succenseas plurimum. Vale.

AD



## A D E U N D E M.

**Q**Uæ post meum à vobis discessum mihi ad hunc diem acciderunt, ita accurate ad alios per hos dies scripsi, ut si tamen te ea scire permagni tua interesse putem, haud gravate quoque tibi sim eandem operam navaturus. Unum, quod divino te scire non nolle, non reticebo, Epicureum illum hominem beatissimum, in cuius ditione sunt Alcinoi horti, ut re non nomine modo Epicureus habeatur, ex verissimis lineamentis, & suis propriis coloribus abs te mihi esse effictum. Magnum enim mihi honorem habuit vir excultus ad omnem elegantiam, missis è suis, qui me cœnatum rogarent, cum valetudinis excusatione usus, se adiri non esset passus. Magnum, inquis. At quò majorem honorem habitum hospiti intelligas, cum suis, medico, atriensi, pictore, coquo. Nunquam tu lautius, cum Cæsaris legatus, accipiebas à magno rege missum hominem. Quo minus ego tamen uterer hominis liberalitate, per valetudinem, ab illo mutuatus, respondi non licere. Qua in re, quidem ne mentiendo discedere ab ingenio, necesse haberem, id quod solet perraro, me magnopere fortuna juvit. Nam ut esset etiam pontificali cœnæ accumbendum,

D d

quo



quo genere honoris multi oblectantur, minus licuisset crudiori, quàm, ut vel cœnam apud rusticum patremfamilias: quam ego regum mensis, & pontificum omnium antepono. Liberaliter est tamen pollicitus (exspectas credo genus liberalitatis summo homine dignum, in argentea lance aut pavonem Indicum, aut Phasianam avem, atque hoc quidem ex tuo ingenio) daturum se ducem itineris, qui me deduceret ad N. fines: quo ego tamen, rei gratia accepta, ne tam prolixo, atque effuso hospiti incommodarem, nolui uti, satius esse arbitratus, decem asses, quibus rustici operam conducerem, expensos in rationibus itineris sumptibus ferre. Consultis enim regionis peritis, qui dicerent parum tutum iter eunti futurum, nunquam fere non latrociniis infestum, recta N. sum provectus. Habes Epicurci liberalitatem: ad cujus exemplar si sunt alii, qui in regia, gratia excellunt, est cur ego aulæ multam salutem: quam quidem amicus ille tuus haud pluris fecit, qui liberalitatem hausit ab ingenio se dignam, eam, quæ personæ esset averfatus. Quam ipsam tamen, ne faceret negotium, ingenio potius, quàm fortuna utenti, altiore animo posuit, quàm suscepit. Vale.

AD

AD EUNDEM.

**N**Unquam tuæ mihi literæ redduntur, quin continuo de his ita statuam, ad eam voluptatem, quam ex illis haurio, nihil posse addi, qua re major, solidiorque videatur. Atque in hac sum, sententia, quoad illis recentiores afferantur, in quibus nunquam non est, quo me constantiæ coarguant: facit enim eorum suavitas, ut cum ex eodem fonte fluant, postremæ tamen me teneant magis, uno hoc nomine, quòd postremæ sint, iis, quæ jam fluxerunt, gratiores. Nam in illis grata quidem recordatio, sed ejus rei, quæ jam fluxit; in his præsens voluptatis sensus delectat. Sed quæ nunc mihi redditæ, cum cætera, haud aliis inferiores, elegantia, salis, & deliciarum omnium plenissima, argumento vincunt: ita enim multa habent, quæ scire auebam, ut ex eorum desiderio, quod me diu torset, tanquam ex vehementi siti, qui adit perennem fontem diu æstu laboris confictatus, me senserim incredibili perfundi voluptate. Missa facio alia pleraque quàm gratum, quod de Xenophonte scribis, homine suavissimo, tandem defessum aulae malis in agrum secessisse, beato otio fruiturum? O illum vero

D d 2

beatum



beatum, cui cum liceret utrum vellet: libuit, quod vult modo sibi vir sapientissimus, atque optimus licere. Maluit in privata domo innocentiam tueri, quod & tunc agis, continentiam, pudorem, castos mores, quàm in regiae splendore, in qua auctoritate, & gratia excellebat, immanes divitias profundere, quas, nisi perdant, qui potiuntur, haud sibi videntur possidere. Itaque gravissima detrimenta, quæ tam præposteram liberalitatem sequuntur, prava ambitione virtutum nominibus in affinia vitia detortis, habentur decora, atque ornamenta, obrui alieno ære, decoquere, exulare non solum regia, amissa fide, sed foro etiam, atque hominum luce: quæ vulnera famæ, & nomini illata, ita non movent depravatos animos falsa specie honoris, ut videantur prudentes, & scientes ditari voluisse, quò majore cum infamia, & dedecore perdit egerent. Nam ut tabulæ proferantur, alex, crapulæ, vino, sædissimis amoribus, pecunias ingentes; fovendo probo homini, erudito, perito rei militaris, sublevando, atque erigendo afflictò, collocandæ virgini ingenuæ, pupillo educando, ne teruncium quidem latum, expensum ostendant. Qua de re quando in præsentia non datur uberior argumenti facultas, libet tecum philosophari, summo homi-

homine, & qui non verbis, atque oratione prius, quàm constantia. & magnitudine animi, quæ vera sit philosophandi ratio docuisti. Cogit me vero fortuna huc perfergere, quæ sapius, quibus est noverca, favit, quo nomine illi plurimum debeo, quàm quibus est mater indulgentissima. Alii diffluant divitiis, commodis, voluptatibus omnibus: uni mihi satis, ubi plane non areant benignitatis fontes. Nam qui in cupiendo nullum sibi statuit modum, neque intelligit, idem esse semper cupere, ac semper miserum esse, hic non novit, quid sit potissimum in vita homini expetendum. Ea enim cupit, quæ hominem non explent, atque adeo, ut eodem coacervata omnia parta habeat, quæ fortunæ munera censentur, ita divina mente præditum, ut unus illum, unde ortum trahit, impleat Deus. Itaque merito anguntur, qui inde petunt, unde quæ sumuntur, non sedant, sed augent sitim, relicto vitæ fonte, cujus certa spes alit animos, mox, terræ relictis mortalitatis exuviis, æterna vita incorrupta, & beata manet. Quantopere vero in agenda vita allucinemur, docet apud Menandrum paucis, sapiens nescio quis, non ex Stoicorum aut Peripateticorum familia ille quidem, sed, ut nos nostri pudeat, unus è multis. Inducitur enim cum Phania di-



vite homine, querente de rerum suarum statu ita loqui, ut appareat, non in divitiis, sed in æquitate animi veram esse positam felicitatem: Existimasse aliquando se, divites, quibus ad vitæ necessarios usus, minime opus esset à fœneratore mutuo sumere, non insomnes noctes ducere, non trahere suspiria ex imo pectore, non, hei mihi repetere, crebro ejulatu, non æstu curarum jactari, quod miseri, atque egentes homines agere consuevissent; sed traducere jucundam, & curis solutam vitam. Verum tandem animadvertisse, eos ipsos, quos vulgo beatos putarent, iisdem vitæ malis, atque incommodis vexari. Quorum stultitiam præclare Lucianus exagitat, in Diogenis, & Menippi persona, dum eodem navigio, functi vita, cum tyrannis, & magnis regibus trajiciuntur. Nam ille Vultejus noluit, cum liceret, ditari, quem Horatius vere beatum inducit,

*Præconem, tenui censu, sine crimine notum,*

*Et properare loco, & cessare, & querere, & uti,  
Gaudentem parvisque sodalibus, & lare certo,  
Et ludis, & post decisa negotia, campo.*

Nam fundo auctus, sed cum eo auctus curis, & jam ex nitido rusticus,

*Obsecro, & obtestor, inquit, vitæ me redde priori.*

Ergo tu vere sapiens, fortis, magni, atque excelsi animi, qui nobis ostenderis, illustri exemplo,

exemplo, longe alia esse, atque ea, quæ homines censent, unde sit vera vita expendenda. Non enim potes esse contentus socordi, atque inertī, ut ita loquar, innocentia, ut patiare te conspici

*vacua tonsoris in umbra,*

*Cultella proprios purgantem leniter unguis,*  
ut bonus ille Vultejus; sed in otio meditaris, atque agis multa, cum laude, ut facias fidem, te cum innocentia vitæ, sapientiam junxisse; quæ ubi adest, id efficit, quod in vere beato homine est requirendum, ut cum sit beatus, se vere esse, beatum norit. Nam hoc plane est vivere. Non pendere opinione imperitorum hominum, servire rationi, hoc est justa semper & recta imperanti Deo, quæ vera & solida libertas est illa vere sapientis vita, contemnere, quæ vulgo alii admirantur; qui male, beatos, & fortunatos censent, qui cum populis imperent, cupiditatibus serviunt, quas viri fortes habent in potestate. Deteriore vero illi conditione quam privati, quò altiore loco positi, majorem cum offensione eas maculas ostentant, quæ minus in privati fortuna animadvertuntur. Vera vita est, odisse honores, qui ita expectantur, ut parentur libertatis jactura, pacis, otii; quæ ubi desiderantur, etiam si in Cræsi divitiis volutentur, deliciis, & vo-

Dd 4      luptati-



luptatibus omnibus referti, miserrimos homines reddunt. Speciosa quidem ejus servitus est, qui aureis catenis vincitur, sed est servitus tamen, & quidem, quæ materiam odit, unde magis splendeant domesticæ ærumnæ. Quæ tamen vita libero homini morte infestior, neque tibi diu potuit probari, neque est futurum ut probetur: ita enim nunc vivis, ut unum nobis supersit à Deo immortaliprecandum, ea ut vita tibi diuturnior contingat, cujus vitæ fructus opimos, suavissimos edidisti, plures indies & majores editurus, neu objecta fallaci specie honoris, tibi vivendi rationes conturbentur; id quod audio nunc potentes homines apud Cæsarem moliri. Equidem fingo, te cum aula rediisse in gratiam; ascendere in regiam, deducente longo pompæ ordine amicorum caterva; in Cæsaris consilio principi loco sententiam dicere; & haberi, & vero esse ex amicis interioribus summum: neque tamen, ut iis etiam potiare, mihi tanti sunt, ut ea cum unius horæ spatium putem conferenda, quocum uno aut altero amicorum tibi liceat tria, aut quatuor spatia conficere in suburbanis hortis. Videor vero, dum hæc scribo, te videre medium incedentem inter doctissimos, atque humanissimos homines Redingheros, Vacherios, ejusdem ordinis alios ferentem

fermo-

sermonem, cum de aliis omnibus ingenuis artibus, tum de virtute, officio, deque divinis literarum arcanis, quarum cognitione animi aluntur: qui, si quando relaxandi sunt à laboris contentione, in remissione joci liberales non desiderantur, non salse, & acute dicta, non lepores, non verneris, non sales: quibus ita severa condiantur, ut traducantur animi ad hilaritatem, nihil exaudiatur, quod non sit cœtu sapientium, & musarum sacrario dignum. Age nunc, enumera, si qua modo sunt, aula bona: à quo prima omnium fere exultat veritas, & cum ea, id quod necesse est, virtutum omnium maximarum plenissima cohors. Ubi enim fides, veritate loco pulsa, cujus nexu devincta stat hominum vita? ubi officium, religio, pietas, fas? ubi amicitia, & communis hominum societatis jura? Nam cætera eodem modo; fucata, omnia, & ficta ad unius gratiam; nihil sinceri, nihil sancti; vultu hilari, blando sermone, renidenti ore, quasi latebris rectx insidix; apertus amor, occulta odia; simulata pax, intestinum bellum; depressa & conculcata virtus in nequitix regno; patefactus aditus malis, clausus bonis; qui imperat ut maxime etiam probus, fortis, justus, moderatus, ab assentatorum pestilentibus vocibus parum tutus. Nam, ne



salutaria audiat, quæ est pestis omnium, maxima, habent obsessas ejus aures, ut in summo imperio miser, ea bona non studeat sibi parare, quibus se credit potiri: ea non studeat arcere mala, quorum sensu ne afficiatur, inflatus falsis adulantium vocibus, obstupefcit. Misera vero regum conditio, qui neque ab amicis audiunt, quæ sint se digna, suo fere ingenio regum salutis infectis, neque discit ab inimicis (quorum odium occultat metus, & nominis majestas) quæ vitia lateant sub justis, & moderati regis persona. Qua larva tecta improbitate, sibi placent, magno populorum incommodo, in quorum perniciem dira, atque importuna assentatorum natio, regem plausibili nomine, licentia scelerum, & flagitiorum omnium, tyrannum immanissimum alit: hoc quidem ob unam causam, ne eorum quæ nefarie, & scelerate agunt, sit, quem vereantur, in summa potestate vindex, si eum patiantur se esse meliorem. At cætera mitiora, imo hoc vero, si cuiquam probabile, fiat, in eo corpore, cui præsit perditum caput, quicquam salutare in subiectis partibus inveniri. Hinc rerum deletu sublato, summi honores, ingentes divitiæ, luculenta sacerdotia, justissima virtutum præmia, impuris, & sceleratis hominibus prædæ objecta, mimis, scurris, le-

noni-

onibus: quorum flagitia, tetra, atque  
 nmania facinora, tyrannos importunif-  
 mos, Caligulas, Neronas, Domitianos,  
 ui magna regna, atque imperia everterent,  
 obis invexerunt. Quodnam vero mise-  
 us animantium genus eo homine, qui in  
 ula versatur? cui, nisi sua sponte exuat,  
 ominis naturam; omnibus sensibus ca-  
 tus nihil videat, audiat, sentiat, se totum  
 d unius nutum, atque arbitrium compo-  
 at, sæpius flagitiosi, atque impuri, sit  
 audi hominem esse? Deplorat quidem,  
 escio quis, hominis conditionem apud  
 undem Menandrum, quem ego ob gra-  
 itatem sententiarum, & saluberrimas vi-  
 æ præceptiones, nunquam, pro merito,  
 oleo satis admirari, eò stomacho provectus,  
 ut eum contendat bestiarum omnium de-  
 errima conditione esse: Credere sanum  
 hominem, si mortuo facultas detur, ut re-  
 viviscat, è qua malit specie, vitam sortitus;  
 e quavis potius, quàm ex hominis delectu-  
 um. Nam generosum equum largiore,  
 abulo ali, quàm inertem; canem paulo  
 criorem, & quamdiu ejus sint vegetæ vi-  
 res, domino carum esse, & fessum labori-  
 bus, quasi, militem stipendia emeritum,  
 missione impetrata, mollius, indulgentius-  
 que haberi. Non gestare clitellas equum  
 generosæ indolis; non clitellarium con-  
 spici

spici aureis phaleris ornatum; non præfici pecori venaticum canem; non sagacem, cujus sit in venatione certior usus; non adduci molossum, ubi celeritate, & pernicitate sit opus; ut quisque aptus certo muneri habeatur, pro merito, accipi. Alio modo canes, quorum opera idonea sit: in quibus, præter latratum, nihil laudatur, suffractis cruribus, ne sint sine compendio molesti, aut in flumine demergi, collo appenso lapide, aut igni exuri, aut ferro mactari. Multo infra horum conditionem, hominem esse: in honore haberi, non inutile modo hominum societati, sed infestis, & perniciosos etiam: latere virtutem, probitatem, sapientiam sæpe in futoria domo, in fabrica, in rusticana casa, sub sordido pallio, non ipsam quidem inquinatam alienis sordibus, cujus decus nulla hominum, aut temporum injuria intereat, sed miserantem in imo loco hominum sortem, quorum vita, quasi navis, quæ inter scopulos, & cautes gubernatore careat, duce destituta, in extremo salutis discrimine versetur. Atque is quidem ita inducitur statum hominis deprecari, quasi adhuc vivens, intelligat sibi vitæ munus, hac perfuncto, iterum obeundum; quod ubi accidat, non dubitet affirmare, potestate sibi facta, se hominum vitæ, bestiarum omnium prælatum.

urum. Sed, mihi crede, si tum Duditijs,  
& istius beatæ vestræ civitatis similis aliqua  
xstitisset, in qua is natus, educatusque  
geret; eum ipsum qui ita hominum vitam  
xecraretur, ut durissimo ingenio esset, &  
lter inter homines *μισάνθρωπος*, à tam  
avente, & sibi propitio Deo, diem ad de-  
berandum sumpturum. Fit enim vitæ i-  
gnorantia, ut quanti sit illa nobis facienda  
ignoremus, cum sit rerum omnium maxi-  
ne expetenda: ut qui gemmam inter for-  
es, & quisquilijs nactus, abjicit, è vitro  
sse, aut vili materia arbitratus, fortunæ  
beneficio dives, culpa infelix, & miser sua.  
Vestra, inquam, vita est, qui ita in isto  
eatissimo otio vivitis, ut vos non fugiat,  
quod sit inter hominum, & bestiarum vi-  
am discrimen. Tædet enim vitæ eos, qui  
improba educatione depravatis animis, vi-  
ere ex hominis dignitate non norunt, ita  
vitæ munere fungentes, ut sensibus modo  
ucunda quærant, quem unum finem be-  
e, & beate vivendi noverunt. Neque ve-  
o magnopere mirandum est, sæpe multos  
edimere voluntariam morte, vitæ incommo-  
a: quam quidem bestiarum more tradu-  
entes, tum se vivere credunt, cum ea a-  
unde suppetunt, quæ oculis, auribus, li-  
idinum æstu incitatis animis, qua flam-  
a animantes omnes naturæ instinctu fla-  
rant, blandiuntur; tum se mori, cum ea  
viven-

viventes deficiunt, sine quibus ii vitam oderunt, qui eosdem habent cum bestiis circumscriptos vivendi fines: in eo enim vita hominum bestiarum præstat, ut quæ sunt hominis propria, natura, ea illis nullius fortunæ casibus subiecta, sive secunda tempora, sive adversa fluant, maneant incorrupta. Alia quidem aliorum bonorum ratio est: nemo enim eorum, quæ fortuna largitur, aut hominis solertia, sponso-rem habet, diu sibi ratam possessionem, & perpetuam fore. Nam divitias illas putat vere hominis, quas in latis rebus tuetur temperantia, & moderatio animi. quæ duæ virtutes, extra officii fines, animum non patiuntur evagari; in fluxis constantia, & pectoris robur, ne plus æquo demittatur animus, qui omnium, quæ natura edidit, nobilissimus, præstantissimusque est: Quæ quidem vere bona possidentur omni cura, & metu solutis animis, nunquam natura, sua munera, nisi cum vita, repetente. Quam- diu quis est sapiens, justus, fortis; tam- diu illi sua bona incolumia manent, quæ à se, non extrinsecus habet: simul atque, deficit à natura hominis, injuria angitur rerum externarum jactura, quas ea lege, habet partas, ut, ubi visum sit, fortunæ, unde accepit, reposcenti reddat; dignus qui plectatur graviore malo, qui propria sua



ua bona aspernatus, divinæ naturæ, qua  
est præditus, falsus voluptatum illecebris  
prætulit caducam, & mortalem vitam: quod  
accidere majori hominum partia animadver-  
timus, qui nunquam se animis supra mor-  
talitatis vim, sensumque extulerunt. At  
Jam mihi videor hunc ipsum, qui à Me-  
nandro inducitur, *μισάνθρωπον* audire, de-  
liberata re, adeo sibi propitio Deo respon-  
dere: Non ubique Duditios esse, & non  
omnibus datum quasi Corinthum Uratisla-  
viam ire, ut haud satis gravis causa videri  
possit, quare sententia desistat. Quæ cum  
animo voluo, id quod facio sapissime, ve-  
nit in mentem beatissimæ isti civitati invi-  
dere, cui datum sit, ejus hominis aspectu  
frui, in quo sit ei justa causa vivendi, qui  
hoc sit assecutus; abjiciendæ vitæ, cui id  
fata negarint. Neque tibi tamen invideo  
minus, cui contigit eam urbem incolere,  
in qua constituit Deus exemplar unicum  
justissimæ civitatis, & moderatissimæ, ubi  
viget lex, & magistratus auctoritas; honos  
virtuti habetur, nequitia plectitur; non  
personarum, sed rerum discrimen decernit  
aut præmium, aut pœnam; ut neque no-  
bilitas, genus, divitiæ sint improbitati sub-  
sidio, neque à præmio, obscuro loco emer-  
sa arceatur virtus. Beata vero civitas, quæ  
cum inter multas opulentia, opibus, fre-  
quentia,



quentia, & numero civium excellat, ita optimis legibus temperata viget, ut in singulis civibus universæ civitatis majestas; in civitate universa, privatorum temperantia, pudor, gravitas, quasi uno aspectu conspiciatur. Equidem haud videar mihi plus æquo tribuere, si id dicam quod res est, me Italiam lustrasse, Galliam, Germaniam, Hispaniam, Angliam, regiones fere omnes, unde sumi documenta certa, ad vitam recte, & cum laude agendam possint; neque adhuc, cum non ita multæ sint, quæ hanc civilibus aliis ornamentis æquent; quæ opibus, & potentia præstent, perpaucæ; ullam usquam hac una graviolem, sedatiorlem, temperatiorlem videre licuisse: id quod optimis gentis institutis, privatorum moderationi, & æquitati est tribuendum. Atque hoc addam amplius, cum hoc dico, lustrasse me, videri velle, non amplificandæ rei, sed significandæ causæ, me proprio verbo usum, &, ut solemus, cum latine, plane loqui videri volumus. Lustravi enim neque situm modo locorum, & regionum, sed multo accuratius, populorum, & gentium mores, qui fructus est peregrinantibus maxime expetendus. Neque verear tamen, ne cui videar temere de re tanta pronunciare, qui perpaucorum dierum spatium Uratislaviæ fuerim. Et si enim tantum

tantum mihi non sumo, ut vires in me ingenii præstent, quod non permittunt angustia temporis, at ut id possem, quod supra vires ingenii esset, virtus eorum fecit, quos tu quidem homines ornatissimos, & excultos omni genere politioris elegantia, mei honestandi causa, qui quaestus mihi fuit uberrimus, colendos mihi, amandisque tradidisti. Nunquam vero mihi ejus diei memoria excidet, quo die ab iis ipsis viris optimis, & doctissimis vario sermone de rebus reconditis, pari lætitia, atque hilaritate convivium apud te concelebratum est. Quo quidem tempore duo imprimis sum admiratus: quorum alterum hujusmodi fuit, ut cum accubuissent omnes, & se mihi novo homini quasi circumspiciendos, lustrandosque dedissent; id mihi acciderit, quod jam antea dixi, ut mihi viderentur ejus civitatis faciem explicare totam, ad cujus præscriptionem, & normam, alia omnes essent conformanda. Id vero tacitus colligebam animo: In quibus emineret singularis illa probitas, temperantia, morum majestas, quæ nisi à vera virtute animi proficiscatur, nullo fuce, aut artificio fingi potest; quorum esset in sermone comitas, suavitas, gravitas tanta; eorum, quasi ex certo virtutis ludo, ex civitate, optimis legibus, & institutis constabilita, li-

beralem disciplinam esse oportere; cum scitum illud memoria tenerem, quales principes in civitate reipub. præfiderent, tales cives evadere solere. Ut enim in privata domo liberi prosequuntur instituta parentum, quæ patrius amor suadet, qualiacunque sint, tanquam recta, atque honesta, illos æmulari: sic haud possunt, virtutes & vitia principum æmulatione carere: qui recte creduntur ob eam causam esse collocati excelso loco, ut, ad eorum exemplum, privati cives, mores, & vitæ studia conforment. Ita vero constituebam, in qua civitate tam bene morati cives conspicerentur, in ea suas sedes, & domicilium, justitiam, veritatem, religionem fixisse, quæ effectrices laudandarum rerum omnium, eos, in quibus essent, non amore solum, sed quasi humano cultu augustiores, veneratione etiam redderent dignos. Alterum autem æque admirandum; cum se mihi eodem tempore, quasi facies beatissima virtutum maximarum, in singulis aperuisset, haud me potuisse mecum statuere, ubi esset delectus habendus, in quem potissimum, animo propenderem. Quanquam vero & ex literis tuis multis pridem, & ex multorum sermone, de iis ea audirem, quæ feruntur raro de uno aut altero: ita vicit tamen omnem meam expectationem visa, atque

atque explorata res, ut unus Duditius disertissimus omnium, quos unquam novissem celebrandis summorum hominum laudibus ( fidentis enim est suæ virtuti in aliorum prædicanda esse effusum ) in istorum laudibus infans fuisse videretur. Habet enim per se ipsa honesti species occultam, vim quandam multis, apertam paucis, quorum oculis tenebras non offudit inanis rerum imago: quæ sensus non fallit, ubi eos ratio illustrat. Itaque ubi semel visa sese explicat, quasi sol per pellucidam gemam, suum splendorem per oculorum lumina, in mentis penetralia immittit. Nam ex eo die, ita mihi Deus propitius sit, non secus me sentio in vos efferri amore ( te enim unum ex his facio ) atque in virginem forma excellenti, adolescens, qui cum illius imagine, placide se insinuantem pectori amorem hauserit. Ita quicquid sit quod agam sive domi, sive foris, me mihi surripiunt statim, qui, hærent infixi pectore, vultus, vestri sermones, colloquia, deambulationes, convivia, omnia, quæ gratiæ, amores, veneres omnes, tractationes imprimis doctissimæ de divinis, atque humanis rebus suavissima reddunt. Hæret, inquam, animo beatæ istius civitatis species, qua nulla unquam sapientium præcepta justiore, sapientioreque effinxerunt.



runt. Atque antea te hominem refertum omnibus animi, & naturæ muneribus, politioris omnis doctrinæ, atque elegantia principem, Uratislaviæ gratulabar, quæ te urbs in suo sinu arcte complexa, non pateretur à se avelli; nunc tibi ego Uratislaviæ vicissim gratulor: qui cum tanti apud omnes sis, quanti postulat virtus tua summa, tuæ humanitatis esse duces, credere, hoc, quod tibi sancte polliceor à me vere dici, atque ex animi sententia, unam justam esse civitatem, in qua, ubi vita perfuncto liceat extremum spiritum edere, & vobis amicis meis, Vale dicere, sum existimaturus mecum optime agi. Ac de aliorum quidem virtute egi paucis, quòd cum plura posceret argumenti ubertas, quàm, quæ ego possem præstare, ita me speravi quod volui assequi, si id faterer infra vota, esse, atque ingenii vires. Nondum enim de Cratone meo dixi, in cujus hominis gravissimi, & sanctissimi virtute, & meritis in me maximis, ita documenta multa exstant summi amoris, ut qui statuerem, quæcunque illum civem patria agnosceret, magno mihi in honore habendam; unam istam, urbem tantam, quæ ipsa per se sit efferenda summis laudibus, hoc uno nomine, quòd Cratonem nobis tantum civem dederit, statuat mihi sanctitate patria colendam. Magna

gna vero civitatis felicitas est, edere virtute, & sapientia clarum civem: ut civis felicitas non minor, in ea civitate nasci, ubi cum lacte, & primis vitæ alimentis, virtutis, & sapientiæ elementa hauriantur. Itaque & Uratislavia digna, cujus in sinu, cum aliis, qui patriæ sunt ornamento, natus Crato aleretur; & dignus ipse, qui patriæ nobilissimæ, atque ornatissimæ ortum deberet, tantus civis, & tam clarus futurus. Quanta vero felicitas sit è nobili patria, & clara nasci, ne Themistocles quidem negavit, non Atheniensium civitatis solum, sed etiam Græciæ princeps magnitudine rerum gestarum, & gloria. Date enim hoc patria, ubi excolta liberalibus studiis, legum præsidio, & civium concordia munniatur, ut in ea nati cives, quæ bona à natura habeant, cultu, & patria disciplina meliora reddant. Nam, ne longius abeam, in eadem civitate Pericles à natura nactus ingenium, atque eloquentiam, qua laude maxime clarus fuit, à patria, in qua tum esse sapientiæ domicilium credebatur, Anaxagoram philosophum nobilem, excolto ingenio, sapientiæ, studiis, locum in civitate principem tenuit, omnibus belli, ac pacis artibus habitus summus: ut vere dicere possit, & civitatem fortunatam, & beatam civem esse, inter quos ubi sit de pietatis,



tatis, & moderationis laude instituta contentio, difficile sit judicare, victori ne, an victo major debeatur laus: certe sapiens civis, & justus, ut sint maxima ejus in patriam merita, nunquam illa patriæ expensa feret, ea lege natus, ut quæ cogitet, atque agat omnia, intelligat patriæ deberi; ut non se illi de suo largiri, si quid sit, quod illius causa agat, sed ut poscenti, quæ sua sunt persolvere se credat: quod illa tamen ita accipit, ut nunquam sine usura, & magno cum fœnore suis reddat, summis illis decernendis honoribus, titulis, ornamentis, commodis, quæ virtutis, & pietatis eorum erga patriam sint futura ad posteritatem monumenta \*\*\* *Desunt nonnulla.*

## AD EUNDEM.

**E**T si scribendi ad Duditium, hoc est ei, qui multum amat, ad hominem amabilissimum vix potest deesse argumentum (est enim perennis fons amoris, unde est sumendum) nunc tamen ita deest, ut in magna copia, id quod nunquam fere non accidit, ubi varietas rerum, facit difficilem delectum, mihi inopia oriatur. Sed non est desperandum tamen: Οὐκ ἔστι γὰρ παιδαγωγὸς ἀνθρώποις ἄρα ἔρωτος ἔδσις ἄλλος ἐπιμελέσερος. Itaque qui vere amant,

nant, etiam si natura infantes, & tardi; deserti tamen, evadunt, certe garruli, & plus equo semper acres, cum nunquam non sit quod cupiant, poscant, flagitent, querantur. Sed me hac molestia liberat tua summa humanitas, quæ te cessantem excitet, & ad scribendum impellat, ut tametsi me destituat ingenii vis, sit unde hauriam ex tuis literis. Accedunt crebræ aliæ meæ ad Cratonem, quæ ita illi inscribuntur, ut si forte absit, quod solet accidere nonnunquam, indigeant qui curet illi tuto reddendas. Sed tu effice crebrius ad me scribendo, ut liceat tecum garrere, & nugari: quod nisi tibi aliquando philosophia permittat, illi multam salutem dicas suadeo, quæ non patiatur te à suo complexu abduci, & tibi vivere, id quod agi abs te, non potest, nisi aliquando inducas animum cum illis vivere, & tui juris esse; quod philosophi est, qui non serebus, sed res sibi cogit submittere, & casum, & fortunam habet in potestate. Censeo vero, ante quàm imando ulterius progrediare, referas pedem, & te vindices ab illius complexu, in quo qui hæreant amatores minime æmuleris, ἀκομένους πρὸς αὐτῆς ἔ τῆς ῥίνος, ἀλλὰ ἔ πάγωνος, καὶ καὶ τοὶ ξίονα, ἰδῶλω ἀντὶ τῆς ἡ-ας ξυώνοντας, ut ille ait, qui magnus idem

philosophus est, & censor, ac vindex accerrimus, philosophis his de trivio exagitantis. Clarissimus vir, atque amplissimus Ponetovius tibi plurimam salutem meis verbis adscribit, cujus hominis si quis similis sit, is dignus habendus, cujus similes omnes esse velint, omni genere officii, elegantiae, & politiorum artium principes. Vale.

AD

## JACOBUM PONETOVIVM.

**N**Unquam equidem dubitavi, quin in Lampridii causa suscipienda, viri optimi, & tui studiosissimi ita te gereres, ut tua summa constantia, illius fides, atque eximia erga te voluntas postulabat. Fuit vero tuum judicium, cujusmodi de viro innocentissimo debuit esse: cujus virtus ita exposita est excelsio loco multis invidorum telis, ut facile tamen appareat suo robore munitam facile eorum ictus, atque impetus omnes eludere. Nam de adversariis æque præclarum judicium, eos in excogitando scelere, quo innocentem opprimerent, egregie fuisse ab animi studio paratos; in perficiendo, destitutos consilio, improbos illos quidem suo ingenio, sed parum eosdem callidos artifices improbi-

robitatis, cujus documenta multa, atque  
 signia dederunt: prudentia enim, qua  
 ibnixi homines recte agere noverunt, non  
 uest cum scelere, & nequitia conjungi.  
 Jam qui ita perditio ingenio est, ut, nul-  
 o suo cum compendio, voluptatem ex in-  
 ocentis exitio petat, is vero omnium ho-  
 minum postremus, proxime accedere ad  
 eræ bestiae immanitatem videtur. Itaque  
 minime est mirandum, raro evenire, ut  
 ui impuri, & facinorosi, temere scelus ag-  
 rediuntur, sint satis muniti consilio in-  
 ffigienda sceleris pœna: pugnat enim cum  
 nprobitate, prudentia, & consilii vis, quam  
 am natura comparatam homines habeant,  
 t præferat lucem ea agentibus, quæ digna  
 int hominis præstantia, frustra requirunt  
 i agendo, quorum mentes flagitiosa vita,  
 que impura multis errorum tenebris in-  
 olvit. Nam ni isti plane ab hominis in-  
 enio defecissent, & cujusmodi crimen es-  
 t, quod confingerent, & quisnam is, in-  
 æm comminiscerentur, postremo quis is  
 set, cui vellent confictum in innocentem  
 imen probare, aliquanto diligentius co-  
 tassent. Sunt enim prudentiæ certæ par-  
 s, cum quid agendum sit, prospicere, ne  
 id parum consulte administratum, im-  
 edimento sit, quo minus bene inceptis, læ-  
 s respondeat eventus. Quod ut facile,

E e 5 is

is assequitur, cujus menti nullius sceleris conscientia intulit labem; ita is desperat, cujus animum, eorum recordatio, quæ nefarie, & flagitiose egit, anxium, & sollicitum habet: quæ una res maxime rationis lumen in homine exstinguit. Itaque si quis sit, qui cogitet, quantum scelus sit parentem interficere, non temere paricidii reum agat pudentem, bene moratum, castissimis moribus præditum filium: quem quidem ut facile probet tantum scelus potuisse admittere, non continuo efficiet tamen, ut admisisse verisimile sit. Ut enim non omnibus aptum pallium, non thorax, non ocreæ, quæ ad unius certam formam, & constitutionem sint paratæ, ita non eadem cuius calumnia est apta, in quem sit conficta. Quis vero olim audisset æquo animo, qui probro Socrati daret, sana Deorum expilata, perjurium Aristidi, cum Catilina, Lentulo, Cethego, Catoni, conjurationem adversus rempub. factam? Ergo tua eximia laus, ita viro optimo te affuisse, multis inimicorum calumniis circumvento, ut, per navatam innocenti operam, tua auctoritate, gratia, suffragatione, adversus ingentem improborum consensum, magnam opinionem hominum de tua integritate, & sapientia susceptam confirmares. Sunt vero, Ponetovi, in te multa, quorum

um qui partem assequuntur, bene iis eve-  
 nisse dicendum est: vis ingenii tanta, ut  
 uxor ipse non assequaris, nemo se assequi  
 posse speret, in quo sit magna etiam inge-  
 nii facultas; acerrima, semper agens, &  
 vegeta mens, quam optimarum artium sci-  
 entia auget, ornant literæ, maximarum re-  
 rum usus, & cognitio confirmat; eloquen-  
 tia summa, & quidem (quod habet excel-  
 lentis cujusdam ingenii laudem) ut com-  
 plexus multa paucis, de obscuris, ac re-  
 conditis rebus luculenter, ornate, & co-  
 piose de omnibus differas, de quibus sit a-  
 gendum. Sed, ut non is continuo felix,  
 qui cum divitiis, & copias habeat ingen-  
 tes, iis aut plane non utatur, aut utatur  
 male; sic minime is beatus, in quo cum  
 tot, tantaque animi bona essent, quanta  
 in te conspiciuntur, neque suis privatim,  
 neque patriæ est usui; cujus causâ, hæc o-  
 mnia debet existimare se habere compara-  
 ra. A quo tu quidem longissime abes, ita  
 affectus animo, ut plane diem te amisisse,  
 ut ille, credas, in quo non imploranti tuam  
 opem affueris, benigne feceris, afflictum  
 crexeris, & ad bene de se sperandum exci-  
 taris, in tuos pariter, atque in externos ef-  
 fusus, inter quos virtus una apud te con-  
 stituit discrimen. Quæ tua virtus eximia  
 facit, ut non homini mihi amicissimo par-  
 tam



tam salutem, de qua venerat in discrimen, mihi magis censeam gratulandum, quàm tibi pietatis laudem, & officii, cujus maxime subsidio, non est innocentia, improborum conspiratione, & scelere nefario oppressa. Est hoc vero summi hominis, in recte agendo, ex eorum commodo quibus ipse affuerit sibi unum fructum serere maxime expetendum, laudem proclivis ad virtutem, & ad beneficentiam, quæ propria hominis virtus, sibi bene conscium animum collocat in cælo. Quæ mihi causa gravis est, cur minus æque, ac debeo tibi gratias agam, quasi ita credam, pro summis tuis in me meritis, tanta ad illa præsertim accessione officii facta, ulla tibi ratione facere satis. Unum quidem non patiar à me grati animi officium requiri, tua summa virtute, cum voce, tum stylo, apud omnes homines prædicanda, non quin hoc longe à te absit, uno studio incenso ea agendi, quæ sint te digna; quorum laudem non requiris; sed quòd à me hoc postulat officii ratio, ut quasi in theatro quodam, tuæ virtutis, in meis scriptis constituta monumenta, sint multis exemplo ad eam ipsam, quam haud permagni facis, promerendam laudem, verissimo gloriæ præmio contentus, quod non ex cujusquam opinione, sed ex tacita animi conscientia ducitur, quæ u-  
na

semper sapienti in recte agendo fuit sa-  
 Valeas, clarissime vir, & qui multo-  
 causa es natus, te etiam multorum  
 a, non tua solum, diu nobis incolumem  
 stes.

## AD EUNDEM.

Si ita natura comparatum esset, ut ho-  
 mines cum delectu amarent, nun-  
 quam commissem, ut tot riva-  
 les in-  
 do haberem, quot mihi sunt in tuo  
 ore sustinendi. Facit vero cum inge-  
 tui suavitas, & morum elegantia, tum  
 cepe viro aliarum omnes dignarum artes, ut  
 numero quidem, qui me parum mo-  
 , dignitate eorum deterrear, quos tibi  
 cilia amatores. Nam qui adeo ama-  
 s est, ita multis unus potest in amore  
 ondere, ut ejus congressu, & sermo-  
 per paucis liceat frui. Quales tu vero a-  
 tores, ego habeo riva-  
 mei ordinis  
 nines, credo, honestos illos quidem,  
 tenuis fortunæ, & loci. Imo, quibus  
 concedam, potentibus hominibus, &  
 amæ nobilitatis, tum vero tu me ama-  
 em haud feras; qui tamen, si volunta-  
 atque animi studio certandum sit, vel  
 lice te, hoc uno nomine feram primas,  
 id neminem patior, me in te amando,  
 colen-

colendo, suspiciendo anteire. Neque vero fit abs te superbia (quî enim esse superbia locus in magna conspiratione virtutum potest?) ut minus crebro, quàm velim, mihi facias tui potestatem; sed illo ipso tuo adeo amabili ingenio, elegantia illa sermonis, & morum, quam veneres omnes, gratiæ, joci, sales ita condiunt, ut qui te semel videat, & non plurimum amet, non ille homo, cujus sensu caret, sed lapis potius, aut stipes sit habendus. Vide vero quàm mihi blandiar in amore: cum videam me præteriri, non continuo, quasi à te præteritus, queror, sed te libero culpa: in fortunam repulsæ causam rejicio: quæ cum efficiat, ut tibi plurimum debeam, non eadem patiatur, quam possum tibi gratiam, pro tuis in me meritis, referre, te crebro adeundo, visendo, sermones de iis rebus ferendo, in quibus qui non agnoscunt vitæ fructum, ii, quæ sit vitæ ratio digna libero homine haud norunt. Ergo quò infestiore fortuna utor, tu mihi æquior judex, ad quem lege provoco, quæ redamari amantem jubet, patiari à tua virtute impetrare, ut aliquando mihi liceat tecum de re mea gravissima agere: quam quî potes negligere, & non simul ab eo Ponetovio deficere, cui omnium consensus in omni genere humanitatis, & politioris elegantia

tantia tribuit principem locum? Qua te  
 dei hora, & quo loco conveniri velis, si  
 mihi per puerum curabis significandum, ex  
 re descendam, efficiamque si minus aliud,  
 t, ut defunctus parvæ moræ molestia, ma-  
 ore cum voluptate iis te reddas, quibus  
 merito tibi amicissimis, ubi plurimum tri-  
 uas, non quantum tamen æquum sit, tri-  
 uisse videre. Vale.

## AD EUNDEM.

**E**Tiam si me non fugit, inter splendi-  
 da, atque illustria nomina, obsole-  
 scere obscurum meum; non possum  
 tamen mihi persuadere, memoriam mei ti-  
 bi ex animo effluxisse. Quam meam spem  
 singularis mea observantia tuetur, & se-  
 el suscepta à me opinio de tua humani-  
 te, quam multis tuis in me officiis, at-  
 ue illustribus confirmatam, soleo quidem  
 se effuse apud omnes, sed non, quan-  
 m ea ipsa postulat, prædicare. Ex mul-  
 diei horis, per breve unius spatium po-  
 alo, quod, pro mea proluxa in te volun-  
 te, atque animi studio, non debet tibi  
 fieri multum, amico magno præsertim,  
 summo patrono. Id ereptum amicorum  
 utationibus, mihi impertias, si id fieri  
 am minimo tuo incommodo potest. Jam  
 episto-

epistolarum opus in justum volumen crevit, & est de epistola cogitandum, quæ operi debet præfigi. Itaque si plus æquo videor importunus, des mihi veniam vir humanissimus, de mea summa reagere, temporis angustiis, coactus. Jam eò perveni, ut mihi periculum meæ fortunæ, alieni officii faciendum sit. Quod si recte succedet, eò erit major voluptas, quò sperata minus: certe juvabit hoc manare, me mihi, neque desperatione alterius virtutis, neque fortunæ ulla injuria, quod demissi, atque imbecilli animi est, deterritum defuisse. Nam in adversa re plurimum solatii est, non sua, sed aliena culpa jactari. Diu lætus valeas, meæ in te summæ observantiæ memor. Datum è Regia M D XLIXC. V. Decemb. vetere more, atque instituto.

## AD EUNDEM.

**R**editæ mihi tuæ literæ sunt, per hos dies, cum haud satis belle haberem, credo id divinitus, ut esset, quo æger animi, mali allevatione aliqua, ex earum lectione, quo solatio unico sustentor, recrearer. Unum quidem in his molestum, te vereri, ne me tibi excidisse è memoria putem? Ego vero? cui, unico illo primo tuo

tuo congressu, te ita aperuisti, ut plane videar, me ipse non nosse, nisi fatear, me in te uno, quod raro invenitur in multis, ignovisse, cum summa eruditione, maxima vi ingenii, usu rerum maximarum, humanitatem, & morum elegantiam incredibilem conjunctam. De Crasso facile patior, laud dissentiens à Cæsaris judicio, qui, ut nihil sperandum, ita nihil timendum à suis illis Antoniis, & Dolabellis censebat, quorum est noster, quam simillimus, præpinuis, atque obesus, ut nihil loci, ubi aut laus, aut dolus delitescat, qua occupat, immane abdomen, in magna, & vasta mole reliquum sit. Quod dat accipientum; quod non id quantum volumus, ei agnoscendum, qui neque plus potest, neque, ut plus posset unquam laboravit. Quod tibi mihi persuasum esse, te non neglectum mea, nihil mihi certius; qui tibi priorem persuasum esse voluerim, esse eadem causa. Huc nuncii allati de N. morte, ut mihi aliquanto accuratius cogitandum sit de substituendo mihi patrono: qui quidem, tantum, quantum mereris, aut quantum ea causa vis, potes, habeo quem tibi præferam neminem. Hæc meæ sunt literæ ad primæ, quas, ut soleo ad regem etiam, Romano more. Alia possum à me omnia petrare, te colere, observare, ferre in  
Ff oculis,



oculis, id quod mea iponte, tuo merito maximo faciam: cum latine quid ad te scribendum, patere me, nulla tua cum offensione, ex usu latini sermonis scribere: non enim ad amplitudines nescio quas tuas, & magnificentias, cum nullæ sub orbe lunæ sint, sed ad te cum scribendum mihi esse intelligo. Equidem dabo operam, ut te, in regia videam: id si minus licebit (minima enim nostri pars in nostra potestate est) scribam crebro, si mihi modo, quod meæ dandæ literæ ad te sint significabis. Vale. Datum Cracovia XIII. Kal. Decemb. M D LXXIX.

## AD JACOBUM CORBINELIUM.

**L**iteræ tuæ, quo diutius expectatæ, eò opportuniore mihi, jucundioresque acciderunt, jam ægre, adeo longum earum intervallum ferenti. Itaque si hac lege, quæ sunt grata, eveniunt, ut ea reddat gratiora longior dies, est cur mihi bene evenisse putem, quem, annum, jam alterum, passus es expectatione tuarum literarum angere. Ea enim est solida voluptas, quam non speratam, gravis antecessit dolor. Quò vero ego semper tuum in me amorem amavi vehementius, eò mihi erat

erat acerbius, ejus fructu carere: intermissio quidem tuarum literarum, ut hoc mihi esset verendum, faciebat: quod cum ipsum per se erat grave, tum me cessationis hujus causa torquebat: quam quidem quavis in re potius, quam in oblivione nostrae amicitiae positam credebam. Aestuans animus, raro dubiis in rebus, non interpret malus, timentem omnia cogebat quidvis potius, quam id quod erat vereri. Tua enim mihi erat explorata ratio in persolvendo hoc genere officii; ut non crederes, te amici hominis partes praestare, nisi eas praestares cumulate; non vincere in officii contentione, nisi vinceret longo intervallo. Neque ego vero prolixum te solum, & diffusum noram in amando, sed constantia summa: cujus quidem, incredibilis tua virtus, saepe magnis in rebus spectata, fidem fecit: quae nulla esse potest, ubi constantia desideratur: non enim is fortis, qui semel, aut iterum, fortitudinis illustre documentum dedit, sed qui ita diu in ea sibi constitit, ut non prius illam ponere, quam, si ipsa tuenda constantia ponere vitam possit. Ergo illa occurrebant; mors, quantum nihil proclivius; pertinax morbus; amandatio; caedes, in magna improborum esse, timendum malum: ut multo mihi esset gravior quaesita mali causa, quam,

Ff 2

quod

quod me malum inde manans torqueret. Nunquam est, Jacobe, futurum, ut mihi ex animo effluat memoria suavitatis illius tuæ incredibilis, quæ mihi multis ærumnis jactato, quoties te licebat affari, id quod nunquam per te mihi non licuit, ita in malis solatio erat, ut non posset mihi ea fortuna displicere, quæ pertinax, vexando, & jactando me, non tamen efficeret, ut non esset tua constantia in me consolando, & fovendo major. Oportebat vero, quæ me levare ægrum animi posset, virtutem quandam summam, & sapientiam esse. Quæ ipsa tamen nunquam mihi tanti est visa, quanti, cum ea mihi fuit carendum. Fit enim depravatæ naturæ vitio, ut raro homines norint quibus bonis fruuntur, quando iis affluunt; tum animo afficiantur, cum eadem requirant amissa. Quam vero mihi debueris suavis esse præsentis tui sermo, hæ ipsæ tuæ literæ declarant, quæ sunt ita refertæ insignibus multis amoris documentis, ut quasi ex ore dicentis haurirem, quæ scribis, te amplecterer animo, ea voluptate perfusus, qua ii solent, quibus quæ sunt, in vita carissima evenerunt. Ac de cæteris quidem quoniam video te non magnopere laborare, alias scribam pluribus, commodiorem occasionem nactus: nunc de eo, quod urges, ut conjicio, te Langæo urgente,

gente, qui dicitur quædam eorum similia, quæ scribis, meditari, & quidem paucis, si modo sperandum est, exterum hominem recte de iis rebus acturum, quæ vix recte tractari ab iis possunt, qui in his nati, versatique per omne vitæ suæ tempus, eorum quasi artem quandam, & scientiam sibi comparare potuerunt. Digna quidem Langæi carmina, quæ summis viris inscribantur; ut digni illi, quibus tantus habeatur honos: sed difficilis tamen, & lubrica ratio, ita, in hoc argumento, stylum temperare, ut in quo quis gratificari studeat, non offendant. Laudare fere omnes volumus, qui nostra scripta magnis regibus, & claris hominibus inscribimus; sed ut in magno numero vix unus sit, aut alter, qui non incidat laudando in assentandi levitatem suæ gravitatis, & constantiæ immemor, quod in magnum eorum dedecus vertit, qui laudantur. Laus enim est, quæ ducitur à rebus maximis, aut pro patriæ, aut pro iis, quibus debemus plurimum, parentibus, liberis, universoque adeo hominum genere fortiter, juste, temperanter, & sapienter gestis; ea, inquam, vera laus, cui materiam suppeditat virtus, non disertis hominis ingenium; cujus vena, nisi subjectam rem habeat, in quam depromat suas vires, in magna copia, atque ubertate dicenda-

reicit. Assentatio enim sibi ipsa res fingit: quæ cum nullæ sint, ut picta tabula, coloribus, & fictis rerum simulachris, verborum artificio, & quodam quasi colore pigmentorum, & fucò, rerum umbram, & larvam modo quandam refert: laus ita sequitur præclare gestas res, ut cum sit etiam maxime effusa. & ab uberrima vena ingenii, vim, & magnitudinem rerum non consequatur. Ergo Sborovii fratres, si spectes nobilitatem, ex amplissima familia nati, multa fortunæ insignia, magistratuum, honorum, plura virtutis, & pietatis erga patriam habent, quæ ostendant monumenta, quibus majorum nobilitatem tuentur. Nam, quod maximum est in generis splendore, ita cum majoribus magnitudine animi, & virtute certant, ut eorum gloriæ per se, magnæ, lucem majorem afferant; posteris æmulationem acriorem ad eandem completendam animo, quàm spem ad consequendam sint relicturi. Inter principes quidem familias, Cromerus Jastrembeciam agnoscit, libro IV. rerum Polonicarum, quæ eadem cum Sborovia, atque Rituja est, à Boleslai usque regis tempore, qui anno ab hinc quingentesimo, atque eo amplius, veritus principum conjurationem, ultro regno excessit, & sibi exilium voluntarium conscivit. Fuit clarus, religionis nomine, è  
familia



familia Jastrembecia, Andreas olim auorum memoria à Lithuanis Vasilus, interdum, Basilius dictus, cujus frater N. proavus fratrum Sboroviorum fuit, qui nunc florent. Is Uladislao primo Jagellonum regi egregiam operam navavit, Lithuaniae populis, post multa secula, ad Christi religionem à fœdo bestiarum, & simulachrorum cultu traducendis: cujus virtutis ergò illi est à rege pontificatus Vilnensis mandatus. Jam cum esset è Franciscanorum familia, quæ tum, maxime sanctitatis opinione florebat, iis celebrem domum, ubi sacris literis, & philosophiæ studiis operam darent, cum augusta æde exstruendam curavit. Cujus rei tum Cromerus, tum alii Polonicarum rerum scriptores meminerunt. Inde duæ familiæ longe amplissimæ, altera Sborovia, Rituania altera, utraque nomen à loco adepta: quod in usu esse etiam apud exteros videmus, ut oppidorum ditione auctis, pertinaci hominum consensu à loco hæreat cognomen, obsolescente familiæ nomine. Duo fratres, ex Jastrembeciorum familia, ita feruntur, in cernenda patria hæreditate, opes inter se divisisse, ut alteri quidem Rituianii cognomen manserit, cui Rituianium obtigisset oppidum, hoc etiam tempore, in Sboroviorum ditione positum; alteri Sborovii ab oppido ejusdem nominis,



quo Andreas potitur, regis aulæ præfectus, quem vulgo Poloni Marsalcum vocant. Atque è Rituianis quidem Dreslaus memoratur Palatinus Sendomiriensis, vir illustri nominis, & inter regni principes, potentia, atque auctoritate summa. Nam certa serie, & continuatione honorum præfectus, mox Cracoviensis Palatinus, & Generalis, ut nunc loquuntur, Præfectus, postremo Castellanus, qui primarius senator habetur, & totius regni Marsalcus fuit. Exstat quidem ad eum Philippi Callimachi epistola luculenta, in qua queritur de suo adverso casu [actum enim erat in Petriconiensi conventu, de eo Pontifici maximo tradendo, in quem dicebatur Romæ conjurasse] cum non dubitet affirmare, si tantus vir affuisset, haud ita inhumane adversarios in se fuisse animadversuros: tantam enim fuisse in illo auctoritatem apud omnes, partam singulari de illius virtute opinione, ut minime sibi esset dubitandum, quin sibi fuerit in ea plurimum præsidii, adversus inimicorum potentiam futurum. Huic patruus major Albertus Jastrembecius, ingentes divitias reliquerat, quas pridem humi conditas, & cum cura effossas, in domesticæ potentis usum convertit. Inde auctus multitudinis studiis, ausus est, consiliorum socio assumpto, Spitcone Mestinio, magni

magni animi juvene, & præcipuæ nobilitatis, adversus Uladislauum regem puerum, & Sophiam matrem, suscipere publicam causam, veritus, ut videri volebat, ne impotenti ingenio fœmina, paucis ex principibus traductis in sententiam, qui, puero rege, se futuros regni consortes sperabant, importunam in nobilitatem dominationem exerceret. Cujus quidem motus qui finis fuerit, docet Cromerus statim à XXI. libri initio. Ex iis quidem, quæ postea, evenerunt, facile apparuit, non solum nihil inde de illius auctoritate detractum, sed plurimum etiam ad domesticam potentiam additum incrementi. Eadem ingenii indoles in Johanne Rituiano, sive is Dreslai frater, sive propinquus fuit: cum, Casimiro regnante, magna cum nobilitatis offensione, jus nobilitatis tueri non dubitasset, acri, ac vehementi oratione, quam non sine morfu, atque aculeo in regem, idem Cromerus, in librum XXIV. rerum Polonicarum transfert. Atqui horum luminibus, magnitudine gloriæ Sborovii obstruxerunt, quorum celebre nomen cum alias semper, tum hoc tempore, & ad alias gentes, &, ut ipse ais, in Galliam est pervagatum. Horum Martinus pater ex Andrea nascitur Castellano Calissiensis, matre Elisabetha Schidlovecia, Christophori so-

rore, qui magnus regni Cancellarius, apud Sigismundum primum, quam diu vixit, principem gratiæ locum, ob singularem fidei, & sapientiæ opinionem obtinuit. Imprimis vero apud rerum scriptores celebrantur, quæ in trium regum conventu, tum Posonii, tum Viennæ egit, in quo actum est de affinitate cum Maximiliano Cæsare, & Uladislao Ungarorum rege jungenda. Ex iisdem natus parentibus Johannes maximus natus, cum regiis copiis dux præesset, commisso ad Orsam cum Moscho prælio, de quo insignem victoriam Poloni retulerunt, inter confertos hostes fortissime pugnans occubuit, anno hujus seculi cło Io XIV. Nam hujus Nicolaum fratrem, pari fortitudinis laude clarum, sustulit importuna mors, cum Obertinenfi pugna, qua certatum cum Valachis est, altera patriæ victima, veluti ad aram in acie cecidit, insigni pietatis monumento posteris relicto. Inter hunc medius, & Martinum minimum natus, Petrus Castellanus Sendomiriensis, & Sanoczensis præfectus à Sigismundo rege delectus, cujus fidei Augusti regis adolescentiam commendaret, haud dubie tanti regis de se iudicium insigni fidei laude, & probitatis commendatione affecutus. At Martinus horum pater, Castellanus Cracoviensis, qui in re-

gio

io senatu, secundum pontificum ordinem, obtinet principem locum, cum in alia administratione regni, tum in Leopolitana la nobili actione, in qua est de libertate étum, magni animi, & constantiæ, tuendo nobilitatis jure habitus est. Exstant, quidem scriptæ principum orationes à diſtinto homine, & luculento, Is ex Anna Conaria de Gora, Habdancorum familia, nobilissima, sedecim liberos suscepit, quorum matres octo, totidem sæminæ, è quibus sex nuptæ in amplissimis familiis, præter domesticas opes, quæ maximæ erant, nobilissimorum hominum affinitatibus, familiam per se potentem, plurimum auxerunt: duæ è filiabus vix adultæ sunt morte sublata. E maribus maximus natus Martinus, à prima sua adolescentia, per ingentem virtutis, atque ingenii indolem, sibi via ad gloriam, atque ad hominum studia patefacta, in omnibus bellis; quæ & multa, & varia sunt in Germania, atque in Ungaria, Carolo V. Cæsare gesta versatus, quam spem de sua virtute concitavit, longo intervallo superavit, cum ea ab illo exspectarentur, quæ summa virtus, animi vis acerrima, generis splendor, & majorum nobilitas sponderet: quorum virtutem, & pietatem erga patriam, insigni fortitudinis laude repræsentavit, gloriæ nunquam interitura



turæ monumento, sanguine, & vita immortalitati consecrato. Mortuus quidem est Livonico bello anno XXXVI. ætatis, cum magnus hominum consensus, illi summam militiæ Polonicæ præfecturam destinasset. Hinc Langæo latissimus apertus campus familiæ laudandæ: ut Romæ olim multos majorum virtutem, in re militari alios, ut Maximos, Scipiones, Paulos; in aliis præclaris artibus alios: ita in hac familia, fratris virtutem, fratrem alterum, patruī pietatem, fratris filium æmulatum: ut non prius ab his avitæ, ac patriæ fortunæ, quàm pietatis laus ab his adita hæreditate videatur. Sed quid ego te de his plura, quasi futor è foro olim Phidiam de formando Minervæ signo? locus quidem, non modò Langæo non obscurus, homini prædito tanta vi ingenii, sed ne ei quidem, cujus non sit plane mentis acies obtusa. De cæteris non lubet loqui, quæ tu æque, atque ego habes explorata; quanta Petri Sborovii auctoritas fuerit Henrici regis tempore, qui illum, & præfectura Cracoviensi, & Palatinatu ornavit. Neque vero honores spectandi, qui sæpe iis mandantur, qui minime sunt iis gerendis pares; sed viro principe dignæ artes, quarum magni honores, insignia, regna, principatusque habentur. Equidem hoc audeo affirmare, aliquot jam  
annos

nos in Polonia versatus, cum nullam es-  
 artem, quam liberi homines colant, cu-  
 s laudem Poloni inuideant exteris gen-  
 us; tum neminem in Polonia esse, cui  
 orovii inuideant earum artium decus,  
 us sunt magni homines appetentes. In  
 is cum maxime excellat eloquentiæ laus,  
 uam prudentiæ vis, & facultas ingenii fa-  
 atarem populis reddit; ita his tribuitur  
 mnium consensu, ut ex tot fratribus, cum  
 mnes eadem sint laude insignes, haud fa-  
 ile appareat, quinam inter eos, ingenii,  
 ut eloquentiæ laude præstet. Nam rei mi-  
 itaris gloria, quæ maxime popularis, mul-  
 tudinis plausum habet, duorum fratrum  
 gloriosa morte fortissimorum hominum, &  
 qui patruos est genere mortis æmulatus,  
 Martini, est in familia Sborovia sancita,  
 ratrum virtute aucta. Jam ex his tertius  
 Johannes Castellanus Gnesnensis, regia-  
 rum copiarum dux Gedanensi bello, raro  
 fortitudinis exemplo, docuit armatas acies,  
 militum numerum, bellica tormenta iis ce-  
 dere, quorum pectora septa animi robore,  
 prudentia, & vis consilii communit, ma-  
 gno hostium numero, modica Polonorum,  
 atque Ungarorum manu assumpta, ad in-  
 ternecionem cæso. Nam proximo bello,  
 quod est cum Moscho gestum, cum is ipse  
 iterum regis copiis cum imperio præesse  
 iussus,



jussus, tum Andreas frater pari præditus in patriam pietate, per triennium ea gessit, quæ qui superant virtute, iis non modo de hostibus victis, sed de sævitia hyemis etiam, de cæli rigore, locorum asperitate, deque iis, quæ non armis, tormentis, rei militaris peritiæ, sed uni ipsi virtuti cedunt, triumphus justissimus debetur. Equidem vidi reversos è bello milites, quibus rigens cælum è propinquo Septemtrionum vertice, summos digitos, ad medios usque articulos, lethali tabe infectos peredit. Dabitur hic locus copioso homini in scribendo, sine ulla assentandi suspitione, persequendi cumulate tanti viri laudes: quæ ita à magnis hominibus appetuntur, sed virtute, non solum fortuna magnis, si argumentum laudis, non prius à scribentis ingenio ducitur, quàm à rebus eorum præclare gestis. Vertit enim in dedecus laus, ubi scribentis orationem, ut diximus, eorum mores, & facta refellunt, qui laudantur. Atque ad cætera animi bona, altitudo quædam animi in his fratribus conspicitur, plane principibus viris digna, ut liberalitate, & munificentia cum alios multos comprehendendo, tum suos ornando, atque augendo, ostendant, maximis fortunis, atque amplissimis, in quibus sunt à patre relictæ, se gerere animum excelsiorem,

em. Nam de Petro Sborovio, quo tem-  
 ore hic fuisti, multa potuisti audire cum  
 is consentientia, quæ ad te scribo: certe,  
 uam honorificum de eo iudicium Henrici  
 regis fuerit, cum clarissima alia documen-  
 ta exstant, tum in his delatus illi honos,  
 cui maximus ex Poloniæ regno, iis est sem-  
 per habitus, quorum nobilitas summa, at-  
 que eximia in patriam merita essent. Æ-  
 que honorificum iudicium de Andrea fra-  
 tre, quem præfectum regiæ aulæ creavit,  
 tunc apud regem maximum, & fortissi-  
 mum, propter eximiam virtutem, & ma-  
 gnitudinem animi, imprimis adeptum il-  
 lustrem gratiæ locum. De titulis quod quæ-  
 ris: Johannes, eorum, qui supersunt, na-  
 tu maximus, regiarum copiarum dux, Ca-  
 tellanus Gnesnensis, præfectus Oddela-  
 ensis, Vulpensis, Grogienisque; Andreas  
 regiæ aulæ Marsalcus, & Radomienis præ-  
 fectus. Nicolaus, qui Livonico bello oc-  
 cubuit, Schidloviensi, Ronemburgensi, Der-  
 inensi, ac Livoniæ præfectura insignis.  
 Nam Samuel huic ætate proximus, ut nul-  
 lo certo honoris titulo ornatus, sic omni-  
 bus iis artibus instructus, quæ raro unquam,  
 nisi insigni fortunæ injuria, summos hono-  
 res, atque illustres gloriæ titulos desidera-  
 unt. Christophorus minimus natus, mu-  
 nere honorificentissimo, regi pocula admi-  
 nistran-

nistrandi honestatus, sive quis vim ingenii, eloquentiam, alias artes spectet, quæ summum hominem decent: sive quis spectet virtutem, & magnitudinem animi, magno ornamento majoribus, incitamento posteris ad æmulandam domesticam gloriam futurus. Habes, quæ, percunctando à peritis, potui de Sboroviorum familia homo exterius cognoscere: reliqua sunt Langæi ingenio permittenda, homini ita apto laudandis aliis, ut ipse sit maxime in omni genere politiorum, artium laudandus. Vale.

## AD JOACHIMUM, ET FRATRES CAMERARIOS.

**T**Ristis mihi nuncius allatus de obitu clarissimi viri patris vestri, me, ut æquum erat, mœrore incredibili affecit. Nam & vestra causa dolui, qui quantum parentem amisistis, vos ejus virtutis vera imago, iidem clarissima Germaniæ lumina ostenditis; & vero doleo reipub. causa, quæ in eo uno, insigne gentis decus, ornamentumque amisit. Ac quantum sit illius in patriam meritum, qui vos filios tales genuerit, modestia vestra; quantum illius memoriæ, & præsens ætas, & omnis posteritas debeat, summa illius virtus me prohibet commemorare, cujus insignia, monumen-

monumenta, & plurima sibi vivens constituit. Nam solida illa, & vera gloria est, quæ non prius cujusquam prædicatione, quàm virtutis, & probitatis commendatione comparatur; & ea vera virtus, quæ clara suo splendore, atque illustri, nunquam sibi latere potuit obscuro loco. Quantam acturam Resp. fecerit, Joachimo Cameraio amisso, quantam politiores literæ, & omnes libero homine dignæ artes, nemo inquam, cujus sit etiam dicendi eximia, acultas, iis, quæ ipse scripta immortalitati consecravit, disertius, luculentiusque explicabit. Est hoc vero proprium virtutis, ut sibi ipsa viam, atque aditum ad veram gloriam patefaciat; ne quid officiat conendenti ad summum, sese efferens supra omnium rerum humanarum fastigium. Beatissimus vero senex, qui cum eò esset sua virtute provectus, unde unus superesset conscendendus ad immortalitatem gratus, eo tempore à vita migravit, quo omnibus vitæ muneribus perfuncto, quare non vita homini expetenda, nulla superesset causa, præter unam positam in caritatis suorum, cur sibi amplius statueret in vivendum. Nam, ut bene creditur iis venire, qui arduum receptum opus, & longo temporis spatio perficiendum, suave celerius, adnixi sedulitate, & studio ab-

Gg solvunt:

solvunt: iis, qui celeri cursu, longissimæ navigationis incommodis superatis, aut portum, aut tutam stationem tenent: ita bene cum iis agi existimandum est. quibus, mature absoluto naturæ opere, cujus causa sunt nati, incolumi fama, licuit portum tenere, hujus vitæ, quasi maris vastissimi vada, & scopulos prætervectis. Quem quidem qui in beato vitæ fine non agnoscunt, digni illi enimvero sunt, qui in perpetuo vitæ naufragio, adversæ fortunæ ventis acti conficiuntur. Quicquid moderato homini potest fortuna indulgentissima largiri, patri vestro conciliavit summa virtus, atque ita quidem, ut non pateretur, liberos, quibus datum esset è tanto parente nasci, fortunæ acceptum referre, quò magis eo ipso parente digni liberi evaderent, cultu liberali, vitæ innocentia, sanctitate morum in hominum luce conspiciendi. Nam quid potest homini à natura tribui, raro effusa suis muneribus largiendis, quod ab illa inchoatum, non, rectissimis studiis insistendo, perduxerit ad summum? tot illius monumenta ingenii, tot scripta, tam varia de divinis humanisque rebus, quibus est futurum, ut nomen illius, nulla hominum, oblivione intereat, si ulla modo hic est felicitas speranda, id assecutum ostendunt, quod nulla regna, & magna imperia spondent,

dent, ut bene de vita hominum merendo, docendo, ad virtutem, honestatem, religionem suos, externos incitando, explevisse hominis in terris munus, omnibus suis numeris, & partibus beatissimus, felicissimusque videatur. Sed ne in his quidem potuit acquiescere, in Deum unum erecta mens, apud eum, maximarum virtutum, præmium, quod in terris ne quicquam homines sperant, quæsitura. Hæc, credo, ubi vobis veniant in mentem, quicquid humanitas reluctetur, cujus est in jactura carissimarum rerum mollissimus sensus, illud vos continuo statuere, homines gravissimos, & spectatæ virtutis, parente, per hujus vitæ dissolutionem æternam felicitatem nato, nec vobis lugendi justam causam, nec nobis amicis vestris, dolorem vestrum literis nostris consolandi ullam superesse. Non potuit tantum vobis vulnus imponi, sine ingenti doloris sensu; quem quidem dissimulare, quamdiu est animus corpori, humanitatis vinculis adnexus, ut maxime etiam virtus, & constantia sit subsidio, nati homines haud possumus: quò magis nobis opera danda est, ne ratio, quæ una sanare potest, dolore saucium animum, sensus impetu vehementiore dejiciatur. Inde sunt illæ sapientium præceptiones, quæ ita patent omnibus, ut paucis usui sint,



qui illis recte utantur: Quas quidem libet vobiscum percurrere; non quin sciam, eas à vobis, quasi è sacrario virtutis, & sapientia petere alios consuevisse; sed ut vobiscum recognoscendo, insinuantem se dolorem animis, per sensus imbecillitatem, mentis robur, & constantia confirmata pellat. Tantum vos parentem; ingens literarum decus omnes amiserunt, qui in optimarum artium studiis versantur. Dolere, tanta, jactura facta, nec potest ratio prohibere, nec debet; sed, ut moneat tamen esse modice ferendum; quod ita uni accidit, ut immineat omnibus, quibus natura, lege inexorabili, tledit ad tempus, vitæ munus obeundum, certis spatiis, ex Dei immortalis præscriptione, definitum, ita det aliquid sensus imbecillitati, ut inde fortitudinem acuat; non magnitudinem animi convelli, non frangi, non obrui mentem dolore; non denique, quâ nos sensus victos agit, nos nostri immemores præcipientes ferri, quasi, extincto vitæ lumine, patiatur. Nullum est adeo grave malum, quod aut non tollat, aut non leniat dies; quod ita vulgò patet, ut sapiens ultro occurrat, & constantia, virtuteque efficiat, ut in sanando dolore, diem ratio prævertat. Flagitium enim est, sapientem hominem temporis debere, quod virtus præstat, & magnitudo

tudo

tudo animi. Quanta vero illa accessio? tollit dolorem mature ratio, experrecta virtute, quæ mollitiem pellat; fero tollit dies; atque adeo, ut hoc sit cum dedecore, illud cum laude: in altero enim mollis, atque effæminati animi; fortitudinis est in altero argumentum. Quò altius vulnus; eo præsentius subsidium: corroboret vires constantia, quam frustra petit sensus, imbecillus adversarius, ubi est adversus rationem corroboratam virtute animi pugnandum? Quæ quomodo in vobis desiderari potest, quos à primis aënis, parentis disciplina sanctissima, pietas summa, & religio, mente è terris sublato, erexit in cælum? Fecit vulnus fortuna: sanet ea fortior virtus. Quò descendit telum; descendat, quæ sanet ratio: ubi enim ratio viget, nullum non sanabile malum. Dedecus est, foris quærere, qui à se habet. Jaces, mæres, luctu conficeris: si quæris; quòd sopita ratio languet. Perinde hoc vero, atque exuere hominis, & induere belluæ naturam, quod unum malorum omnium postremum homini verendum est. Unum virtutis opus summum; quæ vulnera fortunæ sunt, nostra decora efficere. Non petitur justus triumphus, nisi feroci devicto hoste, præpotenti, indomito, cujus habeantur invictæ vires. Atque in adversis, & latis objicitur viro forti materia virtutis,



in malis, regnat in carcere, atque in ergastulo libera, divina eadem, immortalis, æterna. Inermes fortuna petat, quorum pectora non libera educatio, non literæ, non religio munit: septos virtutis robore, præfidentes sibi, & vallatos, quasi altissimi animi vertice dum petit fortuna, frangit vires, & adversus se fortiores reddit. Deplorent fortunarum jacturam, qui, præter fortunæ, bona nulla alia noverunt: viro forti stat æternum, perpetuum, immortale virtutis decus, unde ad luctum alii, sumens materiam ad laudem. Unus enim, dives, qui audeat contemnere, quæ alii expetant; eorum potens, quibus multi succumbunt; rex idem, qui ea sibi cogit parere, quæ imperant regibus; refertus deliciis, diffuens voluptatibus, qui una virtute contentus, suis est opibus, non alienis beatus. Luges quæ amisisti, fundum, villam, domum; injuria: aliena enim luges, non tua, repetiit eadem fortuna, quæ dedit, tum vere fortuna, cum levis, inconstans, instabilis dat eadem, & aufert, ad imum dejiciens, quos sustulit in cælum. Amissi liberi, parentes: indulgeo languido, & molli; in viro forti robur requiro: ejus enim nihil est præter virtutem; nihil idem suum agnoscit, quod amitti possit, nihil quod caducum, fragile, extra se positum.



corporis moles, quæ alte deprimebat evehentem se ad suam originem, & ad veram vitam anhelantem, ad Deum, qui perennis fons felicitatis est. Interiit, quàm positum infra hominis vim, ad Dei imaginem efficti, & divinæ indolis, communis cum bestiis natura contingebat: ut nihil sit causæ ad luctum, si & quid sit, quod queramur, & cujus causa queramur, veniat nobis in mentem cogitare. Quid vero aliud est exire è vita, quàm è funesta multis, & cruenta pugna, per clarissimam victoriam, devicto humani generis hoste, victricem ad Deum palmam reportare? E cujus sinu, & beatis sedibus si parenti vestro vos liceat compellare, mollius quàm viros fortes deceat, tam acerbum casum ferentes, hæc haud dubie sit illius oratio futura: Quid vos vero permittitis hac vestra tam præpostera, & intempestiva mollitia agi, immemores vestri, & vero immemores mei? Peregi vitæ cursum, in quo nulla illecebra honoris, commodi, voluptatis, ad finem recto cursu properantem, quoad licuit mentem contingere, potuit remorari. Quanti videri hæc felicitas debet in ea vita, in qua quicquid est, error, tenebræ, ærumnarum, & malorum infinita cohors, à quibus evadere perpaucis datur, calamitas, & mors denique est? Quid, inquam, quod esset moderate





non metus, non ambitio, cupiditas, amor, odium angit, me mihi aliquando vivere. Non est, mortales, quam creditis, vere vita, miseriarum, atque ærumnarum plena; non quam obnoxiam habet inexorabile fatum; non ea, quæ tum creditur beata esse, cum eam claudit honesta, atque opportuna mors; non quam fors, & casus perdit; quam vexant perpetuo graves corporum morbi, animorum graviores; non ea, quam infestam reddunt, quæ sunt multis expetenda, purpura, aurum, sceptræ, regna, imperia (in auro enim sæpius, quàm in fictilibus, est dilutum venenum) sed quæ à fonte vitæ petitur? quæ quamdiu est corpori annexa, quasi injusti & violenti dominî mancipium, ad eum anhelat, unde egressa in hoc terrestre domicilium descendit, non prius, quam laxata corporis vinculis ad auctorem vitæ redeat, vita potius, quàm vitæ umbra, & larva futura. Atque hæc quidem pater, si vos liceat è beatorum cœtu affari, ubi illum ante acta vita cum summa laude, fruiturum ea, quæ vere vita est, immortalis, sempiternaque Deus collocavit. Quæ vos tamen vestræ virtutis, & constantiæ memores, cur dubitem in domestico luctu animis versare, qui sciam eadem ipsa, si hoc vobis pietatis munere sit cum aliis fungendum, usurpaturos? Ac vos quidem  
à natura

à natura ingenium; literæ à paterna disciplina; probitas, religio, virtus corroborata usu, & cognitione maximarum rerum, adversus dolorem munivit: de earum constantia dubitandum est, quos non philosophia, non exulta mens pietate, & religione, adversus doloris impetum adjuvat: cujus moriū non sentire, eorum est, qui per naturæ dissolutionem eò migrarunt, quò non pertingit humanarum perturbationum, & miseriarum sensus. Quod accidit tamen perraro: natura enim, quæ prospexit iis, quæ condidit, & rerum effectrix solers eadem, & conservatrix, tam nobile animal minime destituit inerme. Condidit enim quàm simillimum Deo, cujus vim, atque imaginem ratio in animo alte impressam repræsentaret: ut nemo à recta linea vivendi aberret, qui se tradiderit rationi regendum; à qua, ubi parum declinet, præsto adest, quæ reducat errantem in viam. Unus dolor gravissimus, in liberorum jactura: imo, nisi ratio occurrat, quæ levet, non ferendus. Eripuit tibi liberos infesta mors: doles amissam spem posteritatis; grandi natu ereptum vitæ subsidium; solatium malorum; liberos eximiae indolis: quereris, angeris, te miserrimum vocas, vitam invisam habes, deformatam tam gravi vulnere: tua est culpa, qui pates fortunæ,  
cur

cur nudum pectus objicis hosti armato ? hæret in molli immissum telum ; resilit ab eo , qui pectus , firmitate virtutis duravit. Eni iuero miser , qui non agnoscis tuas vires. Duce utaris ratione , & quâ tibi prælu-  
 cet , sequare euntem : non te dolor perdet , non mœror , non angor animi , quod turpe homini est , ratione fortior : qua ca-  
 res , nisi in ea agnoscas , cuius est vera imago , vigentem Deum. Abjicis arma : miraris vinci , hostis præda , nondum pug-  
 nans ? Urget dolor , inquit , mœrêt animus , jacet sopita ratio. Cur non oppri-  
 mat inertem , non erigentem , non exci-  
 tantem se , non eum , qui vix petitus dat manus ? quis unquam prodiit in aciem in-  
 ermis ? Quorsum enim arma , nisi quis uta-  
 tur ? non sâtis , inquis , in ratione virium ad pellendum mœrorem. Ne in armis qui-  
 dem sâtis auxilii , ubi quis ab his prius , quàm ab animo sumat vires : rationem ex-  
 citet invicta virtus , fulciat robur , & præ-  
 sentia animi : concidet victus dolor , non validus suis viribus , sed tua imbecillitate ,  
 hostis. Torqueat , cruciet , vexet : omnia superat fiducia sui in se ipsam erecta mens.  
 Longa epistola nimis si hæc vobis ; in quo-  
 rum virtute , & sapientia est summum aliis  
 positum præsidium ad mollitiam animi  
 pellendam ; brevis , si inde solatium qua-  
 ritur ,



ut quæ mihi ab amicis literæ reddantur, id in me efficiant, quod ii modo præstare possunt, qui vere amant, ut quantumvis me graves curæ à me aberrare cogant, quarum semper plenissima cohors, in animi mei arcem invadit: continuo me mihi reddant. Sit casus, inquam, sit fors, quæ plurimum possit in humanis rebus, non videar facere arroganter, si hoc mihi sumam, me grandem natu hominem, ingenio rem æstimatorum non malum, in delectu amicorum hoc semper spectasse, ut ex eorum consuetudine, literis, sermone, hunc fructum, quo nihil est in vita homini uberius referrem. In omnibus vero, quos semel plurimum mihi statui amandos (nullus enim est amor, nisi sit insignis) una, atque eadem causa mihi est summi amoris, expressa ad vivum imago, honestatis: quæ efficit, ut quæ ab his proficiantur, sive cum his coram, sive literis agam, grata omnia, & jucunda accidant. Itaque, quo die mihi literæ à Cratone redduntur, à Duditio, aliis, quos quidem cum plurimum colam, atque amem, non efficio tamen, ut, pro eorum merito satis videantur à me coli, atque amari; ita mihi Deus propitius sit, præ nimia lætitia, gestit animus, & vultu, ore, oculis, ut nulla sit dissimulandi ratio, effertur. Atque in singulis quidem, cum in  
omni-



omnibus una virtus excellat, qua omnes tenentur, quædam conspiciuntur, quæ eorum propria, eos maxime amabiles reddant: ut in virgine, cujus sit eximia forma, præcipue aut oculi laudantur, aut oris candor, aut proceritas corporis, cum cætera sint tamen summa digna laude. Itaque in aliis festivitas amatur, joci, sales; gravitas in aliis; in nonnullis suavitas sermonis, & sedati, ac placabiles mores in quibus virtutis forma, cujus in omnibus eadem species existit divina, atque admirabilis, pro varietate ingeniorum, se amabilem varie ostendit. Nam in te quidem cum nihil sit non summe laudandum, inest alacritas quædam propria tua, quæ ducta à benignitatis fontibus, ad conciliandum amorem inter doctos homines, & amantes tui, te maxime excitat: quam qui ignorant modo, non amant: qui norunt, & non amant, ne se illi ipsi quidem nosse satis, amareque videntur. Nam in his tuis literis cum te, exprimas totum, quæ de Camerario, quæ de Melisso ita agis multis, ut videaris, non ex meo ullo commodo, aut voluptate, sed ex tua, animi gaudio, & lætitia efferri. Et si vero, ex horum conjunctione, plurimum ipse haurio voluptatis (tanti enim mihi est, quanti quod maxime est in vita optandum) tu mecum tamen lætitia certas: qua quidem  
in

in re ostendis, non magis cum ad quem commodum pervenit, quàm qui est commodi auctor, quo officii laude homines probe accedunt ad Dei immortalis vim, & naturam, benigne faciendo oblectari. Nam quòd me fortunatissimum vocas, equidem accipio omen; & quòd vobis uti amicis, viris optimis, & suavissimis licuerit, id quod totum à vestra summa humanitate, nullo meo in vos merito agnosco, fortunæ refero acceptum; unam tamen minime mihi passus in eo ipso præripi judicii laudem: ut enim non est satis incidere in auri scrobem, nisi, quod ejus exstat, indicium agnoscatur, quod segullum in aurifodinis vocant, ita non fuit satis mihi offerri occasionem ullam, vos humanissimos homines, mihi promerendi studio, voluntate, amore (qua enim alia re hoc potui sperare?) nisi index vestræ probitatis, pudoris, eruditionis, elegantiae, sermo, & congressus vester, me in vestri amorem impulisset. Enimvero dolet mihi, Monavi, & vero vehementer dolet, de his scribentem me, hoc est fruentem voluptate incredibili, quasi loquendi tecum, gravissimis occupationibus, quo minus ulterius progrediar, interpellari, vere illis quidem gravissimis, quæ tantum mihi invideant bonum. De adolescente, quem mihi literis commendas, jubeo

Hh

plane



vereor, ne in me desideres, nulla mea culpa, majorem sedulitatem, & studium inscribendo, quod officium à me præteriri, quamdiu sum aut tui, aut mei memor, haud potest: tum ea me cura imprimis angit, ne Camerarius, qui à me quædam postulabat, cuique in omnibus obsequi maxime studeo, aut me superbum, aut certe, quod minime velim, subrusticum putet, qui humanissimis illius literis tamdiu potuerim non respondere. Ita, te obsecro, clarissime vir, me hac sollicitudine liberares, per tuam fidem, atque adeo multis jam exploratam, amicitiam nostram, quam ego certo meo judicio insigni tuo in me merito susceptam, sancte semper, & religiose colam. Has ad te literas afferet amicus meus, sed dignus, quem propter eruditionem, probitatem, sanctitatemque morum, quod multo pluris tibi futurum est, ament omnes, atque in oculis ferant. Ita vixit quidem hic fere per annum, ut discedens, nobis triste sui reliquerit desiderium, memoriam, quam nulla dies unquam sit oblitteratura. Hoc tantum putavi esse satis te intelligere, qui vir, & quantus esset: commendare tibi propterea nolui, ne aut illi ipsi, aut tibi adeo viderer facere injuriam: illi quòd quidem satis multas præ se fert, atque insignes notas pudoris, virtutis, pietatis, religionis,

quibus cumulate commendatus ad vos venit: tibi, quòd minime necessario officio, te quasi cessantem tua sponte, ad omnia, officia humanitatis propensum videar incitare. Visum venit hanc urbem, vestram, & multorum quidem olim, & nunc mea, prædicatione admirabilem, sed non quàm illam admirabilem videri suo merito æquum est: tum qui illius estis ornamenta maxima, vos viros omni genere humanitatis, & politioris elegantix insignes. De eo, qui meus status omnis, & rerum mearum sit, intelliges. Vale, & meis verbis Cratonem veterem patronum plurimum jubeas saluere. Datum è Cracoviensi regia M D XXCII. Kal. Majas XII.

## AD EUNDEM.

**V**Os vero viri optimi, & mihi amicissimi, ignoscite brevitati litterarum mearum: ita enim fateor, me vobis debere, ut hoc addam, mihi jucundissimum etiam esse, me in vestris nominibus esse: beatius quidem est dare, quàm accipere: quæ summa laus vestra est: quibus cum alii multum debeant, ipsi in persolvendo officio cumulum additis. Me vero meæ occupationes non solum vobis sed mihi etiam eripiunt: non enim ego habeo  
sub

sub prælo mea scripta, quæ vos tanti facitis (equidem diu vestri hujus judicii causam mei conscius requiro) sed ipse habeor: ita quidem me premit, ut nihil sit in ætate præsidii jam ad occasum devexa, & sit plurimum ad iners otium, & desidem vitam incitamenti. Vos hæc manet laus

*quibus integer ævi sanguis*

*solidoque suo stant robore vires.*

Nobis

hæc fluxerunt, tum ætate confectis, tum ingenti curarum mole, quibus qui anguntur, iis etiam ætate vegetioribus

*Frigidus obsistit circum præcordia sanguis.*

Quæ tamen jactura sarcitur iis bonis, quæ cum occidentibus corporis viribus, robur sumunt, mentis, atque animi, qua parte homines sumus. Quàm me vero illud Euripdis apud Stobæum delectat.

Ω πᾶσι νέων τοι δρᾶς μὲν ἔντονοι χέρες:

Γινῶμαι δ' ἀμείνους εἶσι τ' γεραῖέρων.

Ὁ γὰρ χρόνος δίδαγμα ποικιλώτατον.

Placet vero, quod crebro soleo usurpare, senectutem non in vitæ exitu, sed in principio, atque ingressu vitæ beatæ esse. Sed quid ego de his plura? Dum longius provehor senectute laudanda, in ætatis vitium labor; quo nihil putidius, garrulus brevitate literarum excusanda. De N. carminibus te plurimum amo, quæ tum aliis viris

H h 3

bonis,





lovii munus, quem ego propter suavitatem ingenii, atque eruditionem singularem, mirifice amo. Ergo mittam, quamprimum cui recte comittam natus. De Sturmio vix credi potest, quanta me voluptate perfuderis. Diem vero illum semper mihi omnium illuxisse latissimum putavi, quo licuit in tanti viri complexum venire. Namque antea illum modo cognitum fama, & doctissimis illius scriptis, cum Camerario meo, alterum Germaniæ lumen admiratus, colui, semper, atque amavi. Sed hoc totum tuum est, hoc est hominis omnium, quos unquam norim, officiosissimi, qui quasi interpres quidam, inter bonos, amicitiarum conciliandarum, & instituis novas, & veteres, ne spatio temporis animis effluant, instaurare studes: cujus laudis quò sunt pauciores appetentes, eò tu majorem tibi commendationem sumis, dignus omnium amore, qui ut omnes inter se ament es auctor tantus. Si se dederit tabellarius in tempore, mittam ad vos jam excusum librum, De præceptis conjugalibus, qui in volumine epistolarum obtinet postremum locum, ob eam causam, primus editus, ut ei gratificaremur, cui est inscriptus, homini præclare de nobis merito, & apud regem principi gratiæ loco. Erunt cum Socolovii censura, duo Calli-

machi exemplaria Cratoni consignanda, ad quem etiam scribo. Viris optimis & doctissimis, Redingero & Vacherio meis verbis plurimam salutem impertias velim. Datum è Cracoviensi arce M D XLIX. XV. Kal. Sept.

## AD EUNDEM.

**S**Ero semper tuarum mihi literarum reddentur, ubi etiam tabellarii nihil sibi reliqui ad summam celeritatem faciant: quid, ubi integros menses, non cuiusquam culpa potius, quam iniquo quodam meo fato, ante quam ad me perveniant, peregrinantur? Tanta vero est tuarum literarum suavitas, ut quo mihi gratiores sint, vix ulla accessione fieri posse videatur: sed eam tu ipsam tamen accessionem, dum longa earum expectatione, & desiderio teneor, magnam effecisti. Ita neque possum iis male precari, quibus illas dedisti ad me perferendas, neque execrari illud ipsum meum iniquum fatum, cujus injuria factum est, ut serius multo, quam vellem, mihi redderentur: ut enim quies grata magno perfuncto labore, cibus diu fame confictato, ita gratiores mihi tuarum literarum, quo diutius desideratarum. Maeste vero, Monavi, hac officii laude, quae tua propria est, amicitias

citias inter eos conciliandi, quos idem virtutis studium, atque optimarum artium, conjungit. Nam si bene mereri de repub. creduntur, quorum sedulitate, & industria fit, ut quæ sunt ad vitæ usum necessaria, è longinquis orbis terræ partibus ad suos importentur, quid de iis statuendum est, qui efficiunt sua opera, ut qui longissime absunt, mutuo inter se amore benevolentiaque fruantur? aliis vero curæ sit, vehere ad suos aut Syriacas, aut Indicas merces; una te hæc perennis sequitur laus, ut quasi alteram tendens in Germaniam, alteram in Sarmatiam manum, uno absentes devincias amicitiaæ nexu: quam recte dictum est, qui è mundo tollant, non secus agere, ac si solem tollere è mundo videantur. Atque in hoc tuo munere fungendo facile patior, te, quando hoc accidit meo cum, ubere questu, à recta via aberrare: Quasi enim in pecuniæ permutatione, pro drachma Attica, te interprete mihi æquissimo, refero Atticum talentum: qua de re expostulandi erunt certæ partes Melissi viri doctissimi, & poetæ summi: cujus elegantissimum carmen nisi apud me pluris sit, quàm multa talenta Attica, tum plane intelligat se cum ea ipsa quidem Attica drachma, talentum permutasse. Vnum est quod te, monitum velim, si de tanta facta à se jactura



## AD EUNDEM.

**X**II. Kal. Septembr. cuidam istuc proficiscenti, cum meis ad te literis, censuram involutam cerata tela tradideram, & duo Callimachi volumina ad Cratonem perferenda: hoc quidem quòd audissem, eum, qui ad me attulerat tuas literas, pridem discessisse. Qui tamen heri, prater omnem spem meam, me adiit, Uratislaviam hodie bene mane discessurus, & à me literas postulavit, quas ego, fide habita illius hospiti, qui diceret illum profectum, nono jam ab hinc die, tabellario dederam, noto tibi imprimis homini, ut ipse affirmabat. Dolui equidem errore nescio quo factum, ut te sumptu gravarem minime necessario (hic enim, ut video, tibi amicus, & tuto reddidisset, & sumptu nullo) & de munusculo meo detraherem, quod erat consilium, ad te mittere plane munus, id quod non accidit, quando fuit tibi floreni triente redimendum. Exiguum hoc inquis. Verum: sed nullum plane, quàm hoc ipsum exiguum mallet. Atqui *μὴν αὖτ' καὶ θεὸς σερίσκεται ἀγένητον ποιεῖν ὅς σ' αὖ ἢ πεπραγμένα*, ut Agathon nescio quis tragicus poeta apud Aristotelem ait. Ergo ignosce, & me ama. Vale, & illud





nobiscum sunt in vita conjunctissimi, afficiamur, id quod receptis in beatorum sedes Christiana pietas spondet. Ut enim lux, qua nihil est amabilius, cum æque compleat suo splendore omnes, æque in omnibus amatur; ita sui profusa virtus, cum omnes collustret sua luce, quos est semel sua vi complexa, parem in omnibus amoris causam præfert, ut una in omnibus eadem, divina, immortalis, admirabilis, eos mirum quendam in modum, quasi unum, efficiens è multis, cogat inter se amare. Quam causam si dicam mihi fuisse absentis amandi, & complectendi tui, intelligo quàm in lubricum locum me ipse conjiciam; qui ita videar in me agnoscere, eam honestatis formam, cujus me pridem cepit in te amor; diu desiderium tenet. Magnum vero hoc quiddam est, & quod multi adnixi petant; assequantur pauci; magnum: sed quod tamen non dissimulem mihi semper in votis fuisse maximum: & si enim id mihi non sumo, ut credam me tantum esse assecutum: at, quæ proxima est laus, veluti qui ex umbra, solem, quæ collucet, perfusi voluptate admirabili intuentur; in iis, quibus licuit virtutis splendore illustrari, eam ipsam, quod possum, finem non facio admirandi, suspiciendi, amandi. Ita videor nescio quo pacto, cum me in eorum amici-



Is cum sæpe alias ad me scribens, de tua eximia virtute, & studio in eruditos homines, tum proxime, cum ad eum divertissem in Paschovianum, proficiscens Vienne, coram egit, cumulate: quo tempore memini etiam, me schedam appositam ad Cratonis literas scriptam tua manu legisse: ex qua facile apparebat, non solum me amari abs te, quod satis mihi honorificum ducebam, sed vehementer etiam, & prolixè amari. Credo ego vero, abs te falso prædicatione mearum laudum, quas mihi sæpius amici adducti studio, atque amore, quàm certo iudicio tribuunt, tanquam is essem, qui vere esse, & videri velim, me cœptum amari, & quidem, cum id meo merito tibi esse agendum statueres: qui enim id non agunt, cum norint; in his nullus sensus honestatis esse, aut virtutis videtur. Non enim credo te secutum, quod multi alii in amando, facultatem in me ullam, aut industriæ, aut ingenii, quæ quidem in me perexigua est, quæque etiam si sit magna, non affert tamen certam amandi causam, cum possit sine virtute esse, sæpe sit cum dedecore, & flagitio conjuncta; sed virtutem animi, quæ alia bona omnia, ubi illa etiam sint summa, loco potita, minimam sui accessionem facit: ut si quis in musicis excellat, aut in fingendi arte, quem eundem



me intelliges, præclare, in promerendo tuo amore voluisse. Id quod in posterum ut facias, atque me in tuorum numero habeas, te etiam atque etiam oro. Fratri tuo doctissimo homini, atque humanissimo, me de meliore nota commendes, ac salutem plurimam impertias velim. Vale.

## P. MELISSUS ERUTO S.

**V**ice prolixioris epistolæ tibi erit, ut arbitror, melos meum: quod eo accipies animo, quo à me profectum est. Sæpius certe optavi mihi ad te dari scribendi occasionem; eam nunc Monavius subiecit: qui de volumine Epistolarum, tuarum Cracoviæ propediem edendo me, certiore facit. Penes me sunt Angelii Bargæi manuscripta multa, ab ipso auctore mihi transmissa carmina: earum editionem, uti quidem spero, adornabit Plantinus. Inter ea ipsa legitur & ode ad te scripta; cujus exemplum apud me duplex est: nam alterum transmisit Monavius. Gratissimum mihi feceris, mi Brute doctissime, si literis ad me tuis viam non intercluseris.

Vale, & me ama. Datum Norimbergæ

Francorum, V. Kal. Octobr. Anno

Christi M D LXXXI.



## AD JOH. MICHAELEM

BRUTUM,

Regis Poloniæ historicum.

**U**tramque doctum Palladia in schola  
 Linguam, & scientem gnariter artium  
 Sublimiorum, quæ beare  
 Corda polo genuina callent,  
 BRUTUM saluto, qui licet extimis  
 In Sarmatarum limitibus, procul  
 Ab Hadriana separat  
 Illecebris agat Amphitrites,  
 Jucundioris non tamen immemor  
 Nunc creditur mi colloqui fore,  
 Quod ad vadosi regna Mæni  
 Comiter in Stephani taberna,  
 Presente ibidem tum Camerario,  
 Sermoni grato texere amavimus;  
 Cum Teutonas exul per oras  
 Finibus Allobrogum relictis  
 Ad subjugatos Battoridæ tuus  
 Se, BRUTE, cursus ferret Jazygæ;  
 Qua pisculento fœtus amne  
 Lambit humum patriam Tibiscus.  
 Multas ab illo tempore me plagas  
 Sen causa Fati, seu variabilis  
 Fortuna casus, inquietis  
 Ambitibus peragrarè adegit

Salutis

*Salutis incertum, haud secus equoris  
Sulcans arenas navita lubricus*

*Factatur undosis procellis,  
Vi furialis Apeliota.*

*Hos inter errorum & crepera fuga  
Fluctus vaganti nil mihi suavius,*

*Quam sempiternum vatis ultro  
Angelus meruisse amorem;*

*Tarpeja quum me sub Capitolii  
Saxo viderent limina consulum*

*Fastos, & antiquo paratu  
Nobile marmor, imaginesque*

*Vetustiorum querere Caesarum,  
Ex Marte partis non sine laureis.*

*Quid ille? nequaquam profecto  
Erubuit mihi credidisse*

*Recens suorum nata poematum  
Typisque nondum scripta volumina.*

*Idem reversuros ab Urbe  
Franciacum poplites in orbem*

*Pereleganti munere carminis  
Est prosequutus: munere, publicis*

*Quod exstat exstabitque libris  
Semper ad innumeros nepotes.*

*At tu, Poloni regia cui patet  
Herois, auctor magne, quid exigis?*

*Quae condis, eternis (ut equum est)  
Digna lini monumenta cedris?*

*Rex bellicosus materiem suae  
Virtutis amplam, non sine fomite*

*Sui celebrandi ministrat  
Vatibus historicisque doctis.*

*Idem eruditus judicat aptius  
Prudentiusque, è re quid, & ad statûs  
Sit publici non obfuturum  
Emolumenta, bonasque leges.*

*Audita nobis cor fodiunt ducis  
Præclara tanti dictaque, factaque:  
Cur non & istuc Marte duro  
Visa geri feriunt ocellos?*

*Longe sed abssum, certe ego Findari  
Vel Dithyrambos, vel numeros graves  
Molirer Alcæi, minaxue  
Stesichori genus æmulari;*

*Nihil moratus, queis ferar avius  
Pennis in altas ætheris orbitas,  
Novum Melissæi daturus  
Nominis elogium profundo.*

*Almâ triumphus laudis adorea  
Ridere gestit; perpetuam & sitim  
Accendit in fibris alumpo  
Pota avido semel Hippocrene.*

*Atqui futurum rebor, ut unus &  
Alter perennem dehinc aquilex novæ  
Vestiget undæ forte venam:  
Quam nisi reppererit palato*

*Gratis placendam; pol tamen, inquiet,  
Hic celsa celsis gesta poematis*

*Æquare*

*Æquare sumpsit, rege quondam  
Battorio, domitore Moschum.*

*NORIBERGÆ, Mense Septembri,  
Anno M D XXCI.*

*P. Melissus, Comes Palat. &  
Eq. civis Romanus.*

AD

PAULUM MELISSUM.

**E**X quo tempore tuæ mihi literæ red-  
ditæ sunt, cœpi mihi carior aliquan-  
to, quàm consueveram, esse: juncun-  
do enim falsus errore, non ex animi mei  
conscientia, quæ longe à tuo judicio abest,  
sed ex tuis literis, atque elegantissimo tuo  
carmine, cœpi me agnoscere, & quasi is  
essem, quem tu me depingis, & ego vere  
esse velim, impensius amare. Nam illud  
præterea commodi accessit, ut in posterum  
non tua minus, quàm mea causa statue-  
rem mihi hoc tuum de me judicium tuen-  
dum. Tua, ne perperam videreris in eo-  
rum me numero collocasse, quos tu poeta  
summus, elegantia, & majestate tuorum  
carminum ornare: mea, ne quis hoc te a-  
mori dedisse potius, quàm judicio existi-  
maret; qua te excellere facile tua scripta  
indignant; quibus ita cum nitore, atque ele-  
gantia



per erit erga te eximia, id quod polliceor  
me tibi cumulate præstaturum, te etiam,  
atque etiam rogo. Vale. Datum Cracoviz  
è regia arce M D XXCI. Nonis Nou.

P. MELISSUS BRUTO S. D.

Q Uo minus hætenus elegantissimis  
literis tuis responderim, causa fuit  
& hyemis intemperies, & occupa-  
tionum mearum moles, cum tuis tamen  
minime comparanda. Horatianum antea  
laudasti; nunc, si Diis placet, Pindaricum  
præstiti. Mea si tibi probantur; hoc mer-  
cedis abs te postulare quasi jure videor,  
ut per occasionem Regi tuo, mi Brute, &  
pererudito & nunquam satis laudato heroi  
Camænas meas de meliore, ut poëta ait,  
nota commendes. Conabor aliquando cum  
Diis volentibus quidpiam, quo illum ad  
cælum vocem, carmine nimirum -- Non sa-  
ne illepedo nec invenuto: modò Appol-  
linem ipsum experior propitium. Vale,  
atque in Epistolis tuis ut multus creberque  
legar effice. Iterum vale. Datum

festinanter X. Kal. Jun.

Norimberga.





QUARTUS.  
EPODOS

505

**Q**UID? astra nonne vim ratam, secunda sive  
In hac infimi soli corpora (lava,  
Exercent; hominumque temperant  
Animos, qualitatesque privas  
Coelitus insillant?

Ne, Camœnis attributos ordine  
Fati perpetuo motus orbicos  
Genius testatur ipsemet virorum  
Natalibus claris celebrium,  
Donisque variis adeo prœditorum.

STROPHE II.

**N**emo sanè, nemo quisquam nec Latinos exstli-  
Inter poëtas, nec catos Pelasgos, (tit  
Cui vel œstro, vel furori  
Fuisse dios ambigas

Ignes, canendi causam, eapse re si quos  
Instinctus ille vivax  
Reddiderat generosiores,  
In eos nove denatorum animæ  
Migrasse creditæ, sed enim vegentes  
Sine fine perpetim durant spiritus,  
Boni bonis ingenerati.

ANTISTROPHE II.

**M**usici quòd si cluo ipse, te diserto interprete,  
Nec spernit à me se procul Thaleja;  
Candido imputandum Olori,  
Quem Sol, Venus, Cyllenius



*Noris BRUTE, & idem fateatur quisque bono-*

*Qui scripta lectitant tua: (rum,*

*Tun' censes animas sese insinuasſe Meliſſo*

*Horatii atque Pindari*

*Conſimili ritu? pol me ac te decipis errans.*

*Umbra, umbra, quam preſendi, fuit;*

*Atque ea non tota aut omnis, ſed particula um-*

*Parentis inter ſomnium. (bre*

*Posteritas quid dicet ad hoc, quòd tu arte magi-*

*Ex ape facis Lucam bovem? (ſtra*

## EJUSDEM

### AD

## JACOBUM MONAVIUM.

**R**ettuliſſe pro Attica drachma Atticũ talentum,  
Brutus inquit, Hadrianorum optimus virorum;  
Et meum unum carmen illud unicũque pluris  
Æſtimat, quam pondo plurima Atticũ talentũ  
Heus Monavi, Brutum oportere eſſe dico Regem.

## AD MELISSUM.

**E**Nimvero tu vere Meliſſus, à quo tam  
ſuaves, & concinnæ literæ, & car-  
mina tam bella, tam bella autem mo-  
do? imo tam grandia, luminum, ornamen-  
torum, ſententiarum plena. Sed heus tu,  
qui me ais, quaſi ex ape, Lucam bovem,  
Pindarum è Meliſſo; id tu ais, inquam, in  
me



solute inchoatum, itaque statuas, non te gratiæ, aut tempori, sed tuæ religioni daturum, ubi tanti regis

*vires, animumque, moresque*

*Aureos educis in astra.*

De meis epistolis, quòd tam honorifice sentias, est quod tibi maximas gratias agam; certe si idem doctorum hominum iudicium erit, & cumulate, & vere adeo à me laudatus discedes. Vale, & ad tuum in me amorem, constantiam adde, quæ quidem, in maximarum virtutum choro desiderari non potest. Datum ex Cracoviæ regia M D XXCII. X. Kal. Julias.

## AD THEODORUM ZVINGERUM.

**F**acit, Zuingere, tuorum meritorum in me recordatio, summus item, meus in te amor, non secus ut de meis rebus omnibus te faciendum certiorrem putem, ac si ea, quæ & mea, & propria sunt, ad te maxime pertinere intelligam. Neque vero ea una est modo mihi causa amoris, quòd ita sis meritis de me, ut simul vivere, & te non amare haud possim: sed quæ in tua summa virtute est posita: quæ etiam cum in eis conspicitur, quorum nulla sunt in nos merita, per se amabilis





caput. Ita eodem temporis momento, id quod divinæ animadversionis est illustre, futurum ad posteritatem documentum, & erecta probitas exemplo erit ad bene sperandum de eo, cujus præsidio innocentia invicta stat; & abjecta, ac prostrata nequitia ad deterrendos improbos à male agendo: quæ quò vita magis producitur, eo graviores luit, & prolixiores flagitiorum, & scelerum pœnas. Habes quæ nobis in itinere: cætera cognosce, quæ sunt in Daciam proficiscentem consecuta: quæ quidem sunt ut volumus: quamdiu sint in hoc statu futura, viderit is, cujus æterno consilio me, meaque omnia permisi. Excepti à principe, & liberaliter, & prolixè, neque solum, quod desponsum erat, persolutum, sed mea spes etiam, atque expectatio superata, cum esset summa. Nihil Forgatio in me, nihil principe humanius, liberalius, effusius. Regionis quanta amœnitas sit, ex iis, quæ subito licuit animadvertere, eo consilio, ut scribenti de Pannonicis rebus, aliquando usui essent, paucis referre non gravabor: cujus tamen & ubertas, & amœnitas tanta est, ut quanta sit, ne diserto quidem homini facile sit multis explicare. Tota fere Transylvania, montibus, tanquam claustris, munita, ne pateat facile barbarorum incursionibus, clauditur.

ditur. Nam interior, admirabili varietate, hinc collibus sensim se in latas planities demittentibus, hinc assurgentibus leni acclivitate, discriminatur, sed iisdem cultis, & unde fructus omnes leguntur, qui vitæ homini sint usui. Rerum omnium incredibilis ubertas, atque adeo, ut, id quod caput est, copiam bonitas æquet. Itaque & generosa vina, cum eorum magna vis sit, & annonæ tanta utilitas habetur, ut tantum hic tritici nummo aureo Ungarico pareretur, quantum istic, cum ego adesset, ægre quatuor: atque eo amplius. Nam quibusdam in locis, unico, tritici modium X. ubi proventus uberior laxiorem annonam reddit (cubulum populares vocant) emuntur. Nunc, cum creditur annonæ arctior esse, aurei nummi triente Claudio-poli venit: ubi nunc princeps forum agit, conventu provinciæ indicto: qua occasione, ob ingentem concursum hominum, qui undique confluunt, crescere semper annonæ consuevit. Jam vervecinæ carnis, & bubulæ pondo, cum triente, emitur Panonico nummulo, qui est Bacionis Germanici, ut vulgo loquuntur, sexta pars: integer vitulus, quinquaginta, cum est magna caritas, atque id Albæ, ubi est principis regia. Salubre, ac mite cælum, usque adeo, ut Itali, quorum est hic non  
exiguus

exiguus numerus, negent fructus, quibus per æstatem vescimur, meliores, suavioresve in Italia haberi. Ingenia, ut non ita, culta ad hanc vitæ elegantiam, quam ipsi mollitiam vocant, ita quæ humanitatis jura sancta habeant, & non patiantur ab exteris ulla officia desiderari, quibus constet, hominum vita. Nam quod minime elegantia studeant, plurimum augendo robori, ac viribus, id sibi honestissimum ducunt, militares homines, & quibus ea dedecori sint, quæ apud nos vitæ usum necessarium habere existimantur, mollia strata, culcitra, pulvilli, stragula vestis: quæ apud illos in deliciis habentur, nostri ita necessaria ducunt, ut si his careant, sibi etiam vita simul carendum putent. Summa hyeme, cum usus requirit, humi, & sub dio, atque adeo, cum omnia sunt strata nivibus, pluvio æque, & sereno cælo pernoctare; explere sitim aqua, cum non est vini facultas, cujus sunt tamen avidissimi, in expeditione præsertim; & quidem, ita obfirmato animo adversus omnia incommoda, atque ea alacritate, ut vulgo homines è scrobibus, in quibus sæpe aquæ pluviae solent restagnare, etiam cum cæno aliisque sordibus corruptæ sunt, id quod mihi nonnunquam licuit videre, non sine magnamea admiratione, libentissime hauriant. Nam si qui sunt, qui in Gallia, Ger-



dant. Nam æris, hydrargyri, aliorum metallorum omnium, & fossilis salis tanta copia, ut numerosæ familiæ dimidia parte, tuleri, in annum empto habeant satis. Idem candore, cum tritum est, & bonitate excellit, ut præ hoc, marinus sal, & factitius, quo in Italia utimur, sit contemnendus: urbes: præter paucas, Claudiopolim, Cibirium, Brassoviam, Varadinum, Debrezinum, non ita frequentia, aut magnitudine insignes; pagi, & crebri, & luculentissimi, præsertim qui à Germanis incoluntur. Laxæ ædes, & quæ sint ad usum simul, & ad elegantiam exstructæ perpaucae. Vulgo in casis habitant, ut videtur, minus structuris studentes, quòd, ob Turcas Daciæ, ex vicina Thracia, imminentes, verentur, ne non sibi, & posteris, sed, si quid durius accidat, hostium commodis, quibus utuntur infestissimis, prospicere videantur. Habes longam epistolam, Zuingere, sed eandem, quo me æquiore animo feras, minus mihi in scribendo moderantem, refertam insignibus indiciis amoris: provehor enim, illectus fructu nostræ consuetudinis, ut quæcunque occurrant, quæ suppeditent scribenti argumentum, arripiam, unde mihi detur occasio aliqua, per literas tecum colloquendi: quare nihil mihi accidere gratius, aut suavius potest. Datum Claudiopoli X. Kal. Febr. M D LXXIV. Kk2 JOH.





Equidem ita rivalem non fero, ut ne tibi quidem concedam, qui & quantiis sit haud minus noris, & cum eo ipso, quem & amas, & colis patria sis caritate devinctus. Verum, est, quod invideas magis. Abduxit me secum in Paschovianum, quo ita abditus latet, ut nemo in magna frequentia eo beatior. In villa amœnissima, omnia ad illius ingenium nitida, læta, plena suavitatis. Neque vero, ut ille noster, puræ aquæ rivuum, quo uno est cum paucis beatus futurus, sed flumina habet, atque ea quidem belle fluentia, & pisculenta, ut attento patrifamilias, atque industrio abunde domi suppeditet piscarium forum. Nam sylvæ tum ad cædendam materiam, tum ad venationem; neque illæ quidem paucorum jugerum, sed quot sint avido etiam satis. Segetis certa fides in latissimo, atque ubere fundo, & quod caput est, bene culto, ut cum alibi male agatur, sit semper, quod fundus expensum domino ferat. Hæc satis multa ad beatam vitam, à qua præsertim ambitio exulat, maledicta, jurgia, obtrectiones, odia, similtates, quibus regia laborat. Jam illa summa; cum patrefamilias bene consentiens matrona, neque illa, qualis Pernicis uxor Appuli, æstivis solibus tosta, sed quæ perficiat regia comitate, affabilitate sermonis,



corte alia, quæ inempta, & imparata, nescio quam voluptatem habent majorem. Dat apiarium mella, suppetit è mulctra, lactis beata copia, atque ex eo edulia suavissima, neque eadem sine saccaro, ne forte putes, urbanas hic delicias desiderari.

*Has inter epulas, ut juvat, pastas oves*

*Videre properantes domum,*

*Videre fessos vomerem inversum boves*

*Collo trahentis languido? --*

Nam illa non lubet commemorare, quæ quanta sint, ii modo noverunt, quos legitimo toro junctos.

*Amor iugo cogit ahenco, --*

parvorum liberorum cohortem, quorum, dulcissimi affatus, blandi susurri, mutila verba, balbutiente lingua errore amabili, oscula, complexus, cui non videantur omnium deliciis anteferendi? Sed quò ego instituti oblitus? Erunt cum his meis, aliæ ad te Duditii literæ, & ad V. ampliss. Bechesium, ad quem scribit de me uberrime: quem scio tamen, quæ illius in me liberalitas est, in me amando, & fovendo, non calcaribus magis, quàm freno indigere. Facit ille scilicet abundantia quadam in me amoris, ut me ex suis literis commendet, quem, commemorante, & prædicante me, egisse apud regem meam causam, acerrime audivit. Resinæ sunt arcto loco,



philosophi personam rebus tractandis, summo vir ingenio, & oratoris, scribendi facultate tueatur. In mea præfatione, ut nunc appellant, aliquid volui & ipse efficere: utrum sim affecutus, quod volui, vos videritis docti homines, quibus si qua ex parte satisfiat, videbor mihi, haud tanti quidem, quanti me vos facitis, amore magis, quam iudicio provecti, sed aliquid tamen esse. Habebis, una cum commentario, Bargæi libros de Venatione, poetæ summi, & alia illius carmina, non alieno argumento à præsentis rerum statu, inter armorum strepitum, & clangorem tubarum agenti. Venatio enim belli effigies, in qua multum esse regem, cum est illi otium ab armis, Xenophon Socraticus in Cyri persona jubet. Erit hoc exiguum monumentum magni mei in te amoris; si modo ejus viri carmina, exiguum munus possunt videri, quem ego & propter suavissimos mores, semper amavi plurimum, & propter excellentem doctrinam inter præcipua Italiæ lumina, atque ornamenta admiratus sum. Credo ad vos esse allata carmina Leonardi Uncii de Ungaricis rebus: cujus cum his meis, ut spero, ad vos literæ perferentur. Tibi illum virum bonum, & imprimis eruditum, de meliore nota commendo. Nam ubi etiam à literis disce-





bus ille apud Plautum, è repub. à vobis præclare gesta, non, ut ille, è fabula sumpto argumento: gratulari me vobis, id vestra virtute contigisse, quod erat de vestra virtute sperandum,

*ut salvi potiremur hostium*

*Victores: victis hostibus, legiones reveniunt domum,*

*Duello extincto maximo, atque internectis hostibus,*

*Qui multa Polono populo acerba objecerunt funera:*

Id vi, & virtute militum victum, atque expugnatum oppidum. Quod ego tamen, ea lege, ut inter tot res secundas, quibus diffluitis, haud vobis excidant nostri ordinis hominum, obscura nomina quidem, qui sumus in ejus loci ima parte, cujus vos verticem conscendistis, sed quæ minime, sint vobis contemnenda, ut sint, qui vobis rempub. bene gestam gratulentur. Enimvero ut mittam joculari, ni belli occupationes habeas, quò rejicias cessationis culpam, ne Demosthenes quidem, aut eo nobis ille major, te patronus, me accusante, tueatur. Scripsi ad te, cum adhuc Vilnæ esses, & quidem ita scripsi, ut cum meis literis esset, amoris mei erga te monumentum, libellus carminum Bargæi, & Duditii commentarius de cometa. Parvam rem, inquis:



Giulane, da te mihi horæ momentum, &, quando vix decedere, sine ingenti molestia de vetere tuo instituto potes bellissimus homo, paucis, inquam, me certiolem facias de omni rerum tuarum statu, & num eas ipsas literas Vilnæ acceperis: dedi enim uni è vestra familia, qui receperat, se bona cum fide redditurum, viro bono, & sedulo, ut mihi est visus. Dicerem qui meus rerum status esset, quæ haberem in manibus, tum ex his quæ absoluta, quæ inchoata haberem, si tibi, ut mihi scribere, ea percurrere legendo liceret. Unum hoc scio, nullum me agere feriatum diem: inter arma agere, oppugnare urbes, expugnare, classicum canere, versari in acie, dicere sententiam in regum consilio, bella indicare, fœdera ferire, sed alia, atque vos ratione: quæ tamen ita animum fatigat, ut sint mihi induciæ petendæ, ne oneri victus succumbam. V. Clarissimus Duditiŭs ira crebro ad me scribit, ut nunquam, cum scribit, non tui honorificam mentionem faciat: qui jam cum Cæsare transegit, præclare, ut nobis affirmat, atque, ut in illo Uratislaviensi secessu liceat cum dignitate otium, & cum otio dignitatem tueri. Amplissimo viro Bechesio me de nota meliore commenda: cui si ita sim carus, ut esse velim, debeo certe, si ex voluntate, quantum



me esse neminem. Accedit vir optimus, atque ornatissimus F. Copacius: qui ita has meas ad te literas affert, ut minime mihi necessarium hoc munus scribendi faciat: ejus enim proluxa in me voluntas, singularis amor, cum eum subsequatur facultas, & copia dicendi par, de scribendo toto vitæ meæ statu, magni voluminis mihi instar est futurus: tibi item fore haud despero. Vidi quàm non fit sui juris, qui amet. Ante erat consilium paucis agere; nunc & pœnitet consilii, & inconstantia pudet: ita mihi garrire suave, quicquid sit, qua de re ego garriam tecum. Dicerem quàm mihi jucundum hoc Cracoviense otium esset, quàm non invidiam vobis, beatissimis hominibus, aulae istum splendorem, salutationes regum, potentium deductiones in regiam; sed non faciam, ut sim multus, id quod mihi facere necesse esset, si de his ad te plura, & volens omittam ea scribere, quæ vos cogant, mihi hunc meum secessum invidere; in quo mihi omnia, quæ istuc vos fertis in cœlum, susque deque; ut nisi me humanitas moveat, soluto animo sim, etiamsi nostri ad internecionem pugnent: quod, mehercule, & regis causa, & nostrorum fero iniquo animo. Hic certe multus sermo, atque, ut tamen omnium studia in alterum incumbant. Quæ hujus  
rei





hoc vero?) licet me pessime oderis, quod Deus omen vertat in vicinum potius Scytham, ut te feram in oculis, hominem omnium, quos unquam noverim, amabilissimum. Et miraris me ea scribere ad Duditium de te, quibus nihil desit ad iummam laudem? quin tu potius impetras à tua modestia, ut, per eam tibi liceat, mecum tuas laudes recognoscere? Nihil ages scio: ita illa, te arcte complectitur, ut sit passura potius, me videri peierare, dum, me rejicis laudantem te (non fers certe) quam meæ constantiae, in suscepta de te, sententia, à me rationem haberi. Quod ego tamen nunquam faciam ut committam. Sed ego hæc joco: quid enim mihi perspectum, aut testatum magis, quam tua erga me benevolentia? quot tu vero mihi, & quam illustria signa dedisti summi tui in me amoris? quorum ni ipse memor sim, eadem opera, mihi crede, possum oblivisci mei. Prope diem à Duditio exspecto, multis partibus auctam epistolam, de profligata vanitate genethliacorum: quam ego, etiamsi futurum sit, ut tantus vir nuncium mihi remittat, non sum facturum, ut diutius, quam par sit, vos illius studiosi homines, quæ tam bella, docta, elegans sit, desideretis. Licet moram interea spe confoles: superabit tuam expectationem, atque adeo, etiamsi nihil potest esse tam insigne, ad-



## AD EUNDEM.

**F**essus longa epistola ad Cherestratum exaranda, paucis tecum, Giulane, agam: ita cupidus, tecum hoc genere officii certandi, ut ne tum quidem mihi videar multus esse, ubi non te epistola, sed volumine lacessam. Facit vero tuus in me amor, multis mihi meis in rebus perspectus, ut pluribus mihi haud necesse sit: scio enim, quæ mea causa agenda apud regem recepisti, tibi ita memoriæ hære, ut non secus sim de his securo animo, ac si coram ipse, cujus res agitur, adessem. Datur vero ex Augusti literis bellissima occasio urgendi de literis regiis: quæ mihi ad usum scribendi, & ad operis commendationem quantopere profutura sint, ex iis, quæ coram hic tecum egi, non ignoras. Didicisti tu quidem jam non officiosus solum mecum esse, sed in obeundo officio etiam felix, si id modo disci potest. Quod quidem si esset, tibi haud inviderem hanc tantam tuam felicitatem, non passurus, me superiorem quenquam in amoris contentione. Ergo erutos ex sapientiæ adytis thesauros eloquentiæ omnes, tum gratias illas, quarum sacrarium pectore inclusum non pateris quemquam, sine spe certa li-



nim spectatur in faciendo benigne, quæ  
 nunquam vere voluntas est, nisi cum est  
 alacris, & sua sponte agit: ut neque serva-  
 ta patria ei videatur laudi danda, qui glo-  
 riæ causa in acie cadit, non ut suis saluti  
 fit: qui tamen vitæ speciosus finis creditur,  
 & imprimis viris fortibus expetendus. Quid  
 ego vero tibi commendem mea, quæ, ut  
 tua essent, tuendo ea testimonio luculen-  
 to, & prædicatione efferendo, effecisti? Vi-  
 dendum tibi olim erat, quò me laudando  
 progredieris: quando eò progressus es,  
 ut receptus tibi inde haud facilis sit, quod  
 prolixè, & amanter fecisti, ut me tuo a-  
 more complectereris, danda opera est, ut  
 non temere, sed iudicio, & volens, ac pru-  
 dens fecisse videare. In uno patere orari  
 te, vel exorari potius, ut crebrius aliquan-  
 to, quàm soles, ad me scribas, atque adeo,  
 etiamsi multis Ungarorum agminibus cir-  
 cumfusus, neges tibi esse liberam respira-  
 tionem à privatis, & publicis curis. Si  
 enim amas, vincam te posse, in acie etiam,  
 non in castris, atque in regia solum (emi-  
 net enim inter ardua, & difficillima amor)  
 crebritate literarum cum eo, quem ames  
 certare, sin minus: unde igitur tot tua in  
 me officia, & merita? Quorum causam nî  
 tuo amori adscribas, eum me facis, quem  
 me esse minime agnosco; ut essem optavi





minime ipse vacuus, quod te minime fugit. Jam quæ scripsi hibernis mensibus, sunt ad Themessuariensem usq; deditionem ita descripta accurate, ut legi, & facile, & commode possint, ubi a librarii erratis erunt perpurgata, quæ, ut solet, nonnulla occurrunt, in interpunctionibus præsertim, quæ legentem morantur, & perturbant sensum eorum, quæ leguntur. Per totum Augustum mensē Deo bene juvante, curabo ad vos perferenda, non plane illa quidem absoluta, sed sic emendata tamen, ut dubitandum non sit, quin mea regi industria, & diligentia probetur. Quo minus ad vos mittantur, bellicæ vestræ occupationes efficiunt, per quas vobis non licet his nunc legendis operam dare, qui id unum nunc agitis, ut sint, quæ a vobis gesta alii legant. Quæ ipsa, faxit Deus, hujusmodi sint, ut cum vestra summa laude legantur. Id quod lubet sperare, ni vestra nos virtus fallit, & regis fortissimi, cujus auspiciis gravissimum estis gesturi bellum. Te obsecro, ne inter publicas curas, obrui patiare unam illam de literis a rege impetrandis ad principes Ungaricæ nobilitatis, ad Forcatium præsertim: quem scio sua sponte, mihi affuturum scribendis iis, in quibus de summa illius re, hoc est, de domestica laude, & gloria agitur.



## AD EUNDEM.

**S**I vales reversus è bello, id quod & opto, & spero, utrumque tibi gratulor, & rempubl. adversus hostem bene gestam, & incolumem ad nos reditum, sollicitos de tua salute imprimis : neque vero tu miles in acie strenuus minus, quàm in scholis philosophus acer ; ut nobis causa sit timendi : diversa enim ratio. In scholis syllogismis, inductionibus, & si quando calent animi, vehementius convitiis, & maledictis, in acie gladiis, telis, tormentis pugnatur. Gratulatus sum regi, sed tanquam aliud agens & paucis, quod ei erat agendum, qui ad regem scriberet, & ad eum quidem regem, cujus judicium gravissimum non fert parum opportunum interpellatorem. Belle autem cadit. Minime enim ego, meo ingenio, assentator ; qui etiam cum justissimæ sint laudes, ne videar gratiæ dari, quod meritis est dandum, quo nihil putidius est, soleo esse parvus laudator. Quid enim iis facias, qui reges maximos, fortissimos, invictissimos inflatis buccis edunt, qui ne limine quidem regiæ pedes extulerunt ? Ut enim assentiar Nipho philosopho summo, qui ita aulicum definit, ut assentatorem no-



sperarem, ut & celeriter æque, & eleganter opus perficeretur; ut licuit, à meis scriptum extorſi. Erit tuæ humanitatis, quando de mea in te voluntate haut dubitare potes, ſi minus, quantum volui tua cauſa egerim, culpa me liberare, quæ tota temporis eſt, quo uſus ſum, in ſatis prolixo opere, anguſto. Eraſiſtratum hodie typographo tradidi, qui ante noſtram in aulam profectionem abſolvat. Nam epistolæ ita ſunt deſcriptæ, ut multis in locis, propter crebras lituras, neceſſe fuerit librarios labi. Eſt hoc vero mihi fatale, ut tum minus mihi placeam in officio perſurgendo, cum, ut placeam aliis, à me maximè laboratum eſt. Deeſt tamen ſcriptis ita elegantia, quam quærimus pingendis literis, ut non fatigent legentem. Id ſi eſt ſatis, nobis tui ſtudioſiſſimis, mi Giulane, æquior eris; quò id facilius agas, nonnulla in te culpa rejeſta: qui cum ſis pater omnium elegantiarum, ſpem adimis amicis, quicquam, quod, pro cætera tua elegantia, dignum te ſit, tua cauſa agendi. Petruſcus adhuc mihi durior filice, etiam ſi verbis moliſſimus, quæ tota non ab aula magis habet, quàm ab ingenio. Com-mendo tibi faſciculum literarum ad N. non ſolum mihi olim, ſed vobis etiam, quibus minus debuit, parum blandum.

**AD**



## AD EUNDEM.

**P**ostulat eximius meus in te amor, ut cum quid ad te literarum exarandum sit, hominem suavissimum, atque amicorum summum, ita sim multus in scribendo, ut sum prolixus in amando: rursus occupationes, & graves & multæ, quæ me angunt, non patiuntur, vel latum unguem, mentem, oculos, manum me subducere a prælo: quod quidem ita me opprimit, ut cum me illi dedam totum, vix videar, quantum exigit, opere persolvere. Sed ne sim multus accusanda brevitatem, accipe quæ occasio me tam occupatum impellat ad scribendum. Venit huc superioribus diebus D. Ridolphinus à rege Varadinum missus oppidi muniendi causa. Huic rex literas dederat ad M. Aquillium Mugilem, delitias tuas, measque adeo, qui quidem etiamsi minimus esset, regis causa, non solum mihi esset magnus, sed etiam maximus. Imperabat rex, ut Ridolphino properanti daret itineris ducem Varadinum usque. Quod cum minus strenue exsequeretur, impeditus adversa valetudine; post XI. dierum moram, quo ille tempore poterat Varadini esse: de eo ad me venit, Italus, quo illum naturæ vis adducebat.

erat, ad Italum expostulatum, enixe pre-  
 us, quod ille minus latine sciret,  
 procuratorem monerem, rogaremque, ut  
 iam jam appeteret autumnus, non pate-  
 ur, per tam diuturnam moram, efflue-  
 tempus maxime idoneum ad agendum:  
 simul de duce itineris sibi prospiceret,  
 jus plane imperitus esset. Hæc cum illi  
 rassem significanda: rejecit hominem ad  
 ristophorum Tornajum, cui dicebat se  
 tota hac re negotium dedisse. Is à no-  
 conventus, eum jussit bono animo es-  
 paratum itineris ducem qui una iret:  
 se statim si videretur equum conscende-

Eum cum minus Ridolphinus proba-  
 , quod lingua uteretur minime sibi co-  
 ita, per me est questus negligi regis  
 data, multaque alia, quæ ejus negotii  
 io postulabat. Intererat his nescio quis  
 amilia M. Aquillii, homo nec latinæ lin-  
 æ peritus, nec suæ, qui illi depravata, ac  
 torta in alium sensum hæc detulit, atque  
 o dixissem. Inde homo mihi iratus, cum  
 is contumeliose Italicam suam appella-  
 , & adderet minitabundus, de hac tan-  
 sibi illata injuria ad regem scripturum,  
 i chartam afferri atque atramentum jus-  
 , minime ille quidem, pro gravis homi-  
 s modestia, & commotior quàm eam per-  
 nam deceret, quæ illi à tanto rege im-  
 posita

posita est. Atque hæcenus ille. Equidem re audita, statui hominem mihi delinendum, amicis ad eum allegatis, qui rogarent, ne temere famulo fidem haberet, qui præsertim linguam, qua ego eram usus, non calleret. Semper me eo loco habiturum illum, quo rex illum dignum iudicaret, cujus auctoritatem, pro eo, atque æquum esset primam omnium, atque antiquissimam haberem: vellet de me omnia sibi spondere, quæ mea fides, & summa in regem observantia postularet, cujus ille multa documenta haberet, per tot annos, quot ego in regia egissem. Quid multa? visus est remittere de iracundia, & placati animi nonnulla signa dare. Quæ quamquam ita sint; si quid ille tamen ad regem; volui habere paratam, apud æquum iudicem, patronum: cujus etiamsi tanta gravitas sit; ut sim omni cura soluto animo; dandam mihi nihilo minus operam censeo, ut non maximas solum, sed minimas quasque etiam offensiones vitæ. Nam quod me suam appellarit, nihil est cur tam fædo omine mihi plus æquo timeam: præsto enim est in regia Circe, quæ a suo Ulyssæ exorata me restituat pristinae formæ, quem ipsum tamen mirum est sumere hoc tempore pharmacum, sed a Pipano, non a Circe filia solis. sed ut mittam joculari: quod ita me

inclementer appellarit, risi potius  
 in stomachatus sum, non secus ac si quis  
 Æthiopem vocaret, aut claudum, & cru-  
 is distortis, qui ipse totus ater, & de-  
 vato corpore esset. Certe ita in regia  
 o, hoc est in omnium oculis, ut cum  
 i sit locus ornamento, non sim ipse de-  
 ori loco. Hæc te obsecro per tuum  
 ne amorem, atque in te meum, apud  
 habeas arcano: nisi quid ille fortè, quod  
 en non credo. Esto vero mihi hæc  
 sta lex, ut nihil Brutus ad Giulanum,  
 ad non is ad Veselinum: quem præci-  
 um patronum ita colo, atque observo,  
 illius in me merita requirunt. Mitto  
 te prima excusa folia de præceptis con-  
 alibus, sed illa ipsa quidem ad te unum  
 hoc me legibus solvi volo) ut scias rem  
 , & a me non cessari. Spero ante ve-  
 mCracoviam adventum,opus totum epi-  
 arum absolutum iri: interim te majorem  
 nodum precatus, ne mea ita imperfecta  
 endas; uni minime omnium, quem mihi  
 pridem iniquum ejuravi. Vale. Datum  
 covia XVI. Kal. Septemb. Clō. Io. XIIXC.

## AD EUNDEM.

Qua mea culpa tamdiu jacent tuæ  
 literæ, & tam alto silentio? non  
 enim credo me temere abs te plecti,  
 tam

tam bello homine, atque officii amante. Nulla, inquis, culpa tua, sed fortunæ insigni injuria. Audio. Ad occupationes confugis, quæ durissimæ sint, ni à se extorqueri horæ momentum patiantur, quo me doceas pluribus scribere tibi per eas non licere: probari meum in vos studium: legisse regem commentarium: laudasse. Cur ego vero hoc desperem, te præsentem, prædicatorem earum laudum? Fac non regi, non tibi, non Veselino placuisse, cujus res est: cur pateris me ignorare, & simul vis videri me amare? resarciam enim si qua in re est offensum: sed hoc quidem qui efficiam nisi resciscam prius? Quid? abest ille in Transylvaniam? vix credo istinc posse hoc tempore. Scripsisti per Hultajum, sed ut de iis literis esset mirum silentium, quas ego ad te per lectissimam fœminam N. Acceperunt ad eas aliæ, una cum libello Veselino inscripto, per Danielelem, Buccellæ doctoris necessarium VI. Non. Septemb. datæ. Taces tamen, cum quotidie istinc quingenti è vestris, quibus tuto des tuas literas, & taces adeo, cum dubitare non possis, quin desiderio tuarum literarum flagrem: suspensio certe animo sim, & horream totus, quoad sciam, qui mei muneris exitus sit, quod tantopere laudabas vix inchoatum; tum quod de eo sit tuum,

quod

iod Veselini iudicium, quod regis. Et vero non sum adeo blandus mihi assentor ; vix credo tamen potuisse fieri, quin aximis etiam reipub. curis rex occupatus legerit : nondum me tibi totum aperis : ulterius provehor spe, plus mihi aures polliceri. Et legisse regem puto, & obasse : te filere, quod publicæ occupaciones, sive ille per Dacos, sive per Sarmatas, & vicinos Quados, & Marcomannos, eripiant tibi. Scribe tamen : aut si mares, patere, te durum, & ferreum vocari, i mei oblivisci possis. A quo, inquis ? n à me quidem, qui te sero in oculis ; lab iis, qui cum sciant te amari à me irrimum, illud haud minus norunt, quàm rpe sit, non respondere in amore. Vivere vero quàm te amem. Velim aliquid in admisisse, quò levius tuum in me pecum sit. Quod quando à me impetrare ud potes, aut desine amare, & me doas tamen qui id ferri à me possit : aut si rgis, ostende id abs te agi, hoc amicit : munere fungendo : quod pati abs te itius requiri, non Giulani est, hoc est inium hominum suavissimi, sed Scythæ iusdam nati, atque educati, quà horret rpetuo hiems æternis Riphæorum mont m nivibus. Assuescas, si hoc lubet, idelis vocari, ferus, immitis, ac nobis

Mm

tuis





nimos hominum, & corda nostri furari. crite, aut expecta tonitrua, fulgetra, & almina adeo. Vale. Datum è Cracoviensi re Kal. Octob.

## AD MATTHÆUM PISCOREVIUM.

**Q**uidvis potius credas, Piscorevi, à me fieri posse, quam ut tui obliviscar, quicquid me de cessatione appelles: eadem enim tu opera, & de iudicio plurimum detraxeris, qui me deo officii immemorem, statueris dignum amore; & mihi insignem injuriam feres, minime merito. Quid vero causæ sit, cur non tu de me solum, sed omnes etiam pessime sentiant, si intelligant, in agitis non me magis mea causa, quam tua commoveri? tua enim, se ulla est modo, levis actura: ego si immemor tui sim, non tui oblitus videar, sed mei. Nam ad cæteras causas, ut mihi sunt cum aliis communes, amandissimi, virtus, eruditio, literæ, iis me tibi quasi inculis officii devinxisti, ut avelli à me vitæ itius, quam memoria tui possit. Recte tu ero me tui esse immemorem, atque exulte adeo hominis ingenium putes, ubi, e oblato quidem mihi argumento, ad te scribam. Neque autem nunc mihi illud

Mm 2

argu-



aut confirmanda rejecisse, nonnullis exceptis, quibus certam diem præscripsit. Quam moram diuturniorem quam domesticæ meæ angustiae ferant, viderint mihi, quam facile possint pati, qui habent unde sumant, aut loculos domi, aut foris opima vectigalia, quo minus sint regi molesti. Ego ubi discedo à beatis illis salinis, quò me vertam non habeo. Dura certe nos hic conditio manet: quibus nisi occurritis, brevi ad vos video confugiendum. Vos date modo operam, quod potestis, ne nobis hoc agere necesse sit. De statu rerum mearum si placet cognoscere: in otio negotium summum. Scribo, commentor, lego nonnunquam: memini quem ego habeam Aristarchum, nempe unum te: quàm acri judicio, quàm delicatis auribus? & danda mihi opera, ut tanti isti patroni non erubescant, si quando suscipiant meam causam apud regem agendam. Hic dissipati rumores, sed; ut verear ne vere rumores, de sacerdotio amplissimo vobis mandato. Crediderunt cuncti, in his ego, facta conjectura de moribus, vitæ integritate, meritis in republicam, literis, rerum usu: adde ad hæc amorem, qui cogit, quod quis velit, credere, ubi nulla etiam spes assequendi sit. Nam si viri sacerdotiis, non sacerdo-



on beati, qui non tamen sint. continuo  
miseri? At aliud etiam colligis, quod  
ui tibi putas concedi posse? miseros,  
ad quos consolationes mittantur, hinc te  
miserum, qui habes à me beato homine.  
ergo eadem ratione, & beatus Barsanga,  
ui nunc jacet luxatus, à quo ego conso-  
lationes accepi, & ego miser, cui is dedit.  
radio: tibi est beatus, ex quorundam  
licitis, definitus, qui agnoscunt sapien-  
tem nescio quem, etiam in equuleo bea-  
tum. At non tu quidem satis in tuis lite-  
ris, te explicas, qui otium spectes, soli-  
tudinem, hortos: ut videaris beatum cir-  
cumscribere, non ex Zenonis, sed ex  
picuri finibus, à quo longissime abes.  
ergo, quod me velis beatum esse, est cur  
tibi gratias agam: quod esse contendas;  
et tibi hoc totum remitto, ut in eo ipso  
omen amorem illum singularem tuum,  
nem, cum me unum delegeris, qui cum  
me belle possis jocari. Quod idem mihi  
ingumento est, te non longe ab illa beata-  
tate abesse, cujus ais te desiderio angere:  
quantus enim vir, qui in aula, & jocari,  
ridere possit? Usque eò vero diffuis tu  
oluptate, ut habeas, quo me etiam asper-  
as. Sed jam serio. Ego & otio fruor, &  
non beatus, ita non miser; qui quo  
modo fruar novi, morsus & aculei cura-





AD EUNDEM.

Am putabam me scribendi officio perfunctum, cum Stephanus ad me, aliis cum tuis literis: quibus, ut nullus pelles melius, totam Dantiscanorum sciam. Cave putes sive argumentum spectare, sive *ἐκ γυναικὸς* velim, quæ tota in vi, proprietate verborum est, quicquam posse à me majore cum voluptate legi. Neque vero expectes, ut persequar singula, quod hujus otii non est, cujus ego sum mihi ipse acerbus, atque importunus extor (id enim est mihi agendum, ne sint tui minus mihi æqui sua sponte, quàm elim) unum sic habeto: mihi visas tuas literas hujusmodi, ut neque præclarius, neque luculentius quicquam in hoc genere excogitari posse existimem. Quid tibi mihi de istorum contumacia multa? Neve à volentibus expressa, sive ab invictis; pax est tamen, qua nihil habent dulcius, suavius, amabilius homines in terra. Nihil verò est, quod victam regis facilitatem, atque indulgentiam queras: victoria est sæpe honestissima, vincendi: & inclementiæ, & contumaciæ conventionem, aut definit esse clementia, aut efficit ab ipsa se, quæ non se vinci quan-

Mm ;

doque

doque patiatur. Jam philosophum habes. Ego vero & regi gratulor hoc nomine plurimum, & regno simul; quod cum facio, mihi gratulari pariter, & tibi videor, qui pacis arma gerimus, assueti stylo, non gladio, aut pyxide pugnare, Vale, & me ama.

## AD EUNDEM.

**E**Runt quidem breves meæ ad te literæ, sed erunt eadem crebræ, & quo æquiore animo feras, cum munere. Qua in re tamen susceptæ à me præpostere partes. Mitto enim philosophicas consolationes, qui omnium unus maxime consolatione indigeo, & quidem ad te diffluentem bonis omnibus, vigentem ætatis robore, florentem gratia, aliis refertum bonis, quæ non solum moderato homini, sed iis etiam, quibus nihil satis in terris est, possunt satis multa videri. Nam ne una tibi quidem infesta Nemesis timenda; quam vincis animi moderatione. Qui vero in rebus tuis processus, cujus sunt adeo præclara initia? Sed jam non erunt meæ literæ breves: & si id, ne crebræ quidem. Misi ad N. librorum indicem, qui proximis nundinis sunt Franc-

for-

diam adveñti : cum sperarem me aliud  
te exemplar habere ; sed me elufit mea  
es. Itaque licebit uno pluribus uti : im-  
mis danda opera , ut vir ampliffimus  
cellarius legat, quod vix illi tamen pu-  
per publicas occupationes licere : ut fi  
id, per te certior fiam. Cras hic nu-  
iæ, apparatu regio , quæ mihi fufque  
que, hoc eft, non fecus ac fi Mariæbur-

Habito in arce , luculenta domo , cir-  
mfuius libellis totus ; ut nihil fit , quod  
interpellet , præter unius defiderium  
, quod vix fero. Sed ego non folum  
n non brevis, fed garrulus. Scribe : fed  
, ut haud numeres paginas in fcriben-  
: quot enim tibi tuæ literæ occupent,  
as ego nunc breves ? Vale , & me tuo il-  
amore faviffimo ama. Ampliffimum  
um cancellarium, quando ipfe prome-  
i nulla alia ratione poffum, tua mihi  
atia , atque autoritate præfta : Datum  
arce Cracoviensi XII. Kal. Decembr. CIO.  
LXXVII.

## AD EUNDEM.

**N**Unquam me ita patiar occupationi-  
bus ullis diftineri, ut cum fit ad te  
fcribendum, modo id liceat per te,  
n in iis ipsis fummis meis occupationi-  
bus



## ALBERTUS SUETICIUS

JOH. MICHAELI BRUTO S.

**S**erione, mi optime, atque præstantissime Brute, mecum te agere putem, qui cum meam quandam ad M. Pisonem nostrum epistolam legisses; & genus scriptorum meorum non vehementer improbasti; & te cupere a nobis diligere significasti; cum mihi amantissimis verbis, curam salutem nunciari jussisses. Mihi Brute, ut amarer abs te, semper equidem placebat; ut vero laudarer, sperare non desinam. Itaque illa legens, exilii gaudio, humanitatem vero tuam admiratus, etiam cogitatione te absentem dissuaviatus sum. Nam enim fama clarissimi tui nominis, amplior jam esset, quam ut vel Italiae tuius finibus contineri; vel ignorari à nobis iam posset: ardebam incredibili studio, & viderem te, & cognoscerem, & officiis meis amplecterer. Sed tu partes officii mei, virtuti tuæ debitas, à me dilatare verius, quàm omittas, sumpsisti tibi: neque satis habuisti, ut me tam amanter salutares, nisi etiam ornares immerentem, testimonio gravissimi iudicii tui. Quare, mi Brute, cum ingenio præstes, doctrina abundes, sapientia ita excellas, ut major esse





industria, aliis tu me ornes si potes, in hoc ipso, in quo tu nonnihil posse meis, patere amabo iudicium meum à tua opinione dissentire. Quanquam & illud non tam laudandi mei causa, quam adhortandi, dictum abs te intelligo: ut ne tum scilicet unguem, à stylo, & moriar si ita faciam, ut cum in altero tibi tantopere repugnem, in altero saltem lubensorem geram. Tu, mi optatissime Bruto, quando & incepisti, & sentis me hoc nomine tibi plurimum velle debere; persevera me amare, & fac sis planè meus. complectere comitate atque benevolentia, si minus iis quibus tu velles rebus oratum; at certè cupidissimum tui, atque carissimum hominum. Ego vero tibi committo, & spondeo, cum tu habeas ultos, qui te merito tuo, unum faciunt viginti plurimi: me horum, & præstando tunc cultu, atque observantia, & constanti te fide, studio, benevolentia nemini se cessurum. Sed est ne quid amplius? Non est. Ecquid te hac æstate Rex in provinciam abducturus secum est; fac placeat ut sciam. Cupio enim videre te; cupio complecti, antequam istuc discedas. Tu, nisi grave erit, scribe interdum ad me. Interea deprome aliquid ex myroeciis tuis, & mihi mitte: in quo te totum



## QUINTUS.

561

tuæ mihi sunt literæ redditæ, quibus nihil uberius, aut luculentius excogitari potest. Quod quando accidit, obsecro te, per quicquid homini sanctum in ter-  
ris est, quod belli homines solent, & si-  
niles tui, patiare me tantisper in tuo ære  
esse, quod Cracoviam reverso, liceat ma-  
iore cum otio, & solutiorè à curis animo  
tuis literis respondere. Interea, quod  
possum, tanquam arrham, parvam hanc  
chedam mitto, quam vix licuit extortam  
his angustiis temporis exarare: qua ut sis  
contentus, deprecatus majorem in mo-  
dum ingrati animi crimen, te etiam, at-  
que etiam oro. Vale, & me jam insigni  
tuo merito tibi addictum deinceps amare  
perge.

## AD CHRISTOPHORUM VARSEVICIUM.

**L**iteras tuas, una cum dialogo, vir  
amplissimus Podolskius mihi reddenda  
curavit: quibus quidem &  
agnovi amorem in me tuum, & amavi, ut  
debui plurimum, à summa tua humanita-  
te, quæ tibi una causa est amandi, atque  
non estandi mei, nullo meo erga te meri-  
to profectum. Dialogum legi, ut licuit,  
Nn curis



arma iis sit vita defungendum ; quom nemo, si detur optio, non malit vere, ut canis immundus, vel amica lusus : quibus idem finis vitæ est propositus, qui bestias manet, immerfis libidinum, & voluptatum cæno. Ergo vos nati bellatores inclyti, magni heroes, quibus virtus recludit cælum immeritis auri : nos usque eò philosophi, quousque non cogamur vitam odisse, non tamen, ut modo *- fuges consumere nati*

*Sponsi Penelopæ, nebulones, Alcinoique,*

*In cute curanda plus æquo operata juvenis :*  
id, ut sit, qui ex rebus à vobis cuminde gestis quid sit pulchrum, quid utile, quid non plenius, ac melius Chrysippo, & rantore dicat. Sed ad Dialogum redeo ; quem quidem si in otio, & solitudine, re totus ab arbitris scripisses, erat cur tantum vim ingenii, atque eloquentiæ admirarer : quid cum scripisti circumfusus armis, in castris, in urbium expugnationibus, in præliis, unde exulat otiosæ sapientiæ nomen ? Ergo & Dialogum legentibus fructum mirificum, & tibi, cui eum tribere venit in mentem, partum nomen, gloriam, justum virtutis præmium gratulor ; mæque ut pergas amare, ut cœpi te vehementer rogo. Vale, æque & acis artibus clarus & militiæ gloria, id









nunquam futurum putem. Hanc tu scilicet laudem quæris, quæ quidem paucorum est, spem omnem ut tollas grati animi declarandi ei, in quo beneficium collocaris. Itaque si id modo fieri potest, locum expostulandi in beneficio relinquis. Habet enim non solum qui beneficium facit, sed qui accipit etiam, suam laudem, quam ei praripere videtur, qui non concedit. Nam, ut est magni animi, bene velle de nemine, cum spe gratiæ, mereri, ita, videri velle in eum gratum, qui hoc animo sit, est moderati, & prudentis. Is autem est maxime dignus, cui gratia habeatur, qui cum magnam sit promeritus, ibi tamen nolit ab eo, qui debeat, haberi. At tu quidem, ut minus videar in te nimio grato esse, fortasse efficies (video enim tibi gerendum esse morem) ego ita sim facile præstabo. Qua in re si minus fructu mei officii, aliorum judicio iuar, at equidem fruar meo: qui idem, esse uberius, quo est certior, & fallere minus potest, videtur. Sed heus tu jam enim est ad alteram epistolæ tuæ partem veniendum) ita de fortuna tua queris, ut subinvidere videaris meæ: adeo nultus es in eo otio laudando, & vitæ ratione, quam sequor. Quæ mea tamen fortuna hujusmodi est, ut una in re modo



gum fide? quid porro abortivum magis, quim nummus, cujus adeo multi avidi sunt, ut in clarissimis Italiæ, Galliæ, Germaniæ conventibus, prudentes, & volentes faciant abortum? Sed hoc joco, illud serio. Equidem & ipse malim, agrum colere, si data optio sit: quid enim hoc vitæ genere beatius? sed hoc quidem est cum robusti & valentis, tum qui paterna rura bobus exerceat suis. At quid faciat Ligur, qui agri glebam, non habet, quam colat? an, quod ea quondam loca incolentes homines asperi, duri & assueti malo, speculas, & montes insidendo, latrocinii vitam, in latibulis, ferarum more, tueatur? Dii meliora, inquis. Quid igitur? utrum, quod postea hujus nepotes fecerunt, jam mitescens ingeniis, humanissimi homines & magnæ industriæ, rem maritimam colat, quantum faciat navigando, commercii causâ ad exteras nationes adeat, quibus in rebus minus iis liberalis aut, fortuna, aut natura fuit, cura, sedulitate, solertia, studio occurrat? optime hoc quidem. Quid, cum aut militi conducendo, aut muniendis urbibus, aut classi reficiendæ, trans mare, curare pecuniam rempublicam oportet? Quid si longe præstat, ab eo, qui in Syria, aut in Ægypto





litates, & commoda, quam eos, qui negotiationi, & mercaturæ student, appor-  
tet. Commertium enim una maxime  
necessaria res societati hominum tuendæ,  
horum imprimis stat auctoritate, & fide.  
Ita qui ultimas terras, ad orientem solem,  
atque ad occidentem incolunt, inter se  
ea communicando, quorum aut, propter  
ubertatem feracitatemque soli, aut, pro-  
pter innatam incolis industriam, copiam  
facultatemque habent; perficiunt sua se-  
dulitate, nihil ut sit, quo homines vi-  
vendo egeant, quin illis continuo, ubi  
usus postulat, præsto sit. Cujus rei laus  
omnis, unis maxime mercatoribus debe-  
tur. Per eos enim tanquàm gentium  
omnia, & nationem interpretes, quæ  
Indis vilia sunt, Britanni non solum non  
desiderant, toto à nobis divisi orbe, sed  
habent etiam copiose: cum ab iis ad ulti-  
mas orientis oras pretiosissimæ merces,  
quæ illis usui sint, exportentur. Eadem  
ratio omnium gentium est. Sed non in  
eo modò mercatoris industria prodest  
communi vitæ, alia sunt etiam majora,  
quæ summo jure, atque omnium consen-  
su sibi sumit. Mores enim, rationes, at-  
que instituta vitæ, quæque ad officium,  
ad fidem, ad religionem, ad hospitali-  
tatem & ad omnem humanitatem  
per-



lertiam exiguitas agrorum, ac soli sterilitas exigebat, eò magnitudinis pervenerunt, ut coacti sint, multitudinis levandæ causa, colonias ad vicinas gentes mittere; quibus cum maxime Ionia crevisset, adversus suos conditores, pro hostium victoria bellum gessit. Ex hac una civitate omnes liberales artes, leges, jura gentium manasse ad exterarum nationes dicuntur; sed ita quidem, ut per vestri ordinis homines, frui illis tanto bono licuerit. Cum enim mari exposita urbs commercio gentium omnium pateret; fiebat, ut cives communitate quasi quadam legum, & morum, commiscendo cum externis animos, ita ab iis, quæ suis ad vivendum essent, necessaria acciperent, ut rationem illis colendæ humanitatis, cujus expertes essent, tum cetera vitæ instituta præclara, quibus ad honestatem, atque ad politiores vitæ elegantiam instituerentur, captis hac quasi illecebra virtutis, & delinitis præberent. Ita magna ex ea re gloria parta & aucta urbs, & imperio est gentium multarum, & populorum facile potita. Ac ne ea colligam, quæ jam vetustate obsoleverunt; usus etiam nunc docet, quàm omnes hæc ratio præclara, & honesta sit. Nam cum in iis civitatibus, quæ unius imperio parent, fere hæc ratio

quæstus



magnitudine, non possunt : Genuæ sum  
aliquamdiu commoratus, quæ urbs, cum  
rerum omnium affluentia, & copia, tum  
ædificiorum magnificentia, situs opportu-  
nitate, frequentia hominum, & celebri-  
tate, imprimis Italiæ nobilissima habetur :  
nullum est genus officii, humanitatis, li-  
beralitatis, quod in ullo unquam, cum  
multorum mihi familiaritate uti contige-  
rit, sit ullo meo tempore à me desidera-  
tum. Atque cum hoc instituto domi utun-  
tur, ut præter cætera humanitatis officia,  
hospitii jura sancte & religiose colant,  
tum multo illi in hac re foris magnificen-  
tius se gerunt. Nam cum aliquot ab hinc  
annis Antuerpiæ agerem, qua in urbe, ex  
ea civitate, homines honestissimi per-  
multi, & splendidissimi negotiantur : il-  
lud quidem animadvertēbam, cum eorum  
nulla vere domus esset, quæ non hospitio  
clarorum hominum pateret, studio illos  
inter se atque æmulatione, ne quis sibi  
eam laudem præriperet, certare, excipere  
domum, omni genere honoris, magnifi-  
centiæ, comitatus à se excultos dimittere.  
Atque observabam ego ex his multos,  
quos quidem vere affirmare possum, ita,  
magna atque ampla negotia gerendo,  
maximis vitæ laboribus perfungi, ut  
unum modo quærere fructum laudis, &  
gloriæ





facio vestram, ne nunc vobis videar assentari: quàm liberaliter sim à vobis acceptus, quæ in me humanitatis officia, quæ summæ necessitudinis, & benevolentiae contuleritis, non est nunc commemorandi locus. Vestra est hæc domestica laus, ut humanissimi in hospites, & liberalissimi, neminem in hoc cursu laudis vobis præcurrere patiamini. Quid Cælius Neronianus? qui magnus illi rex (si magnitudo animi, vitæ splendor, magnificentia, non ex fortunæ magis temeritate, quam ex vera virtute, æstimari debet) in hac fortuna, quam adeo non probas, potest præferri? Alit domi doctos homines non solum, sed colit etiam studio, atque observantia summa: virtutem autem afflictam & abjectam ita erectam, quasi in sinu suo, fovet, ut jam minime illam pœniteat opulentissimam totius Europæ regiam cum privati hominis domo commutasse. Atque ille quidem ejus gloriæ consortes fratres viros clarissimos Antuerpiæ habet: æmulos præterea multos ex eadem civitate summo loco natos homines, & inter suos imprimis copiosos, per quos minime ei liceat uni hoc fructu laudis, & gloriæ frui. Hos quidem mercatores extulit semper vestra civitas, in quorum ego numero si sim, nunquam sa-



amplexæ , ac mitioris vitæ studia adamarunt. Hæc ipsa Germania , quam feri olim , & barbari homines incoluerunt , ab humanissimis nunc gentibus incolitur , Emporia habet totius Europæ celeberrima , nobilissima Gyrnasia ad juventutem instituendam , colit omnes libero homine dignas artes , utitur quidem importatis multis , sed multa ipsa etiam ad alias gentes transmittit , valet plurimum industria , floret ingeniis : quæ omnia cum in aliis civitatibus , tum in iis maxime conspiciuntur , in quibus mercaturæ studium viget , Augustæ Vindelicorum , Norimbergæ , Francfordiæ , Ulmæ , Ura-tislaviæ , cæteris , quæ liberæ vocantur , quarumque est summum penes mercatores imperium. Jam vides , Milesi , qui sit hic nummi partus , quem , tanquam nobis in Catonis regno sit vivendum , seueri quidam , ac nimis duri homines multis probris maledictisque insectantur. Hinc enim est nomen , gloria , fama , maximæ vitæ opportunitates : quæ omnia si qui sunt , qui non pariant , aut monstra , atque ostenta pariant , necesse est , cupiditatem , avaritiam , sordes , quod faciunt multi ; aut , quasi sibi abacto partu , domi obscuri , quæ cæteri fantopere avent , posteritatem , famam , immortalitatemque damnent , quam

consequi nullo negotio queant. At invidēs excolētib⁹ studia meliora (vis tu verō esse me, id quod minime mihi tribuo, in eorū numero, quos tu colis, doctos homines, & spectatæ virtutis) recte tu quidem, si honestatis causâ modo, & excolendi ad decus animi, non quæstus, & compendii, in hæc tibi statuas incumbendum. Video enim eruditos esse multos: quorū autem partes sint, eorū tenuitatem fovere, uno aut altero excepto, maximorū potentissimorūque regū, plane hac ætate esse neminem. Quotus autem quisque est, ut maxime eruditione, atque ingenio valeat, cui non mimus, ludius, saltator, scurra, leno, si quando est viri principis liberalitas periclitanda, præferatur? Quid illa manus hominū nefariorū? sunt enim quasi ex alia classe, ficarii, venefici, subjectores testamentorū, maledici, assentatores, qui, ne officio, & pudori aditus pateat, dies noctesque obsessam regiam habent. At hi quidem dominantur, divitiis, honoribus, sacerdotiis augentur: uni provecti ad summum gratiæ locum, si quid extorquendum est, deplorata omni alia spe, ad importunum, atque immanem dominum, à viris honestissimis, nolentibus & invitis, allegantur: Nam illud jam proverbio increbruit

crebruit, collusori, aditum etiam ad summos reges, quanquam loco infimo nato patere. Qua re quid excogitari fœdus potest? At quanta illa indignitas est, cum homo severus, & gravis à scurra dicaci, atque impudente jactatur, quo materia suppeditetur beato homini ad ridendum, jam ventre infarciendo, epulis, ac mensæ deliciis fessio? Nam eorum convictu nulla est capitalior pestis: ut si instituas locum tueri, odium tibi & invidiam; contemtionem, ubi te semel iis dederis, non ferendam pares: neutrum autem licet. Hæc ferat, & si qua his sunt indigniora oportet, eruditus homo, & qui in luce, atque in oculis omnium, consecrari regum ac summorum hominum gratiam, quam in vita agere privata malit. Atque idem tamen, haud ferme utitur æquioribus privatis: ita infesti fere homines iis sunt suo ingenio, quos intelligunt se esse meliores. Itaque aut devorandæ ineptiæ multorum, & dissimulandum quod sentias, aut si liber esse, & apertus velis, petenda solitudo, & recessus, ne in multorum offensionem incurras. Sic vero ego nunc loquor, quasi mihi cum eo res sit, qui nullius ope indigeat, quo honeste vitam possit, & liberaliter traducere. Quid agat is qui vitæ præsidium





vetere majorum tuorum instituto, id quod facis, vitam domi cum splendore tuearis. Nam hoc summæ tuæ virtuti, & singulari debetur, cum habeas cumulate, quo dignitatem inter tuos retineas, tibi à majoribus relictam: eandem ut etiam auctam, atque amplificatam relinquere posteris velis. Sed jam est epistola longior multo, quam constitueram; quod quidem accidit, dum mei sum magis, quàm tui memor. Nam cum nunquam facile mihi moderari soleo in scribendo, tum idem est mihi, cum ad te scribo, difficillimum: ut si tibi liceat legere, per tua negotia gravissima, & maxima, non jam ad te literas, sed volumina sim missurus. Vale: E Laurentiano xvii. Kal. Jan.

## AD PETRUM ANGELI- UM BARGÆUM.

**F**acilius, Bargæe, quavis in arte excellere homines, quam id probare multitudini possunt. De eo enim, nemo quid sit, nisi raro admodum, sed quid sibi videatur, constituit. Ita autem omnes vero investigando habent quod sequantur, ut sæpe is ab eo absit quàm longissime, qui se proxime id consequi arbitratur.



pestem præsentem, atque opem implorare videntur, spectaturum. Laudem, in-  
quiunt, scribendæ historiæ unus nostra  
ætate præripuit. Mitto ego quorum id ju-  
dicio, mitto imperitorum: eorum, qui-  
bus ut liceat nobis esse iniquis, uni sunt  
æqui. Do hoc, egregie scripsisse. Quid  
igitur? ita is summum locum tenet, ut ad-  
itum cæteris præcludat, etiam si spes per-  
veniendi nulla sit, eodem contendendi?  
Atqui usque eo nostris iniqui sumus, ut  
sæpe in cursu, qui vix medium est spati-  
um assecutus, ei, qui jam metam contin-  
git, præferamus. Ridiculum autem es-  
set, quod princeps ille è carceribus exeat,  
hoc nomine censere ei, qui jam cursum  
confecerit, præferendum. Quid enim  
æquius, quam quod debet ad dedecus su-  
mi ad laudem? Sive enim noluit propera-  
re, cum posset, tarditati, & ignaviæ; sive  
non licuit, cum vellet; imbecillitati est  
dandum. Qui me vero reprehendunt (non  
dico qua in re, quando tu id satis tueris  
præclare) iidem laudant: quem tu putas? At si  
libet, id quod isti volunt, aut Thucydidem aut  
Xenophontem, aut Livium, & Sallustium ali-  
quemingas: tanta est enim hominis auctori-  
tas, ut non desint, qui illum audeant cuivis  
veterum anteferre. Est autem hujus ma-  
gnifica illa, & præclara vox, dignum mo-  
do



genere scribendi; in rebus fidem, vigilantiam certe maiorem, & studium desiderari. At non hoc mihi solum objectum est. Verto enim, quæ scribo ex Etrusca lingua. Quid vero mirum? quasi non una ratio sit conficiendæ historiæ, ut cum gestæ res sint, de quibus est scribendum, ab iis mutuemur, qui eas sunt ante nos literas complexi, nihil, præter fidem, nobis præstandam, ab ingenio sumptum putemus. Facit quidem genus scribendi, orationis elegantia, copia, varietas, tum regionum, urbium, locorum describendorum ratio, in rebus explicandis, dicendis sententiis aut in regum consiliis, aut in civitatum conventibus, facultas dicendi, quæ velis, eruditio, ingenium, ut cum eandem rem duo scribant, alter expetatur, explodatur alter. Quot enim ante Livium olim rerum Romanarum historiam scripserunt? Fabius, Cælius, Piso, Antipater, Sisenna: quorum cum vix nomina modo exstent, Livii ætate, ita scripta exstabant, ut jam legi desuissent, unius modo scripta quamquam iisdem de rebus essent, in manibus haberentur. Nam quid mihi erat addendum de meo, qui fidei laudem scribendis rebus, & constantiæ quærerem, ubi latine explicarem, quæ Etrusca lingua scriptores tradidissent? Equidem cum in aliis histo-

riæ





asset. Quid tu autem de his statuas, qui eloquentem putant esse neminem, nisi in quorum scriptis, altera quaque pagina, integræ Ciceronis periodi deprehendantur? Magna quædam res est, atque haud scio, an una omnium maxima: Exilium quidem si ipsum per se loquatur: Euripidis est in *Andromacha*, opinor: Tum illa creberrime usurpata, sic inquam, tibi persuadeas velim, facio autem id, mihi crede, sapissime: cave putes, cum abs te discessero, mihi te uno esse quenquam cariorum: amor meus, vel pietas potius erga te. Jam quid magis puerile? Si dialogus instituitur, quoniam in libris de oratore, *Crassus*, & *M. Antonius* colloquuntur, eorum sermoni intersunt duo adolescentes, in quibus magnam spem suæ dignitatis majores natu habent collocatam: est *Platanus*, quæ admonet, excitatur *Socrates* è *Phædro* *Platonis*: inducendi sunt, qui *Crassus* qui *M. Antonii*, *Scevolæ*, *Cottæ*, *Sulpiicii* personam referant: tum horum interpellatores *Catulus*, & *Cæsar* pomeridiana hora sermoni instituto intervenientes: præterea describendi horti, amœnitates, *xysti* *exhedræ*, *gymnasia*, *palestræ*, petenda exempla ab eodem *Platonis* *Phædro*, ne mali imitatores esse videamur. Quæ omnia ita, istis auctoribus, habent eloquentiæ com-



septis quibusdam , nos continent Cicero-  
nis scriptis , ut quidam , cujus erat summa  
Romæ auctoritas , me etiam in scribenda  
historia à Cæsare imitando deterreret :  
cum ita diceret , satius videri quingenties  
Ciceronis verbum repetere , quam varian-  
di causa semel à Cæsare , aut Livio sum-  
ptum efferre. Quæ ( malum ) hæc super-  
stitio , an dementia est , cui nos patimur  
illigari ? Nam ut , id quod est , aperte in-  
genuequæ fatear , ita ad hanc consuetudi-  
nem passus sum me adolescens deduci , ut ,  
repugnante ratione , plane jam corrobo-  
rata ætate , confirmatoque judicio , eodem  
quidem invitus trahar , non me patiar ,  
perduci. Quid enim absurdius ? quoni-  
am , præter pauca , quæ in Catone majore  
habentur , Ciceronis nulla scripta ex-  
stant de re rustica , non a Varrone , Colu-  
mella , Plinio sumam , adhibito judicio ,  
& delectu ? Quid de re militari ? nisi ei-  
dem imperatori in Cilicia appellato , de  
rebus abs se gestis ad senatum fuisset , &  
ad populum scribendum , qua de re unam ,  
aut alteram epistolam legimus , jam nobis  
non liceret , neque iis ipsis adeo angustis  
finibus circumscriptam historiam attingere.  
Nam mutuari ab aliis , ubi à Cicerone dis-  
cedas , capitale est. Jam quis præter Cel-  
sum ex veteribus de medendi arte latine  
scripsit



rem ) licet jam in posterum, constantem me putes in te amando etiam fore. Tulit autem diversa utriusque nostrum vitæ ratio, ut quo quidem tempore tibi comparandarum ingenuarum artium causa aut Patavii, aut Bononiæ, mihi in Germania, in Gallia, in Hispania, in Anglia esset mandandum. Sed potuit perficere memoria veteris nostræ necessitudinis, ut disjuncti etiam cum essemus terrarum immensis spatiis, conjunctissimum tamen inter nos animum sanctissimo devincti amicitiae fœdere retineremus. Equidem id magnopere tibi persuadeas velim, quanquam mea factum adversa fortuna sit, ut adolescens summo loco natus, & maxime paratus à fortunæ bonis, me tibi arctissimis amoris, atque officii vinculis obstringeres: nihil tamen æque me unquam, atque tuam virtutem, pudorem, morum suavitatem quandam amabilem, & vitæ elegantiam cepisse. Qua de re pluribus agerem, si de tua in me voluntate dubitare, sine gravi nota, aut tuæ inconstantiae, aut mei judicii possem: cum enim tu semper multo mihi plura, quam ego sperare auderem, tribuisti, tum vero nunquam ademisti judicium. Eo autem plane mihi videar carere, si, cum aliæ virtutes omnes in te maximæ conspiciantur, desiderem constantiam,





mnium de se expectatione, gymnasio præfuit. Tametsi autem est eo ingenio, ut, cum bene de aliquo promeritus sit, sibi tum fieri beneficium maximum putet: non una tamen mihi causa est, cur de referenda illi gratia laborem. Nam cum in eo mihi gratificatus est, quod totum illius fuit, ut alia ad me scripta doctorum hominum mitteret ( neque enim ego, etiamsi mihi erant magnopere expetenda, Lazari magis, quàm aliorum, postulabam, ) tum ut eodem tempore tibi gererem morem, id quod fuit fortunæ, & casus, genere scriptorum mittendo perfecit. Est autem proprium illius, hoc est, summæ felicitatis, ut cum nunquam nolit, aliud etiam agens, beneficium recte ponat. Leges orationem, Silvi, à me descriptam, è corrupto admodum, & depravato exemplari, sed ita tamen, ut quantum licuit assequi conjectura ( non enim ubique integrum fuit ) multis in locis emendarim. Nosti hominis ingenium. Cum non magis illi sua, quàm aliorum, placerent: tametsi eadem, ut illius omnia, præclara, aut suppressa habebat, aut concerpta statim, maledictis invidorum vindicabat; à qua ille re, ut nemo unquam alius vehementius, visus semper est abhorrere. Hanc porro orationem, cum jam XX. ab



vero ? quinquaginta millibus amplius ,  
 barbato homini ( quid enim ille habet ,  
 præter hoc unum ) nulla accepta fide , nullo  
 sponse credidisse ? Tantum autem potuit  
 sive *πρωγονοτροφία* nescio quæ , sive *τρίβω-  
 νοφρογία* ( audienda sunt prodigiosa no-  
 mina , quando res sunt prodigii similes  
 & ostenti ) ut cum per diu neminem in  
 corona imperitorum hominum fefellerit ,  
 in foro celeberrimo , ac frequenti genti-  
 um omnium conventu , callidos homines ,  
 & qui , cum cauti semper in aliis rebus  
 omnibus sint , nunquam satis sibi cauti esse in  
 credendo videntur , in gravem adeo , &  
 pudendum errorem induxerit : quanquam  
 isti regio ornatu & minime *τρίβωνοφρο-  
 γονώτεσ*. Sed parvi refert , utrum ob-  
 soleto , & sordido pallio , an lauto , & ni-  
 tido quis fallat. O diem n. ihi expeten-  
 dum , quo mihi liceat in vestrum comple-  
 xum venire. Ne sim salvus , ni omnes aulæ  
 delicias cum unico vestro congressu tum-  
 sim libentissime commutaturus. Aristio  
 velim hæc legas : qui si mihi adolescens  
 credidisset , nunquam tanti fecisset ho-  
 rum *πρωγονοτροφίαν* , ut ægre ferret sua  
 scripta , eorum iudicio improbari. Ego  
 ne pilo quidem minus illa admiror : ele-  
 gantissima enim mihi semper , atque orna-

Pp 3

tissima



mihi multorum consuetudine uti licuerit, atque eorum adeo, in quibus causæ amoris insignes, & multæ essent, neminem aut morum elegantia, aut ingenii suavitate, aut ullis fortunæ atque animi ornamentis, quæ studia populorum magnis viris, & gratiam conciliant, iis duobus fratribus amabiliorem inveniri posse. Iterum valeas, & me, ut cœpisti, amare pergas. Ex Laurentiano, Kalendis Decemb.

AD DIONYSIUM  
LAMBINUM.

**R** Edditæ mihi tuæ literæ sunt XI. Kal. Sextil. quæ me varie affecerunt : qua parte enim de munere tuo agis, incredibilem ex iis voluptatem cepi; namque ita existimes velim, tanti apud me tuum munus esse, ut à rege, majus nullum, luculentiusve sperare potuerim. Quid autem simile? à rege aut honore, aut commodo augeri: donari abs te immortalitate possum. Quo fit, ut feram iniquiore animo, te hominem mihi amicissimum, importuna levissimi hominis interpellatione, pene ab instituto amandi mei avocari: quisquis enim is est, qui me in his, quæ scripta edidi, surripuisse ab ullo affirmet, quæ



transferrem in mea; is neque plane me novit, & facit ipse, ut se se prodat, tacente etiam me: ut enim qui aqua indigent, ubi facultas sit, è fonte sumere, quam è rivo malunt; egentes, divitum adire, quam infirmorum domus, ita mi Lambine, ut benefis à literis, & ab ingenio paratus, cum mihi iidem fontes pateant, è quibus tu hausisti (nondum enim exaruerunt) æque pateant eorum penetralia, quorum beata copia mihi liceat, nullius cum injuria ditari, stulte faciam, si de tuo surripiam. non minus quam tu, si inducas animum surripere de meo. Inter sumere vero, & surripere, quantum videtur interesse? Sumit qui à quo mutuatur, indicat; qui non dissimulat, cui debet; qui laudat postremo, quem auctorem habet: surripit, qui avertit in rem suam; qui tacet; qui abutitur, errore hominum impudentia tegenda; qui ex alterius industria fructum quarit; qui ipse eger; cui deest unde hauriat; qui minus est ingenio, usu, natura, literis munitus. Ita in altero certa est ratio bene merendi (hinc enim ejus, à quo sumitur, provehitur laus) plectendus alius est, qui famam, & nomen, vitæ fructum unum, maxime homini libero expetendum, sibi injuria, & maleficio parat. Eadem ratione autem, & doctissimi homines, alii per multi,

multi, & tu imprimis eruditione, atque ingenio excellens, quod in veterum scriptis emendandis aliorum sæpe conjecturam probas, haud ab ipsis sumpsisse, sed surripuisse videare. Qua re quid excogitare iniquius potest? Verum neque illi tecum furti agent, quod ab illis mutuatus sis, neque alii magis, quod ab illis dissentias, libero nonnunquam fastidio stomachare, justum tibi bellum indicent: impudentis enim hominis est, cum sibi de aliis iudicium liberum sumat, aliis id ademtum velle. Equidem neque ipse unquam, mea sponte, ad hoc munus accessi; neque ulla gloriæ cupiditate à scribenda historia refugiens, cum quidem in eo genere laudis, latior meæ industriæ campus pateret, in hanc ingenii aleam descendere malui, in qua existimationis periculum, levis offensio; fructum non usque adeo uberem, probata industria hominibus affert. Atque hoc quidem, cum alios ab hoc studio avertit, tum P. Victorium singulari doctrina, atque eruditione hominem, cum inde summam industriæ laudem retulisset, dicitur grandem jam natu, non leviter pupugisse: cum enim Bargæi carmina, hominis divino ingenio, aliquot ab hinc annis Lugduni edita legisset: fertur testimonio ingenuo, homine collaudato, & suum fa-



quis esset laudandus, id non ingenuo solum, & vacuo ab omni invidentia animo, sed prolixè etiam, atque effusè præstiterim. In quibusdam dissentio; sed id cum nullius contumelia. Id si jure; non est cur verear, ne apud quenquam hoc mihi fraudi sit; abs te vero (id quod rei, & amicitiae dederis) nonnullam etiam relaturum, me laudem sperem: sin secus; cur ego non facile patiar, me ab alio moneri, qui id mihi juris concedi in alios æquum putem? Nam quod additur de epistola bene longa: me vero nunquam pœnitebit longiorem etiam edere, modo sententiæ subsint, atque illæ quidem è non malo fonte hauriæ, quæ verba consequantur. Sed quæ mea ratio fuerit in universis Ciceronis scriptis edendis, primo volumini præfixa epistola declaravit. Quæ de industria conscripta est à me brevior, quò minus eam legere graventur delicati homines, & stomacho, ad nostra concoquenda, imbecilliore: fateor enim, me non scribere delicatis; & facile tamen idem patior, non deesse qui beatis hominibus, quasi mansa in os inserant, id quod proverbio fertur. Sunt autem hi, qui facilius multa scribere, quàm multum possunt; ut minime mirandum sit, eos uno nomine, ut videantur aliud esse, alienam industriam vellicare: id quod nullam lau-  
dem,



agere: id unum modo mihi curæ est, te etiam atque etiam, per nostram amicitiam, orem, atque obtester, animum in te meum, ex nullius verbis potius, quàm ex meis scriptis, tibi spectandum putes. Quæ quidem, quantumvis de me præclare sentias, perficiam mea constantia, ut vere esse amicissimi animi testimonia, & quidem multo ea ipsa, omni tua opinione certiora, firmiora que intelligas. Certe si ita statueris, singularem meam in te voluntatem, benevolentiamque esse, si habere me neminem, cui magis tribuam, neminem, cujus magis gloriæ, & laudi faveam, quem ornatum magis auctumque velim: id ages, quod tua virtute, gravitate, moderationeque est dignum: quod si alia, apud te, erunt potiora; & minus tibi meam fidem probari moleste feram; & ne quando ipse videar parum mihi in te amando constitisse, quocunque sis in me animo futurus (optimo quidem me juvat sperare) constantia præstabo. Vale.

AD EUNDEM.

**P**olitica accepi, quo me munere plane beasti, & quod est tale, & quod abs te: nondum Alcinoum: cujus expectatione tamen torqueor minus: scio enim, quando





Lusitanis, ad quos modo tui nominis fama pervenit, qui te ament, atque iidem tamen facile patiantur, cum merito te tuo ament, se non redamari abs te, cum id accidat, nulla tua culpa. Johannes Fridericus, qui has ad te literas affert, sive morum suavitatem spectes, atque elegantiam, sive ingenium, & literas, quæ me illi plane devinxerunt, dignus est, quem amore illo tuo singulari, quo ejus similes soles, complectare, & numeres in tuis. Is cum me, quæ ejus humanitas est, invisisset, & multa attulit ipse de te, summa tua cum laude, qui te sæpe audisset in regia schola profitemtem, & audivit à me multa, quæ ubi tibi exponet, non dubito fore, quin tibi persuadeas, eo me esse in te animo, quo eum esse æquum est, cui singularis tua virtus sit perspecta: quo minus multis statui mihi in præsentia agendum, distento iis scribendis, quæ minime quidem mei stomachi sunt, sed distento tamen: is enim non solum, quæ ego de te, sed quo vultu etiam, fronte, gestu. Cum essem literas obsignaturus, exemplar commodum est ad me allatum tabulæ, priscis notis conscriptæ, ad amicum meum Roma missum: quod quidem dignum tua animadversione, & censura mittere ad te visum est. Sane in eo summa usus sum religione, ut, quicquid esset,



nem, ne frustra suscepisse videretur, recipi me facturum, ut quam primum de puero ad te mittendo, id quod nunc facio, tecum sedulo agerem, hoc tibi pollicitus, fore ut ex ea re, tibi facultas detur de summo homine, & haud immemore tui officii futuro, præclare merendi. Quæ mea verba eam apud te vim habere volo, quam syngrapha solet, multorum signis, manuque obsignata. Pueri est præclarum ingenium, atque, ut licuit, præclare excultum. Id quod minus acciderit, factum est eorum culpa, quibus fuit hætenus illius cura, & moderatio mandata. Missus est altero ab hinc anno Claudiopolim, ut simul literas, simul linguam Pannonicam disceret. Quorum est neutrum assecutus, ut volumus. Egit enim apud mercatorem, honestum illum quidem hominem, sed multis distentum negotiis, & quod minime puero expediret, indulgentissimum. Ita quod erat verendum, usu venit, ut puer suo ingenio permissus, minus profecerit, quàm illi, ubi esset usus assiduo curatore, licuisset. Fuit apud me per duos menses, quo tempore, id quod facile potuit, mihi probavit, cum ingenium, tum voluntatem, quod caput est ad honesta studia, propensam. Reliquum est, ut si inducas animum, id quod te spero facturum, pro summa tua humanitate, atque erga me be-



AD PAULUM  
THEUPULUM.

**F**Acit, Paule, summa mea erga te benevolentia, orta tum ab excellenti tua virtute, tum à merito singulari in me tuo, ut nihil sit, quod non statuam tua causa mihi esse agendum, in quo voluntatem consequantur ingenii vires. Quod cum te minime fugiat, in eo te tamen fallit quædam de me opinio suscepta, cum facultatem ingenii in me non ex re ipsa, cui est impar, sed ex quodam animi studio tibi gratificandi metiaris, cujus, ut in te colendo, atque amando, nullos mihi unquam præscripti fines. Ita autem ego habeo prima, quæ à me petis, ut eadem & jucundatibi, & mihi honorifica futura, negligere vix possim. Deterret me præclarum quidem per se opus, sed ad quod perficiendum, cum quicquid possit contulerit, qui plurimum ingenio, eruditione, facultate scribendi excellat. parum, præ eo, quod ejus magnitudo requirit, videatur contulisse. Atque in eo tamen, quod me rogas, modestiæ tu quidem habes rationem tuæ, nonnullam mihi idem facis injuriam. Sic enim statuas velim, tum mihi persuasum iri, me plurimum abs te ama-

Qq 2 ri,



dor, mihi crede, vehementius hujus gloriæ cupiditate. Neque vero is sum, quem à studio tam eximio deterreat scriptorum turba magis, à qua me labor vindicat summus, & quem vix fero, quàm rei magnitudo. Tanta autem ea est, ut cum summa sit eorum impudentia, qui nulla illam adhibita reconditiore doctrina, nulloque usu rerum audeant attingere: iidem eò provecti audacia, ubi est virium periculum faciendum, à temere suscepto consilio, nullum ejusce rei exitum reperientes, revocentur. Est autem hujus rei facilis, atque expedita ratio. Facultate enim id, non quam debent, sed quam possunt afferre, metiuntur. Minime vero est mirandum, pœnitere homines sui instituti, ubi ea agere aggrediantur, quæ cum eorum vires recusent, eos pœnitere sit necesse: accusandi illi sunt potius, quòd non antea re perspecta diligentius, dum minus illos suarum virium pudet, impudentia efficiant, ut, cum jam nullus usus sit, illos oporteat pœnitere. Magna quædam res est, historiam scribere: qua quidem ego in re, ita sum per multos annos versatus, ut me longam exercitatio doceat, quàm pudenter ea sit, & cunctanter attingenda. Qua autem ego re confisus, & scribere jam instituerim, & nunc quidem (video enim id te velle)





oportebat: quod quidem instructum quotidie regio apparatu, nobilissimorum hominum frequentia honestabat, & qui plurimum apud regem gratia, & auctoritate valerent. sed hoc nihil ad meum ingenium: multa enim requirunt hi mores, quæ neque mei, neque adeo tui stomachi sunt, gravissimi hominis, & qui minime esse contumaciter repugnandum, sæpe etiam servendum temporibus censeas. Neque enim stultitia abest à nobilitate, à qua tamen eam abesse, eò longius æquum esset, quò plura majoribus habet, atque illustria ad virtutem capeffendam adjumenta. Quin etiam cum à fiducia nimia sui, aliorum contemtionem accipiat robur, majorum gloria innixa, quam non est in posteris complexa virtus, multo se in magnis opibus jactat insolentius. Quid porro ego agerem, ubi aut multa mihi devoranda essent, quæ minus probarem, aut frustra improbanda, & magna cum multorum offensione? Erat igitur unum mihi reliquum in te perfugium, quò nulla me alia re intercludi sinebam, ut videri etiam aliis jucundissima posset. Nam ad cæteram domesticam opulentiam, & copiam, quam ego mirabar, qui te natum eo patre meminissem, qui tibi, præter cæteras virtutes, quibus omnium suæ ætatis florentissimus fuit, veram nobilitatem, &



velim, cum amplissima augustissimaque sit, omnem plane videar humanitatem abjecisse: quicquid enim sum, aut esse etiam possum, illi plane debeo uni; quod quidem cum magni faciendum per se est, tum vero aliud est quod facio plurimi. Nam ea mihi patria contigit, quam gentium, populorumque omnium longe maximam, atque opulentissimam, communem bonum arcem, tutissimumque perfugium homines in terris verentur: id quod uni datum divinitus, haud scio, an ulli præterea, post hominum memoriam, in terris contigerit. Inquam vero singularis mea pietas, & studium exstat, qui ego in eam aliter, ac debeo, animatus esse possum? Sed, ne hæc nos cura magnopere angat, quot patria nostra habet, qui has illi partes & possunt egregie præstare, & volunt? neque enim, etiam si est Petrus Bembus jam & Andreas Navagerius mortuus, summi homines, & quorum est, apud posteros, merito futurum semper illustre nomen: simul cum iis est lumen eloquentiæ in civitate extinctum: neque, hoc tempore, unus, cujus hæc est hæreditaria laus, Bernhardus Navagerius scribendi gloria excellit: neque si id fieri possit, patriæ causa, velit. Etsi autem ille jam majore ætatis parte, per honores amplissimos acta, spectare, tanquam



ditis, tantam animadvertēbam inesse in argumentando vim, ingenium, acumen, vix ut mihi possem persuadere ( cum præsertim admodum esset adolescens ) per omnem suam ætatem literam illum, quæ ejus facultatis non esset, ullam discere potuisse. Neque ille vero eruditione magis, & cognitione maximarum rerum, quàm vitæ sanctitate, pudore, innocentia philosophi nomen tuebatur. At cum rursus illius scripta legerem, eloquentiæ lumina admirabar, & ornamenta doctrinæ maxima: ut, cum me afficeret voluptate summa, oratio tum pure, & latine, tum apte, & numerosè scripta: gravitas me sententiarum imprimis teneret, quæ effluere videbantur, ex animo instructissimo optimis artibus, & quem philosophia arcte complexa nunquam videretur dimisisse. Ac Valerio quidem paulo inferiorem ætate, Nicolaum Barbadicum peracri adolescentem ingenio, studio flagranti, eruditione summa perfecisse ajunt, ut cum incredibilem sui expectationem hac sua florenti ætate concitarit, non illam modo tueri, sed superare longe etiam contendant: cum enim eloquentiam à naturæ fonte hauriat, qua maxime excellit, tanquam nihil habeat ab ingenio adjuncti, studium acerrimum, usum, atque exercitationem adhibere affirmant, quibus





torem officii, aut verba etiam graviore,  
 alio, tanquam à labore scribendi refugiam,  
 appelles. Vale; & quod facis, me amare  
 pergas, & fratribus tuis viris amplissimis, mul-  
 tam salutem meo nomine impertias. Vale.

## DE ORIGINE VE- NETÆ URBIS.

**E**Quidem vereor fore, ne in nostro-  
 rum hominum gravem reprehensi-  
 onem incurram, cum una,  
 hoc tempore, Venetorum civitas & magni-  
 tudine imperii, & gloria rerum gestarum,  
 & omnibus artibus bene domi, & foris rei-  
 publicæ administrandæ facile inter omnes  
 alias Italiæ excellat: nisi de ejus urbis ini-  
 tiis, & incrementis, ex quibus sensim sese  
 efferens, in tantas opes, & potentiam per-  
 venit, paucis mihi esse agendum existimem.  
 Etsi autem est res digna summa admiratione,  
 in mediis maris æstuariis positam urbem,  
 cum præter cæteram magnificentiam, mole,  
 & frequentia ædificiorum amplissima, orna-  
 tissimaque sit, adversus vim omnem, & in-  
 juriam temporis, M. jam, ac CC. annum  
 incolumem stare: illud est multo tamen  
 admirabilius; cum haud semel, ad illius  
 interitum, universus terrarum orbis incu-  
 buerit



lisque omnibus, ut, quorum ego testimonio meam fidem liberaturus sim, haud magnopere sim desideraturus. Nam, ut fama tantum accipientes homines, fictam, ac commentitiā esse quandam urbem arbitrantur: ita, ubi propius eandem aspexerunt, veluti quæ nullis hominum artibus eò magnitudinis potuerit pervenire, superata penitus fide, unam in terris & divino consilio conditam, & divina ope auctam, conservatamque esse ad hæc tempora existiment, ut in his, quæ industria humani ingenii efficere in terris posset, summum opus exstaret, quo illam proxime accedere ad Dei immortalis vim, providentiamque appareret. De illius origine omnium fere eadem sententia est: Henetos Paphlagoniæ populos, cum bello trojano victi ex Asia profugissent, in hanc oram intimam Hadriatici maris classe appulsa, omnem regionem, quam sibi sedem domiciliumque deligissent, Venetiam uno nomine appellasse. Nam quòd quidam auctores esse dicantur, à Venetis ulterioris Galliæ populis, cum eò coloniam deduxissent, nomen accepisse, minime hoc probari potest: sive enim auctoritate standum est, plures sunt, qui Henetos auctores gentis, & principes agnoscunt: sive ratione, verisimilius est, profugos homines, & qui pulsi patriis sedibus,

alias



maiore quotidie concursu confluebant. Ex iis urbibus, quarum ruina hæc una, tanta futura crevit, principem Aquilejam, fuisse ferunt. Cum enim, a barbaro per triennium obfessa, cives fessi magnitudine malorum, quæ jam ultima pertulissent, de communi salute desperarent, eò primi omnium confugisse dicuntur: quo consilio alii erant usi, antequàm barbarus ad urbem exercitum admovisset. Horum exemplum secuti Patavini, continenti incendio conflagratam patriam relinquunt, atque eodem profecti, qua parte (ut in palustribus locis) robore, & firmitate soli esse urbem aptam ad molem ædificiorum sustinendam apparebat, sedem suis constituunt. Ita cum, conjugibus, & liberis, relictis omnibus, qui impares per ætatem ad arma ferenda essent: cum delecta juventute, ad patriam defendendam majore animo, quam viribus accurrunt. Sed eorum eadem quæ reliquorum fortuna fuit. His accedunt, quicunque tum Euganeos montes incolebant, cum minus tuta, ac munita loca essent, quàm ut iis confidere auderent, cæteros secuti, quos patria ejectos se, suosquè eodem recepisse audiebant. Non contemnenda ex his multitudo poterat videri, & quæ jam speciem quandam civitatis præ se ferrent. Ita, cum omnibus domi absumptis, ac spe omni

Rr

mni



vicinis populis suspicantibus, cum nondum esset in eam magnitudinem evecta, ut invidiæ pateret, quorsum res esset evasura. Hac hominum cura & ditescere brevi urbs, & in dies fieri opulentior, ac, ne foris quærendæ agri voluptates essent, coli in sterili solo res hortensis cœpta, falso humo, sensim mitescente, ac se facilem, atque opportunam frugibus, omnis generis ferendis præbente. Operæ pretium est quidem spectare cum multa alia in ea urbe digna summa admiratione, tum illud imprimis; ex ea una, cum sit in mediis fluctibus sita, præter ea, quæ aliunde incolarum industria vehit, uberrima & maxima; ad continentis urbes, suavissimos fructus importari, & quibus magnitudine, & bonitate cedant, qui maxime in mediterraneis probari dicuntur; tanto quidem ex ea re proventu, ut ditissimæ familiæ, inter ejus ordinis homines, qui rem hortensem colunt, ex eo quæstus genere habeantur. Plurimum roboris, ac virium urbi adjectum ferunt, Clephi Longobardorum rege Italiam vastante. Potentissimæ enim familiæ, barbari regis pariter infestam omnibus immanitatem fugientes, tum ex aliis Italiæ partibus, tum ex Insucribus maxime, desperata suorum salute, in tutissimam urbem, quæ patria deturbatis, una ad salu-





adversus magnam vim per multa secula stetit, quique sui juris essent, suis legibus, suis institutis uterentur, aliæ urbes omnes aut Græcorum Imperatori, aut Romano Pontifici, cujus causa Pipinus primus Gallorum rex Longobardis bellum intulerat, adjudicarentur. Atqui bello Asiatico, quod Urbano secundo Pontifice maximo, adversus Syriæ reges Christiani principes gesserunt, dici vix potest, quanti illius nomen apud omnes Europæ, atque Asiæ gentes esse cœperit. In Italia quidem nulla ferme de re paulo graviore, controversia inter principes oriebatur, cujus cognitionem, ad Venetos, tanquam communes arbitros, disceptatoresque rejicerent, tantam de eorum sapientia opinionem, incorrupta per tot secula disciplina, & severitate judiciorum facile defendente. Floruit diu his artibus Veneta res, cum foris res maximas gerendo, tum domi legibus, & institutis sanctissimis adversus luxuriantem læta fortuna constantissime pugnando, ita aucta majestate imperii, ut nullius privatim aut nimis opes, aut reipublicæ formidolosa potentia, & quæ animos ad res novandas faceret, in civitate conspiceretur. Partum postremo maximarum quoque civitatum in Italia imperium, per varias occasiones, continentis populis, quanquam



ſtoriam deteſtatus, quæ Italiæ ruina atque incendio conſtaret, ſe vinci quidem in præſentia eſt paſſus: belli exitu, hoſtibus & victis æque, & victoribus major, atque admirabilior fuit.

AD RICHARDUM  
STREINNIUM.

**D**eterruerunt me occupationes tuæ graviffimæ, neceſſariæ item multæ, aliæ meæ, quæ dies noctesque me diſtriſtum habent, quo minus ad te crebro ad hunc diem ſcriberem, quàm, & alia multa merita in me tua, & mea in te ſumma obſervantia, atque egregia voluntas poſtulabat. Sed vincit tamen, qui alia omnia, difficultates omnes amor; qui ortus ab immortalis tuo beneficio in me, ita alte radices egit, ut nullo poſthac icſtu fortunæ in me ſævientis, labefactari, & convelli poſſit. Fuerunt autem quæ in me contuliſti, non ſolum eò grata, quòd per ſe eſſent illuſtria, & maxima, ſed eadem ob id etiam jucunda, quòd his ipſis in me conferendis, non tu quidem bene de me mereri, quòd unum ſpectabas, ſed affici beneficio ipſe ſummo viderere. Memini quidem te, quo die conſenſurus equum ad me Cæſaris



AD JOACHIMUM  
CAMERARIUM.

**L**iteras tuas curavit mihi reddendas,  
V. C. Jacobus Monavius, tardius  
aliquanto, quàm aut ego, aut ipse  
vellet, omnium quos unquam norim ho-  
mo officiosissimus, nulla illius culpa, mo-  
lestia mea incredibili. Mihi quidem eò  
gratiores, quo diutius desideratæ, exspe-  
ctatæ minus: non quin sciam, me eo loco  
apud te esse, quo mirifica tua in me merita,  
& multa, meus in te amor singularis requirit:  
sed quod post longum temporis, & loco-  
rum ipatium, quo fuimus disjuncti, ita spe-  
rabam apud te vigere memoriam mei, ut  
minime necessarium tamen tibi scribendi  
munus putares. Nunc nullis tu quidem  
meis literis provocatus, quò tuum offici-  
um gratius mihi, jucundiusque sit, ita ultro  
ad me scribis, ut videaris, quid mihi sit a-  
gendum, quasi ipse aliud agens, me mone-  
re voluisse. Qui tamen quàm grato animo  
erga te sim, quàm semper fuerim, non so-  
lum ipse scio conscius mei, sed multi eti-  
am, illustri mea testificatione tuorum in-  
me meritorum, noverunt. Nam cum adver-  
so meo tempore ita me esses complexus

R r s

sum-





maximæ, multæ & gravissimæ : nihil enim mihi potest accidere gratius, quàm omnes homines intelligere, & qui nunc sunt, & qui sunt postea futuri, quando mihi nulla alia ratione licuit, tibi, pro tuis officiis in me multis, parem gratiam referre, hoc grati animi in te monumentum exstare, voluisse. Itaque ad cætera officia, quibus est me Monavius profecutus, magna ex hoc uno accessio est facta ; quod ad te epistolæ exemplar misit. Etsi enim erat, consilium, eam cum aliis excudere, quarum editionem adorno, id quod etiam, sum factururus ; erit tamen pergratum, cum iis conjungi, quæ vestro judicio, hoc est acerrimo, & gravissimo, digna sunt visa, quæ posteritas legat. Quod quidem quò a vobis accuratius fiat, visum est aliud ad vos exemplar mittere, à me postremo recognitum, ex quo excudi placet. V. Amplissimo Christophoro Herdesiano meis verbis salutem multam impertias, homini ita de me merito, ut si vere dictum sit: Hominem esse homini Deum, nullum sit saluti unquam dicatum Romæ augustius templum, quam quod ego illi in intimo pectore dicatum, consecratumque habeo. Is enim mihi fuit salus, vitæ per-fugium, existimationis, & nominis, quo tem-




JOH. MICHAELIS BRUTI  
DE  
**HISTORIAE**  
**LAUDIBUS.**  
SIVE  
DE CERTA VIA, ET RA-  
TIONE, QUA SUNT RERUM SCR-  
PTORES LEGENDI,  
*LIBER UNUS.*



—————  
COLON. BRANDENB.  
Imprim. Ulricus Liebpertus Elect. Typog.






JOH. MICHAELIS BRUTI  
DE  
**HISTORIAE**  
LAUDIBUS,  
SIVE  
DE CERTA VIA, ET RATIONE, QUA  
SUNT RERUM SCRIPTORES  
LEGENDI,  
*LIBER UNUS.*



AD STEPHANUM POLO-  
NORUM REGEM.



Cripsi, ut mihi im-  
peraſti, de hiftoriæ lau-  
dibus, ita prolixo, at-  
que ubere argumento,  
ut interdum mihi ve-  
rendum eſſet, ne eo  
tractando, areſceret,  
mihi



quæ rationi repugnantia, miracula recte,  
 & prodigia hominibus sunt visa. Neque  
 vero cuiquam videar, temere homini mor-  
 tali adscribere, quod Dei proprium est;  
 qui sciat, in regibus, qui Dei imperantis  
 imaginem, inter homines referunt, eam  
 inesse vim, quæ non potest à Dei imagine  
 abesse: qui nisi ea agat, quæ humana,  
 mens assequi non possit, non sit Deus. Ita-  
 que cum mihi imperes ea, quæ ferre vires  
 meæ recusant, utrumque assequeris, ut &  
 ipse voto potiare, quare nihil mihi accide-  
 re in vita iucundius potest, & mihi, quò  
 facilius eo tibi liceat potiri, vires, quæ  
 sunt in me perimbecillæ, robustiores, &  
 firmiores reddas. Equidem id, quod est,  
 possum vere affirmare, nunquam me mihi  
 magis displicere, quàm cum quid mihi agen-  
 dum, intelligam, quod tibi cupiam quam  
 gratissimum, quam iucundissimumque esse.  
 Video enim magnum quiddam esse oportere,  
 quod tibi regi gravissimo, summo ingenio,  
 excellenti virtute, facile probari possit.  
 Quod cum me assequi haud sperem,  
 non secus afficior, atque is, qui cum ære,  
 alieno obruatur, & non sit solvendo, sibi  
 de fide, qua nihil prius in vita habet, in-  
 telligat esse in dubium veniendum. Sed  
 in hoc ipso tamen me summa tua æquitas  
 consolatur. Non enim tu, quasi è corona







DE  
HISTORIÆ LAUDIBUS,

Sive

De certa via, & ratione qua sunt rerum  
Scriptores legendi,

L I B E R U N U S.

**S**I quantam homini dignitatem natura conciliavit, tanta hominis esset in ea cognoscenda, excolendaque solertia: aliquando ille, perspecta natura sui, & coleret, ac perpoliret ipse se, & factus sui admirator, ea modo expeteret, quæ digna eo animante haberentur, qui in se inclusam divinæ mentis imaginem, omnium nobilissimus, ac beatissimus repræsentaret. Nam cæteris quidem, quæ communia cum bestiis habet hominis natura, ita uteretur, ut qua vim eorum quasi terrena cognatione, attingeret, animi cupiditates omnes in rerum moderato usu compressas, inclusasque haberet: quæ homo esset, atque in spem certam editus immortalis vitæ; quamdiu in terris ageret, in

S s 2

virtute



cujus ratio est moderatrix. Hæc tam immanis pestis eas calamitates in homines invexit, quæ vitam illis, qua est nihil amabilius, invisam, infestamque reddiderunt. Quæ vero alia vitæ ratio iis erat reliqua futura, ubi in civitatibus, & magnis imperiis, respublica penes improbos esset; ab iis acciperent leges sapientes homines, & quorum esset legitimum in populos imperium, si naturæ legibus, ac gentium jure standum esset? Neque vero natura occultat suum consilium sedula ejus operis conservatrix, quod edidit unum omnium in terris nobilissimum: quos enim fingit aut ad imperandum, aut ad parendum aptos homines, in his quasi quasdam notas voluit, exstare; quas si perspectas, & cognitatas homines sequantur, haud tot malis, & pestibus eorum vita obnoxia sit, quibus, certo duce, & rectore destituta, perpetuo jactatur. Sed divinæ, atque admirabili naturæ providentiæ, fortuna sæpius obviamit, quam rebus hominum expediat, quæ speciosis insignibus nobilitatis, statuis, imaginibus, temere regna maxima, atque imperia tradit, magno populorum incommodo, quorum causa tantus illis habetur honor. Hinc regna hæreditate adiri cæpta, interversa ab iis, qui insignes multis sapientiæ, & industriæ documentis, apti maxi-



in cœlum, obeat ea vita munera, quorum omnis functio, atque administratio pertinet ad caput. Quanta vero morum vastitas, quanta virtutum omnium populatio, quanta jactura, & quam immanis pudoris, temperantiæ, honestatis, legum divinarum, atque humanarum omnium, ubi certi flagitiorum, & scelerum vindices, summi reges, & rerum publicarum moderatores, non ex auctoritate legum; quæ sunt hominibus iuterpretes divinæ mentis, sed ex Epicuri schola populis imperant, qui ne ipse quidem vivere est ausus, quemadmodum docuit esse homini vivendum? Quis porro rationis usus honestis à turpibus rebus, veris à falsis, his quæ nocent, ab his quæ salutaria sunt discernendis? quæ ulla, hominibus reliqua salus, ubi tanquam in voluptatis regno, mollis effœminatus, impurus, sumpta regis persona, imperet? Quod cum accidit, quid de iis statuendum est, qui ejus regis parent imperio, cujus cum sit, pro lege, subjectis populis voluntas, nihil quod sit homine dignum velit? qui divina jura, atque humana omnia in scelerum, & flagitiorum infinita licentia habeat constituta? qui, ne quid sit, quo domestica vitia notentur, doctorum hominum scripta, unde nobis oritur vitæ lux, inducta, atque oblitterata ex ho-





tant, plane deplorare tyrannus potest. Nunquam enim pacatis imperabit, nisi, bonis sublatis, & qui sunt suæ dignitatis potius memores, quàm temporis, multitudinem habeat in potestate: quæ ita est animo affecta, ut dulcedine largitionum delinita, quætuosam servitutem, specioso titulo libertatis potioreni habeat. Itaque, minime mirandum est, in magno eorum numero, quibus, violento imperio parentibus, tyranni voluntas, pro lege est, qui vere digni hominis nomine censeantur, vix unum aut alterum inveniri. Cum autem sit nihil hoc verius, propter rei magnitudinem tamen, quæ omnem superat, fidem, minime esse verisimile videtur: hominem, inter tot animantium genera, unum præstantissimum à natura editum, qui divinam in terris sapientiam, eandem rerum omnium humanarum moderatricem repræsentaret, falsum, vana specie rerum, atque aversum, & refugientem à natura sui, sub hominis lineamentis ferarum ingenium, truculentos mores, belluarum immanitatem referre. Tantum invexit incommodum in hominum vitam, parentibus neglecta liberorum educatio, &, quod necesse fuit accidere, eam secuta ignoratio sui: quæ & fuit semper hominibus, & est futura, causa malorum ingentium, quæ eo-



efficiant homines, ut ratio quasi emersa è tenebris, & in lucem vindicata, sensibus imperet, suæ dignitatis memor, &, contra obnitentibus, ac repugnantibus injiciat frenos. Quemadmodum vero natura, sensuum vires in homine esse maximas, atque acerrimas voluit, ut virtuti locus, atque inde clarior victoria, parta ex magna contentione, esset: ita easdem noluit esse, invictas; ne animalis vis in homine, quæ est divina, atque immortalis, sensuum vi, atque impetu everteretur. Quæ quidem cum ita se habeant; singulari Dei immortalis beneficio, qui hominem divinæ indolis, excitari ad sui respectum, & ad se se cognoscendum amandumque vellet, hinc religio orta è cælo, & divina oracula hominibus edita, unde ea, quæ vitæ agendæ essent salutaria peterentur; hinc philosophia hausta ex humanæ sapientiæ fontibus, quam excellenti ingenio, & doctrina homines, ad imperitos instituendos tum ad cognitionem rerum, tum ad vitæ, & morum probitatem excolendam, magna auditorum frequentia in scholis profiterentur. Ex quibus princeps Socrates, divinus vir, atque admirabilis, eam partem, quæ de moribus agit, & de certa ratione administrandæ rei publicæ à cætera semotam, ad hominum usum, commodumque convertit. Ita, omis-



cum laude, si satis videri posset, homines liberalibus disciplinis excultos, ut se esse homines discerent, ad humanitatem informari. Magnum quiddam hoc fuit, inquam magnum, nemo negat. Sed, ut plane res acta videretur, certa ratio deerat, certusque modus, quo quidem, quæ illi victiratione, sibi esse agenda arbitrantur, ea etiam sua sponte facere inducerent animum, confirmati summorum hominum auctoritate, atque exemplo: quorum gloriam æmulati, abjectis voluptatibus omnibus, & quæ sensibus jucunda essent, virtutis iter quantumvis arduum capefferent; quod quidem ut inirent, pauci à se extorqueri, adducti ratione, paterentur. Hinc scribendæ historiæ initium factum, &, cum historia, exorta simul veritatis lux, quæ nobis, undique tenebris disjectis, quæ officerent ad virtutem, atque ad honestatem contendentibus, præluceret. Ita enim in scholis discebant clari homines sapientiæ laude de gravissimis rebus, & ad vitæ institutionem pertinentibus, ut hoc unum modo propositum haberent, docere imperitos homines earum rerum, quibus maxime eorum vita indigeret, quæ iis agenda, à quibus declinandum esset; quod quidem permagni faciendum est: partem eam, quæ totum hoc perficit, atque absolvit opus, ulterius progressi



familias, in cœtu suorum audire pervulgata illa exempla gentium omnium monumentis de Leonida afferentem, de patre Decio, de filio, de Scipionibus, qui pro patria occubuerunt, quàm totas simul philosophorum scholas. Quanto, inquam, præstat legere, quæ prodita literis de Epaminonda feruntur, cum mortis gloria, tollere domesticum luctum, parta de hostibus victoria, superare omnium triumphos, forti animo ferenda vitæ jactura, omnium meritis triumphum maximum, & justissimum, potuerit? Quam animi magnitudinem, & constantiam, ne nostra ætas veteribus invideret, nuper virum fortissimum Augustinum Barbadicum Venetæ classis præfectum, exemplo in omni posteritate memorabili, vidimus repræsentare: cum auctor commitendi ad Echinadas navalis prælii, cum numerosissima, atque instructissima Turcarum classe; per alterum oculum, telo in cervices adacto, lætus spiritum patriæ reddidit, ubi audivit victoriam penes suos esse, & quidem, qua nullam unquam clariorem, ut gentium populorumque omnium annales evolvantur, magni aut Græcorum, aut Romanorum imperatores, de hostibus retulerunt suis, quæ telum lethale hæserat, avelle-  
re jussis. Sed ad veteres redeo. Quanto hunc ipsum patremfamilias præstat audire  
disse-





Ut enim omittam eos, qui Academicorum, aut Stoicorum, & Peripateticorum familia floruerunt, magna cum virtutis, & sapientiae fama: quænam illa sunt, quæ de Theodoro, à quo Cyrenaici feruntur fluxere? Doctrina quidem illius impia, & minime philosopho digna, qui cum Diagora Melio sustulit Deos: at erectus ad virtutem, atque excelsus animus; tanta constantiae, & fortitudinis laus, ut in homine Christi religionem profitente, digna admiratione videri possit. Audire porro operæ pretium fuerit, ejus, qui de diis ita male senserit, in contemnenda morte, quanta animi virtus, & constantia fuerit. Qua enim audacia Lyfimacho regi crucem minitanti respondisse fertur? Istis, quæso, inquit, ista horribilia minitare purpuratis tuis: Theodori quidem nihil inter est, humine, an sublime putrescat: quod & ab aliis, veterum memoria & à summo oratore, in Tusculanis quaestionibus, literis proditum est. Lege hujus scripta, si exstent, tibi stomachum moveant: intueretur, & magnitudinem animi, nisi victus exemplo, cum eo crucem contemnas, & Theodorus esse, quam Lyfimachus malis, ferreus sis, & nihil præ te hominis feras. Habent sane clarorum virorum facta illustria, ad amulandam virtutem vim

Tt

tantam,



omnibus, qui regendis populis, & continendis in officio præficiuntur? Quis, inquam, cujus sit paullo avidior ad veram, gloriam animus, ab iis artibus refugiat, quibus ea parantur, quæ audiet Aristidi tum apud suos præsentēs, tum apud externos in omni posteritate honori fuisse? Neque vero ille prius popularium consensu, Justī cognomen assecutus, quàm vitæ integritate, atque innocentia promeritus. Non ille vero suo exemplo, ut præsentēs suos cives, ita in omni perpetuitate consequentis temporis, posteros omnes, multo quàm philosophi universi acrius, & vehementius, cum ad amandam, complectendamque justitiam, tum ad honestatem rebus omnibus mortalibus præferendam, est hortatus? Quanto omnium plausu illa excipiuntur, quæ sunt memoriæ prodita à rerum scriptoribus, & imprimis à Cicerone decantata, cum, Themistocle principe civitatis referente ad populum de gravissima re, & ad summam rempublicam pertinente, atque illud addente, esse unum nominandum, qui cum ea de re ageret, ne, per multitudinem vulgata, aliquando reipublicæ esset fraudi: Aristides nominatus à populo, re audita, Themistoclis consilium quidem utile reipublicæ, sed turpe, & flagitiosum videri respondit? Itaque ei honorem habendum,



quidem habet populus Romanus, quod Græcorum gloriæ invidet, aut in Aristide, cui tantum tribuit Atheniensium civitas, quantum alia nemini; aut in Xenocrate, quem testimonium dicentem, jurare peregrinum hominem Athenienses iidem prohibere, quod nemini unquam, ad illud tempus, post natos homines, dicitur contigisse. Efferant nunc Aristotelem, & Platonem, qui velint, in cælum, laudando; fuisse in omni genere politioris doctrinæ principem; philosophorum summum, excellenti ingenio, eruditione, doctrina, eloquentia, quo nihil perfectius, natura unquam, in terris ediderit; plus, inquam, profecit Romana civitas majorum exemplis ad justitiam, & honestatem capeffendam, qua una virtute, tanta olim in terris fuit, quam sapientium præceptis omnibus, quicumque Aristotelis, & Platonis ætate, in Græcia sapientiæ nomine floruerunt. Ac quando una fides est, cujus, tanquam nexu, aliæ virtutes omnes in hominum vita continentur: quis magnitudine clarus imperator, ubi res legat à Camillo in Faliscis gestas, non perdere recte rem gerendo, quam vincere cum dedecore malit, quod ille, cum licuisset, oblata certa atque explorata spe victoriæ, recusavit? Neque vero ille perdidit, qui non ita vicit; ne-

T t ;

que





ciam beneficio, redditis liberis parentibus cum fide, quos certos apud se obsides futuræ victoriæ haberet: ita postremo vicit, ut doceret insignis moderationis documento, victoriam, qua potiri possit imperator, justitiæ, clementiæ, lenitatis fama, longe esse victoriæ cruentæ præferendam. Itaque hoc populus Romanus allecutus est, Camillo imperatore, ut qui ante victi beneficio, quam armis essent, & se se ultro dederent, & imposterum experiri armis, adversus eos hostes nollent, qui non solum ferro vincere, sed justitia, fide, constantia, magnitudine animi hostes superare didicissent. Sed neque unus Camillus fuit in Romana civitate, qui tantam gloriam partam justitia, & moderatione animi, posteris relinqueret æmulandam. Nam, & Fabricius postea Romæ iterum consul, belli finem exsecratus, qui scelere insignior, quam devicti hostis gloria esset; transiugam Pyrrho regi curavit vinctum tradendum, qui se regem veneno sublaturum polliceretur, & Regulus de libertate, & vita decedere, quam de sua fide, & religione maluit, ejus sententiæ dissuasor, quæ sibi magis, quam reipublicæ conducere: ejus auctor, quæ patriæ saluti, sibi exitio esset. Id multo ante illum Postumius egerat, altero consulatu: qui cum infelici eventu unacum



nunquam antea ab urbe condita accidisset, ullo reipublicæ graviore discrimine, & casu. Quàm illustre vero in his ipsis captivis adeo despectis, & contemptis à suis, fidei documentum? Qui à senatu iussi se sistere Hannibali victori, constantia admirabili, in jurisjurandi religione tuenda, qua se hosti obstrinxissent, hinc acceptæ cladis ignominiam ad Cannas, hinc conceptam, per capitis diminutionem, maculam eluerunt, fortes in sui victoria, qui hosti armato cessissent? Nam ex his unum, qui videri vellet, per reditus fallaciam, in castra Hannibalis officio functus, quod fidem hosti datam inani commento elusisset, cum cura conquistum, senatus catenis vinctum, non animadversione acriore, quam fide, reducendum ad Hannibalem curavit. Utrumque autem in una re, tum fortitudinis, & magni animi, quæ maxime excellere debet, rebus adversis ferendis, tum fidei præstandæ, religionis, officii, perillustre exemplum. Vereor, ne cui videar minus mihi statuere modum, his ex historia colligendis: quod ipsum est tamen in maximis historiarum laudibus ponendum: tantam enim copiam, atque ubertatem earum rerum, suppeditat, quæ ad vitam recte instituendam spectant, ut qui ea legat attentius, ut sunt à rerum scriptoribus. l.

T t s      teris



cipem quis audeat appellare, bellum quidem conscripfit, quod Athenienses adversus Lacedæmonios gesserunt, maxime, omnium memorabile, ut ille ait, & quod victoribus æque, & victis pæne exitio fuit; sed non idem tamen ita scripsit, ut singulis explicandis rebus, fusius notet, quæ agenda, quæ vitanda, in maximarum rerum procuratione censeat; ut ea, quæ scribit, sint ad civitates recte administrandas hominibus adjumento. Ita enim illa narrat, ut per se res ipsæ loquantur, de quibus scribit, ipsæ confirmant, excitent, deterreant, avertant, verum non omnes quidem, sed doctos, & prudentes homines, qui multa paucis, obscura, & recondita, vi atque acumine ingenii assequantur, qui non sunt ita multi. Plerique enim ita legunt, ut cognita re, qua de agitur, tanquam hic unus sit finis in legendo, ea una contenti, longius non progrediantur, aut vitio ingenii, aut socordia, quod longe ab hominis natura abest, cujus acris, & vegeta mens, ex iis quæ accidisse aliis novit, ut præsentia moderatur, itaque immineant in posterum præsentiendo, æque se comparat tum ad fortiter adversa subeunda, tum ad secunda moderate, atque æquabiliter ferenda: hoc enim in scribendi munere, omnibus propositum esse debet, ut quibus  
de

100

rei agenda sit, tectas occultasque habere. Si qua de re controversia sit orta inter communes amicos, malint sua auctoritate, conciliandis animis, utriusque partis studia, quam armis partem alteram fovendo, & sibi exitium quærere, & suis. Hæc ita deducta in exemplum, atque, ut spectari undique possint, posita excelso loco, ubi ea incidant, quæ sint hujus generis, ita sunt posteris futura documento, ut dubiis rebus habeant, quò sua concilia dirigant: discunt enim aliorum exemplo, quæ tutissima ratio est, tueri ne otium præstet, an suscipere, aliorum causa, non necessaria, bella: quæ laus speranda, quod dedecus timendum sit, iis tuendis, qui accipiantur in fidem; quàm memores futuri credantur, ubi illis subsidio eatur; quid spei de eventu sit; quàm eorum sit explicata, quàm justa causa; tum, quod nonnulli habent in deliberando primum, & tamen, ubi de re publica agatur, spectari imprimis æquum est, quàm expediat eorum causa ire ad arma, & quidem cum ita sit dubitandum de eventu, ut nulla certa spe alios sublevandi, certum immineat eos defendentibus salutis discrimen: contra quis ab iis timendum, adversus quos bellum suscipiatur; quid sperandum, ubi quiescendo, liceat amicos retinere, qui lacesciti, inimici reddantur: tum illa  
maxime



The first of these is the fact that the University of Chicago is a private institution. This means that it is not subject to the same regulations as public universities. For example, it does not have to follow the same rules regarding the use of federal funds. This gives the University a great deal of freedom in its operations. However, it also means that the University is not subject to the same public scrutiny as public universities. This can be a disadvantage, especially when it comes to issues of academic freedom and the use of federal funds. The second of these is the fact that the University of Chicago is a research institution. This means that its primary focus is on the advancement of knowledge through research. This is in contrast to public universities, which often have a broader focus that includes teaching and public service. The University of Chicago's research focus gives it a reputation for being one of the most prestigious and innovative universities in the world. However, it also means that the University may not be as well equipped to handle the needs of the general public. The third of these is the fact that the University of Chicago is a large institution. This means that it has a wide range of resources and facilities. This gives it a great deal of flexibility in its operations. However, it also means that the University may be more difficult to manage than smaller institutions. The fourth of these is the fact that the University of Chicago is a historic institution. This means that it has a long and rich tradition. This gives it a great deal of prestige and a strong sense of identity. However, it also means that the University may be more resistant to change than newer institutions. The fifth of these is the fact that the University of Chicago is a leading institution in many fields. This means that it has a high level of academic excellence. This gives it a great deal of respect and a strong reputation. However, it also means that the University may be more difficult to challenge than less prestigious institutions. The sixth of these is the fact that the University of Chicago is a leading institution in the field of social sciences. This means that it has a high level of expertise in this area. This gives it a great deal of influence in the field. However, it also means that the University may be more difficult to challenge than institutions that are not as specialized. The seventh of these is the fact that the University of Chicago is a leading institution in the field of natural sciences. This means that it has a high level of expertise in this area. This gives it a great deal of influence in the field. However, it also means that the University may be more difficult to challenge than institutions that are not as specialized. The eighth of these is the fact that the University of Chicago is a leading institution in the field of humanities. This means that it has a high level of expertise in this area. This gives it a great deal of influence in the field. However, it also means that the University may be more difficult to challenge than institutions that are not as specialized. The ninth of these is the fact that the University of Chicago is a leading institution in the field of law. This means that it has a high level of expertise in this area. This gives it a great deal of influence in the field. However, it also means that the University may be more difficult to challenge than institutions that are not as specialized. The tenth of these is the fact that the University of Chicago is a leading institution in the field of medicine. This means that it has a high level of expertise in this area. This gives it a great deal of influence in the field. However, it also means that the University may be more difficult to challenge than institutions that are not as specialized.

sera pœnitentia ab ingratis expetente pœnas, quæ urgeat, in vestigiis hærens, nequicquam parum opportuno tempore resipiscentes. Sed Philippi regis tantum flagitium, Antiochi regis amentia tolerabilius fecit. Duplo enim peccat gravius, qui munitus exemplo peccat; quo fieri meliorem metu similis eventus, cautiorem certe, prudentioremque par esset. Ab Ætolis in Græciam vocatus cum magnifico, & specioso titulo superbus, se Græciæ liberatorem ferret, ad Thermopylas primo M. Acilio Glabrione imperatore à Romanis victus, mox ejectus è Græcia, postremo, consule Scipione Asiatico, Africani fratre, terra, marique superatus, populi R. victoris beneficio regnare, ultra Taurum summotus, ac de majore, atque opulentiore regni parte decedere est iussus. Quæ omnia eò graviora videri debuerunt, quò Hannibalem frequentiore in consilio habuit perpetuum populi Romani hostem, cui non parere salutaria suadenti, quàm terra marique superari, flagitiosus fuit. Ita enim statuendum est, præstare ab hoste vinci, optimo consilio, male gesta re, id, quod sæpe accidit, per objectum à fortuna adversum, casum, quàm ita vincere, ut penes fortunam victoriæ causâ, male initi consilii culpa

pa sit penes victorem, cui fortuna, sæpius favens deterioribus, sit morigerata. Qui autem adfuescit vincere, subnixus fortunæ temeritate, ei, ne quando ejusdem temeritate vinci contingat, cavendum. Raro enim ratio, in dubiis rebus, sæpe temere & casu agentem fortuna fallit. Cujus rei ita exempla multa adduci possunt; ut perpauci inveniantur tamen, qui se magis rectis consiliis, quàm fortunæ credant: quod cum agunt, plane se ipsi ignorare videntur: quibus cum præcipue natura indulserit, quæ illos rationis illustri nota à bestiis discriminavit, nihil ex præscripto rationis agunt, sensuumque vi, quos sua sponte impotentes imperii, prava educatio corroboravit, quò casus, & fors agit, cui se suaque permittunt, invitos impellente. Sed, ut ad rem redeam, unus, quod sciam, ex veteribus, hoc, à cæteris dissentiens, est usus Polybius, is, qui cum posteriore Africano vixit, ut, rebus explicatis, quemadmodum gestæ administratæque essent, tum quid prudenter, & callide, quid temere, & inconsulte, quid cum laude, quid cum dedecore esset actum, non solum rerum explicator prudens, sed animadversor castigatoremque acerrimus, accuratissime notaret: ut inde, qui vellent sumere, parata exempla ad agendum, & documenta illustria haberent. Quod quidem

dem veteres, ante eum vidisse, verisimile est, Thucydidem, Herodotum, Xenophontem, alios, tum, qui, multo post, aut in Græcia, aut in Italia floruerunt, Dionysium, Halicarnasæum, Diodorum Siculum, Dionem, Livium è nostris, Sallustium, Cæsarem, Tacitum, alios; quos Polybii auctoritas non movit, quo minus veterum auctoritatem secuti, scribendi institutum, quo ii essent usi, magno consensu tuerentur. Quod quidem existimo illos ob eam causam fecisse, ne viderentur longius progressi à suis finibus, in aliorum, quorum hoc munus proprium est, immigrasse. Est enim hoc ejus hominis munus, qui doctrina excellenti, contentostudio, usû rerum maximarum subnixus, quæ scripta à doctis hominibus leguntur, ea ad certa capita, & tanquam ad communes locos redacta, imperitorum oculis, fusius, latius explicata subjiciat: ut si quis apud Livium accuratius observet, quæ de duobus Spuriis, Cassio, & Melio, consule iterum illo, hoc prædivite equite R. & magnæ homine audaciæ; tum de M. Manlio gratioso apud multitudinem homine, & claro tum generis nobilitate, tum recenti gloria servati, adversus Gallos, Capitolii, operta, atque abdita aperiat, dilatat, quæ in pauca verba contracta, & contractata angustius, nonnunquam doctorum

Uu homi-

The first of these is the fact that the library is a public institution, and as such it is open to all. It is not a private library, and it is not a library for the use of a single individual. It is a library for the use of the community, and it is open to all who wish to use it. This is the first principle of the library, and it is the foundation of all library service.

The second principle is that the library is a place of learning. It is not a place of entertainment, and it is not a place of recreation. It is a place where people can learn, and it is a place where people can grow. This is the second principle of the library, and it is the foundation of all library service.

The third principle is that the library is a place of service. It is not a place of authority, and it is not a place of control. It is a place where people can receive service, and it is a place where people can be helped. This is the third principle of the library, and it is the foundation of all library service.

The fourth principle is that the library is a place of freedom. It is not a place of restriction, and it is not a place of censorship. It is a place where people can be free, and it is a place where people can express themselves. This is the fourth principle of the library, and it is the foundation of all library service.

The fifth principle is that the library is a place of unity. It is not a place of division, and it is not a place of conflict. It is a place where people can be united, and it is a place where people can work together. This is the fifth principle of the library, and it is the foundation of all library service.

The sixth principle is that the library is a place of peace. It is not a place of war, and it is not a place of violence. It is a place where people can be peaceful, and it is a place where people can live in harmony. This is the sixth principle of the library, and it is the foundation of all library service.

The seventh principle is that the library is a place of hope. It is not a place of despair, and it is not a place of pessimism. It is a place where people can have hope, and it is a place where people can believe in the future. This is the seventh principle of the library, and it is the foundation of all library service.

The eighth principle is that the library is a place of love. It is not a place of hate, and it is not a place of indifference. It is a place where people can have love, and it is a place where people can care for each other. This is the eighth principle of the library, and it is the foundation of all library service.

The ninth principle is that the library is a place of justice. It is not a place of injustice, and it is not a place of unfairness. It is a place where people can have justice, and it is a place where people can be treated fairly. This is the ninth principle of the library, and it is the foundation of all library service.

The tenth principle is that the library is a place of truth. It is not a place of lies, and it is not a place of deception. It is a place where people can have truth, and it is a place where people can know the truth. This is the tenth principle of the library, and it is the foundation of all library service.

stantiæ damnat: quod quidem si est, quid de eo statuendum, qui est in patriam impius, in quàm peccare scelus est, etiam, cum causâ videtur peccandi summa? Inde alius locus de justitiæ partibus: Cui persolutum sit recte factorum præmium, ei non relinqui locum ad expostulandum, ubi sceleris convictus, supplicio, quod sceleri est constitutum, ex legum præscripto, afficiatur. Esse facinus in cive detestandum, liberare eo animo patriam ab hostium servitute, ut ea ipsa intelligat, sibi esse suo liberatori serviendum. Quid porro esse iniquius, quàm liberos à parentibus, à patria cives, salutis præmium poscere, si quando aut parentes, aut patriam petitam armis, sint armis tutati, cum liberi vitam parentibus, cives patriæ, cum ea ipsa vita, quæcunque sint, hominibus expetenda, referant accepta? Atque hæc quidem in Manlio. Locus insignis de tuendo jure imperii in Spur. Melio, præter affectati regni crimen majestatis reo: quod vocatus ad causam dicendam, ad vim confugerit, multitudine ad arma concitata, quæ causâ Ahalæ fuerit, magistro equitum, detrectantem imperium interficiendi, quod & tum illi, & in omni memoria consequentis temporis honori fuerit. Tum ille imprimis, legum majestatem severe in omnes vindicandam; ut ne

Uu 1

liberi

The first of these is the fact that the University of Chicago is a private institution. This means that it is not subject to the same regulations as public universities. For example, it is not required to provide free tuition for students who are unable to pay. This is a significant advantage for the University, as it allows it to maintain high standards of education without being burdened by the costs of providing free education. However, it also means that the University is not subject to the same public scrutiny as public universities. This can be a disadvantage, as it allows the University to operate with a degree of autonomy that is not available to public institutions. The second of these factors is the fact that the University of Chicago is a research institution. This means that it is primarily concerned with the advancement of knowledge through research. This is a significant advantage for the University, as it allows it to attract the best faculty and students. However, it also means that the University is not primarily concerned with the education of students. This can be a disadvantage, as it may lead to a lack of focus on the needs of students. The third of these factors is the fact that the University of Chicago is a large institution. This means that it has a wide range of resources and facilities. This is a significant advantage for the University, as it allows it to provide a high quality of education. However, it also means that the University is more expensive than smaller institutions. This can be a disadvantage for students who are unable to pay the high costs of education at the University.



opportunitates, quæ sæpius in fortunæ temeritate, quam in nostra potestate sunt positæ: quæ spes receptus, re minus succedente ex sententia: populistudis innixi tantam rem audeant, an exterorum auxilium: quinam in societatem adsciti, cujus ordinis, fortunæ, quo consilio, & qua prudentia homines; quo ingenio, qua fiducia animi: ut discant qui hæc norint, quæ in his reprehendantur, cavere: ea parare, quæ desiderantur: præcepta enim improbitatis danda, quibus discant probi cavere à pravis consiliis; improbi ab ineundis deterreantur. Prudentem, inquam hominem quærimus, qui cum doctrina, atque ingenio excellat, historiam hisce animadversionibus illustratam, tradat nostris hominibus legendam. Quod munus, à functione rerum scriptoris separatum, quàm nobis hoc tempore sperandum sit, ea docent, in quibus teri nostrum hominum ingenia videmus, de quibus non est in præsentia, expostulandi locus. Sunt enim multi in veterum scriptis emendandis. Exemplaria antiqua permulta habent, quæ dubiis de rebus, tanquam Apollinis oraculum consulant: multa inducenda, addenda alia, nonnulla mutanda, ratione, conjectura adducti, atq; auctoritate librorum veterum contendant;



Plutarchi? Sive enim quis leges, & instituta magno administrando imperio, sive, quis sacra, & religiones spectet, quibus est Romana civitas constituta, an non ille fateatur, aut illic, aut nusquam præterea in terris, sedem, ac domicilium imperii fuisse futurum? Nimis prisca omitto, & quasi vetustatis situ horrentia, Romuli, & Numæ regnum, sacrorum, & religionum auctoritas, Tulli Hostilii, Anci Marcii, Tarquinii Prisci, cujus est auctoritate in republica augurum scientia sancita, Ser. Tullii tum habendi censum auctoris, tum lustrum condendi, rei imprimis civitati futuræ salutaris: quanta L. Bruti sapientia per stultitiæ simulationem, invictam illam animi vim imo pectorē condendo; quanta fiducia, eam ipsam suo tempore referendo? quanta civitatis totius consensio, quanta patrum conspiratio, quantus in omnibus animi ardor, Tyrannis importunissimis pellen- dis? Jam cætera consentientia principiis: quæ magnos usus observata afferant civitatum moderatoribus: coactus Tarquinius, primo initio consulatu, sese magistratu abdicare: populus adactus jurejurando, neminem se Romæ regnare passurum: illud, ne invisum civitati nomen libertati adhuc acerbæ, ex eminenti loco, officeret: hoc, ne exsolutum religione populum, Tar-

Uu 4

qui-



M. Manlii populi Romani liberatoris. Inter hæc Camilli res gestæ domi, foris, bella, victoriæ, triumphû, accepti in deditionem, populi, liberata petriâ à Gallis, victores ad internecionem cæsi: T. Manlii pietas, liberando patre; severitas, per filii supplicium, retinenda majestate imperii; pugna, per provocationem cum Gallo hoste; torque victo detracto, partum Torquati cognomen; virtus & magnitudo animi Latino bello; in eo ipso, pro populi Romani victoria, devotum Decii collegæ caput, Papyrii Cursoris tum patris, tum filii, Fabii maximi militaris virtus; Mamerci, Philonis, Decii filii gloria, per voluntariam mortem, patria pietate in suos cives repræsentanda; Italia omnis in ditionem populi Romani redacta. Inde externa bella, res adversus Pyrrhum gestæ; Fabricii virtus, & frugalitas summa, in fungendo legationis munere, ad Pyrrhum regem; constantiæ, & gravitatis laus turpi conditione rejicienda, quæ ab hoste ferretur: fidei singulare exemplum, proditore transfuga regi remittendo, cujus mors, rem gerenti facilem, & incruentam victoriam îponderet; Appii cæci auctoritas summa tum castigando senatu, tum turpi pace cum hoste dirimenda; Curii Dentati de Samnitibus triumphus, sed multo de se ipso clarior, contempto in-

Uu s

genti



gendo modo, rerum causas observet, consilia, acta, eventa, cur quid gestum, cur, quid omissum sit, tum eventus quid ita hi lati, & secundi, illi minus ex sententia: casu ne factum sit, & felicitate, an virtute, & consilio, ut quid præclare ceciderit: si quid male evenit, qui occurrere potuerit, ne eveniret: peccatum ne à duce sit ducendo agmine, instruendæ acie, loco deligendo castris, quò, si quid durius accidisset, esset facilis receptus: quæ victoriæ causa, commisso prælio, quæ victis rei perperam gesta. Tum illa summa, si sit male pugnatum, penes milites culpa, an penes ducem fuerit: sæpe accidere, ut lectus miles, qui, duce imperito militaris, stipendia faciat, sæpe, ut dux, qui idem sit vir fortis, & magni consilii, contumaci milite, non verbo audiente, non frequente ad accipienda imperia, non frequente signa, id quod Lucullo evenit, rem adversus Mithridatem, & Tigranem gerenti, accipiat cladem. Nam illa majora, de duce belli deligendo: Cum imperatorum varia genera habeantur, non eadem sint, omnium ingenia, adversus hostem ducentem ferocem militem, veteranum, semper victorem, qui potissimum bello præficiendus utrum, qui elatus fiducia animi, unico prælio, sit de summa rerum decernere, para-



paratus, nihil consilio, vi & aperto Marte rem gerere, quo ingenio Sempronius ad Trebiam, Flaminius ad Thrasymenum lacum, ad Cannas Varro dicitur fuisse; an, cujus sit sedatum ingenium; qui hostem, exultantem ferocia norit patientia eludere; prohibere vincere potius, quàm ipse vincere, tuta consilia speciosis præferendo: cujusmodi Fabius adversus Hannibalem fuit; Scipio Africani pater ad Trebiam, temeritate Sempronii republica in discrimen adducta; Servilius Flamini; Varronis Paulus collega: quorum uterque, sua cæde, acceptam cladem ad Cannas nobilitavit. Ubi horum alter deligendus sit, utrum, præstet, ad Fabii exemplar, deligere assuetum, ferociam consilio frangere; an feroci & vehementi ingenio; qui spem victoriæ in sui fiducia, & hostis contemtionem, non in certa ratione, & consilio positam habeat; qui non hostem, non tempus, non locum non exercitus ducem spectet, qui cum gerenda res sit, suarum modo virium, non eorum, quibus cum sit signa collaturus æstimator, qui consilii sui impotens, contemptor aliorum in aciem descendat. Tum, si neuter horum, pro hostis ingenio, belli usu, ratione, temporis satis idoneus videatur; deligendus ne, inter hos medius, qui vim animi, atque ingenii ferociam tem-

temperet consilio ; cunctationem , & tarditatem temperet magnitudine animi ; ne horum alterum in vitium vertat , & sit unde hostis insolentia alatur , quæ ipsa tamen nonnunquam alenda consulto est : quo ingenio fuit Gracchus Volonum exercitus dux , Marcellus , Q. Fulvius , Claudius Nero , Africanus , is , qui Hannibalem devicit , & Carthaginem æmulam imperii , parere populi Romani imperio coegit . Observet vero mihi , & notet animo diligentius , qui ita legit , ut discere aliorum exemplo , quæ meliora sint , quam suo doceri alios velit : observet , inquam in his omnibus divinam illam senatus constantiam , adversis rebus , & dubiis ferendis , tot cladibus acceptis ad Trebiam , ad Thrasymenum , ad Cannas , tot cum ipsis ducibus , exercitibus amissis , lectissima juventute , majore parte imperii republica orbata , invictum adversus mala omnia animum retinentis . Atque ex eodem loco illustria virtutis , & nequitiae monumenta : ut adversis rebus , senatus non fractus animus non demissus , erectus sui fiducia , & spe confirmatus : ita in secundis Hannibal & sui , & suorum , & hostium adeo oblitus , quos fortuna , tot illatis detrimentis , non fregisset : victus is Campanorum delitiis , quem tot gentium victorem , non Pyrenæi montes , non Alpi-

um



ranos milites reipublicæ quàm ad hastam  
empta mancipia fore, sed, ut tanta iis in-  
iusta nota ignominia, discerent alii, Roma-  
no militi, aut vincendum in acie, aut cum  
honestâ morte turpem vitam commutan-  
dam. Nam quorum adeo vilia capita sunt  
visa, quò digni majore venia viderentur,  
non hostis virtute magis, quàm ducis teme-  
ritate victi fortunæ cesserant. Quanta vero  
illa constantia? cum hostis Hannibal toties  
victor tota Italia vagaretur, omnia incendiis,  
cædibus, populationibus impleret: non, ob  
id, senatum Hispanienses exercitus ad pa-  
triam defendendam, positam in magno  
rerum discrimine, non Scipiones duces tan-  
tos revocasse? Jam & illa æque admirabilia:  
defectione populorum secuta, nutantibus  
municipiis, & coloniis omnibus, & impe-  
rata facere recusantibus, non propterea rem-  
gessisse remissioribus animis, non pacis,  
non compositionis mentionem fecisse. At  
hoc modo? imo quod vix integris viri-  
bus erat sperandum, obsessam Capuam, at-  
que eam quidem tum suis, tum hostium  
viribus superbam, interfecti præsidii Ro-  
mani, per summam perfidiam, dare pænas  
ultimo excidio coegisse: id assecutum ma-  
gnitudine animi, & constantia incredibili:  
ut ne Hannibal quidem, ad Romam oppu-  
gnandam profectus, aut revocare inde ob-  
fiden-

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

...the ...

Figure 1

trix persolvendo: ut fluxis rebus, civium fortunæ pateant patriæ poscenti, cui & fortunæ, & vitam debeant: reciprocum beneficium esse, quo patri afficiatur, ut ad privatos unde manavit, & quidem semper auctum, & cum sænore redeat: scelus nefasque habendum, quod patriæ persolutum in tempore, possit salutare esse, tum, cum de privata simul & de publica re est desperandum, pati prædam hostium fieri, ut qui in naufragio jacturam mercium faciant, cum est spes omnis salutis deplorata: non posse enim prospici privatorum salutem, quin prius salutem, reipublicæ prospiciatur. Nam locus alter mirificus: In bene instituta civitate dandam operam, ut inter se sint consentientia civium studia, idem consensus animorum: multitudinem semper in principum potestate futuram, ubi principes, habere in potestate, animi cupiditatem animadvertat, qua maxime potentes homines à rectis studiis avocantur. Nam in Sicilia latissimum campum aperit, & maximarum rerum theatrum, Hieronis regis optimi, & fortissimi mors. Inde, Hieronymi pueri regnum violentum, mores impuri, & vitæ instituta: quæ indigna privato, majore cum offensione in persona regia, ab iis præsertim, qui avi imperio assuevissent, optimi regis, & mitissimi, anim-

Xx

adver-





emplum, æque secundis, & adversis rebus  
amicitia cum sociis colenda; hospitalita-  
tis, & munificentiae in externos; caritatis  
in suos; prudentiae extremo vitae spiritu,  
cladibus Siciliae imminentibus, per pueri  
regis contemptam ætatem, & tutorum sce-  
lus præcinendis; pietatis in patriam, & ani-  
mi magnitudinis, suscepta cogitatione de  
Syracusanis potestate regia, liberandis, cu-  
jus causa alii omnia sibi statuunt agenda.  
Jam in rege puero contraria studia omnia,  
& quæ hunc ætatis vitio, hinc regionum  
assentationibus indies fierent deteriora :  
regno impar animus : officii onus viribus  
majus; ut succumbere imbecillum necesse  
esset: tutorum ambitio immanis, quibus re-  
gia affinitas animos in spem imperii erige-  
bat; Andronodori, & Zoili imprimis, qui  
regis Hieronis generi, pueri ætati, quò fa-  
cilius, per alienam invidiam regnarent,  
deponendæ tutelæ simulatione insidiaban-  
tur: vitia in eodem & pueri, & regis, quæ,  
in summa impunitate rerum omnium, pra-  
va, ac molli educatione exaggerata, in  
suorum perniciem alebantur: tum illa ma-  
xime, quæ alienationem haberent à suo-  
rum animis, purpura, diadema, satellites  
armati, mos exeundi è regia quadrigis al-  
bis equis trahentibus, ut majore cum ani-  
morum offensione Dionysii memoriam,

X x :

refrica-

AMERICAN MEDICAL ASSOCIATION  
 PUBLISHED WEEKLY  
 CHICAGO, ILL., U.S.A.  
 Vol. 10, No. 1, January 1917  
 Price, Five Cents  
 Single Copies, Five Cents  
 Annual Subscription, \$5.00  
 Foreign and Postage, \$6.00  
 Entered as Second-Class Matter, June 26, 1901  
 Postpaid at Chicago, Ill., under Post Office  
 No. 100,000, authorized on October 3, 1901  
 Accepted for mailing at special rate of  
 \$3.00 per copy provided for in Act of  
 October 3, 1917, authorized on October 3,  
 1917  
 Paid for postage by addressee  
 Second-Class Postage Paid at Chicago, Ill.  
 Postmaster: Please send address changes  
 to THE JOURNAL OF THE AMERICAN  
 MEDICAL ASSOCIATION, 535 N. Dearborn  
 St., Chicago, Ill. 60610  
 Copyright, 1917, by American Medical Association  
 Printed at the Chicago Press, Chicago, Ill.

rum jacturam, id quod necesse erat, quasi corrupta nobiliore corporis parte, & regni simul, & vitæ jactura secuta: E quibus omnibus, locus opportunus, revocandis iis ad honesta studia, quibus non licet, nisi, cum multorum perniciæ, in quos uni est permissa summi imperii potestas, improbis esse. Ut enim recte creditur, non reddenda arma furioso, quæ illius optimo jure sint, ne male utendo aut alii sit exitio, aut sibi ipse afferat manus: ita amenti magna administranda regna tradi non oportere, divinis legibus omnibus, atque humanis repugnantibus: quæ quidem, impares jubeant, administratione regni, quicquid gentium, & majorum jura jactent, prohiberi. Nam & illud, ex eodem loco, documentum: Dandam operam iis, qui regna obtineant, ne quem locum debeant munitum habere civium benevolentia, patefaciant odio: quod, ubi accadat, iis aperiant aditum ad suam perniciem necesse sit, in quos, unius injustæ dominationis vim exercuerunt. Tum aliud plane aureum, perniciosissimo tyrannorum instituto detegendo, quod quidem si diu vigeat, necesse sit, funditus civitates interire: consueſſe enim, cum meliores se, minime sperent sibi æquos futuros, infimæ fortis homines, eximios habere: quibus specioso nomine liberatis,

Xx 3

quæ

the first of these, the *Journal of the Proceedings of the General Assembly of the Church of Scotland*, is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church.

The second of these, the *Journal of the Proceedings of the General Assembly of the Church of Scotland*, is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church.

The third of these, the *Journal of the Proceedings of the General Assembly of the Church of Scotland*, is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church.

The fourth of these, the *Journal of the Proceedings of the General Assembly of the Church of Scotland*, is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church.

The fifth of these, the *Journal of the Proceedings of the General Assembly of the Church of Scotland*, is a volume of great value, and which has been the basis of all subsequent history of the church. It is a volume of great value, and which has been the basis of all subsequent history of the church.

commentarios conficiat, unde salutaria præcepta versanti in reipublicæ gubernatione, hauriantur. Ac ne videamur domesticam, laudem Græcis invidere, ita illi jam inde à principio rerum, duabus summis artibus floruerunt, tum gerendi res, tum res eas, quas gessissent, literis mandandi; ut apud posteros nonnihil eorum fidem harum altera elevarit: cum quidem vi orationis, essent consecuti, ut quæ nulla, aut perexigua essent, magna; quæ non ita laudanda, summa digna laude posteris viderentur. Ex hoc fonte illa omnia manasse verisimile est, victoriam Miltiadis de Persis in Marathonis campis; Themistoclis illius gloriæ æmuli trophæa ad Salamina, terra marique summa gloria devictis barbaris, atque Græcia ejectis; Leonidæ ad Thermopylas, Epaminondæ in Leuctris mortem, illius pro servanda, hujus pro servata patria in vestigio victi hostis morientis; Harmodii, atque Aristogitonis gloriam tyranni interfectorum; Thrasibuli patriæ liberatoris; Agefilai victorias de Persis, de Beotiis, de Atheniensibus, atque iis omnibus, in summo imperio justitiæ, & moderationis gloriam majorem; cum nusquam passus esset sibi excidere verbum, quod iniquumquam videri contumeliosum posset. Jam Alexandri tempore, cum Athenienses scribendi gloria maxime excellere, sese repen-

100

Dionysio tyranno essentari? Eadem Theopompi ratio: in cuius scriptis, altitudinem orationis homines doctissimi admirati dicuntur, scriptoris gravitatem in narrando, & fidei religionem desiderasse. Nam de Timæo, quanquam eruditorum iudicio, genere scribendi, magnam sit eloquentiæ laudem consecutus, haud video veteres præclarius sensisse; idem statuisse de aliis, Naucræte, Ephoro, qui, auctore Isocrate, dicitur, ut illius Theopompus æqualis, scribendæ historiæ animum applicuisset. Nam Callisthenis, qui, quo ingenio fuit, nihil ad gratiam, narrandis rebus, sese unum modo dicitur respexisse suæ fidei memor, nulum scriptum exstat: quod quidem si superesset, forte erat futurum, ut de rebus ad Trojam gestis, quæ refertæ fabulis passim leguntur, certiora, ac propiora vero à nobis legerentur: certe ab Aristotele, cuius fuerat auditor, tum amice, & graviter, tum crebro dicitur castigatus: cum ita diceret, liberum quidem illius iudicium fuisse de Alexandro, ut visum esset, statuendi: maledicendi licentiam ei, de quo non præclare sentiret, cum iis aut tollendis, aut emendandis haud par esset, quæ improbaret, minime philosophi personam gravitatemque decuisse. Amitti enim officii fructum, ubi, non secus, ac



This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and faint smudges, characteristic of old paper. The left edge of the page shows the binding of the book, and the overall tone is a warm, off-white or light beige.

Græci scriptoris eloquentiam in genere scribendi, non possis satis admirari. In concionibus quidem tantus est, ut eruditi homines, & acerrimi ingenii, in sententiis, quibus est creber, cum illæ summe placeant, doceant, afficiant, moveant, desiderant modum. Est una quidem illius oratio, qua Corinthiorum legatus inducitur verba facere, de Lacedæmoniorum, atque Atheniensium republica cum adversus Athenienses, & Corcyreos, opem à Lacedæmoniis implorarent; ut qui eam attente legat, is non magnopere philosophum quærat, qui doceat, qui in civitate recte constituenda vetari legum imperio, quæ juberi oporteat, ab una hujus oratione mutuatus: imprimis, à quibus sumi exempla debeant, ad populos in fide, continendos; quibus pacis artibus domi, quibus belli, foris rempublice oporteat administrari. Nam in funebri oratione, quam Pericles ad populum habet, quot fere verba, tot sunt documenta præclara ad mortem, pro patriæ salute optendam. Quis vero ita immiti ingenio sit, aut ita fracto animo, atque imbelli, qui non, exemplo tot virorum fortium, ubi sit; qui eorum res gestas, quasi egregius pictor, accurata oratione ob oculos ponat, ad pietatis officium patriæ persolvendum excitet animum, inflammet, incendat? Et quoniam



pter eximiam virtutem, atque ingenii indolem, dignos se ostendant, qui obtineant principem in republica locum. Inde aliud documentum: ubicunque emineat virtus, illic regnum, virtutis præmium conspici per studia, & suffragia hominum oportere: neque indignum haberi, qui legitime imperet, eum qui norit, uni legitime imperanti obtemperare. Jam illa brevi quidem, & concisa oratione, sed perquam erudite, de urbe aperienda exteris ad vitæ commercium, de bene meritis civitate donandis; de coloniis deducendis; quibus maxime & civium commoda augentur, & exterorum studia confirmantur, & in iis ipsis coloniis, tuta omnia habentur, nostris cum exteris, quasi in unum corpus coalescentibus. Ac cum in civitatibus omnibus, certi veluti morbi quotidie existant, quibus populi sæpe ad perniciem laborant: quibus rationibus debeat occurri exorientibus, ne vires neglecti fument, tum quò sit perfugiendum, ubi sint mala remediis graviora, ex eventis, & causis earum rerum docet, quas scribendas, & prodendas memoriæ suscepit: quæ quidem tantæ sunt, ut Atheniensium potentissimam, & florentissimam civitatem male administratæ convellere, labefactareque poterint. Fusior aliquanto Thucydide Xenophon,



viribus, & ingenio, qui præclare agit, officii ratio est exigenda, ut eodem loco habeatur, quod exiguum est, & tamen ab egregia voluntate manat, atque id quod in pari voluntate, facultate majore, est plurimum: quemadmodum qui accepit ex parvo acervo teruncium, sed ab eo qui dat prolixè, atque alacriter, parem gratiam danti habet, atque ei, qui talentum ex magnis opibus largitur. Quò acrius ii castigandi sunt, qui victi spe præmii, cum industria, & fide, facultatem scribendi, & stylum habent venalem: quo nisi libere in omnes, cum usus requirit, & nullo discrimine utantur, non personarum, non partium, non fortunæ, non ordinis, sed rerum, plane indigni sint, qui in scriptorum numero habeantur. Est enim ea historia, quæ vere vitæ dux, imago veritatis, testis temporum, rerumque omnium, quæ à summis hominibus cum laude, & cum dedecore aguntur, ut sol exoriens aperit cuncta omnium oculis, tenebris disjunctis omnia detegat, quæ silentio obruta, hominum conscientiam fugerent. Ita notati ignominia, tanquam à censore, improbi, & scelerati, cujuscunque fortunæ sint, nobis etiam, qui, tot postea sæculis, existimus, odio habentur, probi habentur in honore: neque enim sic quenkumque veritas eximium habet, ut

THE UNIVERSITY OF CHICAGO  
THE DIVISION OF THE PHYSICAL SCIENCES  
DEPARTMENT OF CHEMISTRY  
530 SOUTH EAST ASIAN AVENUE  
CHICAGO, ILLINOIS 60607  
TEL: 773-936-5500  
FAX: 773-936-5501  
WWW: WWW.CHEM.UCHICAGO.EDU  
E-MAIL: CHEM@UCHICAGO.EDU  
The Department of Chemistry at the University of Chicago is a leading center for research in chemistry and related fields. It is home to a large and diverse group of faculty and students, and is known for its high quality of research and teaching. The department is organized into several divisions, including Organic Chemistry, Inorganic Chemistry, Physical Chemistry, and Analytical Chemistry. Each division has a strong tradition of research and is well-equipped with state-of-the-art facilities. The department also offers a wide range of graduate and undergraduate programs, and is committed to providing a high quality education to all of its students. For more information about the Department of Chemistry at the University of Chicago, please visit our website at [www.chem.uchicago.edu](http://www.chem.uchicago.edu).



incommoda graviora, tum unum maxime à neglecto veritatis studio existit: ubi enim improbi homines, ea in dubium vocari audiunt, quæ scripta à doctis hominibus legunt: facile patiuntur, ea falsa videri, quorum exemplo aut meliores fiant, quod nolunt, aut, quàm sint fœda, domestica vitia, perspiciatur. Nam ita sunt perditio ingenio, ut delectentur animi morbo, cuius tabe conficiuntur, & virtutum, quas oderunt, nolint ulla monumenta exstare, ne ex eorum splendore, quæ fœde, impure, crudeliter admiserunt, turpiora, immanioraque habeantur. Itaque mihi, una hæc causa fuisse Caligulæ videtur, cur aliquando cogitarit, de Livii scriptis principis Romanæ historiæ igni cremandis: id enim vereri visus est, ne exempla majorum efficerent, quorum virtute tanta erat olim laus & gloria populo Romano parta, ut illius tum flagitia, tum scelera, majorem cum invidia, atque offensione, apud posteros conspicerentur & prædicarentur: id quod accidere necesse erat, ubi, quæ illi cum laude gessissent, superessent, à doctis hominibus literis consignata. Quotus autem nunc quisque est, aut fuit unquam majorum memoria, qui, cum malis artibus partam regiam potestatem, per infinitam scelerum licentiam administraret, veterum mo-



petenda, si cui est minus explorata: missus enim Romam, ut de captivorum commutatione ageret, meminerat sua auctoritate factum, quo minus Carthaginiensibus postulantis, liberi parentibus, uxoribus viri, patriæ milites fortissimi, delecti ex flore nobilitatis juvenes suis redderentur. Quam hinc acer conscientia morsus, scelerato homini, ingentium flagitiorum, & scelerum conscio? quam tristis, atque acerba recordatio; ubi hoc proditum literis reminisceretur, obstrictam barbaro hosti fidem, Regulum vitæ exitio persolvere, quam manere in patria, principi loco in senatu sententiam dicere, cum liberis, cum uxore vitam agere maluisse? contra, violatæ ab se fidei labem, per omnem memoriam consequentis temporis in omnium gentium annalibus hæsuram? Nam ille.

*Fertur pudice conjugis osculum,*

*Parvosque natos, ut capitis minor*

*A se removisse, & virilem*

*Torvus, humi posuisse vultum:*

*Donec lavantes consilio patres,*

*Firmaret auctor, nunquam alias dato,*

*Interque merentes amicos*

*Egregius properaret exul.* Hujus consilio pontifex pater, accepta pecunia à Turcarum tyranno, creditum suæ fidei Gemmem fratrem, dato ad tempus veneno, tollendum de medio curavit, innocentis vita cru-



in qua nunquam non vigebit ejus Africani memoria, qui tum bellicæ rei gloria, tum animi temperantia Alexandro par, non ejus gloriam solum æquavit nobilibus captivis conservandis, sed superavit etiam restituendis suis. Sed neque nobis in præsentia, propositum est, persequi oratione tam diri, atque abominandi monstri teterrima facinora omnia, & satis multorum scriptis notata animadversaque leguntur, ne mihi necesse sit in illis diutius immorari. Non enim, ubi decet justitiam & sanctitatem eminere, potest latere erectum nequitia, & improbitatis vexillum: quam quidem, etiam si ultra coronam, & hominum sermonem progredi non videatur, erutam è tenebris veritatis luce, historia prodit. Nam viri principes, qui peccant in excelsò orbis terræ theatro, non magis debent sperare domestica, flagitia posterorum intelligentiam fallere, quam qui meridie, magna populi frequentia, celandi spe hominem interficiat. Fuerit, amens Caligula impune, licuerit, quantum libuit, furioso esse; potuerit obtinere, ut suæ ætatis omnium scripta, non Livii solum, immani, ac diro imperio conflagrarent; Nero in omnium libidinum, & scelerum contentione, avunculum superare; Domitianus Neronem; illum Caracalla; omnes Commodus, & Heliogabalus, cum alii; quas pe-



vitæ rationibus, ad meliores, atque honestiores traducantur. Nam si quæ aberrant, cum iis prudentia vitæ duce optima liceat uti, parta vetustatis exemplis multis, & clarissimis legendis, nullam se sperant errati veniam, neque à præsentibus, neque à posteris consecuturos. Cum igitur duo genera docendi ex historia existant, alterum, ut diximus, commemorandis rebus majorum cum laude gestis, quibus animi ad res magnas, & se dignas incitantur; in eorum narratione alterum, quorum fœditate deterriti, ad contraria studia animum convertant: libeat rursus, si placet, per eundem historiæ campum, eorum percurrere exempla, qui non fortes solum, justi, sapientes, patriæ causa, sed in omni posteritate, consensu gentium omnium fuere. Equidem quid aliis accidat ignoro: mihi nunquam venit in mentem L. Bruti Romanæ civitatis liberatoris, quin jucunda recordatione, omnium simul memoria subeat, qui illius gloriæ æmulatione, patriam, exactis tyrannis, ad nostram usque memoriam, importuna dominatione liberarunt. Quod vero hinc, quantaque discuntur? Reges docentur moderati esse, uti potestate in suos legibus præfinita, non immani, non infinita: abstinere à privatorum injuriis, quorum alienatis animis, satis intelligunt,





non proram, meliore conditione esse, quam carinam, aut foros; in corpore non illata solum capiti vulnera obesse, sed aliis etiam partibus, quæ capitis imperio regantur, & ad caput pedum offensionem, & capitis æque, pertinere ad pedes: sic videri, eundem sensum, animorum, inter cives esse in offensione partium, debere: ut rex, qui injuste privatum interficiat, videatur, quasi in sui corporis partem, ferrum intorquere. Hinc usu venire, ut cum moveantur unius tyranni injuria privati multi, tanquam ejusdem corporis partes, necesse sit illos adversus caput, quo infesto utuntur, aut insidiis, aut aperta vi, ruinam, atque exitium moliri. Caro emptam Tarquinio voluptatem, Lucretia per vim oppressa, amissione regni, jactura pudoris, justitiæ, fidei, quæ vere regis virtutes, in quibus requirantur efficiant, non, ut reges illi quidem, sed regendi aliorum imperio, vincendi catenis, constringendique videantur. Illatum stuprum uni Lucretiæ à Tarquinio; injuriam ad omnes pertinuisse: per unius enim violatum pudorem, apertum aditum ad multarum pudicitiam expugnandam, quas non splendor familiæ, non regia affinitas, non nobilitas majorum, non severitas legum, & judiciorum tueretur: injuriam eam gravissimam haberi, quæ à regia in privatos manaret, cujus defendendæ, &

*[The page contains extremely faint, illegible text, likely bleed-through from the reverse side.]*

petu erumperet. Inventos scire, qui in infima fortuna tentare regum vitam, & v. rorum principum, vitæ periculo essent ausi. Jam, & illud ex Bruti consilio notandum, eum, qui in tyrannum conspiret. quo explorantem omnium consilia, à sui suspitione avertat, opinionem ingenii dissimulare oportere, prudentiæ, animi magnitudinis, quæ virtutes tyranno semper sint in magno homine suspectæ, & cujus sint vires animo pares: tetam enim ingentem virtutem stuporis simulatione, & tardi ingeni, ubi, tanquam alte sopitum incendium, subito erumpat, quò abesse longius credatur, à præsentium sensu, eò vim acriorem in eorum animis excitare, quibus laudem vindicandæ patriæ, per tyranni cædem, eadem virtus, & magnitudo animi spondet. Jam de Lucretiæ pudicitia ex domestico apparatu, de frugalitate domus, de munere nobilis matronæ, locus æconomicus totus: ut nullus Aristoteles aut Xenophon melius de ea re agere, aut uberius, quàm historiæ Romanæ scriptor potuerit. Nam qui mox sequitur admirabilis, ex ejus interitu, de fortitudine, & magnitudine animi, contemnenda ea vita, quæ matronale decus, cum pudoris jactura amisisset. Turpem vitam, honesta morte redimendam: mortem, quæ violati pudoris expiatio sit, cum naturæ debeatur,



vitam obnoxiam reddat, quem infestum habeat, ut, ubi velit, aut aperta vi, aut dolis, atque insidiis petita cadat. Adversus eum, cui sit gravis vita, acerba, & gloriosa mors, nulla satis esse fortia, atque expedita arma. Ita Philippum regem, concidisse Pausaniæ manu, & quidem medium incedentem inter Attalum generum, & Alexandrum filium: Hasdrubalem Carthaginensium imperatorem, servi barbari, cujus dominum interfecerat. Vidimus vero ipsi, hac tempestate, in Galliæ regno, non ita multis ab hinc annis, in Claudium Guisiorum Regulum, ut olim in Porfennam regem, ex Romana nobilitate, delectos è multis milites conjurasse: quorum alter errore, fato creptus, alter ictu parvi tormenti ad manum sit interfectus. Ita pridem Romæ Clemente VII. pontifice maximo in magna populi frequentia sacra obeunte, ex infima plebe hominem, cui uxor violata esset, opimo sacerdotio prædito homini, ac nato illustri loco, argenteo nummo os medium secuisse: cujus vulneris citatricem gestantem vidimus. Nam eum ipsum, qui tantum est ausus, facinus, multi quoque viderunt alacrem, hilaremque adeo supplicium ferre, quod esset pretium futurum, ab infamia vindicati pudoris. Quæ vero Lucretiæ postrema quasi  
cycnea





isse, quod materiam ad sæviendum sup-  
peditaret: afflictam plebem, abjectam ad  
lapicidas, atque ad cloacas, & fossas  
urbis hauriendas detergendasque ablega-  
tam: ut flos juventutis lectissimæ, mili-  
tum fortissimorum robur, sordidis mini-  
steriis addictum, & indignis Romano ho-  
mine, magna cum reipublicæ jactura in-  
teriret. Reliquam esse nobilitatem, cui  
non majorum insignia, non generis splen-  
dor, non familiæ decora præsidio adversus  
vim importuni tyranni essent. Illatum stu-  
prum in clarissimam domum, & quæ regi-  
am dignitatem Tarquiniis non invideret,  
Græci hominis, exulis Demarati proli: ut  
si hoc tacitum civitas ferat, quin subeun-  
dum sit servitutis jugum, multo gravius,  
atque acerbius dubitari haud possit. Illu-  
stres alii loci, & qui latissime pateant, ex  
unius rei gestæ argumento; ut ii, qui ci-  
vitatibus præsent, recte regnandi artes,  
& administrandi rempublicam discant: ne  
parum tuti sint à suorum vi, & conspira-  
tione; quorum non corpora ferro, atque  
armis, sed animi sint liberalitate, & mu-  
nificencia conciliandi. Non hunc esse  
liberorum hominum morem, ut patiantur  
æquo animo publicas opes, quæ debeant  
esse reipublicæ subsidio, in unius commo-  
dum, multorum perniciem verti. Majestatis  
convir-



ut aspiranti fortunæ, quasi secunda aura, fuerint vela danda: liberanti M. Bruto orbem terrarum à Cæsaris dominatione, difficillima omnia: studia populi plane dissimilia: eorum varia ingenia, in quos conjuratum est: Tarquinius non nomine superbus, quàm remagis: placido, ac miti ingenio Cæsar: ab altero alienata populi studia, non nomini magis, quàm insita ingenio superbia: effusa in alterum, quæsitæ rerum gestarum gloria, atque opinione virtutis: huic benevolentia magnitudine largitionum; populi odium illi conflatum, oppressi per injusta onera, & servilia ministeria: hic faciendis, ille condonandis injuriis clarus: in Tarquinio immanitas; clementia in Cæsare admirabilis. Sed, quod permagni faciendum est, alter qui obtineret in bene morata civitate, injustum imperium, uti ex studiorum dissimilitudine, facilis unius oppressio, multis eandem agentibus rem, esset: alter, qui in civitate corrupta regnaret, & quæ scelerum, & flagitiorum omnium licentiam libertati præoptaret, cujus modò plausibile, atque inane nomen contemnerent, à quo quæstus, & compendium nullum esset. Nam exercitus, in qua una re maxime erant spes conjuratorum sitæ, verbo quidem erant in reipublicæ potestate, re, eorum imperium



## THE NEW YORKER

The New Yorker, published weekly, is one of the most influential and widely read magazines in the United States. It is known for its high-quality journalism, fiction, and art. The magazine was founded in 1925 by George S. Kaufman and Edith Sitwell. It has since become a platform for some of the most talented writers and artists of the 20th and 21st centuries. The New Yorker's content is known for its intellectual rigor and its commitment to the arts. It has a long history of publishing works that have shaped American culture. The magazine's influence extends beyond its pages, as it has inspired countless other publications and has been a source of inspiration for generations of writers and artists. The New Yorker's commitment to quality and its dedication to the arts have made it a beloved institution in the United States and around the world.

que conspiciatur, sua specie animos allicit ad se amandam, ita quæ turpia, flagitiosa, immania sunt, sua sponte à male agendo perspecta avertunt. Ergo Hannibalis æmulator, eum vere Hannibalem, belli summum ducem agnoscat, in duris, atque arduis rebus, unde mox illæ secundæ, fluxerunt, præsentī fortuna semper celsiorem, atque erectiorem animum gerentem. Nam pulcherrimæ illæ victoriæ, tot illa parta immortalitatis decora ad Trebiam, ad Thrasymenum, ad Cannas, invictum in malis animum, in Campanas delicias, quasi in scopulos, & cautes cursu fortunæ secundo delatum fregerunt. Hæ illi Sirenes, Circis pocula, amores, Phæacum lusus, & convivia fuerunt. Itaque id fixum, ratumque esto, ut unde maxime eminet, in adversis rebus spectetur magni ducis, atque imperatoris virtus, quem sibi ad imitandum vir fortis proponit. Obversetur ob oculos, quàm forti animo tulerit acceptas in Hispania clades ipse in Italia rem gerens, cæsis fratribus, amissis tot exercitibus, tot provinciis, quas à se magna gloria partas Carthaginensium imperio adjunxisset: cum quidem dissimulatione, & animi constantia incredibili domestica mala, ne cognita, militum animos frangerent, tecta haberet, in luctu, & mærore simularet lætum, atque alacrem animum.



vestigijs hærentibus certare coactum ; quæ natura difficillima, unius vis ingenii, & magnitudo animi facillima reddebat. Spectetur in acie pugnans, nunc militis præstans, nunc imperatoris partes, cum aciem instruit, cum milites adhortatur, cum educit in aciem, victor æque, & victus ( utrinque enim præclara documenta ) reducit in castra. Tum illa majora à natura, unde hæc summa, quæ sunt disciplinæ, atque usus : pueri rara indoles, & spes, non parentis, non suorum cohortatione, sed sua sponte incensi ad gloriam ; patientia in labore incredibilis, & quæ ingenii esset, cum esse viri-um, & ætatis non posset, victus parabilis, & tenuis, ut disciplinam usus, usum disciplina adjuvaret ; cupiditas cibi, & potio-nis cursu, lucta, venatione quæsitæ ; non coquus, non gulæ artifex, non epulæ obruendis magis, quam alendis viribus, non ornatui lectus, & mollitiæ, sed somno, & quieti stratus. Hinc quæ tantam indolem, cum est studio exulta, consequuntur, ingens fiducia sui, atque agens semper, & se ad majora erigens animus, quò usus postularet, & , ubi quid facto opus esset, unde aditus ad gloriam pateret. Atque hætenus quidem Hannibal, quem vir magni animi, sive sit miles, sive imperator futurus, sibi exemplar ad virtutem,



THE HISTORY OF  
THE REFORMATION OF THE CHURCH  
IN GREAT BRITAIN  
BY  
JOHN CALVIN  
OF NEUCHÂTEL  
IN FRANCE  
AND  
BY  
JOHN WILKINSON  
OF THE UNIVERSITY OF OXFORD  
IN GREAT BRITAIN  
IN TWO VOLUMES.  
THE FIRST VOLUME.  
LONDON:  
Printed by J. Sturges, in Pall-mall.  
1790.

vim habeant ad excitandum in adolescenti-  
um animis virtutis studium, cum certo loco  
notata, atque explicata fufius leguntur.  
Tum enim clarius nitet, ac fulget virtus,  
cum, per objecta vitia, quasi sol nitidissi-  
mus, exoriens è nocturnis tenebris, nati-  
vum splendorem, nitoremque ostendit.  
Jam hæc ipsa, quæ, ut sunt, ita per se ipsa ex-  
secranda detestandaque videntur, quanto  
se nobis sædiora ostendent, si quis ea re-  
bus à Scipione gestis, opponat, à quo est  
Hannibal victus? Quot in eo adolescente,  
quàm insignia clarissimarum virtutum do-  
cumenta? quanta pietatis laus servando  
patre? quanta fortitudinis sustinenda pa-  
tria, convulsa Cannensi clade? Omnia Han-  
nibale victore obtinente armis, ausus pene  
puer sustinere rempublicam labantem, au-  
ctores deserendæ patriæ, adolescentes no-  
bilissimos, distracto gladio coegit invito,  
& detrectantes se ducem sequi, jurejurando  
adactos se rempublicam non deserturos.  
Quæ animi indoles digna summo futuro du-  
ce, illustrium documento fuit, in prima  
etiam adolescentia existere nonnunquam  
canos hominis sensus, & cum sapientia con-  
jungi pectus fortitudinis robore munitum.  
Itaq; mox illa sunt consecuta, quæ cum ætate  
virtute adolescente, magno populi Romani  
plausu, ac lætis acclamationib9 sunt excepta.

1. The first step in the process is to identify the problem or issue that needs to be addressed. This involves gathering information and understanding the context of the problem.

2. Once the problem is identified, the next step is to define the objectives and goals of the project. This helps to clarify what needs to be achieved and provides a clear direction for the team.

3. The third step is to develop a plan or strategy to address the problem. This involves breaking down the problem into smaller, manageable tasks and determining the resources needed to complete each task.

4. The fourth step is to implement the plan. This involves assigning tasks to team members, setting deadlines, and monitoring progress to ensure that the project is on track.

5. The final step is to evaluate the results of the project. This involves comparing the actual outcomes with the objectives and goals to determine the effectiveness of the project and identify areas for improvement.

ne robusta etiam ætate habet? mitto illud, in quo est munificentia, & liberalitatis laus summa, remissum redemptionis pretium, quod sponso, dotis additamentum esset: ut hostis patriam pietatem in captiva, virgine munere augenda, honestandaque præstaret: Ad illud tantum? Quid, quod, quasi in eo parum liberalis, & prolixus fuisset, multis eandem donis aliis, cumulatam dimisit? ut non jam hostium victor, sed suidignus haberetur, quem Hispani cum Alexandro regum maximo æquarent: cujus laudem ita est juvenis æmulatus, ut constantia, moderatione animi, virtute longe eum in omni reliqua vita superarit. Nam in hujus temperantiæ laude Scipio, haud sibi minus in Africa constitit, coacto Masinisa rege, uxori nuncium remittere, quæ nuptialibus facibus incensum Siphacis animum, ab amicitia populi R. avertisset. Hæc tam clara exempla, quæ intuentes magni homines, maximos efficiunt ad virtutem progressus, ex historiæ fontibus, atque unius hominis rebus gestis ducuntur, qui commendatione virtutum, maximarum, abjectione regnorum, voluptatum contemtionem, promerendis honoribus, non adipiscendis, excolenda virtute, non popularibus studiis, veram, & solidam gloriam querendam doceret. Laudent

the first of these, the *Journal of the Proceedings of the*  
*General Assembly of the Church of Scotland*, is a  
volume of great value, and which has been  
published for many years. It contains a full  
and accurate account of the proceedings of the  
General Assembly, and of the various  
committees and synods of the Church. It is  
published annually, and is a valuable  
source of information to all who are  
interested in the affairs of the Church.  
The second of these, the *Journal of the*  
*General Assembly of the Free Church of Scotland*,  
is also a volume of great value, and which  
has been published for many years. It  
contains a full and accurate account of the  
proceedings of the General Assembly, and  
of the various committees and synods of the  
Church. It is published annually, and is a  
valuable source of information to all who  
are interested in the affairs of the Church.  
The third of these, the *Journal of the*  
*General Assembly of the United Free Church of*  
*Scotland*, is also a volume of great value,  
and which has been published for many  
years. It contains a full and accurate  
account of the proceedings of the General  
Assembly, and of the various committees  
and synods of the Church. It is published  
annually, and is a valuable source of  
information to all who are interested in  
the affairs of the Church.

diminutio, & militaris licentia infesta essent? Mæx, inquit, populique Romani disciplinæ causâ, facerem, nequid, quod sanctum usquam esset, apud nos violaretur: nunc, ut id curem impensius, vestra quoque virtus dignitasque facit: quæ, ne in malis quidem, oblitæ decoris matronalis estis. Docet nos, non philosophus otio languens, sed Scipio armatus; non in scholis Athenis, sed in castris in Hispania; neque prius nos oratione, quàm re, atque exemplo docet, quæ sint magno homini in summa potestate agenda. Atque operæ pretium quidem est, quid illud sit, quod nos doceat considerare: Jam credas, non ex Scipionis ore, militaris hominis, sed è philosophi pectore haustum: In rectè agendo primam gravissimamque causam, in nobis sitam esse debere. Quid hoc verius? Ante enim sibi consulit, qui facit benigne (fructum enim ex officii perfuntione uberem legit) quàm ei, cui benigne sit: paret enim naturæ instituto, quod cum agunt homines, id assequuntur, qua re sunt homines nati, ut, in persolvendo vitæ munere sit alteri alteri Deus: qua una, nulla in terris voluptas admirabilior est. Quanquam vero sublevatur beneficio, qui eo afficitur, causâ tamen, quæ est tota in earum rerum defectu, quibus indiget, offensionis non nihil





sed vigentem juvenem flore ætatis, & virium robore, eundem victorem, cujus est in captivam summum jus, quem hinc ætas suadet, hinc virginis forma eximia, in summa licentia, voluptatis illecebris frena laxare. Quid ad hæc adjici potest? adjicit tamen. Fuit quidem sponsa tua apud me, inquit, eadem, qua apud soceros tuos, parentesque tuos verecundia. Quid expectari majus à Socrate potuit, grandi ætate homine, severo, philosopho, omnium hominum sapientissimo, oraculo Apollinis judicato? Non solum, inquit, nulla jactura pudoris apud me, tuta à probro fuit, quod quidem quibus in hac fortuna contingit, iis existimatur bene evenire, sed eadem etiam, qua apud parentes verecundia, est castæ à me, & pudicæ habita: ut non videretur satis illi prospectum, quæ inter militarem licentiam tuta ageret, adeo egregia forma, nisi tuendo captive pudore, parentis indulgentiam victor hostis, & fungendo omni pietatis munere præstaret. Servata tibi est, vix non addit, à rivali, cujusmodi, nulla cum probri nota, poterat se profiteri: objectæ certe utrique erat amabilis res, & sui specie prius, quàm spectantium judicio expetenda. Quanta hæc virtus, decedere de jure suo, qui habeat in potestate, qui amet, qui expetat, qui si liceat velit?

Causam



pia depromi major gravissimorum exemplo-  
rum, quasi incorruptorum testimonium potest?  
Quanta autem sunt, quæ historiæ tribuit,  
secundo de oratore libro ad Qu. fratrem?  
Testem temporum, appellat, lucem veri-  
tatis, vitam memoriæ, magistram vitæ,  
nunciam vetustatis. Neque ille vero hæc  
oratione modo; minus quam scripsit, præ-  
clare sensit. Quanti facit de se prodi-  
tum testimonium à rerum scriptore ad pos-  
teritatem? Quid vero, inquit, historiæ de  
nobis ad annos DC. prædicabunt? quas  
quidem multo magis ego vereor, quàm eo-  
rum hominum, qui hodie vivunt rumuscu-  
los? Atque ut imprimis sollicitus est, quid  
de se, multa post secula, posterius judicent,  
ita quàm idem cupidus sit, per scriptorum  
testimonium bene apud posteros audiendi,  
epistola ad Luccejum ostendit. Et merito  
quidem ita Cicero, cum non eadem illi cau-  
sa, quæ Caligulæ, esset, Romanam histori-  
am igne cremandi: ita enim vixerat, atque  
eas res domi, forisque gesserat, ut dignus  
unus videretur, qui luculenti scriptoris tes-  
timonio, & præsentis gloria, & spe immor-  
talitatis, per historiæ commendationem  
consequendæ, recte factorum præmio  
justissimo frueretur. Ac ne forte mirere,  
inquit, cur, cum mihi ostenderis, te nostro-  
rum temporum consilia, atque eventus lite-  
ris



fine modestiæ suæ insigni offensione liceret) ne verbum ille quidem: cum minime dubitandum videretur, quin, ubi Luccejus sibi texendam historiam de rebus gestis Ciceronis censuisset, futurum esset, ut, iis legendis, multa posterî discerent, quæ in republica gerenda salutaria magistratibus, privatisque essent. Multam, inquit, etiam casus nostri tibi varietatem in scribendo suppeditabunt, plenam cujusdam voluptatis, quæ vehementer animos hominum, in legendo scripto, retinere possit. Equidem illud additum mallet, quod pluris faciendum est, & recte fieri potuit: Quæ vehementer animos hominum, in legendo scripto, retinere, & juvare in vita agenda possit. Nihil est enim, inquit, aptius ad delectationem lectoris, quam temporum varietas, fortunæque vicissitudines: quæ etsi nobis optabiles non fuerunt, in legendo tamen erunt jucundæ. Imo vero, inquam, utiles etiam maxime, non jucundæ solum. Omnino enim de ea re ita statuendum, animo acrius intuenti, quæ Ciceroni adversa, quæ secunda in vita evenerunt, illius initia, progressus, aditus ad summos honores, gestos magistratus, oppressas improborum conspirationes, exilium, reditum, civilia bella, susceptas pro republica contentiones adversus improbos, non defuturum.

[illegible]

in terris muneris, tum vero hæc audiant, continuo necesse sit: Faceſſite enimvero homines importuniſſimi, verius, hominum prodigia, & portenta, feræ beſtiæ, infeſti humani generis hoſtes. Non vobis data eſt ratio, vitæ dux, non mentis acies, non animi vis, non corporis robur, non vires, uti vitæ vobis fructus conſtaret, innumerabilem hominum peſte, perniciæ, cæde: non dati terræ fructus optimi, & copioſiſſimi, quibus veſtra vita alitur. ut eam veſtri ſimiles homines, avide vobis ſitientibus orbis terrarum imperium, ſuo cruore, & ſanguine ſaginarent: non rerum uſu, non literis quaſita prudentiæ arma, ut eſſent vobis adjumento ad moliendas innocentibus inſidias, ad evertendas, exſcindendasque urbes, ad perdendum bellis, incendiis, populationibus hominum genus: quod quidem quo ſolutionioribus animis à vobis fieret, in eos vi, ferro, igni ſerviando, qui ejusdem conſortionis, & generis ſunt, à comuni naturæ inſtituto defeciftis, exuta humanitate induiſtit ferarum ingenia, quibus eò eſtis immaniores, quò vobis depravata rationis vis, certius conſilium, & rationem ſuppeditat ad nocendum. Itane vero? uſque eò res humanæ reciderunt, ut, Alexander orbis terrarum populator, everſor regnorum, hominum peſtis, atque in-



...the ... ..  
... ..  
... ..  
... ..

1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 2679, 26

■ **Unemployment:** 10.5% (2003)  
 ■ **Population:** 1,000,000 (2003)  
 ■ **Area:** 1,000,000 sq km (2003)  
 ■ **Population:** 1,000,000 (2003)

100

100

...the ...

tam vitam, in quos, pro scelerum magnitudine, ubi sint omnia suppliciorum genera consumpta, nullæ possint satis graves pœnæ excogitari? Audire vero operæ pretium fuerit, quæ causa hominibus exstiterit (tanquam hoc eorum jus esset) Cæsarem in Deorum numerum referendi. O miseram hominum conditionem! Credo, quòd novus Decius pro suorum salute se, in acie devoverit: quòd, ut L. Brutus à Tarquiniis, & à Gallis Camillus, patriam, turpi servitio liberarit: quòd Herculis virtutem, & gloriam æmulatus, terrarum orbis partes omnes, atque oras lustrando, ex hominum cœtu monstra sustulerit, ultimas gentes ad humanitatem, & vitæ societatem informarit. Prohpudor, depravatique mores! Nonne habent hoc homines in fastis notatum, Cæsari habitos divinos honores, in his Julium fidus in cœli splendidissima parte locatum, quod signis collatis, decies centies hominum millia, præter eos, qui civilibus bellis occidissent, in acie delerit? quòd patriæ arma impia intulerit? quòd suorum civium libertatem invaserit? quòd omnibus fuerit exitio, qui non à se petere salutem, quàm à patria mallerent? Unde illud haustum putidissimæ bestię (hoc uno vero nomine estis appellandi adeo vestri homines inmemores) unde exco-



tis : eos divinis honoribus prosequamini, qui hominum cadibus, urbium everfionibus, provinciarum vastitate fuerint vitæ hominum pesti ? Itaque jacent eorum obscura, nomina, qui leges populis, & jura perscripserunt : jacent eorum, qui tum doctrina, & eruditione, tum vitæ sanctitate clari, ingenuas artes hominibus tradiderunt, quibus vita ad virtutem, & honesta studia excolitur ; jacent eorum, quibus, quod præclare vivitis, quod non pecudum more, quod, ut est dignum vobis, salutem, incolumitatem, omnia deberis. Vigent inscriptorum monumentis, divi Julii, Augusti, Trajani, Alexandri Jovis filii qui, si iuperis placet, per hominum carnisicinam, immortalitatem in terris suffragiis hominum sunt consecuti. Sed ut eò oratio, unde digressa est, revertatur : non solum posteris historia consulit, per exemplorum infinitam copiam, quibus tanquam viam præire hominibus, ad recte vivendum videtur, sed præsentibus etiam. Qui, si quid unquam cum laude gesserunt : per scriptoris testimonium, præsertim disertis, & luculentis, ejus præmium amplissimum referunt. Oblectantur vero homines, atque adeo, ut nulla alia re magis, immortalitatis spe : cum ita sibi videantur victuri semper, & quidem, qua una re nihil excogitari potest honori-









oratione imperitiam infantiamque summam præ se ferentes, ludibrio haberi. Qua ex re quidem locus esse videtur monendi parentes, qui non sua solum, & reipublicæ causa, sed liberorum etiam esse frugigi, & prudentes debent, ut audire veterum res gestas, quæ moderationis, pudoris, frugalitatis, exempla insignia habeant statim, liberi à pueris assuescant: quo maturior in his eluceat rationis vis, imprimis parentes operam dent, ut sit iis historia fabellarum loco, quas in gynecæo, inter nentes, & glomerantes anus, major pars audire consueverunt. Sic quidem papyrius ille prætextatus videtur fuisse educatus: qui scito, & callido commento efflagitantem matrem, ut proderet quæ temere non essent scemina credenda, est ludificatus: ita Africanus Alexandro, ut bellicæ rei laude superior, continentia laude par, in captivæ virginis pudore, conservando, quæ forma insignis, & nobilitate esset: ita M. Brutus liberandæ patriæ suis auctor, L. Bruti gloria incensus: ita fortitudinis laude alii clari, temperantiæ, animi magnitudinis, justitiæ. Fuit T. Manlius severus majestate imperii in filio vindicanda? Brutum audierat spectatorem, supplicii liberorum fuisse: de Spurio Cassio, à patre domi supplicium sumptum. Fuit Papyrius Cursor in Fabium constans, jure im-

The text is extremely blurry and illegible. It appears to be a page from a document or book, but the content cannot be transcribed.

usus, literæ interiores, cognitio antiquitatis, ornatus orationis, sententiarum copia : tamen si optio detur, desiderari hæc eadem omnia, modo una exstet rerum fides, quam, hac una neglecta, adesse etiam majora, si qua sunt modo, iis ipsis, malim. Oblectat enim veritas suavi, inculcat etiam, atque impolita, docet, hortatur, incendit, ad recte agendum stimulos, atque aculeos addit : ut cum ornamenta, quæ aliunde accedant, non contemnat, suo tum splendeat nitore, tum robore, & viribus innitatur. Quanta vero cum voluptate legimus privatorum commentarios, quantumvis horridos illos, atque rudes, nobis per longam avorum seriem à maioribus relictos? Nescio quo pacto scilicet videmur nobis esse à mendacio securi, cum in eorum scripta incidimus, quibus, ob genus scribendi incomptum, atque inornatum, artificium mentiendi, quòd longe abest, nulli creditur fuisse, quæstui futurum. Quis autem laudari à teste mendaci eodem, atque indiferto velit? Contraria falsi ratio est: ruit innixa suis viribus, quæ nullæ sunt, nisi errore hominum, atque ignorance fulciantur. Ac minime quidem est obscura causa, cur veritatis studio acerrimo homines teneantur : fallentes se, & inducentes in fraudem non ferant. Scire enim ho-

mines



afficient, incendent, quibus scriptoris vitio, sit abrogata fides? Blanda enim, quasi sui lena hominis natura, plus æquo semper sibi indulget inertiae culpa deprecanda: Itaque si quid agi oporteat, quod sua sponte difficile factu, carere exemplo intelligat, & habet, quò recurrat; lubens eo utitur, depravata, suo vitio, unde contraxit labem. Tanta vero hujus pestis vis est, ut nisi sese efferat animus excitatus honesti amore, id quod perraro accidit, vix unus, aut alter inveniatur, qui suo exemplo aliis malit præire ad virtutis cursum capeffendum, quàm ducem sequi. Plures enim semper æmulatores honestarum rerum inveniuntur, quàm auctores, si quando de his apud multitudinem agatur: unde ambitiosi homines maxime popularem auram venantur. Nam, ut raro, sine æmulatione, exemplum exstitit paulo ad virtutem illustrius, cum homines plus æquo sui amantes, neminem patiantur se haberi meliorem: ita exiguus est semper eorum numerus, qui capti potius specie honestatis, quàm studio inanis gloriae sese præbeant aliis æmulandos, & virtutis præmium, unam virtutem petant. Ac quando huc ventum est; haud verear, quid tota hac de re statuam, confisus rectæ animi conscientia significare: cum viri peracri ingenio, & doctrina, nostra ætate, histo-



possit: de iis postremo, qui stylum scribentis moderari ipsi volunt, &, ut visum est, non ut rerum ratio postulat, in se suosque obtusum, & molli brachio intentatum; aculeatum in alios requirunt. Persto adhuc in fidei partibus. Qui potuit in scribendo aut Neronis, aut Caligulae ætate, simul suæ fidei, simul suæ securitati, atque otio consulere, qui romanarum rerum, illis viventibus, historiam ederet? Nam si is præteriret silentio eorum scelera, venena, incendia, proscriptiones, innocentium supplicia, tum libidines, flagitia, incesta stupra: quæ erat ejus historia futura, in qua non solum referre falsa, sed tacere vera, insigne flagitium est? si proferret in lucem, quæ supplicia, quæ cruces erant religioso scriptori expectandæ? Neque vero quicquam in vita agenda excogitari indignius potest, quàm si quis palam improbus, cum positus, in regia sella, ex alto, atque eminenti loco, neminem fallat, postulet, ut scriptoris prædicatione summus quidam rex, justissimus, optimus, sapientissimusque videatur. Quem quidem quis credat scriptoris personam recte sustinere, si nobis pro Trajano, aut Marco, Neronem, aut Caligulam; pro Nerone, aut Caligula, Marcum, aut Trajanum effingat? Philosophus vero sit oportet, & quidem vere philosophus, hoc





nam cum nostra memoria, magni nominis scriptor se crederet effugisse: scite dicto, atque acute eum dicitur Carolus V. Cæsar perstrinxisse: cum enim illi descriptum prælium legisset, in quo victus, & captus Franciscus rex ad Ticinum esset: totus in victoris laudes effusus: Enimvero, inquit, egregie: sed legas etiam quæ Francisco regi tradenda scripsisti. Quo acuto dicto hominis levitatem jugulavit, nota, & pervulgata via se utrique venditantis, & duabus sedentis fellis: ut cum haberet stylum venalem, in uno haud ageret injuste, ut ea ederet, quorum sibi uberiores quæstum sponderet. Quo incommodo quidem eò graviore, quò difficilius à multis vitatur, tua me sapientia, atque æquitas summa levat. Ita enim me vis gravitatis meæ rationem habere in scribendo, ut mea sponte id agentem excites: cum quidem id crebro usurpare soleas, scriptoris judicium esse liberum in probanda sua fide posteris debere. Sed tu hoc potes cum paucis, qui ita rex maximus te geras tanto imperio administrando, ut per te liceat, qui de tuis rebus gestis scribat, religioso scriptori esse, & securo à metu, spe, odio, studio, aliisque, quæ scribentis animum sollicitum habent: qui enim res gerit literas mandandas, temperat ipse scribentis stylum, ac quid de se memoriæ prodi velit.

præscribit. Nam quasi pictor, effigiem hominis ad vivum expressurus, ex illius lineamentis illam, non alterius effingit; justos reges, sapientes, fortes, reipublicæ amantes, & contra violentos, importunos, crudeles exprimit rerum scriptor, quemadmodum illi, ex iis rebus quas gesserunt, quæ verissima lineamenta animorum habentur, se effingi voluerunt. Accedit ad cætera aliud incommodum, haud minus grave, & quod merito quemvis deterreat à scribendo. Haud enim ignoro complures futuros, qui me negent exterum hominem, cum regionis, & locorum imperitum, quibus res gestæ traduntur, tum linguæ, morum, legum, suscepto muneri satisfacere posse. Atque est quidem hoc aliquid; sed non tamen, ut sit cum iis incommodis conferendum; quæ natum inter eos hominem, de quorum rebus est scribendum, parum idoneum reddunt. Nam sollicitat scribentem, in patriam à natura insitus amor, & caritas in suos, tum omnium maxime susceptum in eos odium, quibus ea sunt molesta, quæ carissima ipse habet: ut quantum suo pte ingenio, sit suæ fidei, memor, quò minus tamen facile sit memor constantiæ, eum invitum, tanquam vehementior, procella, hinc odium, hinc amor transversum agat, & quidem unde illum nequicquam

quam fidei studium revocare queat. Cujus perturbationis est expertus, qui, quo minus suæ fidei obliviscatur, de alienis rebus scribit: quo quidem in munere fungendo unum propositum habet, ut, nulla cum cuiusquam injuria, testis religiosi officium, unde voluptas solida, & perpetua est, sua liberanda fide præster. Itaque videmus in hanc ipsam Pannoniam accersitum olim Antonium Bonfinium ex Italia, a Matthia rege, qui Ungaricam historiam scriberet, cum per idem tempus floreret, ut alios omittam, Joannes Pannonius, cujus monumenta ingenii clarissima facile ostendunt, quanto superior. Bonfinio fuerit in scribenda historia futurus, si hoc genus attigisset. Nam Matthiæ regis exemplum est postea secutus Henricus Octavus Anglorum rex, qui Polydorum Virgilium, Gallorum Franciscus, qui P. Æmilium ex Italia ad hoc ipsum scribendi munus accersivit. Qua in re tamen minime Matthias rex, ut de eo loquar, fuit felix: ut enim nemo alius in Pannonia natus, homo Italus in fœdissimam assentationem effusus, Matthiæ regis originem, in gentem Valeriam Romam refert: cujus nobilitatis patrem auctorem ignobilis extulit Valachorum pagus: quo assentationis genere nullum potuit putidius excogitari: quasi non majori laudi Johanni Hunniadi fuerit relictus filius, qui

patriæ virtutis, atque animi effigies, rex Ungaris imperaret, quàm nasci ipsum è Pe-  
lope, aut Agamemnone regum rege. At-  
que hoc loco quidem referre non grava-  
bor, quæ Polybius auctor Romanæ histo-  
riæ gravissimus in hanc sententiam scripta  
reliquit. Cum enim sibi unam maximam,  
causam fuisse dixisset, scribendi Punicum  
bellum, Fabii, & Philini levitatem, qui  
ante se scripsissent: Bonum, inquit, virum,  
amicorum, patriæque esse amantem decet,  
eorumque adeo, qui cum amicis nostris  
sint aliqua necessitudine conjuncti; inimi-  
cos prosequi odio decet. Atqui ei, qui  
ad scribendam historiam accessit, horum o-  
mnium immemori, & inimici sunt sæpe lau-  
dandi, cum hoc eorum res gestæ requi-  
rent, & nonnunquam ii reprehendendi, ca-  
stigandique vehementius, quorum studiosi  
sumus, & necessarii, ubi quid ab his admis-  
sum sit, quare nobis reprehendendi vide-  
rentur. Non secus enim, atque animanti  
effossis oculis, nihil in toto corpore relin-  
quitur, quod usui sit: ita ubi desideratur,  
in rerum scriptore veritatis studium, nul-  
lus historiæ est usus. Quæ cum ita sint;  
neque nos amor à reprehendendis amicis,  
neque à laudandis inimicis odium, ubi hoc  
nostra fides requirat, debet retardare; ne-  
que adeo nobis probro dari debet, si quos  
semel

semel laudavimus, mox reprehendamus. Nam qui res gerunt, ipsi efficiunt suā inconstantia, ut minus nobis in eorum laudibus constemus: cum non semper iidem aut recte, aut improbe facere consueverint. Sit igitur hoc nobis fixum animo, ut, de medio sublatis personis, siue illi amici nobis, siue inimici sint, de eorum rebus gestis nobis esse, ex nostra fide, scribendum statuamus. Atque hæc quidem Polybius: ex quibus conjici possit, quanto aptior sit, scribendæ historiæ is, cujus parvi interfit, recte quid, & cum laude, an sæde, & cum dedecore ab alienis agatur, quam ejus, ad quem, tanquam ex his unum, qui aut laudantur, aut vituperantur, sensus laudis, & infamiæ pervenit. Nam quod minus exterum hominem adjuvet aut peritia locorum, aut perspecti gentis mores, cujus res scribit: quod id officiat minus, industria efficit: quæ quanto illa magis scribentem deficiunt, tanto, ut ea sibi studio paret, in eo excitet sedulitatem, curamque acriorem. Quæ tamen, ut nobis magno adjumento esset, perfecit usus, qui nobis aliquot jam annos cum Ungaris fuit, cum triennium in Dacia versati, cujus magna pars ab Ungaris incolitur, te principe egerimus, & quidem, quem ita nunc regem Sarmatiæ veneramus, ut Ungarorum unum nobilissimum, & ma-

jestate nominis, & majorum gloria, te liceat, quæ tua summa facilitas est, de his rebus consulere, quæ sint mihi literis consignandæ, quarum ita es peritus, ut nemo alius magis, cui à rebus aliis omnibus otium sit. Atque in Dacia quidem, cum alii ex Saxonum gente, tum Thomas literatus Ungarus genere, me plurimum adjuvit: quem tu hominem gentis Bathoreæ clientem, propter ejus singularem probitatem, & fidem, tum tuæ pietatis, tum illius officii memor, tantus rex patrem soles appellare. Sed omnium maxime Francisci Forгатii viri clarissimi monumenta nostram industriam, haud illam quidem per se languentem, sed hærentem in multis tamen, quod nato homini nonnunquam accidere necesse est, plurimum sublevarunt, cum illa, post mortem ejus, curasses ad te mittenda, in eo usus Simonis fratris viri fortissimi studio acerrimo, cujus ut virtus gerendis rebus, ita est in nostris scriptis, apud posteros futurum, celebre, atque illustre nomen. Nam & interfuit ipse frequens in consilio, cum aliis regis ducibus, & magnis gerendis rebus, in campo, in acie, pro muris fortissime pugnando, honesta vulnera accepit, ut earum cladium, quas Ungaris ea temporum procella inexit, vere dici possit, quod olim Æneas usurpasse dicitur, de Trojanæ urbis

bis excidio verba facturus, magnam partem Simonem Forgatium fuisse. Nam, in tragica illa Lolontii deditioe ita oris decore deformato, est tanta calamitate defunctus, ut nullus gloriæ insignior titulus, nullum virtutis monumentum illustrius, quenquam unquam, parva de hoste, clarissima victoria, honestarit. Atque non solum is facilem se præbuit scriptis fratris tradendis: sed severus etiam censor, si quid ille scripsit errore falsus, quod minus scriptoris acris cura postulare (neque enim, his imposuit extremam manum) appposita nota, emendavit, re fideliter, ut gesta, erat explicata: quod facillime potuit ipse præstare, ut strenuus manu gerenda re, sic omnibus ingenuis artibus, ut præclare posset quæ gesserit scribere, perpolitus. Quod ipsum munus ne tu ipse quidem, quamquam unus tot gentium curam, & populorum sustineas, passus es abs te desiderari. Dicerem quo ipse studio, præter tot, tantaque adjumenta, essem usus, scriptis literis, annalibus, privatorum commentariis conquirendis, si id à me dici mea modestia pateretur, aut hoc mihi commemorare necessesse esset: cum meam sedulitatem, & studium satis ea ipsa historia, quod brevi futurum spero, sit probatura, certe in eo laboravimus maxime, ut omnes intelligerent, quo no-

bis nostræ fidei, legentibus fructus laboris aliquis constaret, enixe à nobis datam, operam esse. Ac quando jam satis apparet, cumulate nos fidei munus implevisse, certe in eo plurimum elaborasse, ne quid veri, cuiusquam gratia, præterivisse, ne quid falsi invexisse, & alienum à nostra fide, videremur: reliquum esset, ut de ingenio, deque iis artibus ageretur, quibus qui carent, etiam si videantur præclare velle, longe ab eo absunt, ut credantur scribendi munus absolvisse. Non enim quaerimus sedulum nescio quem è foro medio, qui quotidie quicquid agatur, quod dignum memoria putet, referat in commentarium: sed qui ita narret, ut doceat; ita doceat, ut qui legit, non solum possit, sed velit etiam doceri: rustica enim sapientia quædam est, quæ etsi eadem est semper habenda, ut gemma sive in auro, sive in cupro niteat, est eadem semper; neque æque delectat tamen, neque cum voluptate æque tenet, ubi ita rudis, atque horrida se in animos insinuet. Finge enim de virtute Socratem verba facientem, Athenis natum, disertum, non sapientem solum, finge Platonem, aut ejus auditorem Aristotelem, multos sui amatores sapientia inveniat: finge contra, de eadem differentem Anacharsim hominem Scytham; unum forte, aut alterum teneat, qui, quasi lynceis



lynceis oculis, altissime etiam, hominum injuria, in terræ viscera demersam sapientiam agnoscant: multitudinem non tenebit: quæ non quid audiat, sed quanta cum voluptate audiat quærît: ut nisi dicentis oratione, aut scribentis, quasi illecebra capiatur, minime eum fructum referat, quem sapientis oratio quidem, sed infantis ejusdem, & impoliti parit: dum enim quasi cum parturiente, atque enitente laborat, molestia gravi afficitur, & non facile ferenda: cum ignoret, quantum ejus molestiæ sit pretium futurum: quæ spes laborem, ac molestiam plurimum levat. Itaque, ut rejicientem puerum salutaria, fallit medicus, quæ sunt sua natura amara, dulcibus tegendo: sic delicati nimium, & molles, dum ea scriptor explicat, quæ si attente audiantur, sint profutura, suavitate orationis, blandæ conciliatricis animorum, ut attente audiant, sunt fallendi. Eadem, quæ Livius, multi ante illum literis mandarunt, quorum scripta tamen, simul atque Livii legi sunt cœpta, obsoleverunt: quod accidisse veteribus, in poëticis, animadvertimus. Nam quod Ennio licuit dicere, vetera contemnendi: Versibus quos olim Fauni vatesque canebant, & Virgilio de eo ipso Ennio, cujus cum carmina legeret, dicere solitus fertur, se aurum è sordibus eruere; licuit

Livio

Livio in maximos illos pontificum annales, Fabii scripta, Pisonis, atque ejus ipsius Cœlii, in quo se paululum erexisse historia dicitur, usurpare. Ita enim narrat, ut cum ad rei exitum est ventum, qui legit, tanquam nimium celeri cursu fluxerit voluptas, redire ad principium, & repetere voluptatem eadem legendo cogatur: ut cum res, quas narrat, nudæ etiam omnibus ornamentis sapientem juvent; ut juvent tamen omnes, scriptor efficiat oratione, cum splendidis, atque illustribus verbis compta, & ornata, tum sententiarum ubertate referta, qua animos legentium, tanquam suavi pabulo, alat. Nam, quæ pars in oratione tertia requiritur, cum bella, prælia narrat, urbium oppugnationes, populorum clades, exercituum cædes: qui legit non se illa legere, sed haud secus, ac si in acie pro muris pugnet, haurire etiam oculis putat, sita animo affectus, ut ipse quasi vulnera excipere, inferre, horrere, trepidare, parta victoria, triumphum de hoste victo, sibi agere videntur. Ac memini me, cum XX. ab hinc anno essem, Florentinam historiam editurus, criticorum quorundam superbum judicium, scripta ad amicum epistola, deprecatur: qui mihi idem vitio verterent, quod majorum memoria, magni nominis scriptoribus olim esset objectum, in eodem me versatum argumento,

non

non mea sed aliena literis complexum edidisse. Qua de re, quando ea ipsa epistola, cum his editur, quas nunc in manibus habemus, pluribus in præsentia non agam. His respondendum videtur, qui quidem non sedulitatem, & fidem in meis scriptis, sed plus æquo sibi indulgentes, scribendi genus requirunt aptum delicatis auribus, & mollioribus ingeniis: qui ita discere volunt, ut nullo cum labore, & quasi aliud agentes discant. Non probant genus grande, sublime, intensum contortis, atque elatis verbis, sed lene, sedatum, & quasi libero cursu, atque æquabili tractu fluens, ut nulla salebra legentem moreretur; à quo genere cum melonge abesse contendant, suscepisse me scribendam historiam mirantur. De quorum injuria antequam dicere aggredior, illud statui mihi esse faciendum, ut ostendam, ex quo hominum genere ii sint, quibus minus ea quæ scribimus probentur. Sunt enim permulti, qui inflati speciosis titulis jurisprudentiæ, philosophiæ, atque aliarum ingenuarum artium, se populo venditent, non jam illi docti, qui si tamen vere docti sint, meliore loco res hominum, habeantur, sed doctores etiam, si diis placet: qui si cathedram conscendunt, docendi causa; non jam clamoribus infestis, & sibilis, sed lapidibus etiam præcipites à corona agantur. Atque hos quidem toga modo, & barba,



ingenium, non usus, atque observatio assidua, non acre studium, sed error imperitorum hominum facit: qui discunt hominibus mactandis hominum morbis auxiliari. Quorum tanta arrogantia est, ut, cum nihil minus sapiant, quam eam artem, quam profitentur; si quis illis fidem habeat; sint parati pejerare, aut Aesclepiadis, aut Hippocratis, aut Galeni in se animam immigrasse. Neque se tamen continent intra præscriptos sibi cancellos, aut de iis rebus, modo pronunciant, quarum sibi scientiam sumunt, sed suis finibus egressi, de iis etiam judicant, quorum ne elementa quidem didicerunt: ut jam audeant statuere, quis condendo carmine, quis dicendi facultate, quis historia scribenda excellat: cum tanta eorum imperitia sit, ut si iis sit de spe vitæ deplorandum, nisi ex grammatici præscriptione, integram periodum, ut pueri in ludo, struant, cum nomine sint spem vitæ abjecturi. Hinc illa monstra, & portenta, veteribus non æquati solum, sed prælati etiam nostri temporis scriptores, quorum nemo, qui sane mentis sit, esse similis velit. Quæ tanquam decreta Areopagitarum, plebs illa literatorum, qui quas non norunt literas pretio vendunt, ita excipit hianti ore, uti ab iis, quos commendat proluxa toga, nihil posse temere excidere contendunt. Inde illa  
mana.

manarunt, durior Bruti oratio, plus æquo elaboratum genus scribendi, & nimio artificio excultum, laude in contumeliam, virtute in affine vitium, quo nihil est iniquius, versa. Quid enim si tu doctor nescio quis rudis & durus potius, cui imprimi litera, quæ fidem faciat te scire aliquid, nulla unquam potuit? non enim hæc iis scribuntur, quorum in his etiam, quæ suæ artis sunt, infantia est summa; non legulejis, nescio quibus, non forensi rabulæ, non medico circumforaneo, non scribæ è regio tabulario, non molli, non delicato, qui integrum diem audire in scena histrionem possit; adduci non queat, ut horæ sparium legat, quæ sint viro sapiente digna: iis scribuntur, qui ita legunt, ut doceri velint; qui otium non ferunt in scriptore; qui, ubi occurrunt quasi prægnantia verba, non indigeant obstetrice, ipsi eliciant partum; qui paucis dici multa, non multis pauca velint. Hoc ingenio fuit Joachimus Camerarius, qui, ut ipse habitus est, omnium consensu, doctrina, ingenio, eloquentia, nostri sæculi, cum paucis princeps; ita nunquam mihi negavit testimonium ingenii, atque industria luculentum, cum ne me quidem de facie novisset: hoc G. Xylander, hoc P. Victorius, Sigonius, Bargæus, Joh. Crato, Andreas Duditus summi homines, & quorum auctoritate, ubi à ratione discedam, qua una est

est standum, nulla est causâ, cur ego desperem levissimorum hominum consensum importune alienæ laudi obstrepentium disiectum iri. Quid enim habes, personate, doctor, quod reprehendas? verbis utimur latinis, propriis, significantibus, & quæ maxime hujus facultatis sunt; quæ cum delectu sumere si æque esset magna laus, ac negligere dedecus, hæc a nobis non viderentur commemoranda. Cum res narrantur, in quibus unum propositum est, nudas res, explicare, & nullo artificio orationis comptas, iis verbis utimur, quæ, siue propria, siue translata sint, quicquid sit quod narratur, ob oculos ponant. Explicandis consiliis, disquirendis causis, in concionibus, ubi quid recte, & perperam gestum sit oporteat notari, quæ sunt certæ scribentis partes, ita consulto contractiores sumus, id quod est agendum, ne in immensum historia crescat, ut quò ea, quæ scribimus recte intelligantur, unum satis sit, ea à non oscitantibus legi. Sententiæ occurrunt crebræ, sed quæ cum rebus ipsis nascantur, non sint aliunde quæsitæ: id quod si accidat, ita male coheræant necesse est, ut appareat de alieno sumptas, male alieno loco collocatas: id quod, ut speramus, in nostris nemo animadvertet, ubi intentis etiam fixisque oculis omnia sibi statuat dispicienda. Sed hoc minime mi-

Ccc

rum,





nt nudæ res narrentur, & ut sunt, recte, & cum laude, & fœde ac flagitiosæ gestæ; nec Græca historia Herodoto, Thucydide, Xenophonte summis hominibus, nec Romana Sallustio, aut Livio, aut Halycarnasseo indigebat; & is erit scribendæ historiæ aptus, cui satis sit non haberi mendacem: id quo nullo negotio præstabit, intra fori cancellos inclusus scriba, & cui unicum diei horam liceat, de munere publico detractam in hoc uno munere scribendi collocare. Sed si historiæ fines sunt latius proferendi, ut video sapientissimis hominibus placere, cum tota exædificatio ut Cicero ait, posita in rebus, & in verbis sit: illud pertinebit ad scriptoris munus, efficere non solum, ut qui legant non sint solliciti de illius fide, narrandis rebus, sed ut multa etiam discant, quæ tum in privata, tum in publica re administranda, insignia habeant emolumenta, atque usus. Rerum ratio, inquit, ordinem temporum desiderat, regionum descriptionem: vult etiam, quoniam in rebus magnis memoriaque dignis, consilia primum, deinde acta, postea eventus, expectantur, & de consiliis significari, quid scriptor prober, & in rebus gestis declarari, non solum quod actum, aut dictum sit, sed etiam quomodo. Et cum de eventu dicatur, ut causæ explicentur omnes vel casus, vel sapientiæ, vel

temeritatis, hominumque ipsorum non solum res gestæ, sed etiam, qui fama ac nomine excellent, de cujusque vita, atque natura. Atque hæc Cicero quidem: quæ cum tanta sint, non librarium credo requirunt, qui è forensibus cancellis, vulgo consueverit, ex formula conceptos libellos edere venales, sed magni consilii, & prudentiæ hominem, qui multa à natura habeat, quæ ingenio, multa quæ industriæ, & studiis optimarum artium referat accepta. Credo ego vero Thucydidem, cum hoc videret, eam rationem consiliorum explicandorum sibi ineundam statuisse, ex qua prudentiæ certa præcepta hauriuntur, ut nunquam à narratione rerum degressus, ex ea ipsa quasi serie rerum quæ recte consulta, quæ perperam essent, explicaret. Nam cum exorsus scribere Peloponnesiacum bellum, quæ ejus quasi semina atque initia fuissent, narraret: non id egit, ut oblitus sui muneris à propriis, & personis, & temporibus traducta re, ad quæstionem infinitam, & de universo genere, quid censeret esse agendum principi populo, in re simili, doceret, quod munus philosophi politici est; sed, ut scriptorem rerum decet, non interrupto orationis filo, quid commodi Atheniensibus sperandum esset, ubi statuerent sibi Corcyreos juvandos, ex eorum legatione docet; quid timendum mali, ubi pa-

paterentur se non necessario bello implicari, ex iis quæ Corinthius legatus differit adversus Corcyræum, eo consilio, ut Athenienses deterreat ab iis auxilio juvandis. Nam quòd negent scriptorem decere, verba legati, ex suo sensu repræsentare, cuius fides requirit, ut certa, atque explorata referat, totum hoc nihil est. Cum enim ita de re constet, ut minime dubium sit, quid legatus Corcyræus fuerit ab Atheniensibus postulaturus, quid dicturus Corinthius, ut à societate Corcyræorum Athenienses avocaret: parvi, credo, referat, ubi qui scribit, eandem rem suis verbis descriptam tradat. Adjuvat porro scribentis ingenium, & temporis ratio, & rerum, ut non fugiat prudentem hominem, quid æquum fuerit dicere, tum qui societatem cum Corcyræis ineundam suaderet, tum qui dissuasor contenderet, à belli consiliis Atheniensibus abstinendum. Sunt enim communes loci quidam, qui etiam si non omnibus pateant, iis tamen non sint occulti, qui ut tuto de rebus maximis, & gravissimis agere credantur, insignis virtutis, & prudentiæ opinio suadet. Rebus narrandis mihi modo emineat scriptoris fides: ubi de ratione, gerendarum rerum agatur aut in senatu, aut in regum consilio: quid oportuerit eum dicere, qui auctor gerendæ rei, quid ei, qui dissuadeat, quod, ut scire possit, natura re-

rum, personarum, temporum, ut jam diximus, efficit, suo modo explicet; ita legentibus suam fidem probaturus, ut admirentur prudentiam præterea, partim causis rerum, & consiliis explicandis, partim eventis prædicendis; ex quibus rebus cum magna utilitas maneat legentes, non est scribenti verendum, ut id accadat ulla cum suæ fidei jactura. Neque vero, cum apud Livium legimus, quid Fabius Maximus adversus Scipionem differat, auctor ejus retinendi in Italia, cum is bellum in Africam transferret; quid Scipio respondeat: dubitare possumus, quin eadem fuerit utriusque ratio tum suadendo, tum dissuadendo, qua usus est Livius, cum una, atque eadem esset res, quæ in controversiam venisset. Ut autem, si mihi colloquendum cum eo sit, cujus linguam non teneam, satis censeam, eum probe interpretis munus præstitisse, qui ejus sententiam, mihi planam faciat, id assecutus, quibus id verbis efficiat minus laborem; ita mecum bene actum putem, si quando gravis rerum scriptor, & prudens, ubi consultatio sit de gravioribus rebus, ita suscipiat suadentis, & dissuadentis personam, ut, pro rerum præsentium statu, apposite, atque accurate verba faciat. Quod si illud accedit, ut quæ apte dicenda sint, luculenter, & diserte explicet: tum illi gratiam habeam, qui perfec-

rit,

rit, ut quæ mihi necessario, quocunque modo scripta erant cognoscenda, ea cum voluntate etiam cognoscam. Quemadmodum enim, ubi mihi data optio fit, malim, per interpretem Etruscum, homo Italus, quam per Insubrem, aut Ligurem, quorum asperior lingua, mores mitissimi habentur, peregrini hominis sententiam mihi explicari; ita multo me magis legere delectet apud luculentum scriptorem, quicumque is sit, orationem scriptam tum lectis verbis, & puris, tum multis, quasi sententiarum luminibus nitentem, quam horridam, & incomptam apud scriptorem magis Pisonis, aut Cælii, quam Livii, aut Sallustii similem. Ac, quando huc ventum est, quid mihi toto in hoc genere accidat dicere non gravabor: si quando enim, usu venit, ut mihi narranda sint, quæ, ante me, alii sint literis complexi, ita soleo in eodem argumento versari, ut ne verbum quidem mihi effluere patiar, quo ante me esse usos illos animadvertam: non, ut in hujus laudis contentione me fore superiorem credam, sed, ut dem operam, ne in magna latinæ orationis ubertate, & copia, videar, quæ proxima laus est, inferior discessisse. Viderunt hoc incommodum olim gravissimi homines, qui principes sunt historiam scribere aggressi, si incommodum hoc modo appellare oportet, sed non eo tamen sunt deterriti, quo

minus sibi statuerent pulcherrimo in incepto perstandum. Nam ut quis maxime concedat, aliquando in eo offendi; non illud rei peccatum est, sed eorum, qui hoc munus magis arduum, quàm domesticæ vires ferrent, attingere sunt ausi. Non enim cujusvis est, ubi induxerit loquentem aliquem, facile assequi ingenii vi, quid ille pro ratione causæ, quam aut defendit, aut oppugnat sit dicturus: id quod potuerunt illi mirifice præstare, qui scribendi gloria aut apud Græcos, aut apud Romanos homines, Thucydides, Herodoti, Livii, & Sallustii floruerunt. Sunt enim ita communes loci, unde hæc petuntur, ut non omnibus datum sit, quod vix assequi pauci semper potuerunt doctrina, atque ingenio excellenti, illos proprios efficere suos. Sed si qui sunt, qui, ut illi ipsi ingenium usu, ut eruditione, usum, & eruditionem ingenio adjuverunt, non mirabuntur, quæ inducitur Fabius, adversus Scipionem, dixisse, eadem ratione dictante, Livium, oculis legentium subicere potuisse. Nam si religio est, non iisdem verbis, res easdem referre: quò hoc ferant æquiore animo, levem jacturam sarciant tot commodis, quæ inde accedunt: quæ nisi maxima, atque insignia sint, nihil causæ esse dicimus, cur nostri temporis scriptores reprehendant, & à quibus illi sunt hoc mutuati, veteres tum Græcæ tum Romanæ

manæ historiæ auctores, qui scribendo gloriam eorum, qui res gesserunt æquarunt. Placet quidem omnibus res Græcorum gestas tum à Xenophonte, tum à Thucydide, & Herodoto scriptas legere; sed non omnibus eodem modo. Nam si qui sunt, quibus sit satis, nosce quid à quoque administratum gestumve sit, neque ulterius munus scribentis exigunt, quam quod ipsi assequantur, iis cumulate suppeditatur quod quærunt, silentio præteritis, quæ minus ad se pertinere existiment: si proferendi longius sunt scribentis fines, & ea exigenda, quæ doctissimi homines requirunt, ut explicet regum consilia, causas, eventus rerum, tum quibus rationibus his gerendis duces, atque imperatores sint usi, ut ex sententia succederent; quibus iis fuerit utendum, male gesta re, ut lætus eventus sequeretur: facile patiantur, nulla sua cum molestia, ubi ab eodem fonte hauserint, quantum sibi ad explendam sitim, qua tenentur, sit satis, iis consuli, quæ ad eundem fontem avidiores aliquanto, quàm ipsi accesserunt: ut enim qui parvam urnam ad amnem attulerunt, cum liceret grandiore, iis non debent invidere, qui grande labrum ex eodem hauserint, sic qui accesserunt ad legendam historiam, ubi quantum licuit, sint legendo assecuti, non debent iis invidere, quorum animi capaciores, plura






JOHANNIS MICHAELIS  
BRUTI,  
PRÆCEPTORUM  
CONJUGALIUМ,

*LIBER UNUS.*


AD V. C. FRANCISCUM  
VESELINUM.



COLON. BRANDENB.

Imprim. Ulricus Liebpertus Elect. Typog.






IOHANNIS MICHAELIS  
BRUTI,  
RÆCEPTORUM  
CONJUGALIIUM

*LIBER UNUS.*

AD V. C. FRANCISCUM  
VESELINUM.



Nemo est omnium mortali-  
um, Francisce Veseli-  
ne, cujuscunque ille  
ordinis sit, in regno Po-  
loniæ tanto, quem non  
tibi devinxit in ma-  
gna fortunæ indulgen-  
tia, perspecta summa  
virtus, atque animi moderatio. Tan-  
vero hoc illustrius, quanto rarius, in  
humana humanarum inconstantia, fortitudi-  
, & temperantiæ exemplum. Multos enim  
cum

cum nostra, tum majorum ætas vidit; quos in privata fortuna moderatos, subito erectos ad summos honores, cum animum, & mores cum fortuna commutassent; eadem, quæ illos evexit favens, & secunda fortuna, deturbavit: ut facile ostenderent, quam partam felicitatem haberent, non virtutis illa, sed fortunæ, cui se totos permisissent opus fuisse. Nam quos virtus effert, eadem, quæ jacentes erigit, virtus, & magnitudo animi erectos munit, verentes, ne plus æquo fortunæ fidentes, quam minime sibi diuturnam spondent, loco pulsi dejiciantur. Cum vero in te alia, quæ te omnibus amabilem reddunt, tum imprimis propensa quædam in eos voluntas, quos aut insignis virtus, aut laudandarum artium studium commendat: ita enim sapientes homines statuunt, similitudine studiorum, & voluntatum fieri, ut amor inter homines concilietur; dissimilitudine morum, ut conjuncti etiam arctissimo vitæ fœdere dissociantur: neque vero prius possis in altero virtutis imaginem amare, quàm eandem ipsam virtutis imaginem, habeas alte animo impressam, unde oriatur causa amoris. Itaque non dubito, quin nuptiarum tuarum diem tibi certatim multi gratulantes, lætis ominibus faustum hoc conjugium, fortunatumque in longum annorum spatium precentur: sed ut tamen  
 conten-

contendam, qui pluribus illustrioribusve de  
causis tibi gratuletur, quam me unum, nemi-  
nem esse. Cum vero hoc à me poscit eadem,  
quæ ab aliis multis, jam pridem mihi cog-  
nita, & testata virtus tua, tum multa tua in-  
me insignia merita: quorum memoria tam-  
diu vigebit inter homines; quamdiu mea,  
scripta exstabunt: quæ ut perennia, & perpe-  
tua in omni posteritate vigeant, hoc uno no-  
mine mihi est optandum, ut cum iis peren-  
nis, & perpetua vigeat tua laus. Atque alio-  
rum quidem, aut aperta studia, aut occulta  
vota, per varia gratulantium genera, in-  
carmina erumpent, ac tibi certatim Hy-  
mæneum canentes, quasi præferant nuptia-  
les faces: mea erit longe alia ratio, certe tum  
ætati, tum summæ in te observantiæ meæ,  
atque amoris consentanea magis, ut de iis  
ecum agam, quæ qui tenent, iis minime  
sit dubitandum, quin cui tantum licuit as-  
sequi in vitæ consorte deligenda, quantum  
æ affectum videmus, lætis nuptiarum au-  
diciis, reliqua vitæ munera sint consenti-  
entia futura. Fuit quidem Dei immortalis  
signe munus, florenti tua ætate eam te-  
am nuptiarum fœdere conjungi, quam,  
multarum delectu, haud facile esset, æque  
fertam iis bonis invenire, quorum exi-  
am partem paucis semper; tantum cumu-  
m raro unquam uni, aut alteri propitia,  
& be-



audies, cujus non habeas domi clarissim exemplar : ut si instituenda sit alia nupta ad matronale decus, abs te habet, unde conjugalia præcepta cumulate peditentur. Quod quanquam ita se habet; non me deterrebit tamen, quo minus sequar alacri animo inceptum : magna fore, ut id tibi accidat, eum vitæ curæ ingredienti, quem multa objecta inmoda infestum reddunt; quod usu veni- videmus ingredientibus difficile, atque durum iter : ut cum æquissimo animo avertant à vitæ peritis, hinc quæ pervium iter, acile efficiant; hinc quæ caveri declinare oporteat, ut perveniant, quò contenti : ubi sint iis vitæ malis perfuncti, quæcepta animis hauserunt, voluptate inenarrabili fruuntur. Ergo eam etiam adeptam, et sit prædita sanctissimis moribus, & ut verbo multa complectar, sit plane summa; ad ea mala propulsanda quæ foris advenientia manent, petere ab iis vitæ certamenta oportet, qui aut longo vitæ usu, sapientium præceptis, tum multis notis animadvertendisque rebus, omnium facillimam recte vivendi artem perspicuam, exploratamque habeant. Nescio vero iniquo fato fiat, ut cum nullius artis uberior usus, ubi eam homines acriore studio colant; neglecta, & inculta, ingentibus

bus malis aditum patefaciat, de quibus, effi-  
cimus ipsi, ne merito quæramur, nobis eo-  
rum auctores. Plectimur enim iis volen-  
tes, & prudentes, quibus licuit carere: quod  
quidem magna cum hominum pernicië ha-  
bet insigne dedecus conjunctum. Quanta  
autem hæc amentia est? in pictura discenda,  
fingendi, & cælandi arte, quæri, qui in ea  
excellant, à quibus discantur: vivendi re-  
cte, atque ex hominis dignitate nullam su-  
scipi ab homine curam? Nam ne videar con-  
sulto eas artes elevare, quæ merito semper  
magno in honore apud homines fuerunt:  
nullius cum injuria, hoc affirmare audeam,  
sine his artibus forte defutura nonnulla, qui-  
bus nobilium hominum domus ornatior,  
splendidiorque sit: unam hanc esse, qua ne-  
glecta, sit nulla vita hominum futura. Nam  
sine signis, pictis tabulis, cælato argento an-  
tiquo opere; ubi virtus, & innocentia ornat  
domum, potest homo tenui censu, ornatus  
elegantia, & sanctitate morum, beata vita  
frui: qui iis rebus abundant, quibus ille ipse  
vir bonus non invitus caret, permulti quo-  
tidie miserrimi inveniuntur. Ut vero omit-  
tam Platonem, Aristotelem, philosophos  
alios, quorum justa volumina de vitæ, & mo-  
rum institutione leguntur, Christus Dei  
filius, æterna sapientia, hujus docendæ  
causa, descendit in terras, ut simul vitæ  
suar



suæ exemplo, simul caelesti doctrina suorum  
 imbuendo animos, ad vitæ instituta ample-  
 ctenda digna homine incitaret. A qua,  
 quidem si nusquam ego discedens, præcepta  
 conjugalia tradam, ita debes existimare,  
 non illa, quasi de meis fontibus hausta, à  
 me afferri, qui semper arent, nisi à perenni  
 fonte affluat, quod emanet; sed ab uno au-  
 ctore Deo, cujus ex divinis oraculis, quæ-  
 cunque recte aut loquuntur, aut scribunt,  
 homines, ducuntur. Tenes tu illud quidem,  
 quod unum omnium maxime, quæcunque  
 insunt in hoc vitæ genere molesta, levia red-  
 dat, in lubrica, & præcipiti vitæ via eam comi-  
 tem nactus, quæ non solum tibi non sit futu-  
 ra impedimento, sed ultro additura etiam fi-  
 duciam, atque animum, ad hunc ipsum cur-  
 sum virtutis, & honestatis contento studio  
 tenendum. Neque tamen hac parte securus,  
 plane omnibus vitæ impedimentis carebis,  
 quorum multa se invehentiâ aliunde, in ma-  
 gna rerum inconstantia, quæ nos circum-  
 stant, ut caveantur, non est positum in ho-  
 minis potestate: divino enim consilio Deus  
 immortalis iis vitam hominum circumscri-  
 psit, ut locus virtuti esset: quæ quidem, si iis  
 vitam agere solutam curis, & delitiis, ac vo-  
 luptatibus refertam liceret, nusquam existe-  
 ret: una enim ut sol è nocturnis tene-  
 bris, è multis emergens vitæ malis, pul-  
 cherri-

cherrima, ac nitidissima nobis quasi vitæ re-  
stituit diem, qui nemini unquam non tri-  
stis, sine ea, & turbidus illuxit. Quis vero  
fortis, nisi ei multa essent adversa perferen-  
da? quis moderatus, nisi abstinendum à  
multis, quæ delectant? quis lenis, mansue-  
tus, mitis, nisi acerbitati, iracundiæ, odio  
obfistendum? quàm vero multa quotidie  
eveniunt; aut illa casu, aut fortuna objicien-  
te, quæ fortitudinem, moderationem ani-  
mi, & temperantiam requirant? ut nunquam  
ii satis reprehendendi videantur, qui de na-  
tura omnium parente injustissime querun-  
tur: quæ nisi nobis vitam multis incommo-  
dis obnoxiam dedisset, quæ multi horrent,  
nullus in nobis eorum sensus esset, quæ vi-  
tam nobis amabilem reddunt. Nam vi-  
tam vivere malorum expertem, unius Dei  
est: qui non unus esset Deus, si mortali ho-  
mini id assequi in terris liceret. Unum igi-  
tur omnium maxime sit curæ novo marito,  
ut quando penes unum quasi caput, est do-  
mus administratio futura; & aliam familiam  
omnem, & eam ipsam, quam duxit, habe-  
at in potestate: quod tamen cum agit, æ-  
que statuatur oportet, non sibi minus esse in  
eorum potestate, quibus imperat manen-  
dum. Quemadmodum enim natura, in ani-  
malis fabrica, ea ratione suum opus perfecit,  
ut partes omnes vinctæ indissolubili nexu,  
variis

variis functionibus unum opus obsolvant, tutelam & præsidium totius; id autem assequitur, dum omnibus partes singulæ, singulis omnes mandatum sibi munus præstant: sic civitas incolumis conservatur concordibus animis, civibus omnibus in publicam salutem consentientibus; conservatur, privata domus, dum quisque destinatum sibi munus, in procuranda communi salute, impigre obit. Nam & rex, & paterfamilias ita muneris majestate inter suos excellit, ut unam quidem se esse nobilissimam corporis partem putet, sed partem tamen, quod suo imperio regitur; sic positas infra se alias esse, ut non minus ipse sit aliis addictus, quam alios addictos habeat, quorum salutem procurandam sibi mandatam novit. Hoc qui domi suæ mordicustenet, Subigum illum Deum, quem nuptialibus tædis præsidem veteres agnoscebant, nihil moratur, satis contentus castissimæ matronæ pudore, & sanctitate futurus, quæ eam viri imperio obsequentem & morigerantem reddat. Nam & tu quidem, cujus est ingenii facilitas, & suavitas summa, ea imperando, quæ digna sint, quibus sanctissima matrona pareat, facile efficies, ut in iis, quæ imperes nihil minus opus sit, quam acri, & plus æquo severo imperio. Non enim in viri manum, matrona convenit, ut ad hastam em-

Ddd 3

ptum



triste omen, longe ab eorum conjunctione avertat Deus, inter quos unum est futurum de probitate, & pudore certamen: in quo quidem tibi magnopere optandum est, cum ad tuam probitatem nihil addi possit, te ab ea vinci, quæ vitæ tuæ nobilis pars, ad imaginem tui ingenii effectos liberos tibi sit editura. Ita tu vero à prima tua adolescentia apud regem sapientissimum egisti, à parentibus liberaliter institutus, ut neminem oporteat mirari, ubi te propius ex morum, tuorum suavitate, atque integritate norit, quare eum locum gratiæ apud eum obtineas, cui una modo gravis causa est amandi, & fovendi suos, temperantia, modestia, officii religio, vitæ innocentia, quam non potest non in altero amare, cum ipse unum se esse jampridem ostenderit, ad cujus innocentia, & justitiæ normam sint maximi reges, & principes in terris instituendi. Supervacaneum vero existimo, te monere, cum nihil abs te manare possit, quod parum dignum sit tua summa virtute, ne patiari in castissima domo, & quasi pudicitia delubro, quemquam versari, cujus mores in media luce, & foro frequenti, sine offensione conspici non queant. Quantumvis leve dictum, quod illiberale sit, in his, qui apud te domi agunt, apud te sit indicium improbi ingenii, in fœmina præsertim: cujus mores

D d d 4

quanto



præceptionibus, exaudiri possunt. Sed hæc quidem, quæ aperte noceant; ut ab his declinare facile sit: multo illæ nocentiores, quæ oris habitu, & tristi vultu sumpta severitatis persona, tegunt vitia fœdissima, & terribissima, foris fallacem, & fictam ad tempus sanctitatem ementientes. Ut vero gravius incendium, quod diu tectum terræ visceribus subito erumpit: ille nocentissimus morbus habendus, qui cum diuturna dissimulatione occultum venenum aluit, repente, minus cautos invadit. Sæpe vero unicum verbum, velut venenatum emissum telum, in bene septum etiam virtute animum, vulnus lethale inflixit, & parvæ aranæ morsus valentem, & robustum sustulit. Harum imprimis laudes, blanditiæ, assentationes caveantur: quibus quando aggrediuntur minus cauti insidiari, speculum, quasi ostendunt, quod nunquam veram effigiem se spectantium reddit, idque efficit, quo nihil in moribus lethalius est, ut cum nobis ii esse videamur, qui non sumus, minus demus operam, ut simus ii, qui nobis esse videamur. Ut vero hoc artificium facilius nos fallat, adjuvat nostri amor: qui non patitur nos, ex animi conscientia, cujus speculum nos ad vivum, quales sumus reddit, vera nostra lineamenta agnoscere, sed ex assentantium oratione. Parvi vero refert, utrum

D d d 5

nos

nos fallax oratio laudando, an vituperando perdat; cum æque ex gemmato poculo, & fictili, & sordido hauriatur venenum. Raro hæ fallent, ut maxime etiam credant sua esse artificia occulta, si adversus fallacia verba opponatur prudentiæ scutum, & quaratur à gravi matrona in conscientiæ penetralia receptus. Ita, detecta fraude, non erit difficile investigare, quæ causa fallendi sit, quæ non potest non mala esse, cum à fraudulentis, & fallacibus proficiscatur. Neque vero erit mensariorum acrior cura experiundo argento, aurove, quàm nostræ probandis eorum moribus, qui domi suæ versentur: non enim illi quicquid illud sit, quod afferatur, temere acceptum in loculos conjiciunt; sed cujus notæ sit, à lapide indice, quem Lydium, & Heraclium vocant, explorant; sæpe experti nobilium regum signo, adulterinum nummum cudi, & cuprum, fallaci auri specie, occultari. Lubet autem hoc loco diutius immorari, quò eorum sunt plura, atque illustriora exempla, quorum domus, minus acri cura, & studio custoditæ, funditus everse corruerunt. Inde orta vitæ dissidia, rixæ, jurgia, cædes, similitates, inimiciæ, odia innoxerabilia, quæ mala, harum pestilentissimæ voces in honestas domos, per fallacem probitatis speciem, sibi patefacto aditu, important. Quo oportu-



portunior matronæ juvenilis ætas infidiis, & dolis nondum usu rerum confirmata; quò hæc scelerata manus exercitatio dolis, & infidiis nectendis; eò studio acriore ea est munienda, in qua non est ea virtus, quæ eam reddat, adversus harum artes, & præstigias securam. Religio adfit, sed vera; non quæ superstitionem imitata, hærentes errore animos ad falsam rerum imaginem à Deo avertat: ejus enim unius fiducia, ubi sint quasi cum interioribus hostibus conferendæ manus, cupiditate, iracundia, amore, odio sunt hominum invictæ vires. Multa vero sunt salutaria sapientium præcepta, ad informandos animos ad veram pietatem, sed illa maximè opis præsentis, quæ è sacrarum literarum fontibus hauriuntur. Hinc oborta mentibus divina lux, discussis erroris tenebris, inter veneficæ anus, & gravis, ac castæ matronæ personam, facile efficiet discrimen: alterius enim ad tempus probitatis fucatam speciem, dies brevi detectam, prodit; alterius probitas nativo suo colore amabilis, primo aspectu qualis sit ostendit. Nullæ in gravi fœmina verborum illecebræ, nullæ altius ad fallendum repetitæ laudes, nihil à reconditiore artificio quæsitum, quod pudoris, & sanctitatis fictam imaginem ostenter: quæ virtutes suo splendore, illustres, rejiciunt artis adjumenta. Namque  
ut

ut in matrona, quæ formæ bonitate excellat, non solum non adjuvat, sed lædit etiam quæ sit ars: quæ enim ejus indigent mancum, arguunt naturæ opus: ita in proba, nullus est usus fallacis artificii ad conciliandos pudicos, & castos animos, qui germana probitate, non vana probitatis specie tenentur. Hæc mihi matrona deligatur, quæ in nostræ convictu, sit domestica virtute prius, quàm specioso nobilitatis titulo insignis: ad hanc domus procuratio deferatur; ex hujus consilio deligatur, quæ mundo præsit; quæ ad interiora ministeria cubiculi assistat; quæ penori, quæ cellæ præficiatur, pedissequæ, pueri, familia universa. Ita enim sperandum est, concordem domum fore, si una virtus, multorum, in eadem familia, ingenia, voluntates, studia moderabitur: qui quidem, unde virtus exulat, quæ dissidentes conciliet inter se, magna cum totius domus perniciæ, dum quisque commoda sua potiora, quàm fidem, atque officium habet, conflictantur. Quemadmodum vero rex, cujus est paterfamilias imago, quanquam sapientissimus habeatur, nihil non de consilii sententia agit: ita ut vir maxime sit prudens, justus, probus, magni animi & consilii: ad recte suum munus procurandum, credet se eorum consilio indigere, qui sua sapientia bene sentientem confirmant

ment, aberrantem ab officii finibus, reducant in viam. Quem matrona imitata, prudentis fœminæ consilio in omnibus utetur, simul ipsa quasi in specula posita explorando, quàm recte à singulis administrantur, quæ illis sunt munera mandata. Ita utrumque fiet, ut & rei consulat, & iis ipsis, quorum opera res conservatur: vindicat enim ab otio suas, quod quidem efficiens malorum ingentium aperit aditum ad nequitiam, unde industria, & officii sedulitas excessit. Namque sua natura animal agens homo, nunquam animum cura habet vacuum, ne in otio quidem, siue illa rerum honestarum, siue turpium sit. Hanc eandem si consulat, dabit operam, ut non solum incedat gravis unionibus, auro, gemmis, quibus sæpe ornamentis splendent, quæ, prostituto pudore faciunt corporis quæstum; sed cum suis moribus, tum earum, quibus cum vivit, quarum opera utitur ad domestica ministeria, quæ domi assistunt, foras euntem, redeuntem affectantur. Quod vero fœdius monstrum, quàm ejus comitatus, quæ cum ipsa prædita sit sanctissimis moribus, probitatis suæ luce detegat in suis lascivos mores, petulantes oculos, mollem gestum, proterviam: quæ efficiunt, ut tanquam infirmi, & turpi bestię, quo fœdiora cætera appareant, sit affixum speciosum, & venustum virginis



in eo erat læsa majestas, maculam regio nominis impositam, eorum sanguine, quorum erat scelere violata, elueret. Satis quidem potuit indicio esse, postremum omnium rescisse, ita sumptum de reis supplicium, ut, inter id, & delatum fontium nomen, ne horæ quidem momentum intercedere sit, passus. Ergo, ut in matrona, primus pudicitiae honos; ita in iis, quæ matronam comitantur hac laude insignem, prima sit honestatis, & pudoris cura; nihil in gestu, nihil in sermone, in moribus nihil existat, quod non sanctitatem spiret, & virginale decus; ut in comitate, adsit severitas morum, quæ licentiæ injiciat frena, & in ea ipsa severitate, quæ non dura, non acerba erit, sed qualem decet esse morum custodem, insit suavitas, quæ doceat, à congressu modo improbitatem, & nequitiam arceri. Ita apud illustrem fœminam, nulla cum offensione, quæ, quantumvis levissima, quàm longissime abesse debet à nobili, & clara domo, habebitur virorum, & matronarum cœtus: in quo quidem ita aberit procacitas, risus effusi, illiberales joci; ut festivitas, & comitas sermonis non desideretur, quæ relaxet à gravioribus curis animos, non dissolvat & perdat: id quod accidit, ubi libertas in licentiam vertit: quæ tum est servitus omnium teterrima, cum per eam, imperii sensus im-

impotentes, non quò imperat ratio, sed quò libido, quæ dominatur, impellit, animos invitos rapiunt. Sit vero eadem mitis cumprimis, & lenis in omnes: ubi minus adjuvet ingenium, id eò majore cum laude, quò est omnibus una homini difficilior pugna, cum infitis à natura vitiis, studio & magnitudine animi adnixa à se impetratura. Facile vero erit ingenii potens, ubi sit natura elatiore animo, si media inter virum, cui paret, & familiam, cui imperat, nunquam utatur in suos imperio, quin memor æque se habere cui pareat, acerbitem ponat, quam ipsa in viri imperio horret. Contumax vero, & superbum hominis ingenium odit, atque execratur triste imperii nomen natus liber; cum non prius agnoscere possit unius in se potestatem, quam cogatur fateri se quasi emptum mancipium capite deminutum: servitutem enim, quæ nulla erat naturæ instituto, jus gentium in vitam hominum invexit, sed, quam necessariam eorundem improbitas fecit, magistratus, & legum: ad quarum normam, si in privata re ererceat, quisque in suos imperandi jus, non tot quotidie eorum quærelæ audiantur, qui coacti parere duro, atque inclementi imperio, natura liberi, sortis conditione servi, per summam injuriam plectuntur. Quemadmodum vero matrona, nutu & levi significatione



eratione (quod ingenui animi est) quid velit vir, quid nolit intelligit, & sua sponte, non monita paret: sic det operam, cum suæ humanitatis rationem habendo, tum prolixè, & amanter suos appellando, ut exigat pensum à volentibus, quod solum ab iavitis, cum magno etiam compendio, & quæstu, acerbum, atque injucundum est. Placet enim & virum cum uxore, & eam ipsam cum familia se ita gerere, ut cum monet, hortatur, rogat, delinitis sua facilitate suorum animis, imperandi vim obtineat, ut ultro, & volentes, jubenti inducant animum morigerari. Amor enim non expectat imperantis vocem; sed imperio præcurrit; contra atque ii, qui vi, & imperio coacti imperata faciunt. Nam illud est importunæ dominationis, non moderati & legitimi imperii: Oderint dum metuant: quam vocem diram, & abominandam, sunt qui affirmant primum Romæ Sullæ temporibus auditam: cujus imperio truculento, Atheniensium urbs nobilissima interfectorum sanguine, hostium eorum quidem, sed qui alieno, non suo scelere hostes essent; civium sanguine Roma inundavit: quæ patriam pietatem à cive non potuit, parens indulgentissima impetrare. Imo paterfamilias, qui idem vir justus, & probus, sit humanitatis suæ memor, nisi ita se gerat, ut metus à suis

E e e

absit

absit, & ultro sint verbo audientes qui parent, malit imperio carere: cuius nomen, per se grave, atque invidiosum est, ubi etiam legitimum habeatur. Equidem non verebor, ut parum videar ejus personæ memor, quam suscepi, si à turpi persona sumam, quæ adjumento sint versanti in argumento tam gravi: unum enim mihi modo propositum est legentium compendium, atque usus. Sæpe vero est sub palliolo sordido sapientia, ut Cæcilius apud Ciceronem ait; & è terræ venis, & scrobibus eruitur aurum, quo regum insignia, & deorum delubra ornantur. Docet, inquam, apud Plautum, parasitus, quod sit certum patrisfamilias munus, atque ita adeo, ut ne à philosopho quidem graviores sententiæ, reconditioresve expectari possint. Quas quidem scurrilibus verbis tectas si quis legat, à risu temperare non queat; si quò spectent, interius, propiusque aspiciat, idem intelligat ad vitæ usum plurimum notatas, atque animadversas profuturas.

*Homines captivos, inquit, qui catenis vinciunt,  
Et qui fugitivis servis indunt compedes,  
Nimis stulte faciunt mea quidem sententia.  
Namq; homini misero si ad malum accidit malum,  
Major libido est fugere, & facere nequiter.  
Nam se ex catenis eximunt aliquo modo.  
Tum compediti januam lima proterunt,*

*Aut*



*Aut lapide excutiunt clavum; nuga sunt ea:  
Quem tu asservare recte, ne aufugiat, voles,  
Esca, atque potione vinciri decet.  
Apud mensam plenam homini rostrum deliges.  
Dum tu illi quod edit, & quod potet præbeas,  
Suo arbitrata, & assatim cotidie,  
Nunquam edepol fugiet, tametsi capital fecerit.  
Facile asservabis, dum eo vinclo vincies:  
Ita isthæc nimis lenta vincla sunt escaria;  
Quam magis intendas, tanto astringunt arctius.  
Benevolentia igitur, amore, liberalitate de-  
vinciat animos suorum cum paterfamilias,  
tum matrona imprimis: quæ si impotenti-  
us suo jure utatur, pariat sibi eorum odi-  
um, quæ sæpe male imperio utentibus ca-  
pitale fuit. Existit enim nonnunquam in  
humili fortuna excelsus animus, & sæpe de  
lapide emptus, ausus est vindicatæ libertatis,  
per alterius cædem, vitam pretium facere.  
Cujus rei, non ita pridem, nobis Turcarum  
regia dedit illustre exemplum, auso è ple-  
be homine, in magna frequentia princi-  
pem regii senatus, cujus unius nutu rege-  
batur summa totius Ottomanici imperii, fer-  
ro aggredi, atque interficere. Equidem au-  
diebam puer à parente meo viro optimo, qui  
diceret se de majoribus natu accepisse, em-  
ptum servum in nobili domo, cum asperius  
habitus esset, quàm feroci, atque immani  
ingenio barbarus ferret: acceptis in ul-*



ferro, in homine pœna vindicari. In omnibus vero statuant, adducendas sibi, non laxandas iracundiæ habenas; tum quòd proprium magni animi est, ignoscere; tum, quòd sæpe non remittentibus de iracundiæ vi, brevem voluptatem redimendam sibi esse intelligunt, nominis, atque existimationis jactura. Non enim temere vulgo usurpatum est; quòt servi tot hostes, natura ab homine extorquente, ut natus liber, servitutem oderit: quam sibi non ferendam censet, qui, non natura præstantiori se, sed fortunæ indulgentia, sibi esse parendum intelligit. Multi vero sunt in nobis interiores hostes, qui nobis nostram felicitatem invident, positam totam in tranquillo animi statu, cupiditates multæ, variæ libidinum faeces, amores, intemperantia, ambitio, avaritiæ sordes, plenissima alia vitiorum, & perturbationum cohors, sed, ut omnium sit una pestis infestissima habenda, quæ nobis, nos plane eripiat, iracundiæ vis. Nam, & aliæ perturbationes animorum, nos quatunt, pervellunt, jactant, lacerant: una, nos iracundia sternit; atque adeo, ut sæpe jacentes, nulla sit spes, sublevatum iri. Innumerabiles vero, qui iracundiæ tollendæ, quasi medicinam faciunt, quorum scripta leguntur, ut majore cum dedecore, atque infamia, victi morbi immanitate pereamus.

mus; Nam illæ sunt Horatii execrationes,  
& querelæ justissimæ :

*Non Dindymene, non adytis quatit  
Mentem Sacerdotum incola Pythius,  
Non liber aque, non acuta  
Sic geminant Corybantes ara,  
Tristes ut iræ: quas neque Noricus  
Deterret ensis, nec mare naufragum,  
Nec sevens ignis, nec tremendo*

*Jupiter ipse ruens tamultu.* Ac paucis interje-  
ctis versibus, ea addit, quorum utinam non  
exempla plura, quàm postulat rerum huma-  
narum ratio exstarent :

*Iræ Thyesten exitio gravi  
Stravere, & altis urbibus ultima  
Stetere causæ, cur perirent  
Funditus, imprimeretque muris.*

*Hostile aratrum exercitus insolens.* Nam Thy-  
estis apud veteres diræ execrationes : cum  
ab Atreo fratre mensæ apposita viscera libe-  
rûm pastus, tetrus verbis immanes cruciatus,  
inaudita supplicia, atque ultimum illi ex-  
itium precaretur :

*Ut tu, inquit, naufragio expulsus uspiam saxis fi-  
xus asperis,*

*Evisceratus, latere pendens, saxa spargens tabo,  
Sanie & sanguine atro. Quæ vero sunt hujus  
apud Senecam tragicum vota?*

*Tu summe cæli rector, ætheriæ potens  
Dominator aulæ, nubibus totum horridis*

*Convolve*

*Convolvè mundum, bello ventorum undique  
Committè, & omni parte violentum intona;  
Manuque, non quo tecta, & immeritas domos  
Telo petis minare, sed qua montium  
Tergemina moles cecidit, & qui montibus  
Stabant pares gigantes: hæc arma expedi,  
Ignesque torque, vindica amissum diem:  
Jaculare flammæ, lumen ereptum polo  
Fulminibus exple: & quæ sequuntur:*

*Retrorsum enim sol cesserat, vescente nefandis  
epulis inscio patre. Quæ ita veteres poëtæ ma-  
nare ab una iracundiæ peste docent, quo-  
rum argumentis adhuc nostrorum theatra  
resonant; ut non desint à rerum scriptoribus  
exempla cum vera, tum Thyestæis haud  
scelerata, & fœda minus: quæ non ominis  
causa à me prætereuntur, cum nihil non salu-  
tare sit, quod nos exemplo juvet; sed quòd  
oblata nobis facultate, è contraria ratione  
sumendi, quæ nos ad animi moderationem  
adhortentur, satius videatur, afferre in me-  
dium, quæ ingenerent animis temperantiæ  
amorem, quàm quæ pariant iracundiæ odi-  
um: quod ipsum tamen sua sponte sequitur,  
quem semel incendit virtutis ardor. Ut  
vero hæc tanta virtus elucet in tua, sic ope-  
ra danda est, ut eadem, eorum exemplis  
confirmata, qui ea excelluerunt, ad sui æmu-  
lationem excitet aliarum animos, quas, ea-  
dem opera, nobis suscepimus ad conjugale*

munus instituendas. Nam quod de Thyeste poetae veteres fabulantur, id Harpago vere accidisse affirmant, tum è Græcis scriptoribus Herodotus, tum e Romanis Trogus, & Seneca tertio de ira libro. Is apud Astyagem Medorum regem amicorum princeps, & clarus copiarum dux cum graviter offenderet: epulatus in regis convivio, ignarus filii membra, atque à rege, auctore tanti sceleris, interrogatus, an satis laute esset acceptus: se enim vero & laute, & opipare acceptum respondit. Inde cum lascivius Astyages in miseri dolorem, jussisset sceleris ministros caput afferre, & patri ostendere, percunctatusque esset, sciret ne, ex quo genere ferinæ famem explevisset: usque eò dolorem habuit in potestate, ut sumpta subito assentantis persona, non dubitavit respondere, agnoscere se quidem, sed apud regem, omnem cœnam jucundam esse. Quæ animi tolerantia eò admirabilior fuit, quò majorem iracundiæ molem, expressa in unici filii lineamentis patris effigies, animo ciebat: quæ per indignam cædem deformata, & cruentata sanguine, spem omnem posteritatis adimebat. Nam potuisse comprimere iracundiam, dato etiam multorum dierum spatio ad dolorem concoquendum, magni cujusdam animi potuit videri: eodem temporis momento compressisse, cum

eruptu-

erupturam in questus, & flebiles voces dolor  
justissimus, atque ex eo suscepta indigna-  
tio inflammaret, tanti roboris fuit, ut cum  
ita vere acta res credatur, vix videatur ita  
agi ulla ratione potuisse. Ubi enim, tam  
sævo accepto vulnere, subito locus consilio,  
ubi rationi, ubi menti? ubi simul magnus  
ortus, & aut extinctus, aut dissimulatus  
dolor? Neque fuit hoc virtutis tamen. Me-  
tus, si visus esset, hiscere contra, atque rex  
vellet, potuit ab animo, tam immani, ac  
tetro ictu saucio, impetrare: quod virtus  
sæpe in levi re non impetrabit. Quis vero de-  
speret, posthac se posse obistere iracundiæ,  
se se efferenti, qui audiat parentem, pastum  
unici carnibus, siccis oculis spectare po-  
tuisse stillantia ora sanguine, in quibus sui  
imaginem agnosceret; benigne ei responde-  
re, qui se ultro tanti sceleris auctorem ferret;  
ad augendum animi dolorem, contumeliam  
verborum adderet: ut in ea injuria, in qua  
divinæ & humanæ leges omnes violarentur,  
superbus animus, & omnium contemptor  
conspiceretur. At qui hoc negat, audiat quid  
Seneca vir sapientissimus colligat ex tam  
tristi, ac tragica narratione. Quid, inquit,  
hac adulatione (pater) profecit? ne ad  
reliquias invitaretur. Non veto patrem dam-  
nare regis sui factum, non veto quærere di-  
gnam tam truci portento pœnam; sed hoc in-

E e e s

terima

terim intelligo, posse etiam ex ingentibus malis nascentem iram abscondi, & ad verba contraria sibi, cogi. Ergo quæ nostram ad lenitatem, & morum clementiam honesta, æmulatione incendant, omiſſis iis, quæ sua, fœditate ab iracundia deterreant, ineunti viri domum bene ominati commemoremus. Multa de Socrate à Xenophonte in libro de dictis, & factis illius memorabilibus, feruntur: sed unum, quo utitur Seneca, præ cæteris insigne æquanimittatis, & tolerantia laude. Nam colapho cæsus summus vir cum sapientia gloria, tum vitæ sanctitate, & virtutis commendatione, renidenti ore: Unum, inquit, queror, ignorare homines, quando cum galea sit prodeundum. Et cum quidam alias mirarentur, calce ab obvio impactum, ne verbo quidem, animi offensionem præ se tulisse: quid, inquit, si asinus me percussisset, in jus vocarem? Sed hæc in philosopho, & quidem inter omnes alios; ut diximus, summo: illud multo majore, dignum admiratione, quod sequitur, in tyranno. Cum in Pisistratum epulantem unus è convivis multa acerbe invectus, cæteros, qui accubuerant ita movisset, ut intemperantius bachanti, essent parati manus afferre: tantæ injuriæ tyrannus potens, in summa potestate prohibuit: cum addidisset, non se illi magis succensere, quàm si quis oculis captus in se



in se irruisset. Hoc vero assequitur, qui præceps iracundia injuste agit, ut non possit illi ignosci, nisi amens, cæcusque fecisse defendatur: ita enim deprecatur flagitii poenam, ut flagitii causam, quod miserrimum est, in morbo animi, non in cujusquam injuria agnoscat. Hanc lenitatis laudem æmulatus Pericles, qui non minus Pisistrati ingenium referre, quàm oris lineamenta est visus, dicitur totum integrum diem conviciantem sibi æquissimo animo tulisse: cum is finem nullum maledicendi faceret, & nihilo intentiore cura tamen Pericles serio jaceret, quæ tum occasio poscebat, jam die advesperascente, insectatum se domum usque, jussisse unum è suis, funali accenso, deducere domum. Quantum ingenii discrimen inter Philippum regem, & Alexandrum filium? Ille, cum poscentibus commeatum legatis Atheniensium, liberaliter pollicitus esset, ac jussisset legatos dicere, quidnam futurum quàm gratissimum Atheniensibus crederent, facturum se enim: respondente Demochare uno è legatis, qui, ob linguæ dicacitatem, Parrhesiastes est dictus, Atheniensibus gratissimum futurum, si suspenderet se: ad tam inhumanum responsum commotis suis, At vos, inquit, ad alios legatos conversus, nunciate Atheniensibus, multo superbiores esse, qui ista dicunt, quàm qui ista impune



dente cruciatu animi, qui ab eo expetat pœnas, in cujus potestate fuit, pœnam non mereri. Nihil tantus rex non egit, quod ostenderet dolore victum animum: non lacrymis, non querelis pepercit: cruentum corpus in tabernaculum jussit inferri, se victimam interfecti manibus mactaturus; hastam evulsam è jacentis vulnere in se retorquere, admove re pectori voluit: triduum tabernaculo inclusus, adversus omne solatii genus obfirmato animo, abstinere cibo perseveravit. Quæ omnia mala potuit vitare, perexiguo sumpto ad deliberandum spatio, ut interea experrecta ratio iratum, per opportunam mutationem consilii, ad animi lenitatem traduceret: quæ sero resipiscenti, tristi facti memoria exedente animum, fere pesti, atque exitio fuit. Itaque laudatur, illud aureum Athenodori dictum: qui cum statuisset apud Augustum relinquere monumentum amoris philosopho dignum ab eo discessurus: Cave, inquit, Cæsar, quicquam prius iratus dicere, facereve aggrediare, quàm tacitus Græcarum literarum xxiv nomina tecum animo recensueris. Excitatur enim sæpe horæ momento, quasi è cæca nube emicans radius solis, è perturbata mente lux rationis, & consilii, quæ iracundia affectum cogat sese respicere, & à sui exitio, quò præceps fertur, animum revocare. Ergo quæ,

go quæ, Deo auspice, ingreditur viri domum, ita sese animo comparet, ut cum ejus sint & parendi, & imperandi partes, quasi feram cavea inclusam, compressam iracundiam habeat; seque imprimis assuescat inspicere, dum animus sedatus est, quasi è speculo, ex alterius iratæ exemplo, sibi inquam, se fingat ipsa, cujusmodi nunquam esse velit, furore, & iracundia percitam, ardentibus oculis, buccis tumentibus, crudelitatem ore, anhelantem: ut quem oris habitum inficta horret, inducat animum, si quando accidat, odisse in ipsa se, à sedatæ, & temperatæ matronæ gravitate, & constantia degenerante. Nam si læsam formam vel macula minutissima non fert, & quæ oculos etiam attentissimos fugiat: qui poterit non sibi esse invisa, ubi se animo intueatur, ebriæ instar, suffusam rubore vultu, oculis, gestu feræ immanitatem præ se ferentem. Dicitur Alcibiades laudatus esse, & recte ille quidem, cum tibiam abjecisset, quod oris habitum, cum quis ea uteretur, deformaret, in eo æmulatus Minervam, præsidem sapientiæ deam; quæ cum ad speculum tibia caneret, projectam comminuerit, offensa oris deformitate. Quod quidem quanto accuratius matrona cavebit; quam maxime decet ad sapientiæ normam componere mores? Id ne aget, inquam, ut ubi læcessivit,

cessivit, aut improbe factō servus, aut temere dictō; continuo quasi deturbata dementis statu, immani hiatu distento ore, ac fœdum in modum labris distortis, canis rixantis similior, quàm hominis, furat, æstuet, maledictis, conviciis quemque incessat; ut non solum domus, sed & vicinia, etiam tota inconditis clamoribus personet? Quod cum agit, quid assequitur tamen? paret iracundiæ suadenti expetere pœnas, sed ita quidem, ut non intelligat, dum suum dolorem ulciscitur, ejus ipsius, quem plecti vult, se dolorem levare. Quid enim? flagris cæditur, patinam, qui tollere jussus, Semefos pisces, & tepidum ligurierit jus: at ejus ipsius, qui cæditur, inter plagarum strepitum, minuitur dolor, cum eandem sibi dare pœnam, in expetenda à se pœna, animadvertit, quæ, ob leve admissum delictum, facit pudoris, & modestiæ jacturam: quæ quanto est ea gravior pœna, qua is afficitur, qui est flagris cæsus? Sensus enim doloris, præsertim in mancipio, brevis: memoria læsi pudoris, in ea, quæ non sit plane sui oblita, quam vix longa dies sit oblitteratura. Videt idem vero, nisi plane careat hominis sensu, & quidem non sine voluptate videt, in bestiæ formam degenerantem, quæ, è suo malo, haurit injustam animo voluptatem: ut si se tum in speculo inspiciat, cum sibi placet



bus, aspernari voluptatem, quæ noceat dolore empta. Quis vero sitim, ut ea maxime, excrucietur, sibi statuat, veneno generoso vino infuso pellendam? Ergo ut in muliebri mundo nihil patitur non sibi aptum, non se dignum; nihil gestu, totius motu corporis spectari, quod lædat formam; ante quam prodeat, ne quid se fugiat, sese componit ad castæ, & sanctæ matronæ exemplar, quod nunquam non ante oculos habebit; ut si quid in moribus existat, quod à tam nobili exemplari recedat, id in tempore corrigat, tollat redundantia, deficientia expleat, nihil patiatur denique desiderari, quod sit aptum, atque opportunum ad absolutissimam honestatis formam perficiendam. Ita exorietur decorum illud longe admirabile, quod, ut ille ait, est maxime homini consentaneum, cui personam natura ipsa imposuit, magna cum excellentia, præstantiaque animantium reliquorum; ut si quid appareat minus juste, prudenter, & temperanter factum, prodat bestię ingenium, quod ne quicquam occultet, quàm gestat exterior hominis persona. Ita sese tacita explorando indies fiet cum prudentior cognoscendis quæ se deceant, tum iis, quæ sibi minus apta sint corrigendis atque amputandis. Nam ex hoc eodem tam nobili sibi exemplari, facile illud etiam assequetur,

Fff

ut





nusquam ex iis finibus egressa , quos illi Deus præscripsit, tantæ constantiæ causam minime dubiam, obscuramque habeant. Admirabili enim temperamento condita, è contrariis initiis rerum, dum ita pars altera cum altera coit, ut neque excedat magnitudine, neque, manca sui natura, infra alterius magnitudinem concedat, suum statum incolumem tueantur, nullo impetu, aut casu aliunde invec̃to, sed ejusdem unius imperio, cujus æterna providentia subsistunt, ad interitum ruitura, id quod credimus plane fore, sancta majoribus religione imbutis animis. Ad hujus imperii formam, ejus imperium prope accedit, cui quæ imperet non prius privata voluptas, aut commodum præscribit, quàm eorum qui parent: quibus, pro cujusque ratione, & statu, consulendum est: ut ex conservatis singulis, cætus, & communitates hominum incolumes retineantur. Quæ cum ita sint, hoc plane secum constitutum habeat, quem fingimus, paterfamilias justus, & probus, ut non secus suorum errata sibi animadvertenda censeat, accurat corporis morbos rei medicæ peritus. Quemadmodum enim, ubi aut in crure, aut in femore, aut in humero est offensum, non continuo secandam læsam partem, aut urendam putat, sed lenioribus remediis, quantum vis morbi patitur, studet ad sanitatem revoca-

re: sic leve erratum ab uno è suis admissum, non verberibus, flagris, cruce vindicabit, sed humanitatis suæ non oblitus, errantem, castigabit verbis, & placide monendo, dabit operam, ut victus imperantis lenitate, volens ipse resipiscat, & sua sponte unde aberravit redeat in viam. Pedissequus, penariæ, oleariæve cellæ puer, leve quippiam patravit: ita in eum afficiatur, ut qui casu offenderit, in pedem afficitur temere lapidi impactum, ut in manum, in oculum, in aures perperam functas naturæ munere: quarum errata non igni, aut ferro excindendo, sed cura, & studio, ne fallant in posterum, emendat, quasi in sui parte communem doloris sensum in suis perpeffus. Nam qui secus agunt, ii non hominum, sed suum rectores verius videantur; qui, ob unam causam, eos statuunt sibi alendos, ut mactent, & perdant quos alunt. Justum, moderatum, facile imperium homines ferunt, quorum causa à volentibus est uni mandatum: immite, crudele, sævum tamdiu inducunt animum ferre, quamdiu vis, plus quam consensus multorum potest: simulatque enim se pares adversus vim putant; tum facile ostendunt, se invitos, quod alienum, est ab hominis dignitate, injusto, ac violento imperio obtemperasse. Ut vero natura exigit à rebus, quas condidit, quæ iis sunt apta, & con-

& convenientia, ut levia sursum, gravia deorsum, depressa suo pondere ferantur: sic delectum habebit paterfamilias, muneribus domesticis distribuendis, ut, exploratis suorum viribus, industria, ingenio, ea mandet singulis, quibus aptissimi habeantur: Ita neque qui ingenii acie excellunt, obibunt ea munera, quæ vires modo corporis requirunt; neque aptus pecori ducendo, aut purgandæ areæ, & stercorendo agro, accepti, & expensi tabulas conficiet, aut in foro domestica negotia administrabit. Mira quædam naturæ sagacitas est, non ex variis solum, sed ex contrariis etiam rationibus, ut jam dictum est, rerum quasi quodam concentu divino conficiendo. Cujus solertiam ars imitata, & in aliis, & in musicis imprimis, quorum maxime sensu afficimur, idem efficit. Quæ enim ullæ res aliæ magis inter se contrariæ, quàm in fidibus nervi? alii acutum sonum, gravem alii, inflexum alii, & qui est inter hos medius reddunt: ex qua tanta varietate, musici artificio, atque ingenio temperata, efficitur concentus suavissimus. Ut vero hujus artis peritus, non exigit à graciliore nervo gravem sonum, non acutum à crassiore: ita hic noster, justo, atque æquali temperamento ministeriis distributis, quæ à suis obiri velit; facile obtinebit, quod rarum in hominum vita est, otium domi,



solum habeatur, quod multis est satis, ad cuius exemplum sint alii formandi. Nam qui artificio assequuntur, ut videantur probi, cum ab oratione abhorreant mores, eorum simulatio non potest diu latere: pertinax enim studium occultando ingenio, pertinacior vincit insita ingenio vis; & quæ nequitia ad tempus occultata delitescit, facile eadem tempore erumpit. Quantumvis ejus sit casta oratio, & sententiis gravioribus referta, ut maxime videatur persona severa, & christiano homine digna; exitio est simulata virtus, quæ vera debuit salutaris esse. Creditur enim ad fallendum quæsitæ probitas, quam vitæ contaminatæ ratio refellit: quod est maxime odio dignum. Ut vero si quis induat vestem alienam, statura, atque habitu corporis dissimillimus, non facile arte efficiat, ut plane illa sibi apta videatur: sic qui sumit sibi viri boni partes, à cujus moribus longe absit; vulgo homines fortasse, & ad tempus fallit; prudentes homines, & perspicaces, quorum est acrius judicium, fallēt nunquam: multa enim diligentius observantibus existunt, quæ facile ostendant improbo ingenio, probitatis esse affixam personam, id naturā ab invitis etiam extorquente, ut iis per imprudentiam excidant, quæ ingenii sint magis, quàm personæ, quam sibi suscipiunt agendam.

Ergo paterfamilias hoc secum habeat constitutum, ad continendos suos in officio, nullam esse rationem aptiorem, quàm si eum ipsum vere contineat recti studium, & virtutis amor. Nemo certe, ut maxime sit egregius simulator; ubi de virtute verba faciat, ita persuadebit, ut qui vere ejus studiosus, non quod loquitur modo, verum quod sentit etiam, persuadere aliis conatur: erit enim ejus acris oratio, vehemens, ardens, tum, quod imprimis adjuvabit dicentem, animo hærens studium honestatis, quod quidem efficiet: ut non illius verba sed faces, quæ incendiant, atque inflamment animos ad eundem honestatis sensum, neque traducere, sed quò velit rapere videantur. Sit frugi, moderatus, gravis; imprimis det operam, ut fides, religio officii, temperantia in moribus eluceat; atque, ut uno verbo absolvam, sic se animo comparet, ut, non oratio mores, sed orationem mores probent: id cum sua causâ, tum suorum, quos non secus, ac sui partem, esse quàm honestissimos, & quàm optimos velit. Ita vero agnoscitur in bene morata familia domini virtus; ut in eo ipso appareat familiæ decus: utrumque enim efficitur, quod maxime optandum est, ut & familia domino, qui tantus sit, & is dignus familia, quæ sit adeo frugi, & moderata censeatur. Non semper quidem, sed raro accidit,

accidit, ut non exstet in eo, qui pareat, ejus qui imperet effigies quædam ingenii, & morum. Est hoc enim natura comparatum, ut in iis, quos non liberalis educatio quædam, & interior disciplina perpolivit; plurimum eorum auctoritas valeat, in quorum sunt positi potestate, sive hoc illis consilio, sive accadat casu. Itaque non dubito, quin, si quis olim incidisset in Catilinæ affectatorem, crudelem, immanem, impurum, aleatorem, non fuerit judicaturus, eum, non in Catonis contubernio, hominis sanctissimi, sed in latronum ducis, & archipiratæ domo vitam traduxisse. Quo accuratius ei laborandum videtur, qui numerosæ familiæ præest, ne quando in magno numero existat, cujus probra, & flagitia, macula insigni afficiant non merentem. Omnium vero maxime ejus causa censeat se hoc agere oportere, ex qua unica vitæ consorte, sibi generis & subolis propagationem spondet. Qui est ipse castus ut oratione, sic vitæ institutis, & moribus; hoc facile efficiet, ut, sive ei pudica contigit, servetur, quàm à parentum disciplina hausit, probitas, & pudor; sive minus exulta ad probitatem à parentibus, habeat à viro domi propositum, ad imitandum, sanctitatis, atque innocentiae exemplum: cui quidem non fortuna falso credita domina rerum, sed Dei immortalis.





qui non foris quidem quærunt, quod esset, mitius malum, sed domiquasi certa vitæ venena comparata habent, quibus suas perdunt, infames libros, signa, pictas tabulas, quæ, per omnia lasciviæ, & obscœnitatis argumenta, plus æquo per se incensos ad deteriora animos corrumpunt: ut omittam licentiã immanem quorundam, captantium apud suas commoditatis laudem, turpiter, atque obscœne dictis: quibus quidem vix locus sit in lultro, & meretricia domo. Quæ quî potest matrona crebro audire à viro, à parente liberi, & virgines filiæ; & non perruptis claustris pudoris, animum patefacere iis vitiis, quibus prius teneræ mentes inficiuntur, quàm quid sit vitium, possunt animis æstimare? Atqui hoc tantum? Utinam ulterius non progrediretur, hominum amentia, an petulantia? Non unus fuit Candaules Lydorum rex, qui nudam uxorem Gigi illi ostendit: qui ipse per suam cædem, adultero pretium stupri constituit regnum. Vidimus, qui hoc idem effecit, non tamen tragiæ tam nobilis persona, ut cum sibi plus æquo placeret, quod uxorem forma excellenti esset nactus, quasi non satis indulgeret morbo animi, si vagari quâ luberet pateretur: quò beatior crederetur, cui tam pulchra nupsisset; non secus, ac si equum ostenderet venalem, cujus, quod pulchræ clunes, breve quod caput,

caput, ardua cervix, speraret inducere emptorem hiantem, ultro ipse vocabat domum, quibus in culcitra decumbentem ostenderet, nudatis ulnis, ac pectore aperto: cum vix eam partem tegi pateretur, quæ una, undique profligato pudori reliqua esset. Nam, Spartæ, ut Plutarchus ait, ne viris quidem legitimis ea licebat nudari, quorum usum ad generandum necessarium natura poscit, nisi cum operam liberis darent: ut latebræ, & tenebrosa loca, quæ visum fallerent, ad concubitum quærerentur. Inde scilicet illa Horatio insectatio morum: quæ non fuit tamen justior, quàm hoc tempore est nostra: ubi de domesticis malis lubeat queri.

*Fœcunda culpa secula, nuptias  
Primum inquinavere, & genus, & domos.  
Hoc fonte derivata clades,  
In patriam populumque fluxit.  
Motus doceri gaudet Iónicos  
Matura virgo, & fingitur artibus  
Jam nunc, & incestos amores  
De tenero meditatatur ungui.  
Mox juniores querit adulteros,  
Inter mariti vina: neque eligit  
Cui donet impermissa raptim  
Gaudia, luminibus remotis:  
Sed jussa coram, non sine conscio  
Surgit marito, seu vocat institor,  
Seu navis Hispanæ magister,*

*Dedeco-*

*Dedecorum pretiosus emptor.* Hoc unum enimvero sit patrifamilias primum, ne ea domus, in qua summa religione coli decet, sacrarium pudoris, pateat impuris hominibus, morioni, ludio, mimo, & qui olim urbani scurræ vocabantur: qui ita beatis hominibus in deliciis habentur; ut sæpe fœdissimarum voluptatum administri, nequitiae pretium referant, ejus domus, in qua versantur, existimationis, & nominis exitium, vitæ dispendio malum declinandum. Qui vero eorum usus? quæ voluptas? qui non prius queant recte eam artem exercere, quam profitentur, quàm honestati, & virtuti nuncium remittant? Ita ne vero? pudicitiae hostibus tuto ea domus permittatur, quam funditus evertit minima suscepta pudoris labe? Non unius Cæsaris hoc fuit, sed omnium est, semperque erit, quibus est antiquissima existimatio futura, ut statuant, minime sibi suspectam domi alendam. Quod incommodum qui vitare is potest, cujus domus personat lascivis vocibus, musicorum cantibus, fœde, turpiter, obscœne dictis, scurrarum clamoribus? quibus, ut in acie armatus hostis, quò citius perdant, tanquam jugulum eorum petunt, quibuscum vivunt: quorum pudori, quasi aliud agentes, cum hoc unum propositum habeant, impurissimi homines insidiantur. Quæ vero, malum, nostra



quid enim afferat, cui hoc nomine, cædis  
reo causa apud judicem severum dicenda sit?  
Interfeci, inquit, in adulterio depre-  
hensam: quæ sanctissima connubii jura vio-  
lavit: quæ mihi spem prolis dubiam fecit:  
quæ æternam maculam nomini meo impo-  
suit. Tu vero macte: Maluisssem pudica uti,  
quàm vindicare in probrosam: ubi fuit cer-  
ta culpa, non debuit esse dubia pœna: quæ  
quidem acceleranda erat, ne flagitio esset  
subsidio mora, quod duplici nomine vindi-  
candum est; & quòd lædit in quem admitti-  
tur, & quòd multos exemplo lædit. Cui  
quidem, ni fallor, ita respondeat idem ille  
severus, & gravis, ac firmus judex: Enim-  
vero hinc faceffas, homo injustissime, æque  
petulans in defendendo scelere, atque in  
admittendo crudelis, & immanis. Non tu pri-  
us vindicas alienam culpam, quàm prodisti tu-  
am: per quem non licuit, volenti etiam, pu-  
dorem tueri: quis enim unquam speravit diu  
agere incolumi valetudine, inter pestilentia  
affectos? Non satis tibi fuit, in pudicitia,  
& sanctitatis domicilio, adornare lenoniam  
domum; pati matronæ castas aures contami-  
nari scurrilibus dictis, obscœnis verbis, ama-  
toriis carminibus: eorum malorum vis ultor  
videri, quorum tibi auctor, satorque fuisti,  
paulo ante matronæ tuæ leno, mox car-  
nifex; ut cum pudendo flagitio, conjun-  
gas

gas tetrum, atque imane scelus, scilicet idem duplici pœna, & tui, & ejus flagitii, quæ sub tua custodia cecidit, plectendus. Admisit matrona stuprum, cui concipiendo libidinis faces ipse prætulisti, inter epulas & vinum objectis amoris incitamentis, per nequitiaæ tuæ administros, intemperantes, atque impuros homines, quorum artibus, quæ ad flagitium non pertrahuntur, ex scelerare virorum prodita, unius Dei immortalis beneficio retinent incolumem pudorem. Eadem vero viri ratio erga uxorem, quæ erga liberos parentis. Non illi nascuntur, sed sunt probi, cum severa disciplina, tum cultu assiduo; qui cum ætate luxuriantia, vitia tollat, efficiatque, ut quæ optima sevit, & citius, & majore cum proventu perducantur ad frugem: quæ si à parentibus negligantur, eorum quæ scelerate, & nefarie admittant, non sunt liberi gravius, quàm parentes plectendi: quorum culpa fit, ut qui potuerint esse patriæ cives salutares, & suis privatim, & reipublicæ exitio fuerint. Namque ut ille ait:

*Si damnosa senem juvat alea, ludit & heres  
 Bullatus, parvaque eadem movet arma frutillo.  
 Nec de se melius cuiquam sperare propinquo  
 Concedit juvenis, qui radere tubera terra,  
 Boletum condire, & eodem jure natantes  
 Mergere ficedulas didicit, nebulone parente,*

*Et*

*Et cana monstrante gula, cum septimus annus  
Transierit puero, nondum omni dente renato,  
Barbatos licet admoveas mille inde magistros,  
Hinc totidem cupiet, lauto cœnare paratu*

*Semper, & à magna non degenerare culina.* Ergo hæc patrifamilias lex esto : ut quem à cœtu bonorum arcet nota infamis vitæ, gulæ, alex, decoctores, qui malis rationibus patrias fortunas ligurierunt, parasiti, assentatores procul arceantur à casta domo, in qua quidem non solum parentibus sunt liberi educandi, sed, quod multo majus est, patriæ etiam cives : ut si minus probi evadant, non sit privati major, quàm reipublicæ jactura : quæ sæpius unius civis virtute subnixa, caput ad summum erexit ; & de summo detracta, unius scelere est pulsa, ac deturbata ad imum. Frequentent ii honestam domum, quorum, magno humani generis incommodo, rara frequentia est, viri sapientes, graves, probi, in quibus eluceat ea species probitatis, quæ visa, imprimat teneris animis sui amorem. Qui quidem ubi coaluerit, non patietur animum, ulla fœda voluptate inquinari, atque adeo, ut maxime etiam, spondeat, se earum rerum effectricem, quibus multi negant recte carere vitam beatam posse. Quin eò vehementius oderit ; quò media inter virtutis speciem, & se illius amatorem, majore cum offensione, mentis luminibus

G g g,

bus

bus officit, ejus spectandæ & fruendæ avidis. Imitetur vero industrios homines, & ad rem attentos, qui cum domi partas habeant amplas divitias, non admittunt furaces, non fraudulentos, non quos, remale perdita, deficiat fides: sed quorum sit probitas spectata, & multis fidei documentis probata virtus. Quanto vero turpius se facere existimet, si qua cura, & vigilantia utitur tuenda re, quantumvis levi, eam patiatur in famæ bono tuendo, quo nihil carius libero homini est, desiderari? Poterit ne æquo animo spectare domi suæ convivas, quibus una vivendi causa est in palato, abdomine, ventre, & quæ infra ventrem sunt posita? Sæpe magnum craterem in regum exitium, infecit parva instillata gutta è veneni tabe; & è favilla ortum incendium laxas domos, atque oppida hausit: horum perpetuus usus, quorum sunt tot nocendi artes, quot sunt ad pudorem expugnandum faces incensæ animis, oculi, nutus, gestus, oratio non erit cavenda? Tanto vero hæc sævior pestis, quanto difficilius est eam, in longa consuetudine, cautis etiam & vigilantibus cavere. Raro, Veseline, aliis, quod tibi nunc, accidit, ut pudicitiaæ honorem tot propugnaculis virtutis domi septum, vallatumque haberent. Ingentem thesaurum, famam, nomen, existimationem, spem posteritatis, homi-



hominum maxima pars, quo die novam nuptam excipiunt domum, in fragili vitro includunt: ut quantumvis infirmo, & imbecillo ictu evertat, leviter admota manus. Nolo ea includatur ferreis claustris, cujus vita, æque ac nostra, nobis cara esse debet, non ut vectibus, aneis foribus asservetur, sed amoris vinculis: quæ arctissime castæ matronæ animum devincient viro, ubi, quam conceptam animo habet, virtutis speciem amabilissimam, tum in viro suo, tum in iis perpetuo spectabit, quorum ille consuetudine, & convictu utetur: constantia enim confirmata usu, facile virtutis susceptum institutum tuebitur. Contraria enim ratio virtutis, earum rerum est, quæ sunt obnoxie temporis: ejus enim vis, & pulchritudo est immortalis, atque æterna; ut quo productior, eò sit speciosior, atque admirabilior: alia omnia aut casus perdit acerba, atque immatura, aut consenscentia perdit longa dies. In sermone, & congressu; in conviviiis maxime, & domesticis epulis, unde imbecillis animis materia uberrima suppeditatur ad libidinis faces incendendas, nihil aut spectabit, aut audiet, quod adjuvet nativum malum; multa quæ ita relaxent animum à curis aliis, ut perpetua custos virtus, non patiaturs extra modestiæ cancellos vagari? Quæ sita vero hilaritas, quam in

G g g 2

congressu



rum caliginem demerſi, beſtiarum ſimiles, quarum vitam ſectantur. Ac quoniam multa ſunt patrifamilias agenda, quæ ſæpe ſpecioſo nomine officii fallunt: ita omnium, quæ agit, delectum habeat, ut quæ, ſine offenſione præteriri non queunt, & conceſſa, ac condonata iis, quibus cum vivimus, famam non lædunt, ſuæ humanitati ſtatuat tribuenda. Sunt enim plerumque, ut dictum eſt, dies feſti obeundi, tum apud amicos, tum apud cognatos, quibus vix negare fas eſt, aut nuptiarum cauſa, aut liberorum ſacris initiandorum, aut læti eventus ſecundarum rerum: quos quidem celebrari à ſua matrefamilias facile patietur: cujus virtutem, ita habebit exploratam, ut neque opportuna pateat, infeſtis pudori ſuo, & majeſtate quadam morum verenda, nequitiam, & petulantiam, ſi cui in mentem veniat, ſe indigna audere, à ſermone ſuo, & aſpectu deterreat. Equidem mallet & hoc ipſo careret, cui eſt curæ, in ſua, pudicitia decus: ſed quando hoc vix licet per communis vitæ rationem ſperare: id ſperet, quod confirmata virtus ſpondere poteſt, ut quæ in magna licentia peccandi aut viſa, aut audita lædant, ei quæ mentis propugnaculum habet multis præſidiis, virtutis, & conſtantia munitum, non ſolum non obſint, ſed magno etiam ſint uſui, & adjumento: quò enim acrius aſſuevit

ea amare, quibus ornata sibi placet, eò cogitur odisse vehementius, quibus infectam, & deformatam, intelligit contemptiōi aliis, suis invisam se, & sibi adeo fore. Cur vero quæ non patitur in ornatu corporis quidquam conspici, quod incomptum inconcinnumque sit; pudori impositam plagam ferat æquo animo, quæ nulla ratione ad sanitatem perducī queat? Atque de eo ipso tamen ornatu est matrona monenda, quæ virtutis honorem sanctum habet, ut uni viro studeat placere: satis habeat non displicere aliis: maritus enim, si vir est, potiora habet, quæ animum ornant, quàm quæ formam adjuvant; memor, ex proba, & cujus sit eruditum ad probitatem ingenium, non ex pulchra, & quæ nihil, quod ostentet, præclarioris à fortuna habeat, sibi esse liberos ferendos. Foris cum ita incedet ornata, ut illustrem fœminam decet, tum illud sedulo agat, ut iis niteat ornamentis, quæ communia modo habet cum probis: quæ omnia sunt in vitæ, & sanctitate morum posita: aliis ita utatur, ut nisi cogatur id dare fortunæ, loco, atque ordini, in quo est nata, sit parata æquo animo carere. Nam gemmæ, aurum, uniones, non minus in meretricio ornatu splendent, quàm in matronarum insignibus, quæ haudquaquam pluris æstimantur, quàm ea, quorum insignia habentur.

Non

Non spectetur fucus in nostræ mundo, non pigmenta, non instrumenta, non medicamina ulla; quæ sic cutis mollitiem, formæ decorem, & colorem augment, ut minuant probitatis famam: quæ à virtute, non ab oris specie, & cincinnis commendationem habet. Jam diximus quibus præditas moribus eas esse oporteat, quibus cum domi consuescat: in qua quidem domo regenda, ejus priores sunt docendi, quàm discendi partes. Eas vero tum videbitur præstitisse cumulate, cum quæ ipsa sit nacta ab ingenio, atque à disciplina digna principe fœmina, in exemplum deduxerit, ea agendo, quæ æmulantes suæ, meliores reddantur. Foris ita se comparet, ut siue cum suis, siue cum alienis agat, in fronte eminens appareat à natura inchoatum, disciplina interiore excultum, omnibus suis partibus perfectum, atq; absolutum honestatis opus. Docebit enim suas cum temperantiam, modestiam, frugalitatem, tum sedulitatem, & industriam, non quidem speciosis verbis, quorum argumentum non prius in oratione quàm in moribus quaeritur, sed exemplo. Has virtutes domestici conspicientes in omnibus, quæ matrona agit, tanquam in purissimo, ac nitidissimo exemplari, qui videre, & non amare, atq; æmulari adeo possunt? Ita facile assequetur, quod summe expetendum est degentibus in ho-



firmabitur, per laudis æmulationem, in virtutis amore, quam à primis annis à se cæptam adamari, nitentem in alieni moribus vehementius amabit: in hac una enim re, facile passa in aliis omnibus se vinci, se acrem æmulam præbebit, eandem ipsam æmulationem, facta indies se melior, in alterius animo excitatura. Ac, ne quid tibi ad integram, & solidam felicitatem deesset, magna morum similitudo, & animorum consensio par, iis omnibus excolendis artibus, quæ claram matronam, & Christianam decent, principem fœminam EDVIGEM TENCZINIAM, tuæ devinit, unam quæ in altissimo nobilitatis gradu, virtutum omnium maximarum singulare exemplar explicavit, quarum divina lux, iter ad honestatem capeffentes, inter densas errorum tenebras, tuto perducit ad optatum finem. Equidem multa, vidi jam grandis natu, lustravi multa, legi attente, & observavi nonnulla; ut non videar facere arroganter, si, haudquaquam per iners otium acta ætate, mihi iudicium, aliquanto acrius de rebus sumam: hoc dicere audeo, si cui effingenda ad vivum, mulier sit, in qua expressa appareat germanæ probitatis imago, non illi, ut Zeuxi olim, quinque ex multarum delectu ad perfectissimam pulchritudinis formam in Helenæ effigie repræsentandam, sed unam hanc

G g g 5

modo

modo esse deligendam. Nam ille iudicio acerrimo, ex alia oculos, frontem, capillum, ex alia, pectoris candorem, proceritatem; ægre ex omnibus sumpsit, quantum satis videretur ad conceptam ideam animo perfectam, atque absolutam penicillo exprimendam: hæc una simulatque prodit, beatissimam faciem virtutum omnium aperit: quæ in quibus visuntur, non eos ex homine mortali, sed ortos è divino genere ostendunt, unde virtutes omnes fluunt. Atque siue Agrigentini fuerint, siue Crotoniæ, id quod alii malunt, Zeuxi unum hoc acceptum retulerunt, ut in muto simulachro sumptam haberent, ex animali exemplo, veram pulchritudinis imaginem: ejus pulchritudinis, quæ vere ornat animos, & admirabiles reddit, in hac una fœmina nunquam satis laudanda agnoscimus opificem, atque effectorem Deum: cujus unius, quicquid est in terris præclari, est æterna providentia, & consilio comparatum. Nam de hujus generis nobilitate, ne plura dicam, faciunt annales Polonorum: quorum cum sint, eadem, & familiæ Tenczinæ initia; nemo ex ea unquam exstitit, cujus non plura virtutis documenta, quàm habitû honores numerentur: & quidem quos domi, foris que sunt, summos adepti, magistratibus amplissimis gerendis, bellis administrandis, clarissimis victoriis



victoriis consequendis, regni finibus longe lateque propagandis. Quæ quidem omnia ita sunt amplissima familiæ ornamēto, ut una cuncta superet, erga patriam, pietatis laus: pro cuius majestate tuenda, è majoribus non unus, aut alter, sed plures gloriosa morte perfuncti, veterem Deciorum laudem in Poloniæ regno instaurarunt. Sed hoc à me munus nemo minus, quàm, ea requirit, cuius sunt tanta domestica ornamēta: ita enim se à primis annis comparavit, ut quocunque loco nata, suis contenta bonis, fuerit proprio suo, majorum splendorem æquatura. Ita vixit domi virgo, ita viro nupta, atque orbata viro, ut in vario virtutis genere, adepta eandem virtutis palmam, tantæ adipiscendæ laudis cupiditatem multis, spem paucis reliquerit; in uno semper sui similis, ut in cursu veræ gloriæ non prius desisteret, quàm contento gradu perveniret ad summum. Cum aliis vero summis virtutibus, tum conjugalis amoris documentis multis atque illustribus clara, cum omnibus certavit, quæ veterum memoria hac tanta gloria floruerunt. Neque vero me fugit, insignem laudem apud veteres, hoc nomine, adeptam Artemisiam Carum reginam; cuius idem amoris monumentum in Mausolum virum, idem è septem mundi miraculis unum clarissimum, nobilissimumque celebratur.



quod admiretur magis, quàm quod illius proprium bonum est, religionem, pietatem animi, placidum, ac mite ingenium, regiam in sermone comitatem, virginalem pudorem, humanitatem tantam, ut posita summo loco, non patiatur virtutem, quam unam suspicit, & admiratur omni fortunæ munere elatiorem, fortunæ injuria in imo jacere; sed sese ipsa ultro demittens, afflicta, & prostrata porrigat manum, atque eò provehat, quò non patitur ascendere labore ingenti, & studio adnitentem infesta fortuna. Equidem, cum salutandi causa ad illam accedo, non secus, ac si ingredias in augustum, & sacrum locum, quasi præsens numen percellit, subito horrore perfusum animum; ac jam tum mecum incipio disquirere, numquid forte admiserim, quare sim ab interiore aditu arcendus. Quicquid visitur, totum cum sanctitatis, & religionis veneratione visendum. Omnium, qui, honoris causa, uni assistunt, compositi ad decus, & honestatem, perpoliti ad humanitatem mores: familia non numero magis, quàm temperantiæ, & modestiæ commendatione conspicienda: ut qui singulos aspiciat, ab una, atque eadem schola virtutis profectos intelligat, cujus sit tam proba, & gravis matrona moderatrix. In sexu, & ætate discrimen; in moribus eadem omnium consensio, & volun-



ita oratione, & de gravioribus rebus; ea exaudiantur, quibus personantes teneræ aures, assuescant ea amare, quorum uberrimum fœtum, matura ætas, & corroborata usu, tum privatim suis, tum patriæ universæ sit editura. Non illic musicus frequens, qui aures mulceat suavi cantu, animos incautos impellat, unde frustra disciplina severa revocare possit: non saltator, non histrionum, non comicorum turba obscœna, nostra ætate nova invec̃ta pestis in hominum vitam: qui lascivis amoribus repræsentandis, multis fœde dictis factisque adeo, risum captant multo fletu, & lacrymis malum redimendum; nulla importuna vox; non clamores, non jurgia, quæ magnum virtutum concentum interpellent in sanctissima domo: ne quid enim contaminet suorum aures: è tantæ matronæ virtute, & sapientia, quasi ex alta specula præstat illa ipsa explicata lux: cujus splendor, si quas tenebras suorum mentibus, aut iracundia obduxit, aut alia animorum pestis, continuo disjiciat. Tanta vero est vis honestatis, ut visâ modo deterreat se intuentes à male agendo, atque adeo, ut maxime sint iis rebus addicti, quibus studentes degenerant in feræ bestię ingenium, ab hominis natura. Nunquam enim insignis virtus, ne inter improbos quidem, auctoritatem perspecta desideravit: quædam enim

enim illius nativa lux, quæ ubi nitet, nunquam occidit, ullis tenebris circumfusa, scelerato etiam, atque impuro objecta, detegit illi insitam animo nequitiam; ut sibi jam cognitus, ex aliena luce, sese cogatur odisse domesticis flagitiis lutulentum; amare idem ornamenta virtutis cogatur, ubicunque illa conspiciantur, & quidem, etiamsi in eo eluceant, cujus se hostem infestissimum profiteatur: quemadmodum enim pannosus, & lacerus, ita se amat, ut, quibus squallet, ode-rit sordes; ita in alio, quem odit, amat, munditias, unguenta, odores, gemmas, aurum, ut habentem perditum velit; sic turpibus vitiorum notis inquinatus animus, naturæ quidem instituto tenetur sui amore: per objectam virtutis lucem, ubi datur ad interiorem conscientiam recessus, sibi displicet, & sordet totus, ejus mores coactus laudare, à quorum probitate longissime absit. At non in hoc nostræ laborandum: cujus non encomium, sed historiam teximus, neque tamen, ut non multa studentes brevitati volentes, & prudentes omittamus, Christianam illam pietatem imprimis, viduis, pupillis, destitutis puellis vitæ præsidiiis, benignitate, sublevandis: quarum ingentem domi cohortem alit: alit vero modo? imo curat iis artibus omnibus instituendas, quibus vitam honeste tueantur. Non est nostræ, inquam la-  
boran-

borandum, ut contumaces, & rebelles animos, sua facilitate delinitos in officio contineat: una est cura, ut probos, prudentes, fidei, atque officii amantes in virtutis studio confirmet: quod facile obtinet à volentibus, & qui sunt jam sua sponte ad ea, quæ sunt suæ probitati consentanea, proclives. Cum tanta fœmina habere institutam consuetudinem, ei ponendum est in magna, felicitatis parte, quam benigna natura, & raro cum illa consentiens fortuna, tot suis donis, & muneribus cumulavit. Quò vero plura, & majora matrona parta habet, eò accuratius ei vigilandum est, ne cujus crebro sermone, & consuetudine, quasi lethali contagione infecta eadem corruptaque perdantur. Hunc quidem delectum in amicitia, habeat oportet, quæ & sua bona norit, & quibus rationibus sint servanda; ut neminem patiatur à se humanitatis partes desiderare. Officiosa salutatio, appellatio benigna, & sermo adeò nulli est negandus, modo non sit famosa: sed quæ digna habeatur interiore amicitia, & arcano sermone, una sit, aut altera, quæ aut Tenczinæ similis sit, quod non est facile sperandum, aut proxime ad illius probitatem, & morum sanctitatem accedat. Non potest contineri angustis finibus magnæ virtutis fama, de ea præsertim, quæ à majoribus, id quod tuæ accidit, partam nobilita

H h h

bilita

bilitatem habet; late enim vagatur non incitata cursu, sed sublata alis: quam qui vitæ constantia tuetur, id quod præstat longa dies, is magnum quiddam adeptus in terris videtur. Jam fama percrebuerat, tot in tua virtutis ornamenta, atque ingenii spectari, ut, in quibus eorum exigua pars conspiceretur, magnam felicitatis partem assecuta crederetur. Etsi vero summam virtutem, cum ætatis progressu, tum rerum usu confirmatam, semper par gloria est consecuta: nescio quo pacto tamen, in hac prima ætate, in qua tantum non expectatur, ea virtutis documenta, quæ raro dedit provectior ætas, divini cujusdam ingenii faciunt fidem, unde ea proficiuntur, quæ non assequuntur hominum vires. Itaque cum multa sis in vita adeptus pari virtute, & felicitate, quibus qui potiuntur, cum primis fortunati habentur: ita tibi statuendum est, haud illa omnia, cum uno hoc bono conferenda, quod tibi benignus Deus, & tuis propitius votis, per nuptiarum fœdus conciliavit. Quid enim simile? Ex auro, divitiis, copiis, amicitiiis, clientelis ea commoda refers, quibus non privantur tamen, qui in tenuiore fortuna norunt facilem, & parabilem victum homini à natura præscribi, quæ recte dicitur paucis esse contenta. Æque enim rusticus paterfamilias hilariter cibum sumit ex  
fictili



fœtili quadra, sed munda eadem ; atque ex argentea dives. Nam alteri cibum condit fames diurno opere quæsitæ : alteri coquus, qui frustra crudo hesternæ crapula aut Phasianam avem , aut pavonem, aut gallum, Indicum , & Numidicam gallinam parat. Ex ea uxore, cujus est tanta virtutis indoles, speras te eos liberos suscipere, qui in longam nepotum seriem sint imaginem, tui ingenii, justitiæ, temperantiæ propagaturi. De quorum educandorum certa ratione, & modo alium nobis constituimus ad scribendum locum, unum interea non arbitrati nobis silentio prætereundum, cum nihil sit tibi in vita liberis carius futurum, ne vulgo patres imiteris, qui cum, liberorum causa, sint plus æquo ad rem attentæ, longinquas peregrinationes suscipiant, terras, maria lustrant, nullum laborem, nulla vitæ incommoda, nulla graviora discrimina non sibi statuunt subeunda : excolendis, & perpoliendis eorum moribus, quorum causa tantopere laborant, & sui plane, & eorum ipsorum immemores, quævis alia quantumvis levissima vitæ munera prævertunt. Equus ad brevem usum comparatus, venaticus canis, psittacus, lusciniæ, & quævis alia avicula ex earum genere, quæ voluptatis causa aluntur, emptori injicit acriorem curam, quam parentibus liberi, quorum salutem videri

Hhh 2

volunt

volunt sibi esse sua vita cariorem. Unum, fere iis est curæ, ut quàm locupletissimos relinquant, divitiarum ingentium, quas sæpe malis artibus quæstas habent, futuros hæredes: quàm iidem utiles cives patriæ evadant, cujus causa sunt nati, quam moderati, justî, sapientes usque eò non laborant, ut videantur non homines, sed sues alere, quos mortuos modo utiles suscipiant sibi vivos saginandos. Quid vero minus æquo animo oporteat ferri? De curando generoso equo, sive ille ex Thraciæ, sive ex Italiæ, sive ex Hispaniæ armentis delectus, suscipitur cura, acerrima, ut non quivis aptus bestiæ alendæ videatur, sed cujus ars, atque industria sit maxime explorata: homini educando, cujus est, secundum Dei immortalis vim, & majestatem nobilitas prima, credimus quemvis è literatorum plebe esse parem: qui cum vix literarum elementa teneat: vitæ, propter quam illa discuntur, ne ea ipsa quidem elementa norit. Sed hæc tum justior querela, cum erit opportunior; quod quidem est futurum, ubi agemus de liberis educandis, in quo argumento versanti, est totus hic locus plenius, ac fufius tractandus. Ergo quando es tantam conjugem, nactus, cum hoc nomine nos tibi decet gratulari, tui homines perstudiosos; tum quòd in ejus unius virtute, certam spem positam, habes,

habes, quæ tanta fit, eandem in longam diem, te amando, colendo, observando fore: quod quidem ut vobis contingat ita cupimus, ut speremus votis parem exitum, felicem fortunatumq; responsurum. Enimvero

*Felices ter, & amplius:*

*Quos irrupta tenet copula, nec malis*

*Divulsus querimoniis*

*Suprema citius solvet amor die.* Non hac permittent præsentis mores, ut facile, una illa excepta, cujus jam non semel mentionem, fecimus, invenias, quibus cum tuæ morum, probitate, & vitæ elegantia conveniat: quæ tristem desiderio tui invisant, merentem solentur, deprecantem vitæ fastidia levent: sed à solitudine vindicabit frequens apud illam mater lectissima fœmina, & ubi illa absit, refertum pectus iis præceptionibus, quibus quæ sunt instructæ, in solitudine, & desertis locis frequentiam inveniunt, nunquam solæ, quibus semper adest Dei immortalis præsens, & propitium numen. Ac de solitudine, quidem, sapientes homines plena volumina ediderunt: credo, quòd cum homo totus mente constet, una illi tutissima ratio in solitudine sit, mentem ad Deum erigendi, quem sibi, positis mortalitatis exuviis, certum spondent vitæ beatæ finem. Nihil vero solitudine salutare magis, ubi pestilens frequentia capitalisque habeatur: quam uti-

Hhh 3

nam



ducenda cum atriensi ratio; pensum à famulis exigendum: annonæ prospiciendum; obeundus crebro fundus; fructus subvehendi; visenda rustica res; aliæ multæ domesticæ curæ suscipiendæ, quæ sollicitam, atque anxiam de suorum salute à solitudine vindicant. Domi suæ matrona nobilis habet forum, cætum, basilicam, templum habet: audiendæ sunt in bene etiam morata, domo servorum lites, minuendæ controversiæ, dissidia tollenda, gratia reconcilianda: quibus molestiis si vita hominum careat, næ illi egredi extra hominum sortem, & dii esse in terris, nondum exuta mortalitate videantur. Quid vero aliud est patefacere ædes multitudinis licentiæ, quàm iis malis aditum aperire, quæ vitam hominum perturbant, & nobiles familias sæpe evertunt? Quæ de re initio quidam questi sumus, sed non quantum hujus loci ratio requirit: una enim est, quæ suscepta acrius, salutem neglecta, honestæ domus ruinam, atque excidium pariat. Quid enim afferat muliercula de trivio, & garrula anus, quæ digna sint auribus gravis matronæ? operæ pretium scilicet est audire jurgium cum vicina commemorantem de lanæ penso; rixam cum bajulo; discordiam cum viro; liberorum flagitia; filiæ contumaces mores; sed aliena sæpius narrantem, quàm domestica mala: quorum

rum immemor, revocat ad suam censuram, quicquid usquam in urbe dictum admissumve est, non in vicinia solum. Sed ne in hoc quidem consistit vis mali. Quæritur inde se insinuanti in matronæ gratiam, ad expugnandam arcem pudoris, argumentum, quamvis illam multis præfidiis vallatam: in longa enim nugandi licentia, crebro datur occasio detorquendi sermonem ad audientis laudem: effertur formæ elegantia, oris decus, pulchritudo, venustas, proceritas corporis; atque hæc quidem omnia expectanda multis, speranda paucis; tum elegantia morum, comitas, sermo, & quæ hæc consequuntur, prædicata foris, parum cognita suis virtus, contempta nobilitas, magna dos, alia hujus generis: quæ audita efficiunt, ut quæ sit minus scuto prudentiæ munita, sensim sibi ipsa placere, virum odisse incipiat, qui non necesse habet, quam vere amat, ei per inculcatam cantilenam domesticarum laudum assentari. Semper habent hæc potentia hominum, quò ad fastidium usque audientes obrundant dicendo, ut hoc mirabile sit, cum nihil dicant, nullum unquam finem dicendi facere; quod quidem artificium nulli unquam è veteribus, qui dicendi artem docuerunt, venit in mentem excogitare. Nam qui altius, quò hæc tendant, introspiciunt, non credunt sibi cicadas canere,

canere, quod mitius malum est timendum, ubi in graves fœminas incidant, & quarum sunt ad harum captiones, & præstigias surdæ aures; sed verentur latentem in herba anguem, qui sæpe incautos, & aliud agentes levi ictu perdit. Habent enim, etiam si nugatoria sint, hæc omnia occultum venenum, ne una garriendi voluptas, totos dies nugantibus quaesita videatur. Namque audita externa flagitia afferunt ad admittenda domestica flagitia exemplum: ut nisi sanctior disciplina sustineat prona, sua natura, ingenia ad malum, facilis sit prolapsio, ubi accedat, qui exemplo, quasi impetu atque impulsu vehementiore præcipites agat. Præpostere vero homines ratiocinantur, ubi, per multorum depravata studia ad male agendum, sibi aditum ad nequitiam patefieri existimant: quasi quod exemplo fiat, hoc uno nomine, quod multi admiserint, sceleris, & flagitii minuat culpam: cum hoc potius ratio requirat, ut nequitiae turpitudine in alio animadversa, deterreat à flagitiose agendo. Sed quæ incommoda, & quanta ab hac pestilenti manu immineant, etiam si abunde supra demonstratum est; placet ex Euripide ostendere, cujus fuit semper auctoritas merito apud doctos homines permagni, semperque erit. Ita enim inducit Hermi-

Hhh 5

onem





lum adeuntibus, sed aures patefaciunt, qua peste queritur Hermione se periisse. A qua tanta nequitia matrona prudens longe aberit: quæ ita cogitur nonnulla in viro odisse, quæ minus probat, ut virum amet, à quo illa abesse velit. Itaque, ut sua constantia dignum erit, & vultu simul, & oratione severa procul facessere à se jubebit, quæ suis præstigiis ducem se præbeat, si audiatur, perulciscendi dulcedinem, in sui, & suorum exitium ruenti: idque usurpabit, quod Philippus olim rex Alexandri pater: quem ferunt, incitantibus amicis ad arma Græcis inferenda, qui ingrati in optime de se meritum regem multa petulanter dicere non dubitarent, ita respondisse: Qui non possent beneficiis ullis deliniti in se esse placatiores, quo animo laceffitosis armis futuros? Hoc, inquam, generosa fœmina, & magni animi usurpabit, ubi in sermone petulans anus illa insusurret: Enimvero ferendum non est: facit vir injuriam & pudicæ, & amanti: non ferret impune, si isto loco essem: Quam quidem ita à se repellet, ni fallor, cujus est virtus tanta, quanta esse prædicatur in tua: Tu vero hinc in malam crucem, lena impura. Qui in amantem, & pudicam est talis, qualis est, in eam quæ oderit, & sit impudica futurus? Neque vero unus est Euripides, qui nobiles fœminas ab harum consuetu-



freno; ne, quod nobis natura instrumentum dedit ad ea explicanda, quæ prudentis animi, & moderati laudem habeant; petulantiam, levitatem, & stultitiam prodat. Est hoc quidem crebro usurpatum, sed minime tamen hoc loco silentio prætereundum: Aures nobis à natura datas patentes, & apertas, linguam, quasi duplici vallo, oris, & dentium inclusam: tanquam nos monitos vellet, parcius lingua, quàm auribus uti dicere. Nam illud Zenoni tribuitur, adolescenti plura loqui, quàm audire gestienti, ita dixisse: Naturam homini linguam unicam, duplices aures dedisse, ut intelligeret, plus duplo sibi audiendum, quàm loquendum: cujus sententiæ non dissimile fertur Theognidis carmen, merito de stultitia hominum querentis: Cum vulgo plura habeant occultanda, quàm efferenda, ab his linguæ foribus pessulum nullum obdi. Credo vero illum linguæ pessulum, sive temperantiæ, & modestiæ, sive pudoris, & verecundiæ legem quandam, quam liberi homines sibi imponunt, appellasse, quæ animum præcipitem ruentem, per garriendi licentiam, extra dentium vallum, ut Homérico more loquar, coerceat, & cogat rationis imperio parere. Si quid enim in pectore latet, quod proditum offendat, præstat alto silentio obrutum involui: sin adsunt, laudanda, sperandum est, quò rarius elata audian-



atque armorum est: quæ ut sunt salutaria, ubi quis iis recte utatur: ita sunt exitio ab iis sumpta, qui ad ea, quæ nefarie, & scelerate moliantur, temeritate, & audacia sibi aditum parant. Quemadmodum vero non temere arma puero comittuntur, non fœmina, quorum alteri ætas, sexus alteri ea inutilia reddit, perniciosâ nonnunquam: ita præposterè sibi sumit dicendi munus gravis fœmina, quæ tum recte matronæ decorum servat, ubi verecundiæ suæ memor, concessa hac parte viro, in suorum cœtu pensâ suis, pro cuiusque ingenio distribuit; ipsa, ea tractat, quæ vere habentur muliebria arma, profligando otio, tuendo pudori aptissima, è qua fillo lanam, sericum, linum, quibus stragula vestis, lintea, aulæa, conficiantur, quæ pertinent ad domesticum usum, & ad familiæ ornamentum. Loquendi facultas omnibus æque est à natura data; recte loquendi paucis contigit, qui diu vigilando, algendo, æstuando gravissimos vitæ labores perferendo perfecerunt, ut quare à bestiis homines, ea ab hominibus ii differant, ut Romanus orator ait, quos pertinax virtus, & magnitudo animi ad tantum decus provexit. Quibus eos decet submittere fasces, quos aut ætas, aut sexus reddit discendo, quàm docendo aptiores; quorum alterum linguæ usum, alterum aurium requirit. Nulla vero sunt  
magis











quod usus necessarius requirit, ubi ulterius, quàm par sit, dicendo provehatur, cum jactura pudoris elatum iri arbitrabitur. Ut vero ii, quibus est dextera præcisa, ita utuntur, læva, ut appareat, necessitate extorquente, id agi: sic pudens fœmina ostendet, sub invitam se descendere, quò necessitas impellat, ut capeßat virilia munera: ubi utrumvis liceat, quò prohibeat pudor, non se esse descensuram. Tanti vero pudicæ non erit, dulcedo nescio quæ garriendi, qua passim mulierculæ in compitis, & triviis laborant, ut ejus pretium statuat, pudori impositam maculam, in uno quidem obfirmato animo, ut, quasi tum domesticæ virtutis sit periculum faciendum, sese animo comparet, ad omnem offensionem vel levissimam declinandam: quæ quidem in moderata oratione, & gravi nulla erit: in effusa nimis, & profluenti, est semper insignis futura: loquacitas enim non solum in fœmina est turpis, cui pudor præscribit dicendi angustiores fines, sed in viro, etiam, & robusto: in quo quidem, dicendi copia, nulla subjecta sententia, quo nihil furiosius est, ut Cicero ait, arguit jejunum à rebus animum, atque inanem. Ita vero eorum, quæ dicet, delectum habebit, ut quot verba faciat, tot notas, atque indices animi putet se editu-

edituram, quæ morum ejus, atque ingenii faciant fidem. Quod cum ita sit, semper dabit operam, ut mens orationi, non menti oratio præcurrat. Præpostere enim plerique, linquam mentis, & rationis interpretem domesticæ stultitiæ præconem, faciunt: quicquid temere objiciat fors, aut casus, nullo verborum, nullo rerum, nullo personarum delectu, effutientes: cujus flagitii non possunt prius culpam deprecari, quàm graviolem in se admittant, stultitiam, & temeritatem, qua in dicendo efferantur, agnoscendo. Quemadmodum vero ii à recta via aberrant, qui ejus imperiti, nemine præeunte, qui eam comonstret, aliquo contendunt: sic à proposito sibi fine excidant necesse est, qui temere verba fundentes, non ratione ulla, non consilio, non prudentia orationem moderante, quæ iis quasi præferat lucem, persuadere id quod habent propositum conantur. Inconditæ voces nullæ, nulla contumeliosa verba, clamores nulli, dum loquitur, quæ nominis, & famæ decus primum habeat, exaudiantur: ne quod in altera animadversum horret, atque execratur, in se admissum, quod est flagitium non ferendum, probare videatur: pravum enim, & perversum judicium est, quemquam, quod in altero damnat, po-

stulare, ut sibi liceat ferre impune, & sibi in eo indulgere, quod in altero statuat se- vera animadversione vindicandum. Unum vero matrona maxime caveat, quod jam prædiximus, ne cum officio fungitur proprio viri, videatur illi præripere imperium; quod quidem facile accidet, ubi id acerbius exerceat, quàm pudentis fœminæ placidi mores, ac mite, & placabile ingenium requirat: magnum certe referet, suæ modestiæ fructum, si ita sibi censeat, rem familiarem procurandam, ut mandata sibi eam functionem, non extortam à viro, invito, & nolente videatur. In altero enim pietatis laus summa; in altero impotentis animi, & ambitiosi argumentum: quod longe ab eo aberit, cui nulla iusta causâ videri debet, virum, quem par est, non secus à se, ac vitam amari, tanquam mancipium contemnendi. Hoc vero eò diligentius vitari oportet, quò plures sunt, quæ hoc morbo laborant: quas virorum imbecillitas, & pusillus animus, feroces suo ingenio, impotentiores, atque amentiores reddit. Id enim, quæ probra, & sapiens est, decet habere animo constitutum, ut cum pauci inveniantur, qui sibi sint noti; pauciores, qui, cum noti sibi sint, imbecillitatis suæ conficii, melioribus concedant; virum dolo, & falla-

& fallacia aggrediatur, sed ea fallacia, quæ sit maxime laudanda, & pietatis insignem commendationem habeat, ut vir, sentiat levare se opportuno officio oppressum curis gravioribus, non superbe usurpari familiæ procurationem, quasi ereptam ab impari existimet. Quod præceptum, patrum memoria, magna cum ingenii, & prudentiæ laude, dicitur Anna regina observasse, ex qua Uladislaus rex Ludovicum suscepit, qui ultimus Jagellonum apud Ungaros regnavit. Diffusa enim viri ingenio, parum apto regno maximo, atque opulentissimo administrando, de iis, quæ conducere præsentibus rebus arbitrabatur, curabat eum per interiores amicos monendum; hoc quidem prudentissime, ne salutaria consilia, si crederet potius à fœmina manare, quàm ab iis, quorum se fidei permisisset, magno cum reipublicæ incommodo obessent. Itaque brevi hoc artificio perfecit, ut unius fœminæ prudentia, & auctoritate, recte Ungarica res, quam diu vixit, administraretur. Quanta quidem cum reipublicæ jactura Ludovicum enixa, desiderata sit; docuerunt quæ adversa, & tristia multa, illius mortem sunt consecuta: quæ & olim ab aliis, & nunc à nobis sunt literarum monumentis consignata. Igitur hunc honorem uxor viro

habebit , præcipue , qui vir fit , ut , eo præfente , nunquam niſi rogata , atque adeo de eo ipſo , de quo rogata eſt , modice loquatur : commotum paulo vehementius , atque iracundia elatum non prius ſibi ſtatuat interpellandum , quam ſenſim iracundia deferveſcens , opportunum momenti , atque hortanti reddat ; in eo prudentes medicos imitata , qui non continuo , morbo correptis præbent valentiora pharmaca , ſed lenibus remediis , quaſi ad illa , viam præmuniendo , faciliorem ſibi morbi curationem reddunt . Ac cum alia omnia ſunt in oratione , nimia , & redundantia vitanda , tum maxime unus cavendus eſt maledicendi morbus : qui cum fit hominibus malorum ingentium effector , quorum exempla clariffima iis ob oculos obverſantur , magnopere mirandum videri poſſit , adeo paucos inveniri , qui non ſe eo rapi in exitium , ſive prava conſuetudine vincente rationem , ſive alia cauſa reconditiore , patiantur . Amor enim quidam noſtri nobis inſitus animis , non facile patitur , quenquam nobis meliorem videri : ut ſi quando accidat , ut quis laudibus efferratur paulo vehementius , quantum ei laudis accedat , tantum nobis decedere de noſtra laude videatur . Itaque , ſi quando ejus incidat mentio , cujus mores minus  
pro-

probentur, facile patimur; ea de illo ferri, quæ in nobis, etiamfi adsint, non agnoscimus, eodem nostri amore, semper nimio, nisi eum magna virtus moderetur, & propterea putido, nobis animos cœcante. Sed hoc morbi initium multo est tetrior, atq; immānior accessio: cum tristi æmulatione æger animus, angitur eorum commemoratione, quæ cum a nobis longissime absint, audimus magna cum laude de aliis commemorari. Itaque, nisi ea ipsa occurrat moderatio, quæ nos non patitur excedere extra officii fines, continuo illa addimus: non temere famæ credendum, & forte tanta non esse, quanta ferantur: sæpe minima efferri: elevari maxima: tum, si dubitandum non sit de dicentis fide; majora nos audisse de aliis, vel, quod instar veneni, quicquid in altero laudabile feratur, corrumpit; illud addimus, cum ingenii laude, doctrinæ, industriæ, morum & vitæ dedecus conjunctum: ut si conferantur, quæ sint laude digna, cum impura, & flagitiosa vita, plane indignus videatur, in quo tanta ornamenta ingenii, doctrinæ atque industriæ conspiciantur. Ut vero minuuntur laudanda, ita augentur turpia, concepto odio animo id efficiente, quod interposita vitrea specularia inter rem objectam, & visum, quæ mul-

to crassiora, quàm vere sint omnia reddunt. Huic morbo, cujus vis latissime patet, qui vere homines sunt occurrunt, religiose partibus justitiæ præstandis, ita animo affecti, ut in domestica virtute, non in alterius flagitio repositam habeant, aut probitatis, aut ingenii laudem. Quos casta, & sancta matrona debet imitari, suæ innocentiae esse ducens, quam diu meminerit se natam juvandi, & bene merendi causa de hominum vita, temperare à maleficio, & injuria, neque re solum, sed oratione etiam: quod cum alienum maxime ab homine est, tum neminem prius lædit, quàm eum ipsum, qui injuste facit. Magni animi vero esse statuet, quod facere officio debet, & naturæ instituto, sua sponte dare operam, ut coercita maledicendi petulantia, quam unus alit maxime invidentiæ morbus, convertat alienas laudes in occasionem honestæ æmulationis, ut non eas solum, quæ promeritæ laudem sint, audiat laudari æquo animo, sed ipsa etiam ad aliorum, si potest, suum testimonium addat. Ita efficiet, ut qui audiant, animi bene sibi conscii laudem ei tribuant, quam non moveat alienæ virtutis commemoratio, quò eam minus debito honore prosequantur. Hanc vero legem sibi indicat, ut de nemine loquatur, cujus





tia salutis , atque existimationis discrimina , memorem raro unquam , qui alteri maledixisset , diu maledicendi licentiam , tulisse impune. Putet quæ loquitur , ut etiam in remoto ab arbitris loco verba faciat , eorum quæ dicat non defuturos testes : parietes , pavimenta , fornices , muta , & sensu carentia omnia , credat & audire , & audita loqui. Neque vero nunc mihi necesse est confugere ad veterum scripta , uti ex his eruam , quæ nos à tam detestabili , & pestilenti morbo deterreant. Plura , atque illustriora exempla nobis subministrant nostrorum hominum ingenia , quàm ut sint nobis foris sumenda. Sæpe temere dictum , sæpe seu falso , seu vere mendacium objectum , quantumvis leve verbum , quod contumeliæ speciem præ se feret , ad multorum pestem , atque excidium aperuit viam. Centesimum jam & vigesimum annum in clarissima Italiæ urbe , amplissimæ duæ familiæ , & cum iis pari nobilitate conjunctæ aliæ , ob libere dictum in nobilem matronam , pertinaci odio , contumacibus animis , omni deplorata spe finiendi mali , æternas inter se inimicitias exercent : ut jam nepotes , avorum injurias persequantur , atque eas ipsas adeo , ut si velim commemorare , quot hominum cades , quot clades ,

clades, quod incendia, quod mala inven-  
xerit unius temeritate elatum verbum, nul-  
lus mihi futurus sit dicendi modus. Non  
dicam vastatos, & depopulatos agros; non  
domos nobilissimas incendio haustas; hoc  
dicam, quod verissimum est, interfectos  
principes, ad sacram aram frustra quæsito  
perfugio; vivos in agris colonos una cum  
liberis, & conjugibus igni absumptos; no-  
biles pueros è literarum ludo ad cædem,  
quæsitos; raptos infantes è matrum sinu,  
jugulatos, in parietes illisos; quod ulti-  
mæ barbariæ est, exsecto matribus utero,  
avulsos alios, nondum natos, & vitæ ex-  
pertes mortem perpeffos. Neque vero us-  
que eò nobis favent iniqua fata, ut una  
modo sit in Italia urbs, quæ careat his ma-  
lis: vix ulla est clara, & nobilis domus,  
quæ non aut proprio suo, atque intestino  
malo, aut mali contagione, quod propin-  
quitas, amicitia, clientela invehat, labo-  
ret. Apud nonnullos quidem usque eò  
ad vivum pervasit mali tabes, ut viro non  
vindicante in uxore violatum pudorem, in fi-  
lia parente, in sorore fratre; qui propius san-  
guinis conjunctione, aut affinitatis jure at-  
tingant, damnata propinqui cunctatione, si-  
bi suscipiant vindicandum; eum ulciscendum  
igni, ferro, quem nulla illata injuria, non pa-  
rentis cædes, non grave aliud in se admis-  
sum

sum facinus, sed elatum verbum per imprudentiam, aut per iracundiam, in alieno dolore inimicum reddit. Quid vero immanius, aut importunius, quàm ei duci infamiæ loco, cui in sermone, quæcunque dubitandi causâ fuerit, non sit habita dicti fides? At iis finibus, hominum error, famæ, & nominis honorem circumscripsit, ut minus honorifica de nobis suscepta opinio, & per unius verbi licentiam elata, quicunque is sit, qui male de nobis censeat, credatur vitæ periculo propulsanda. Quid igitur? Viro gravi, & bene morato, quique magnis in rebus multa suæ fidei, & probitatis documenta dederit, ubi veniat in mentem petulanti, atque impuro, negare, narrantem vera dixisse, erit aut in vitæ discrimen per singulare certamen descendendum, aut nomen, existimatio, honestas amittenda? erit, si corruptos hominum mores spectes: atqui suæ innocentia conscientius, tacitus fert inimici petulantiam; una voluptate contentus solida, & perenni, quæ à recta conscientia manat, qui de se statuat è fece plebis sæpe emerſus homo, aut illo nihilo melior superbus majorum nobilitate, non magis laborat, quàm à bestia aut morſu, aut calce læsus. Ergo sit ita nostra matrona circumſpecta, ut singula verba, quasi ad prudentiæ lancem, suo momen-

momento ponderando, non patiatur à se effluere verbum, unde parum æqui, quorum magna natio est, ansam ad animi offensionem simulandam, arripiant: quam ex judicio, domestico dolore depravato, non ex vi unius verbi, sibi magnam fingunt. Sunt autem plerique eo ingenio, ut alieno otio invidentes, quicquid audiant, nutum sæpe, & levem in vultu significationem offensi animi, in deteriore partem interpretando, facessere negotium cui invident, conentur. Quibus est materia subtrahenda, ne parum sibi visi in se peccare, aut gratis esse improbi, peccare cum alieno incommodo assuescant: tanta vero in nonnullis ingenii importunitas eminet, ut in male agendo sibi placere non queant, nisi nequitia fructum habeant, cum bonorum peste, ac perniciæ conjunctum. Ergo, & quòd sædum est iis maledicere, quibus nos naturæ, & humanitatis jura adesse, opem ferre, & benigne facere jubent; & sua causa adeo, prudens matrona abhorrebit à præcipiti, & lubrica licentia loquendi; sustinendam sibi animi magnitudine, & robore pari, dignam gravitatem principi fœmina, à levissima etiam prolapsione existimans, quam neglectam ingentia mala, & perpetua vitæ sollicitudo, atque incommoda consequuntur. Et quoniam

niam



























mero, qui nuptias istas tuas felicissimas, magnificentia munerum ex auro, argento, gemmis, honestarunt, nullum munus meo, si in benigne faciendo, non res prius, voluntas spectanda est, luculentius fuisse. Quanquam enim non dubito, quin tibi in aliorum etiam muneribus id antiquius fuerit; me tamen juvat sperare, eadem tua illa summa æquitate confisum (absit verbo arrogantia) meum munus apud te aliquanto etiam honestiore loco fore. Nam aurea, argentea, & gemmata, pocula, cuiusmodi ipse abundas, abacum tuum, ornabunt: è meo munere habes, quæ ornent animum iis bonis, quibus qui carent, in magnis divitiis, & copiis, sunt miserrimi habendi. Nemo enim unquam accusatus est, in tenui re, parum laute, atque opipare cœnasse; multis semper dedecori fuerunt in ampla, & copiosa, desiderata, quæ veræ hominis divitiæ habentur, justitia, probitas, pudor, sapientia, tum ingenuæ aliæ artes, quæ sunt libero homine dignæ. Sunt vero illæ divitiæ expendæ, quæ ita aliis communicantur, ut eos, qui communicant, ubi maxime etiam sint profusi, non deficient. Sed quicquid id est, quod una causa ornandi, atque honestandi tui, à me & scriptum est, & in lucem emissum, uno nomine, quòd præ se ferat gratum



JOHANNIS MICHAELIS  
BRUTI,  
**SACRÆ**  
**CÆSAREÆ MAJE-**  
**STATIS HISTORICI,**

*Ad*


Amplissimum atque illustrissimum  
Polonorum & Lithuanorum Senatum,  
universosque regni Polonici ordines, de  
Ernesti Archiducis Austriae; augustæ ma-  
jestatis Principis, & de universæ  
familiae Austriacæ  
laudibus,

**ORATIO.**

*Ejusdem*

In Orationem Lucae Chvvalkovvski, qua  
Sueci Principis petitio in comitiis Varša-  
vienfibus de novo rege creandocom-  
mendatur,


**CENSURA.**



COLON. BRANDENB.

Imprim. Ulricus Liebpertus Elect. Typog.





*AMPLISSIMO ATQUE ILLU-*  
*STRISSIMO*  
**VIRO**  
**GUILIELMO**  
**SANCLEMENTI,**  
Philippi Catholici Regis maximi  
ac potentissimi apud Rudolphum II.  
Cæsarem Legato,  
**JOH. MICHAEL BRUTUS,**  
**S. D.**



*Anavit à priscis  
temporibus ad hanc us-  
que nostram etatem, vir  
amplissime, atque illu-  
strissime, laudabilis, im-  
primis apud doctos ho-  
mines,*





in sermone, & convictu comitas, atq; affabilitas, quæ te virtutes in cælum ferunt, col-  
 lucent ac spendent magis. Accessit vero ad  
 hæc omnia, singulare tuum in me meritum:  
 cuius tu quidem oblivisceris: (quod eorum  
 proprium est, qui benigne faciunt, qui fructum  
 liberalitatis ab animi conscientia petunt)  
 equidem quoad vivam, grato animo, & me-  
 moria prosequar. Singulare verò ut tuum in  
 me meritum esset, tum animi tui alacritas,  
 unde manavit, tum ratio eorum temporum  
 fecit, quo me eo es complexus. Ita enim è  
 Polonia discedens me habuisti in tuo comitatu  
 meosq; omnes, cum per illum comitiorum  
 æstum, quo nihil vehementius unquam & tur-  
 bulentius exarsit, hominem interficere jocus,  
 & ludus esset; ut quibus officiis statueres ti-  
 bi complectendum, cuius in te insignia merita  
 exsarent, à me homine extero, & vix tibi  
 cognito haud patereris desiderari. Hæ mihi  
 cause, cum amandi, atq; observandi tui justis-  
 simæ tum meum amorem, atq; observantiam  
 testificandi. Cui agenda rei opportunam mi-  
 bi occasionem orationes duæ à me scriptæ de  
 ERNESTI Archiducis laudibus universæque  
 adeo Austriae familie præbuere: quas quidem  
 testes



testes immortalium ejus in me meritorum ;  
mei erga illam grati animi, placuit typis excu-  
sas posteritati mandare. Certe si ve argumen-  
ti majestatem spectes , in quo sum iis scriben-  
dis versatus , quo nihil majus , sublimius , au-  
gustius à me potuit excogitari : si ve volunta-  
tem qua eas amplissimo tuo nomini inscriptas  
emittere in lucem constitui ; haud indignum  
munus eo loco censeas , quo ea habes qua tibi  
sunt in vita inter maxima prima. Non enim  
viri magni ( in quorum numero , tua virtus  
te prius , quam cujusquam de ea judicium po-  
suit ) in accipiundo munere rem magis , si ve illa  
magna , si ve exigua sit , quam rei gratiam ,  
spectant. Recte illi quidem ; cum saepe usu ve-  
niat , ut in munere in speciem maximo , & lu-  
culentissimo lateat sordidus animus , & quem  
aut commodi spes , aut mali metus , non vir-  
tus ad recte agendum impellit ; in exiguo mu-  
nere appareat magni animi , & voluntatis  
eximia commendatio. De qua ubi non dubita-  
tur , saepe Attico talento , è tenui censu arcus  
nummus oblatus praefertur. Dicantur vero tibi  
merito Austriae familia laudes , Philippi Austrii  
Regis legato : cujus cum sint iidem imperii , &  
orbis terrarum fines , est animus tamen , & vir-

tus major. Ita tu vero tantum Regem nobis ad-  
 vidum representas, ut simul atq; in te intue-  
 mur, nobis pariter uno aspectu occurrant, quæ  
 testata nostris hominibus per omnium gentium  
 annales, scripta de hac familia, immortalis  
 cum laude ejus, leguntur. Nam, ut de me agam  
 paucis, qui conscius mei, nihil in me agnoscam,  
 quo mihi placeam magis, quam me Cæsari pla-  
 cuisse; quid à me fieri potuit, ad mea fidei com-  
 mendationem majus, aut ad nominis famam,  
 illustrius, quam à Rudolphi Cæsaris nomine ce-  
 lebrando, cui summi in terris Reges fasces sub-  
 mittunt, fratrum Augusta majestatis Princi-  
 pum familie Austriae universa initium facere  
 scribendi? Quibus perinde gratum futurum  
 spero hoc à me tibi oblatum munus, ac si in Phi-  
 lippum regem, cujus personam refers, esset colla-  
 tum. Quem ita patria pietate colunt arcta  
 propinquitatis necessitudine conjunctum, ut  
 cum nostra superiorisque ætatis regum omnium  
 maximus habeatur, si fieri possit, majorem esse  
 amplioremq; velint. Vale, amplissime vir, &  
 quem in me animum, nullo meo merito provo-  
 catus in me semel ostendisti, perge constantia  
 tueri. Datum Praga, clj. ij. xc. Kal.

Januariis.

JOH.



JOHANNIS MICHAELIS  
BRUTI,  
SACRÆ CÆSARÆ  
MAJESTATIS HISTORICI,

*Ad*

Amplissimum atque illustrissimum Polonorum & Lithuanorum Senatum, universosque regni Polonici ordines, de ERNESTI Archiducis Austriæ, augustæ majestatis Principis, & de universæ familiæ Austriacæ laudibus,

ORATIO.

**N** Eminem vestrum, viri amplissimi, atque illustrissimi, esse existimo, cujus in comitiis de novo Rege creando sit. ferendi suffragii potestas, sive senatorii ordinis, sive equestris sit, qui, ubi fidei suæ, & religionis rationem habeat, non ita statuatur, eum sibi Regem deligendum suo suffragio, qui non ipse prius candidatus

L 11 3

petat



publicam ingentium, præmium maximum. Inde nobilitatis ortus, quam magni merito homines faciunt, ubi iis artibus retinetur, quibus partam majores posteris æmulandam reliquerunt. Quis vero crederet, potuisse homines inducere animum, cum nati liberi essent, ut legum jugum subirent, perferrent unius imperium, horrerent magistratum, judicem, tortorem sceleribus hominum imminentem; nisi in uno spectata virtus doceret, communis salutis causa, uni in multos, in quo justitia, magnitudo animi, sapientia eluceret, regium imperium, mandandum? Quanto vero sua sponte major potestas regii imperii; tanto acrius advigilandum, ne, quæ excogitata est ad homines in fide continendos ab officio recedentes, qua una in re est constituta hominum libertas, securitas, salus; depravatis cupiditate imperantium animis, in pestem, atque exitium vertat. Quemadmodum vero arma, pro eorum ingenio, qui illa gerunt, & saluti hominibus, & exitio sunt; ita in multos imperandi jus traditum sapientibus, probis, moderatis, est certo subsidio hominibus, ad quietum, & tranquillum reipublicæ statum retinendum: est pesti idem delatum cupidis, superbis, furiosis, violentis, qui sua, non reipublicæ causa principatus, & regna ambiunt, magna cum eorum injuria, quibus à ma-

lesicio prohibendis, intelligunt sibi esse certas impositas partes. Etsi vero non dubito, quin apud vos sint multi, quorum ut dignitas, & honor inter multos, sic virtus, & sapientia excellat; statui tamen, pro meo erga vos studio, atq; observantia, non quidem admonere vos vestri officii sapientes, homines & quos eximia erga patriam pietas in reipublicæ loco excelso collocavit; non adhortari ad retinendam constantiam in suscepto instituto laudis, viros fortissimos; sed, quæ vos non ignorare permagni vestra interesse existimo, hoc tam vestro necessario tempore in medium afferendo, meam erga vos constantem, & prolixam voluntatem declarare. Nam illud quidem tenetis, quem virum, & quantum præsens status reipublicæ requirat, ut dignus regii nominis majestate habeatur: ex iis qui petunt, cum sint multi, quem magis judicetis aptum regno, quod minime vos ignorare æquum est, non æque est vobis exploratum. Magna quidem est res in medio posita, & quæ omnium in se oculos animosque convertat, regnum Europæ maximum, & nobilissimum, quod ita ambiunt multi, ut nulla cuiquam spes sit, malis sibi artibus apud vos conciliandi; quos quidem ne ulla cupiditas à recta de republica sententia avertat, spe majoris commodi, atque honoris: fides, integritas, religio, atque innocent-

nocentia arcte complexa munit. Id unum vobis modo verendum, ne, cum sint latebræ multæ in hominum animis, quæ eorum interiores sensus, & reconditiores tegunt, vobis objiciatur tecta fraus probitatis persona, quæ latentia aliquando in homine immania monstra, & teterrima prodat, per rerum omnium licentiam, in populorum ruinam, & perniciem (quod à vestro hoc regno omen avertat Deus) cornua obversura. Raro quidem fraus est felix prudentibus hominibus fallendis, cujusmodi vos estis: sed ne quis vos possit fallere, cum de re vestra maxima, & gravissima agatur, danda vobis opera est, ut sit in vestra magis, quam in illius potestate; cum nihil in vobis videri minimum possit, quorum fidei nobilissimorum populorum & gentium salus est commendata. Nam in moderatore summi imperii, multos, & præsens servat, & perdit unius desiderata virtus. Ac de aliis quidem competitoribus regni, quid vobis statuendum sit, ipsi videritis, homines prudentissimi, & reipublicæ amantes, atque adeo facile nobis patientibus, eos esse, qui videri velint, tum eorum ipsorum, tum reipublicæ causa, atque ejus ipsius adeo, cujus petitioni favemus. Quem nisi ostendimus ad illud exemplar effectum, atque expressum, quod vobis vestris animis circumscripsistis; nihil causæ





sed quod verisimile etiam sit, in quo homine niteat nobilitatis splendor, in eo inesse vitæ, & morum sanctiorem disciplinam. Adfit in eodem à natura acre ingenium oportet, quod domestica disciplina excultum, à primis annis eo dirigat animum, quo summo loco natum spectare æquum est. Ita quidem sit institutus, ut credat parum in fortuna præsidii sibi positum esse ad summam laudem consequendam; nisi illam par virtus, atque earum artium studium, quæ sunt summo Rege dignæ, consequatur. Imprimis vero credat à se expectari, ut, pro loci maiestate, in qua natus educatusque est, ea gerat quæ quantumvis ardua cæteris, in summo Principe plus dedecoris omissa habeant, quam perfecta laudis. Tanquam enim debita, ea exiguntur à summis Regibus, quæ pati simul à se desiderari, & esse Reges non possunt. Ita vero debet esse affectus, qui vult haberi dignus regno, ut nihil ducat suis viribus majus, quod assequi magni homines pace, bello, industria, & contento studio queant: neque hoc solum, sed, ut cum sit tantum assecutus, ulterius studio provehatur, & maiora appetat; ita statuens, in virtutis contentione, atque honestatum artium, viro forti nullum esse certum præscriptum finem. Una vero adfit cura acerrima in æmulo tanti honoris, ea agendi, quæ fidem faciant,



præscriptionem, & normam, ad quam multorum populorum, & gentium mores, atq; vitæ instituta conformentur. Animadverto, viri amplissimi, dum ea colligo mea oratarione, quæ à vobis requiri in regni candidato credā, tanquam aliud agentem, eum ipsum me vobis designasse, cujus apud vos causam ago: minime dubius, quin mecum ERNESTUM Principem Rudolphi Cæsaris fratrem Maximiliani Cæsaris filium, his quasi ingenii lineamentis descriptum agnoscatis. Cujus petitionem cum multæ commendent majorum imagines, atque illustria monumenta gloriæ; nulla tamen commendant ornamenta majora, quam quæ illius vera & propria sunt. Quæ etiam si per multos vestrum minime fugere arbitror, è propinquo loco ad vos perlata fama; ea tamen, secutus potius argumenti rationem, quæ hoc à me munus poscere, videtur, quam quod illa apud vos parum illustria sint, commemorare non gravabor. Nam de familiæ majestate, majorum gloria, partis de hoste victoriis, actis triumphis plura commemorare supervacaneum duximus. Ita enim sunt omnia testata gentium omnium annalibus, ut ne videamur popularem ventum ERNESTO Principi, quod minime postulat, alienis laudibus conciliare, nobis liceat nostræ & religioni, & pudori consulere, ea silentio petereundo.

Non



stissimæ, & sanctissimæ, memoriæ Principes, ERNESTUM educatum apparere, si quis illius pudorem, religionem, sapientiam spectet: & si quis memoria repetat, quantus pater, quantus avus fuerit; constet, non potuisse in Augusta domo, & illustribus referta gloriæ insignibus, severius, castius, sanctitate & religione majore educari; cujus nunc fructus uberrimos legunt gentes nobilissimæ, quarum administrationi, atque imperio præest. Nam cum à patre haberet domi relictum exemplar justī, ac legitimi imperii; accessit tot annorum usus, quot ad hunc diem fere à parentis morte intercedit: quo quidem omni tempore, cum tot gentibus, lingua, moribus, institutis diversis præsit, non modo nulla cum populorum querela; (non enim magna laus in magno imperi abstinere ab injuria, nisi Principis in eos, quibus imperat, insignia merita essent) sed ingenti cum omnium laude, justissimi Principis jus majestatemque tuetur: quæ hominum consensio clarissimum sapientiæ habet documentum. Ea vero est una virtus, quæ princeps in rectore populorum, ingentium virtutum secum comitatum trahit, justitiæ, temperantiæ, &, quæ præcipuæ partes justitiæ sunt, innocentiae, integritatis, fidei: quæ positæ in magna hominum luce non indigent cujusquam prædicatione;









tam laudem futuram credimus, quam non magis ipsi tribuimus, Ernesto Principi, quam domestica illa virtus conciliat; ætate illum eos superare, in quibus cætera paria sint, superare usu, superare consilio, superare scientia regnandi. Nam, ut ab ætate incipiam, de qua paulo ante dicere institueram; quot mala, quot pestes, quot clades, quot incendia in homines invexerit immatura ætas capeffendo regio imperio, è multis exemplis, quæ nobis suppeditant, & nostræ, & exterarum gentium monumenta, unicum modo placet commemorare: non quod vos ignorare credamus viros tantos, sed ut mecum recognoscendo sub aspectum positum, quam ab hac parte vobis timendum sit, in creando Rege veniat vobis in mentem cogitare. Quod tamen antequam facere aggredior, est mihi imprimis eorum offensio deprecanda, quos in regia natos habet Ernestus Princeps regni competitores. Non enim est hæc nostra sententia, ut quemquam eorum nostra oratione notatum velimus, quibus in spem certam regnorum maximorum, & principatuum natis, eum quem debemus, habemus honorem; sed ut unius exemplo, perditæ ætatis licentia, quot quantaque mala sint ab ætate pertimescenda, non ita multis doceamus. Fuit is Hieronymus Syracusanus, qui avo





tendit ; & vincit æmulus majore cum gloria , & nullo cum dedecore vincitur : ( semper enim honori fuit præclare voluisse ) sive ab illius imitatione discedit ; per illius nominis splendorem , cui succedit , sua vitia insigniora reddit. Ita cum Syracusani , inquit , Hieronem , filiumque ejus Gelonem per tot annos , nec vestis habitu , nec alio ullo insigni differentes à cæteris civibus vidissent ; conspexere purpuram , ac diadema , & satellites armatos , quadrigisque etiam alborum æquorum interdum ex regia procedentem , more Dionysii tyranni. Digna vero animadversione sapientis scriptoris verba. Hoc enim in Rege indicium moderati animi ; ut quemadmodum excellit imperii majestate , excellat sanctitate morum ; in his quæ media sunt , à multorum habitu , atque ornatu non discedat. Hunc tam superbum , inquit , apparatus , habitumque convenientes sequebantur mores : è quibus qui quasi familiam duceret , omnium hominum contemptus : qui animi morbus in privato homine non ferendus , in Principe , & rectore populorum tanto gravior habendus est , quanto plures sunt quos perdit. Oritur vero à superbo , atque elato animo,

mo, per unius sui admirationem. Gravissimum in homine vitium : & quidem, quo nocentius sit, fere illi à natura infitum ; ut si neglectum, altius radices agat. Id quod facile accidit plus æquo sibi in sui amore conniventibus, ingentem secum malorum cohortem in hominum societatem invehit, quæ tota officiorum vicissitudine, & mutua charitate, ac benevolentia constat. Quid vero magis in Regibus execrandum, quam omnium hominum contemptus ? qui ita uni in se vitæ & necis potestatem permiserunt, ut illi una omnium rerum maxima atque antiquissima esset communis salutis procuratio ? quod munus tantum, haudquaquam possumus quemquam sperare posse recte obire, qui unius sui admirator, præ se omnes dispiciat, & contemnat. Neque in ulla ætatis parte, cum nunquam non in hominem sæviat ; æque atque in adolescentia viget tam dira pestis. Nam & sua vi nocet, quæ præsentissima est, & eorum imbecillitate, quos perdit : in quibus, nisi cum ætate, & cultu liberalium artium, accedant vires, est parum roboris ad eam à stirpe evellendam. Nihil vero magis pugnat, cum Regis munere, cui ( ipsum indicat nomen ) datum in homines imperium, ut esset, cujus sapientia in tranquillo, & quieto



quibus etiam ætate provectis, magna est subsidio virtus. Hunc adeo capitalem morbum aliæ pestes sequebantur, quæ à gravi, & deserto scriptore mox commemorantur, contumeliosa dicta, aditus non alienis modo, sed tutoribus etiam difficiles. Quod ne cui mirum sit, causæ tanti mali commemorantur, libidines novæ, inhumana crudelitas, aperto modo iis aditu, qui auctores essent delicto Regi explendarum libidinum, atque adeo non solum quæ naturales sunt, sed quæ aliunde accersitæ, & novæ. Nam, ut molesti interpellatores interiorum libidinum, & voluptatum de medio facerent, probi, pudentes, moderati homines, quorum esset salutaris congressus tum Regi, si sana mens esset, tum populis illius imperio subiectis, non uno suppliciorum genere mactabantur. Id quod deinceps Livius persequitur: Itaque tantus, inquit, omnes, terror invaserat, ut quidam ex tutoribus, aut morte voluntaria, aut fuga præverterent, metum suppliciorum. Date enim vero, Poloni, adolescenti Regi imperii habenas, non cognitæ virtutis, non spectatæ prudentiæ, non usus ejus ætatis, in qua laxare frena privato periculosum est, & sperate vestrum, judicium eventu comprobatum iri. Non patitur vestra prudentia hoc de vobis suspicari, viris gravissimis, quos decet non

Mmm s

uni





norem non generi, ut regium etiam & magnificum sit, & splendeat multis majorum, imaginibus, non amicitia, non propinquitati; sed ejus meritis, qui cum iis sit competitoribus par, & superior adeo, quæ de majoribus jactant; non vult prius majorum virtutem spectari, quam suam? Sit, ejus regni honor, qui non rudis accedat ad regnum, sed sit exemplar aliis bene regnandi; sit ejus, qui experiundo cognovit, quam sit grave onus regnare; sit cujus in maximorum regnorum procuratione regnandi oneri suffecerint vires; qui suam fidem, integritatem, innocentiam, diu jus populis dicendo, rempublicam recte administrando, omni Principis munere cum summa laude fungendo, & suis, & nationibus exteris probavit. Quæ cum sint omnia in ERNESTO Principe cumulatissime; quis dubitabit apud Polonos, viros sapientissimos, & communis patriæ salutis perstudiosos, non eam quam debent, vim habitura? Virtutem primam esse, atque antiquissimam volumus regni moderatori? tanta in eo est, quantam populi multi gentesque testantur, quibus sæpe salutis fuit, ut illi laudi, decori, ornamento. Non quæritur virtuti aliunde, quam ab ea ipsa ulla accessio gloriæ, aut laudis. Nemo negat: sed ut, gemma in auro tamen, ita in nobilitatis splen-

splendore spectata virtus, nescio quo pacto collucet magis. Ita vero illa splendet ERNESTUS Princeps, ut ea prædicanda facilius sit initium, quam exitum invenire; & ea gravitas & constantia ejus est, cui illam debere esse honori contendimus, ut per eum nobis liceat ejus commemoratione superfedere, ornamentis contentum suis. Sunt quædam in futuro Rege expetenda, quæ, ut non sint plane virtutes, ita sine virtute esse vix possunt; à placido ac clementi ingenio regia comitas, facilitas, elegantia morum: quæ in nostro, quanquam posito in altissimo fortunæ fastigio, quantum majestas regia patitur, privati amabilem quandam in sermone suavitatem representant. Principatum & in aliis obtinet, & in Rege maxime animi decus suis illustre ornamentis; ut etiam si non respondeat corporis forma, nativo tamen suo splendore fulgens, magnam vim habeat ad studia, & gratiam hominum promerendam: at si decus animi in magno homine corporis habitus sequatur, qui conciliet formæ dignitatem; præclarum quid efficitur, atque homine mortali augustius. Quam vero sit blanda hominum conciliatrix in viro principe formæ dignitas, & oris majestatis, in omni memoria veterum exempla multa atque illustria docent. Scitum qui-

quidem apud Græcum poëtam, patrisfamilias, opinor, optantis sibi in longam annorum seriem productionem vitam. Utinam, inquit, videre contingat nepotem nepotes. Et mox quasi tantum adepto, haud satis videatur fortuna indulgisse, dignam posteris regno formam precatur, quam rerum expetendarum omnium (inducitur vero qui hæc dicat de foro patrifamilias, non sapiens è Stoicorum schola) primam homini in vita esse habendam existimat. Non divitias optat, suis, non virium robur, non pernicitatem, non regna atque magna imperia, sed unam dignam formam imperio. Hoc enim illi persuasum est; in quo homine forma conspiciatur regno digna, nihil illum eorum, quæ in vita agenda beatum hominem, fortunatumque efficiant, desideratum. Sed aliquanto illo melius Plato: Ubi in homine, inquit, hæc concurrant, in animo probitas, in vita agenda elegantiamorum, (eam omnibus aliis præfert, quæ sunt homini expetenda) in corpore formæ decus, ita ut partes omnes bene inter se conveniant, & sint aliæ aliis consentientes; est futurum, ut pulcherrimum sui spectaculum intuentibus reddat. Et merito hæc ille quidem: nihil enim in terris perfectius, absolutius, admirabilius, quam qui



quanta formæ dignitas , quanta majestas in vultu, gestu, motu corporis, ipse in magna hominum luce positus ostendit. Ita vero hæc omnia gravitate condita , ut appareat, non illum ad populi coronam, sed ad regii nominis majestatem & natum, & institutum esse. Facit autem in eodem, quidam quasi virginalis pudor, & vultus ad gravitatem compositus , ut nemo credat, quæ sua natura adeo amabilia sunt, fore aliquando, ut in mollitiam, & animi nimiam remissionem vertant, cum usu tot annorum & maximarum rerum cognitione, comparata magnitudo animi , & constantia accedat.

Jam mihi videor, viri sapientissimi, potiores partes suscepti à me muneris peregrisse, cum de religione, pietate, sanctitate, morum ERNESTI Principis, id quod scio à me maxime requiri, nondum pro illius merito, vestra expectatione verba fecerim. Una vero religio est, in qua tanquam basi, & firmamento sunt omnes regiae virtutes constitutæ, ut neque sine religione esse ulla virtus, neque ulla religio esse sine virtute possit; quæ ipsa divina virtus est, unde cæteræ tanquam à fonte manant. Ejus enim ea ratio est, ut in nemine illæ virtutes esse possint, quibus munitum Ernestum ad regni petitionem descendisse ostendimus, nisi à Christi









eorum memores, quæ de Selimi hujus proavi parricidiis, cædibus feruntur; qui parentem veneno sustulit, fratrum, liberorum innocentium sanguine manus cruentavit? obliti sint quæ Solimanus avus in liberos facinorapatrarit, quorum nomine nihil natura mollius, indulgentius, carius in vita hominum finxit? Non fidem, non gentium jus, non officii religionem tam barbara gens colit, quam nullam novit: quamdiu sperat sibi fore usui; tamdiu servare fidem, quibus habet obstrictam, suo serviendo tempori, aliorum insidiando, assueta. Licuit Sigismundo Regi optimo, ac sanctissimo; licuit Augusto filio tot annos, quibus regnarunt, pacem populorum, atque otium tueri, à Solimani armis securi: si quæritur, non quod illi fuerit sancta fides, aut religio fœderis; sed quod à primis imperii auspiciis, aut illum in Asia Persis nunc illatum, nunc propulsatum bellum, aut in Europa Ungarorum, & Venetorum exercuerunt arma. Percurrite hujus gentis annales: quicquid terra marique in Asia, Europa, Africa partum habet; per fraudem, per insidias, per proditam fidem, & jurisjurandi religionem reperietis habere partum, nostrorum Regum discordiis atque dissidiis auctum. Una hæc semper affectata via appetentibus orbis terrarum imperium, qua illis regnum in tantum rerum

N n n 2

fasti-

fastigium crevit. Moneat vos vero vicina Ungaria, quid de hostis tam immanis fide vobis sit statuendum. Suis armis Solimanus pulsum Johannem regno restituit, atque in regia urbe collocavit: sed ita, ut illi cum pari imperio Grittium summisserit, qui per objectam fraudem, quo nihil est facilius in summa rerum potestate omnium potenti, miserum in celsiorem locum elatum, majore cum ruina deturbaret. Superstitiosa, & perfida gens nunquam benefacere gratis novit; quando aliunde non sperat, ab eorum exitio, quos salvos velle est visa, quærens regni, atque imperii incrementum. Neque Isabellæ Regina, mortuo viro, plus præsidii in Sigismundo patre tanto Rege fuit, Solimani eodem fœderato. Buda ejecta, Ungariæ regia, per summam injuriam, cum filio pupillo, atque multata majore ac meliore parte regni, in Transylvaniam, relegata verius, quam missa regnandi causâ, ire est iussa. Non faciam, ut, plura de hac tanta barbarie commemorando, de vestra prudentia videar dubitare: nam vobis ita ea scio esse comperta, ut per vos de his mihi liceat alios docere. Non magis vos Turcam, Poloni, quam ille vos timet. Quam enim illi aliam causam esse putatis tam superbæ comminationis, atque imperii? non quod Christi religionem colat

lat majore cultu, veneratione, animi pietate Austriacus Princeps, quam Italus, Germanus, Gallus, Belga, Hispanus, est ejus præcipuum in illum odium: (omnium enim est eadem apud illum causa, qui Christi nomen profitentur) sed quod timet in una familia, bene consentienti ad Christiani imperii fines propagandos, cujus sunt rectissimi de religione sensus, multorum regnorum, principatum, gentium, populorum coacervatas vires, quibus sustinendis impar, desperet. Quo jam pridem intendit animum, Christiani orbis imperio potiri. Unus est illi eximius Gallorum Rex: non quod alia sit ejus, & aliorum Regum causa; sed quod sperat se habere (male ille quidem,) quem Austriæ familiæ opponat, cujus illi sunt maxime formidolosæ vires. Nam ne ille ipse quidem Rex tantus Christianæ religionis propugnator acerrimus, ubi expecti Christiani Principes è lethali somno, eant ad arma, est passurus majorum à se pietatem & religionem, unde est illi Christianissimi nomen partum, pellendo ex Europa tam barbaro, truculento, atque importuno hoste desiderari. Hoc unum veretur, unum hoc horret animo, ne per electum Regem ex augusta familia, cujus secundum Dei immortalis, sunt maximæ in terris opes, quam domesticis cladibus nobi-

litavit, victus prælio in omni posterorum ætate memorabili; hoc unum, inquam, formidat, pavet, horret animo, ne per tantum delectum Regem, per se Polonorum regnum validissimum, auctum magna accessione virium, sit minus suis injuriis opportunum. Quantum vero nervorum, & virium creditis superbo hosti decessisse navali prælio XVI. ab hinc anno ad Echinadas victo; quantum animorum victori Pontifici Romano accessisse, Philippo Regi, Venetis, perpetuis hujus bellæ hostibus? Intellectum enim tum primum est, Turcam posse vinci, qui invictus credebatur; esse quod in terris horreret; posse imperio spoliari, qui spe voraret orbis terrarum imperium, Christianis Regibus in sacrum bellum concordibus animis consentientibus. Neque illud ignorat, quanta nunc illis occasio ostentetur bene gerendæ rei, adversus toties victum à Persa hoste, fatigatum tot annorum claudibus, domi suorum laborantem seditionibus, bellum atque arma recusantium. Audit in Belgis Philippi Regis res indies meliore loco esse, Romæ Xystum Pontificem hoc unum meditari, totum iis comparandis, quæ sint sacro bello gerendo necessaria, intentum. Tentat, mihi credite, vos, Poloni; cum audet vobis præscribere cui regni honorem mandetis: minime dubius, quin si vos patia-



ro tantum flagitium à piorum mentibus :  
Polonis quidem , ut ad barbari , tetri , imma-  
nis hostis præscriptionem , atque imperium  
se circumagi patiantur , nunquam veniet in  
mentem cogitare ; quamdiu sunt suæ digni-  
tatis memores , nunquam commissuri , ut ,  
quem morem à majoribus acceperint tradi-  
tum per manus , legitimis suffragiis sibi Re-  
gem creandi , territi inanibus Turcæ denun-  
tiationibus tanto cum suo dedecore violaf-  
se videantur. Hæc viri amplissimi , habui-  
mus , quæ adducti officio , fide , pietate in  
Christianam rempublicam , cujus estis no-  
bilissima pars , in medium afferremus : De-  
um precati supplicibus votis , ita vobis ad-  
fit sanctissimo suo numine , ut in quo can-  
didato eæ virtutes animi , fortunæ ornamen-  
ta conspiciuntur , quæ elucere in Ernesto  
Principe non prius ipsi docuimus , quam  
nostræ orationi consentiens fama , longe  
lateque apud vos pervagata ; eum dignum  
censeatis , qui regni vestri insignibus orna-  
tus rempublicam apud vos Rex admini-  
stret , & vobis , & Christiano orbi  
universo salutaris.



JOHANNIS MICHAELIS  
BRUTI,  
IN  
ORATIONEM  
LUCÆ CHWALKOWSKI  
DE SUECI PRINCIPIS  
LAUDIBUS,  
CENSURA.

**C**Um Pomeridianæ ambulationi  
nudius tertius operam da-  
rem; occurrit per forum trans-  
eunti, POMPEJUS CLARIUS,  
vir cum aliis mihi necessitudinis  
vinculis, tum politiorum litera-  
rum studiis, & morum ac voluntatum simili-  
tudine conjunctus. Qui cum me subtristem  
vidisset, & ut solet, percunctatus esset, fatin'  
salvæ, & accidisset ne aliquid, quod minus  
vellem; (credo ut haberem, quo aberraret  
Nnn 5 animus





ferto scriptore agam, acriore illi studio, atque animadversione fuisse elaborandum. Nam in ipso fere orationis initio, tanquam, posita priore persona, aliam sumisset, & quidem indignam gravi & luculento scriptore: tum sui oblitus, tum ejus ipsius maxime, de cujus laudibus agere instituerat, non sine insigni competitorum contumelia, Augustæ majestatis Principum, *Utinam vero* ò Poloni inquit, *tantam illustrium virorum copiam haberetis, ut hæc vobis deliberatio difficilis esset, cui nam potissimum clavum imperii mandandum putaretis.* Nam si hæc vult referri ad Polonos; gravem plagam ejus petitioni injicit, cui suffragatur: lædit enim eos imprimis, quorum animos illi studet conciliare, & quidem gravissime lædit. Non enim ita volunt Poloni de se male existimari, ut si delectus nobilium hominum sit habendus, qui ad regni petitionem descendant; defuturum credant, qui par magno administrando imperio habeatur: & merito illi quidem. Nam & ingenia in Polonia florent exulta politioribus artibus, & à prima adolescentia, præcipue nobilitatis adolescentes à parentibus, domi damnata inertis atque desidiosa vita, ad exterarum nationes mittuntur; ubi ad ea, quæ domi parva habent, addunt usum, multa lustrando, atque cognoscendo, quibus cum aliæ virtutes, quæ sunt



dentur. Qua in re non illud reprehendam, iis eum verbis usum sua sententia explicanda, quæ ab ea absint quam longissime; sed, quod est gravissimum, in regni competitorum tantæ Principes majestatis, nullo eorum merito, contumeliosum fuisse. Ita ne vero? defuit Polonis illustrium virorum copia, qui peterent regnum, cum ex una, atque eadem familia, Ferdinandi Cæsaris sapientissimi & sanctissimi Principis liberi, Ferdinandus, & Carolus; Maximiliani Cæsaris tres regni candidati, in regni petitione, missis legatis, sint nomen professi? Qua in re imprimis laudanda Rudolphi Cæsaris sapientia; qui ita sua auctoritate petitionem suorum commendavit, ut contenderet, neminem è suis sibi eximium esse: quem Poloni statuerent magis idoneum regno administrando, & Christianæ reipublicæ esse; eum sibi eximium futurum. Tanta vero inter fratres Augustos animorum consensio est in contentione, summi honoris, ut cum sibi quisque prensit privatim, eorum nemo, ubi etiam liceat, patiat sibi eorum suffragia, quos aut fratribus favere, aut patruis intelligat, ullo artificio conciliari. Quæ si nosset, alioqui præclarus, Sueci Principis laudator, non illi venisset immentem, optare Polonis, si modo hoc spectavit, illustrium virorum copiam, è quorum delectu sibi Regem



tempore diversa, sic plane dissimilis personis invenietur. Vere enim illa princeps Romanæ eloquentiæ usurpavit, qui, Pompejo tum omnium consensu reipublicæ Romanæ principi, ejus belli procurationem mandabat, cujus gesti gloriam Sylla, Murena, Lucullus, clarissimi imperatores, ita retulerant, ut insignia victoriæ potius, quam victoriam, quemadmodum vere ille ait, reportarent: cum hostis sæpe victus, pulsus, spoliatus regno, instauratis viribus, tertium & vigesimum annum, magna cum populi Romani infamia regnaret. Fingamus vero idem esse, imperatorem, qui bello gerendo rempublicam administret, & Regem, qui populis præsit, creare: (utrumque enim, in Rege requirendum) hoc potest ferri, unum Suecum Principem, cum tot, tantos, competitores regni habeat, tot Christianæ reipublicæ lumina verius, facilem deliberationem efficere Polonis comitia de Rege creando, habentibus? Video in, quem lubricum locum inciderim, veri studio, & fidei meæ cui debeo probandæ, pro-  
vectus. Hoc laudare est, an per turpem assentationem, agnoscentem non suas laudes evertere, ac spoliare domesticis suis? magno quidem consensu omnes hoc ferunt, qui Sueci Principis studiosi habentur; præter alias regias virtutes, quæ in illo tum à  
natura



vero in hac enumeratione peccata? Incipit à generis nobilitate, quæ non est primo loco Polonis spectanda in eo, quem sibi delignant Regem. Quot enim nati in summis imperiis, non solum sunt à regia, sed à cœtu hominum arcendi? ille vere dignus tanto in terris honore, qui cum multa debeat fortunæ ( non enim negamus nobilitatem in Rege futuro spectari oportere, modo cum ea sit conjuncta virtus ) plura tamen virtuti debeat. Jam illud minime è reconditiore arte, ut parem generis splendore, Suecum, tametsi nobilissimus sit, & regii generis, ab utroque parente Augustæ majestatis Principibus contendat. Erat certe adeo lubricus locus tanquam scopulus callido, & prudenti oratori vitandus. Poterat vero facillime, ubi tanto adolescenti, id quod vere poterat, regii sanguinis decus tribueret, quod est inter homines summum, majorum splendorem, partam illustribus in patriam meritis, magni animi, pietatis, fortitudinis laudem. Nunc cum efficit parem omnibus; cogit qui legunt, ( quod imprimis odiosum in omni contentione est ) Suecorum, & Austriacorum Principum regiam quasi in disquisitionem de re tanta vocare. Eui vero una est virtus, & sapientia, quæ inter reges facit discrimen, ut is sit maximus, & nobilissimus, qui justissimus, fortissimus, & sapientissimus

tissimus habeatur : quando hic tamen non à virtute , sed à generis splendore nobilitatem ducit ; cogimur inviti quidem , & contra atque scimus Austriacis Principibus probari , adeo fœdam assentationem refutare : hoc unum polliciti , nihil in nostra oratione aculei futurum , nihil morsus , unde appareat , nos tam fœda assentatione refutanda , studio aut odio duci . Quin illud vere possum affirmare , cum hoc tempore mulrus in regia sim , & sit mihi instituta amicitia necessitudo cum nonnullis Annæ reginæ ministris , atque iis quidem illius nominis perstudiosis , ex eorum prædicatione ; tantum me animi studium in hunc ipsum adolescentem concepisse , ut si voluntatem ingenii vires æquent , sim cum iis ipsis eo laudando certaturus , qui magis effusi in ejus laudes habentur . Sed hoc tamen mea religio , & fides requirit , ut cum illum veris suis laudibus ornare instituam , quæ in illo insignes atque illustres habentur , id quod paulo post agam minime iis falsas affingam . Est vero inter Reges , ( cum sua sponte tanti nominis majestas magna apud omnes gentes sit ) ut inter omnes ordines , quibus hominum societas constat , certa discriminis ratio , & quasi honorum gradus : ut si eodem coeant Reges multi ; sint in eodem confessu qui summum locum teneant , qui medium , qui infimum . Atque adeo , ut nulla cuiquam  
 relin-



relinquatur iusta occasio querendi. Neque enim æquum videtur, cum in distributione honorum & summus, & infimus gradus sit, ubi aut casu, aut hominum certo iudicio in imo gradu quis sit collocatus, queri, supra se positos alios in summo conspici, cum ipse in infimo hæreat. Sed ego ultro faveo regii generis adolescenti, quem, propter altam animi indolem, nihil causæ est, cur non esse quam amplissimum velim, & hanc illi tribuo animi moderationem, ut æquo animo ferat, ita se positum in excelsò gradu honoris, ut se tamen infra eos positum intelligat, quos magna virtus atq; hominum suffragia ad summum verticem Christiani Imperii evexerunt. Tametsi vero gentium omnium annales testantur, quantum sit Austriacæ familiæ decus, quanta amplitudo, quanta majestas, cui ita facile hic novus orator invenit parem: placet tamen paucis id ipsum commemorare, eorum causa qui sunt minus in rerum cognoscendarum studio versati. Neque vero, ut hoc assequar, eruenda nunc mihi erunt è regum tabulariis, aut è commentariis privatorum, monumenta gloriæ, quæ illustrem hanc familiam reddunt: mittam Rudolphum Cæsarem hujus nominis primum, qui ob magnitudinem rerum gestarum, & gloriam, est Magni cognomento honestatus: unum atque alterum Albertum,



adeptus imperium, in immensum auxit. Itaque & qui nunc regnat, Philippus Rex, nostra majorumque memoria, omnium Regum maximus, & potentissimus, nomen paterni avi, Gallis idem Regibus gentile, retinet; cum ejus ipsius avi Maria mater, in filio avi itidem paterni nomen instaurasset, qui Philippus Bonus cognomento est appellatus. Namque & hic ipse Philippus nomen deduxit ab avo Philippo Audaci, quod cognomen à fortitudine, & magnitudine animi traxit, magno prælio Johanni Regi patri victo ab Anglis, & ab omnibus in extremo vitæ discrimine deserto inter confertos, adolescens ferre opem ausus, Africani laudem, felici eventu servando patre, æmulatus. Nam & audaci inditum Philippo nomen à patre Johanne Rege in Philippi Valesii Regis memoriam, qui ejus pater fuit, & tribus patruelibus Philippi Regis liberis, cui pulchro cognomen fuit, in regnum successit, cum, nullis superstitibus liberis, decessissent. Quæ nobilitatis insignia cum æque pertineant ad Ferdinandi posteros, qui à paterna avia originem in Capetum refert, è cujus genere posteri etiamnum magna cum gloria in Gallia regnant; erit qui dubitet, non infra hujus familiæ amplitudinem aliquot in terris magnos etiam Reges, non Sue-

O o o ;

cum



stirii Cæsaris filia, qui idem, ut jam dictum est, etiam Ungarorum Rex fuit, felicissimam illam edidit prolem, quæ, quasi in feraci solo, longe lateque diffusis ramis, magnam, atque nobilissimam Christiani orbis partem affinitatis fœdere Jagellonis Regibus illigavit. Ex hac conjunctione oritur Uladislauus liberorum natus maximus, Ungarorum idem atque Bohemorum Rex; tres, qui deinceps in Polonia regnarunt, Johannes Albertus, qui patri successit, Alexander, qui fratri Alberto, & Sigismundus, qui Alexandro, ex cujus Catharina filia est natus Suecus Princeps, qui in avi materni memoriam Regis optimi, & præclarissime de patria meriti, Sigismundus est dictus. Hac quidem conjunctione innixus Succus Princeps petit regnum: sed ut majora tamen Poloni principes sibi spectanda censeant in eo, quem sibi deligant Regem; indolem regiam, excultum animum ingenuis artibus, & dignis magno Rege futuro, probitatem, pudorem, religionem, sapientiam; quæ in privata etiam fortuna hominem reddunt dignum regno: quarum virtutum cum, quantum illa ætas patitur, indicia certa, atque illustria multa Sigismundus ab ineunte ætate dederit; non video cur illi esset ad sanguinis conjunctionem confugiendum. Qua parte, ut me credere juvat, melius

O o o 4

quam













quam ille latius verissime illius laudes persequar. Nam de illius educatione, & vitæ primis quasi elementis vellem pluribus ea commemorasset, quæ nulla cum assentandi suspicione poterat; quanta cum sanctitate morum, pietate, constantia in sanctissima religione à Catharina matre regia educatus esset; cum, præter alias indignitates, acerbitatesque multas, carceris tenebras, squalorem, solitudinem perpessa, unum solatium in malis, erudiendo filio, monendo, confirmando in rectissimis vitæ institutis, & quæ natum Principem decerent, inveniret. Non enim dubitabo, etiam si non dissimulem meum in Austriacam familiam studium, ejus gloriæ æmulum in summi honoris petitione, veris laudibus ornare. Verissimæ vero sunt quæ illi ætati possunt recte tribui: quæ quidem ætas multa habet in spe posita magna, & præclara; nihil perfecti, atque absoluti potest habere: in nostris non præclare modo multa inchoata, quæ ab domestica disciplina, & castissima hauserunt; sed eadem etiam confirmata usu; ut si rector magni imperii sit deligendus, longe is præferendus videatur, cujus sit virtutis, & sapientiæ periculum factum gentibus, & populis regendis, ei de quo ita multa sperantur magna digna laude, ut æque multa possint vii venire, quæ



nam, felicitatem, decus, in una Christi<sup>“</sup>  
 cruce positam agnoscit; quam supra<sup>“</sup>  
 omnem rerum humanarum verticem col-<sup>“</sup>  
 locatam habet, habuit à primis suis annis<sup>“</sup>  
 semper, & quod sperandum est de tam<sup>“</sup>  
 forti, & constanti animo, est ad vitæ usque<sup>“</sup>  
 finem habitura, non minus illa quidem di-<sup>“</sup>  
 gna, cujus esset pater Carolus V. Impera-<sup>“</sup>  
 tor tantus, quam dignus ille, cujus eadem<sup>“</sup>  
 esset filia, omnibus titulis major, quos<sup>“</sup>  
 in unam hanc familiam coacervatos spe-<sup>“</sup>  
 rare humana felicitas possit. Tantæ ma-<sup>“</sup>  
 tris sanctitatem filia æmulata, magna<sup>“</sup>  
 cum omnium admiratione, Christianissi-<sup>“</sup>  
 ma olim Gallorum Regia, frustra summis<sup>“</sup>  
 terrarum orbis Regibus illius nuptias am-<sup>“</sup>  
 bientibus, ita, abjecto regio fastu, inter<sup>“</sup>  
 sacras virgines vitam agit, ut non jam<sup>“</sup>  
 illa sibi, sed uni Christo vivere videatur:<sup>“</sup>  
 nata Dei immortalis æterno consilio, ut<sup>“</sup>  
 gentes populique nobilissimi haberent in<sup>“</sup>  
 altissimo fortunæ fastigio; unde exempla<sup>“</sup>  
 clarissima peterent ad animos, ad pieta-<sup>“</sup>  
 tem, justitiam, religionem conformandos,<sup>“</sup>  
 Quantæ porro virtutis est, in excelso gra-<sup>“</sup>  
 du honoris, retinere demissionem illam<sup>“</sup>  
 animi, quæ tantopere in Christiana scemi-<sup>“</sup>  
 na laudatur, non fracti mœrore ex adversis<sup>“</sup>  
 rebus, non abjecti desperatione salutis,<sup>“</sup>  
 sed ultro demittentis se in laudabilem il-<sup>“</sup>  
 lam



fiducia tam Augusto Principe: ita inquam, & hunc ipsum ornant, & dignos illo fratres majorum decora; ut è domesticis suis ornamentis, justitia, fortitudine, constantia, animi magnitudine, malint sese æstimari, ita assueti majorum monumenta admirari, ut, nisi à posteris, in virtutis contentione superentur, de eorum laudibus detrahi credant, quibus esse ornamento debuerunt. Ad quam animorum moderationem cum accedat, usus, atque ætas, & tractatio rerum maximarum; haud vereamur novi hujus oratoris censuram subire: qui cum videat haud se posse hunc quasi scopulum effugere; sperat nos irridendo, qui tantum ætati tribuamus, ea refellere, quæ sunt à nobis in hanc sententiam dicta, in eadem oratione, quam de Ernesti Principis laudibus edidimus. Neque ego vero, ut docerem quantopere esset ab ætate cavendum in mandandis summis imperiis, tum sacrarum literarum auctoritate sum usus, id quod poteram; in quibus iratus Deus contumaci populo minatur, Principes se illis pueros, atque effæminatos daturum, sublati grandioribus natu, qui prudentia, consilio, eloquentia excellant. Itaque Hieronymus in hujus loci explicatione, Qui seniore, inquit, perdiderunt. qualem superior sermo monstravit, qualis & Abrahamus primus appellatus est; recte accipiunt

P p p

Princi-





inquit, amissis quando est recte, atque affabre facta, ea quibus applicatur bene, dirigit: ita qui imperat, ubi primum (præscripta sibi recta vivendi norma) didicerit imperare, & animum recte instituire, moresque ad honestatem conformare; recte parentes suo imperio atque ordine reget. Non enim est currere in cursu prolabentis, aut componere alios, qui ipse moribus incompositis est, aut qui non novit parere, imperare. Id vero divinitus Epictetus, ut alia omnia, qui non ex Philosophorum scholis, sed è cælo creditur præcepta sapientiæ hausisse. Ut enim, inquit, si constituisses navem gubernare, tibi omnino statueres navigandi scientiam discendam: ita civitatem recturus, discito prius scientiam regendi populos. Hæc Epictetus: cum si fidem haberi oporteat, dicendum est, eos longe, falli, qui credunt, viginti annos natum adolescentem, tuto posse ad regni gubernacula accedere. Et audes, nos, Luca, tanquam novi aliquid in nostra oratione,prehenderis, quasi majestatis reos accusare, regno maturam ætatem in Rege requirentes? Quid vero est quod ais? tanquam magnum sit à nobis admissum scelus; atque ultimo supplicio expiandum; *Usum* inquis, & nature vim requirunt hi nostri Catones in nostro candidato: quo supercilio, qua fronte? Eo ætatis

Ppp 2      pervenit,

*pervenit, ut multa viderit, audierit, legerit, didicerit.* Bene vertat, enimvero, Luca. Quod nos Catones appelles, omen agnoscimus, &, quod tu in contumeliam, nobis in laudem vertimus. Quod sit nostrum supercilium requiris, quæ frons, satis tu quidem in nos contumeliose. Qui cum neminem nostra oratione perstrinxerimus, neminem appellaverimus paulo inclementiore verbo, prosecuti sumus insigni verborum honore, omnes, qui cum nostris regnum petunt, Suecum imprimis, in quem nos vis contumeliosos videri; cur ita abs te superbe compellamur? præsertim cum multo mihi iustius hoc de te liceat queri? Quid vero est quod ego suadeo tota illa mea oratione? Habentur comitia de Rege creando, qua una in re agitur multarum gentium & populorum salus: ut verisimile sit, Polonos, cum multi apud se regni candidati present, in eum maxime inclinatuos, cujus petitionem plures, atque insigniores virtutes commendent, ut credatur dignus, quem regno administrando præficient. Cum vero hoc divinitus acciderit, ut è competitoribus regni sint alii, quos spes sit, ubi maturior ætas accedat, magnos Reges futuros; alii qui insignis virtutis non specimen modo dederint, sed clarissima etiam documenta, ut non credantur regno pares; quid

quid eum facere oportuit, qui Ernestum Principem regni candidatum laudarit? nonne cum ostendisset, nemine inferiorem esse ulla virtute, quæ esset in Rege conspicienda; ætate, & regnandi usu esse superiorem ostenderet, quæ cum in aliis fere desiderarentur, ei minime dubiam Polonorum suffragationem efficerent, in quo conspicerentur? Quis nostrum vero impudentior? tu ne qui XX. atque alterum annum natum adolescentem, multa vidisse ais, multa audisse, legisse, multa, didicisse, cum domo pedem nunquam extulerit; an ego qui nego esse æque aptum regno adolescentem, quamvis ejus eximia indoles ad virtutem sit; atque eum qui magnos jam processus ad virtutem fecerit; cujus regnantis multos jam annos sit, probata gravitas, constantia, justitia, sapientia? Magnam laudem impertit adolescenti, qui in eo tantum roboris esse contendat, ut ad excolendas virtutes, quarum semina à natura jacta habet, adversus ætatis vitia, & cupiditatum, & libidinum æstum illi sufficient vires. Quod ita quidem tribuimus Principi Suecorum, ut speremus, ubi maturitas accesserit, aliquando ex iis virtutibus, quibus, hac prima sua ætate, floret, uberes fructus suos relatueros. Quæ illius laus quanquam tanta sit; longe tamen illi eum præferendum censemus, cujus virtutis jam

pridem sunt magni atque opimi fructus re-  
 lati. Nam cum de Rege deligendo agitur, tur-  
 pe, & præposterum est, eum asciscere ad re-  
 gnum, qui regnando dilcat regnare, magno  
 populorum incommodo, qui perfectam, atq;  
 absolutam artem, & scientiam regnandi, in  
 eo cujus pareant imperio, non spem requi-  
 runt. Ita ego vero præfero probatam vir-  
 tutem speratæ, & nondum adultæ: ut te-  
 fles meæ fidei locupletes producere possim  
 innumerabiles Ungaros, Austrios, Silesios,  
 Moravos, quibus per decem annorum  
 spatium Princeps Ernestus suam sapientiam,  
 fidem, religionem republica administranda  
 probavit. Laudanda quidem est virtus ubi-  
 cunque conspiciatur, nedum in adolescente  
 in clarissima regîa nato, & de cujus virtute  
 spes eximia sit: sed ita, ut à turpi assenta-  
 tione distinguatur vera laus. Quis vero  
 non videat, eum, per assentandi licentiam,  
 aucupari gratiam regii adolescentis, & quem  
 sperat Regem futurum; qui tanquam de  
 Ulyssæ agat, *Qui mores hominum multorum ve-*  
*dit, & urbes,* & propterea sapientissimus ha-  
 bitus est, ita ait, multa eum vidisse, audisse,  
 legisse, didicisse, ut futurus par videri pos-  
 sit regio muneri obeundo, qui, ut plurimum  
 quis illi tribuat, vix attingit XXII. annum?  
 Certe allata illius effigies Varsaviam, ut in eo  
 amabiles mores, & vere regium animum oris  
 linea-

lineamenta ; ita impuberem genæ , ne prima quidem adhuc lanugine vestita , ostendunt. Neque vero Ulysses domi sedendo, sed terras, & maria lustrando, belli, pacis munera obeundo, multa adversa perferendo, insidias vitando, illecebras, & voluptates omnes magnitudine animi superando, hoc promeritus est, ut à poëta sapientissimo πολύτροπος dicitur, qui multa viderit, observarit, cognorit. Ex eodem fonte illa hausta, quæ sequuntur, *Maximam illum regni partem sapientissime gubernasse, leges rogasse, controversias judicasse, animos impetisque hominum singulari moderatione mitigasse.* Paulo ante nobis in Sueco Principe Ulysses, nunc Regem eundem, Legislatorem, Solonem, Lycurgum, Numam representas. Omitto ego vero in præsentia illud, *legem rogare*, quasi Suecorum Reges, ut olim Romæ tribuni plebis, cum leges scribunt, populum rogent, velint, jubent, seiscant, unde sunt rogationes & plebiscita. ( Non enim ego quid dicis, sed quid dicere velis specto ) Quis æquo animo ferat, tam impudenter oratorem assentantem? Hoc ne speras te cuiquam persuasurum, imberbem adolescentem gubernasse maximam regni partem : neque gubernasse solum, sed sapientissime etiam gubernasse? At non multo ante dixeras, *Vidisse filium, patrem Regem sapientissimum, regnum am-*

Ppp 4

plissimum

*plissimum laudabiliter gubernantem*; ut, si te audiamus, patri filius sit nobis præferendus: filius enim sapientissime, pater Rex laudabiliter regnū gubernavit. Satis vero prolixè filium laudasses, si, id quod tribuis patri, laudabiliter illum dixisses gubernasse. Neq; vero me fugit, hoc apud magnos Reges & nunc esse in more, & semper fuisse, ut libros arcanis consiliis interesse vellent, recte illi quidem, ut quasi character, & certa quædam forma regnandi teneris eorum animis imprimeretur, futura aliquando populis salutaris, dum sapientes homines audirent de rebus gravissimis, & ad summam rempublicam pertinentibus disceptantes. Nam & illud solent facere, & quidem æque magna cum laude, ut filios adolescentes bellis gerendis, & provinciis cum imperio administrandis præficient, qui aliquando sunt regno potituri. Ita Augustus Drusum, & mox duos ex Agrippa natos, & Julia filia, Lucium, & Cajum, cum in Juliam familiam eos adoptasset, exercitibus præfecit, in Asiam altero, altero in Hispaniam misso. Atque alii deinceps alios, Augustum imitati; sed ita tamen ut eorum adolescentiam munirent virorum fortium, & sapientium consilio, quorum virtute partam gloriam speciosa adolescentium nomina, devictis hostibus, occupabant: nonnunquam vera virtus.

Nam

Nam Scipio qui Hannibalem devicit, dicitur patrem equo dejectum servasse, commisso ad Trebiam prælio, vix pueritiæ annos egreffus, & pugna illa memorabili ad Cannas servasse rempublicam à nobilibus adolescentibus proditam. Jam & L. Paulus gesturus adversus Perseum bellum, duos secum filios duxit: quorum alter in Fabiorum familiam, in Scipionum alter erat adoptatus: qui, bello tertio Punico magna cum gloria gesto, à capta Carthagine Africani cognomen traxit. Utinam vero ad ea quæ præclara à natura habet Suecus Princeps, æque excelleret usu, atque duo Africani excelluerunt: quem, ut probares in eo non desiderari, æquum erat, te quo loco specimen domesticæ virtutis dedisset, qua gerenda re, quo tempore, commemorare. Non enim continuo, ubi quid sit in Suecia gestum præclare, id permeans fama perfert ad exteras gentes. Equidem, non maledicendi studio, à quo animi morbo absum quam longissime, sed rei illustrandæ causâ, de qua agitur, non dubitabo id affirmare; ut quis plurimum Sueco faveat, atque magnum, regnum esse Sueciæ fateatur, & cujus longe lateque pateant fines; multas esse in Europa gentes, quibus ne in mentem quidem veniat, quodnam sit Suecorum regnum suspicari: nunquam certe creditum est, esse

P p p s

his





tur, ut iis sit à Sueco Principe decus petendum? At hæc ab eodem fonte, unde illa superiora, fluxerunt: prudentiam tantam esse, ut cum ætate sit adolescens, maturitatem, jam consenuisse videatur. Hæc vero modo laus ejus? imo, præ ea quæ sequitur, contemnenda. *Itaque, inquit, non ipsa diversa jam, & decrepita ætas, ut cum Augustum, tanquam oraculum aliquod hunc adolescentem admirari solet. Quid in his prius mirer? rerum ac verborum portenta? equidem teneo quid ætas, quid diversa sit: quid decrepita ætas vix teneam, nisi decrepita addas: cujus ætatis quanti sit judicium faciendum iple videris. Nam hoc verbum, quantum mihi licuit observare, semper in vitio est: decrepita anus, decrepitus senex, quem vix mens infirma, atq; imbecilla tuetur. Nam etiam si non semper, sæpius tamen hoc accidit, ut exacta jam & decrepita ætas in puerilem recurat, deficientibus cum animi, tum corporis viribus: quæ ætas (si te, Luca, audimus) tanquam oraculum aliquod principem adolescentem miratur, non magna quidem cum illius laude. Nosti enim illud, his pueri senes. Sed quid illud, quod sequitur? Viri, nutum ejus summa religione prosequuntur. Quis ita loquitur? non te ego ad plagosum nescio quem Orbilius rejicio, (mitius tecum agam) sed ad veteres Latinæ linguæ auctores; ut dicas aliquando proprie,*



nam patris sapientiam, Christum Dei filium, servatorem hominum, quem eundem colimus, & veneramur in terris Deum? Ne expectes, ut tam sœdum assentationis genus, pro eo atque ejus turpitudine requirit, refutem: uno utar, propterea me ab eo desistere, quod quibus verbis tantum flagitium refellam, desperem me posse invenire. Quanti vero eos facis, qui ista legent? Putas quenquam tam rerum omnium imperitum futurum; adeo mente, sensu omni destitutum; ut cum in hunc locum incidat, non sibi abs te fieri insignem injuriam queratur? Tanquam enim ad pecudes, & muta simulachra verba facias, non ad homines præditos ratione, & mente? ita nullo rerum, nullo personarum discrimine, quicquid in buccam venit, temere fundis, non in imo pectore, sed in faucibus, vel in labiis potius natum. Usitatum ais, hac augendi, atque amplificandi licentia uti? Dignus ego vero sim, qui abjiciam stylum, quo me semper usum & moderate, & pudenter multa mea scripta docent: nisi sciam hoc permissum oratori, uti ea, de quibus institutam orationem habet, augeat, amplificet, minuat, elevet, ut visum est, pro suo judicio, & prudentia. Quod tamen cum illi concessero, de eo monere eundem scribentem non dubitabo; ita hoc sibi permittat, ut rerum, personarum, temporum



gat in Sicilia tota, tam locuplete, tam vetere provincia, tot oppidis, tot familiis, tam copiosis, ullum argenteum vas, ullum Corinthium, aut Deliacum fuisse: negat ullam gemmam, aut margaritam fuisse, aut quicquam ex auro, atque ebore factum, signum ullum, æneum, marmoreum, eburneum; ullam picturam, neque in tabulis, neque textilem fuisse; quin quæsierit, inspexerit, quod placitum sit, abstulerit. Ac quo majus hominis flagitium, fœdusque videatur, non criminis augendi causa, se ait omnia complecti: cum dicit nihil Verrem ejusmodi rerum in tota, provincia reliquisse, illud adjungit, velle se videri latine, non accusatorie loqui. Itaque illa continuo addit, *Nihil in ædibus cujusquam, ne in oppidis quidem; nihil in locis communibus, ne in fanis quidem; nihil apud Siculum, nihil apud civem Romanum; denique nihil quod oculos animumque accenderit, neq; privati, neq; publici, neq; profani, neq; sacri tota in Sicilia reliquisse.* Hac licentia facile patimur magnos oratores tum insignibus laudandis virtutibus, tum insignibus vituperandis vitiis uti: laudare eos non possumus, qui, nullo personarum delectu, onerant potius, quam ornant, quos laudant: onus enim, ut est apud Euripidem, viro sapienti est nimia laus, & bonis sunt odio præter modum sese laudantes. Quid vero putidius, quam quod nunc fere apud omnes est in more? qui  
nullum

nullum unquam specimen sapientiæ dede-  
 rint, nullum constantiæ, fortitudinis, nun-  
 quam campum, aciem, castra, districtū gladi-  
 um in hostem viderint, *Sapientissimos, Maximos, Fortissimos, Invictissimos* appellari? Equidem vi-  
 di nuper editam orationem de viri principis  
 laudibus nobilis illius quidem, sed multo in-  
 fra Regum fortunam positi, in qua non illum  
 magnis Regibus æquat, id quod ferri possit,  
 æquo animo; sed longe etiam præfert, stu-  
 dio assentandi profectus. Ita enim ait, *Libe-  
 ri patris, Hercules, Cyri, Alexandri, Caesaris, alio-  
 rum res gestas, qui sui nominis fama terrarum orbem  
 impleverunt, præ huius rebus gestis, tenebras esse hoc  
 inquam, utitur verbo, tenebras esse. Dignus ve-  
 ro, qui loris cæsus disceret laudare. Dignum  
 præmium tam impudenti assentatione. Et  
 credent qui ita laudantur, tanquam de se me-  
 ritis præclare, plurimum se huiusmodi lau-  
 datoribus debere? Quanto vero Alexander  
 Rex melius? qui cum inter navigandum,  
 operam Aristobulo dedisset legenti quæ de  
 rebus illius gestis memoriæ prodidisset, of-  
 fensus immani assentandi licentia, & iussit  
 suos arrepta scripta de manu legentis in am-  
 nem abjicere, &, *Faceffe tu vero, inquit dignus qui  
 cum tuis scriptis pessum eas, qui me inaucis uno idu  
 brachii, elephantum conficientem. Operæ pretium  
 vero est, magne orator, inspicere, quam mea  
 ratio in laudando Sueco Principe differat à  
 tua:**

tua: Tu orbis decus appellas, non sine illius invidia, quem laudas, atque adeo tua: ego *magnum regni decus, futurum columen patriæ, ubi accedat ætas, magne virtutis, divine indolis adolescentem.* Quæ omnia etiam si nunc in spe sunt; sunt tamen in spe minime dubia; si vera de ea modo fama refert, id quod facile patior mihi persuaderi; ut qui ita laudet procul ab assentandi suspitione abesse videatur. Velim equidem semper, in prædicanda virorum principum gloria, aliquid supersit, quo ad summam virtutem contento studio provectum (id quod non optamus modo, sed speramus etiam de Sueco Principe) pro suo merito laudent: Sed laudent ii tamen, qui & calleant laudandi artem, & procul absint à tam fædo morbo animi, quo multi tenentur; qui ita habent laudes venales, ut perdant quos laudent. Neque vero illi deerunt è Suecorum regia illustria ad virtutem exempla: in his Gustavi illius regis nobilitatis adolescentis, qui, Christierno Danorum Rege ejecto, post cladem illam Holmenfis illatam, qua nihil unquam in terris sol vidit immanius, crudelius, truculentius; patriam durissimo servitutis jugo liberavit: cujus tanti facinoris merito in omni hominum posteritate memorabilis, dignum præmium ingenti virtute, retulit regnum. Ea vero eximia laudandi ratio, quæ non à scri-

Qqq

bentis





qui ab adolescentia statuunt etiam atque etiam cavendum, & Scipionem, Alexandrum, Pompejum in medium affert, qui admodum adolescentes patriæ fuerunt salutis, & res gesserunt immortalitate dignas. Quo loco si id respondeam, quod possum: Nunquam fraudi fuisse cuiquam æquo cavere, iis rebus præsertim procurandis, quibus de populorum multorum, & gentium salute ageretur: sæpe fuisse fraudi, cavisse parum; ne hiscere quidem audeat. Atque, ut libere dicam quod sentio, & quod ratio suadet; ut magna fuit impertienda Scipioni laus, qui comitiis populi de proconsule Hispaniæ creando, nomen profiteri est ausus, nemine qui peteret prodeunte, ex tot belli ducibus, quorum virtute tum res Romana stetit: ita poterat videri temere fecisse populus Romanus, si Maxime, Fulvio, Marcello, cum Scipione petentibus, adolescentem maximis natu hominibus, & quorum erat virtus multis ab illis partis victoriis, multis de hostibus triumphis actis testata, prætulissent. Quanquam nonnulla in Scipione fuerunt, quæ ne in Sueco Principe esse possint, varii casus, atque alia tempora, ut etiam in eo esset Scipionis, Pompeji, Alexandri indoles, effecerunt. Pueritiæ rudimentum Scipio posuit in patris castris, cum adversus Hannibalem consul

Qq q 2.

rem

rem gereret: & ad Cannas, ut jam diximus, nobiles adolescentes de Italia deferenda consilia agitantes, cujus spem deploratam habebant, districto in eos gladio, qui, non secum jurarent, rempublicam se non deserturos, à tam fœdo consilio, atque indigno nomine Romano revocavit. Nam & Pompejus magnas res gessit, vix egressus pueritiæ annos prius Imperator, quam miles: & Alexander puer adhuc non obscura signa ingentis virtutis, atque animi dedit, ut spes esset, aliquando eum, qui postea fuit, evasurum. Nam quod de genere affert; non semper fortes, creantur fortibus. Quid enim Caligula præ se tulit, ut appareret, Germanico patre natum delicias non solum populi Romani, sed gentium omnium quibus præfuit militari imperio? quid Domitianus, ut Vespasianum patrem, Titum fratrem referret? Quid Commodus, ut M. Antonium sapientissimum, ac fortissimum imperatorem? Nam à genere Nero insita vitia Domitiæ gentis retulit, superbiam, & crudelitatem: si quæ bona inessent, ita retulit ad tempus, ut simul à moribus, & à se ipse deficeret, cum per quinque annos priores egregie imperium administrasset. Ac de his quidem satis: quibus si unum addidero, (non enim nostrum consilium est, ad omnia huic

huic nostro Aristarcho respondere ) finem scribendi faciam. Pergis multa de Jagellonæ gentis laudibus commemorare: quasi unius Sueci decus sit, natum ex ea gente esse. Quia in re quantopere fallaris, jam à nobis demonstratum est. Etsi vero tanta majestas sit Austriacæ domus, ut ex illius laudibus multum in eos redundet, qui sunt cum illa sanguinis necessitudine conjuncti; cur minus liceat Ferdinando, & Carolo fratribus Austriis gloriari se natos ex Anna Jagellona Ladislai Regis filia; cur Maximiliani liberis horum fratris; quam ex Catharina Jagellona Sigismundi filia nato Sueco? Quantum vero hoc vitium in oratore? tibi iūmis quod tibi cum adversariis commune est? Qui quidem, si valere debeat iudicium patris n collocanda filia, intelliges, quantum ad Polonorum conjunctionem pertineat, Jagellona familia esse multo Austriacam superiorem. Nam Ludovicus Andegavenfis Rex natus ex Magni Casimiri sorore, & in familiam adoptatus, Hedwigem filiam, quæ postea invitata Jagellono nupsit, Gulielmo Austria Duci desponderat. Neque hoc ille quidem sine certa ratione & consilio. Videbat enim sapientissimus Rex, & duorum maximorum regnorum potens, quantum virium, & roboris ad Polonorum regnum

Q q q ;      esset



ipse est, conjunctos? Nam si posteris gloriantum est, ut paulo ante diximus, majorum laudibus; adeo ne est Polonus in patria sua peregrinus, ut ignoret, Ferdinandum, & Carolum fratres adhuc viventes è matre Jagellona natos? Maximilianum, Matthiam, Ernestum Maximiliani Cæsaris liberos aviam eandem, quam illi matrem agnoscere? Sed ne Suecus hac parte plus æquo sollicitus sit, non facient tantæ majestatis Principes, ut velle crescere videantur per Jagellonæ familiæ decora; quasi parum domi niteant majorum titulis, atque imaginibus, qui ingentem gloriam partam maximis rebus in summo Christiani orbis imperio gerendis, posteris hæreditate adeundam reliquerunt. Nam ut, minime pœnitet materni generis duos fratres; aviti, Maximiliani liberos, cujus generis clarissimi Reges, Polonis, Ungaris, Bohemis imperarunt: ita contenti iis gloriæ monumentis, quæ propria Austriacæ familiæ sunt; facile patiuntur, hoc judicium penes Polonos esse, quorum permagni interesse credit, hæc non ignorare, plus ne debeat Austriaca familia Jagellonæ, an Jagellona Austriacæ, affinitatis vinculo conjuncta. Multo illa vero erat, major, & solidior laus, quam ego memini me in eadem illa oratione, qua Ernestum



apud Polonos Narvæ mentio fieri, & non continuo ita credi, fore, ut ejus rei memoria in eorum animis recrudesceret, quæ tum illos à Sueco Regem maxime alienasset, cujus Principi filio tum erant Polonorum, studia concilianda? Præclarum vero beneficii genus, quod ut beneficium sit, maleficium antecedere, atque injuriam oporteat: & quidem quam idem inferat, qui vult auctor beneficii haberi? ut si quis dicat, se ei benigne facere, quem à se lethali vulnere affectum, sanandum curat. Aliud enim bene mereri est; aliud officio sarcire injuriam. Neque vero Suecus Rex, cum polliceretur se interceptam Narvam restitutum, in eo bene de Polonis est meritus; sed injuria ablatam restituit: si id modo restituere est, & non pretium regni liceri, Polonis minime regnum auctiorantibus. Quid autem aliud est dare, quod ademeris, injuria præsertim: quam, id quod monstri & portenti simile est, per summam injuriam quærere libertatis, & magnificentia laudem? Atque nunc ego non ex meo, sed ex Polonorum sensu loquor, qui ex intercepta Narva insignem sibi illatam injuriam queruntur. Prohibeat vero Deus, ut de magnis regibus secus ac debeo statuam: in quorum nominis majestate, qui non agnoscit præsentem Deum; is

Q q q 5                      neque





*oratori nocuisse videri cause, quam non profuisse.* Nam & paulo infra, in Crassi oratoris persona, referente Cæsare, improbi esse hominis ait, & perfidiosi, dicere quod alienum esset, & noceret ei, pro quo quisque diceret. Sed non hæc modo in tua oratione vulnera, quæ ejus, quem tueris causam jugulent; apud Polonos prensantem mentionem Narvæ facere, quam quidem, Poloni queruntur sibi à Sueco Rege per summam injuriam ereptam; jactare magna inde Polonis speranda commoda grandibus, & magnificis verbis; tanti Regis adeo prolixum, & propensum in Polonos animum exaggerare, laudibus tollere in cælum: quid quæ, bello Rege fortissimo perfuncto acciderunt, quorum memoriam quam alto silentio obrui oportebat, per eandem Narvæ mentionem in Polonorum animis refricas? Per similis vero est adeo importuna jactatio Livii illius arcis Tarentinæ præfecti: qui cum jactaret, non potuisse urbem à Fabio recipi, ni ipse arcem retinuisset, *Recte*, inquit Fabius: *nisi enim urbem Livius amisisset, non poterat Fabius recipere.* Itidem vero Suecus jactat suam in Polonos liberalitatem: qua non poterat uti; nisi per injuriam sibi aditum ad beneficium, aperuisset, & dono daret quam dolo & vi eripuisset. Sed quid illud, inquam, mis-

fos

fos legatos à Stephano Rege sui ordinis ho-  
 mines honestissimos res repetitum, super-  
 be, & contumeliose contemptos, abjectos,  
 vix quos admitteret ad colloquium dignos  
 habitos? Nonne hoc suspicari hæc scriben-  
 tem æquum erat, memores Polonos in  
 Stephani Regis imminutæ Polonorum Re-  
 gis majestatis, Sueci filio regnum petenti,  
 refragaturos? Quanta vero injuria sit in  
 civitatum, & Regum legatis jus gentium  
 violatum, docet iūmmus orator in eadem  
 oratione, quam pro lege Manilia habuit,  
 cujus verba hic adscribi placet: *Sed pro vestri  
 imperii dignitate, atq; gloria, inquit quoniam is est  
 exorsus orationis mea, videte quem vobis animum su-  
 scipiendum putetis. Majores vestri sæpe mercatori-  
 bus ac naviculatoribus injuriosus tractats, bella  
 gesserunt: vos tot civium Romanorum millibus,  
 uno nuncio, atque uno tempore necatis, quo tan-  
 dem animo esse debetis? Legati quod erant appel-  
 lati superbius, Corinthum patres vestri totius Græcie  
 lumen extinctum esse voluerunt. Vos cum Regem  
 inultum esse patieminis, qui legatum populi Roma-  
 ni consularem, vinculis ac verberibus, atque  
 omni supplicio excruciatum necavit? In re cla-  
 rissima, atque multis testata verborum, qui  
 non sunt me mentiri passuri: in his illi  
 ipsi ad affinem Regem missi à Stephano  
 Rege legati, cum ille quidem & suæ di-  
 gnitatis esse existimasset, non negligi ma-  
 gnam*

gnam sibi illatam injuriam ; & habendam simul rationem suæ humanitatis, ut per legatos, si quid esset ortum controversiæ, cum Rege sibi conjuncto arctæ affinitatis vinculo, jure potius, quam armis disceptaret. Cujus Regis sapientissimi, & fortissimi viva imago si vestris mentibus, Poloni, observatur ; si viget memoria rerum gestarum ; quanta integritate, fide, sapientia apud vos omnia munera implevit justi, ac legitimi imperii, domi jus dicendo, populos regendo, fas, jus, religionē colendo, foris regendo, longe lateque imperii fines propagando ; vere habetis propositum exemplar, non omnis sapientiæ, quod uni convenit Deo, mundi ac rerum omnium rectori : sed earum vitutum, quibus qui innituntur, digni habentur, qui è privata etiam domo, ad regnum hominum suffragiis evehantur. Quantus vero est Rex futurus, quem ex Stephani Regis quasi forma, & vivo exemplari Poloni sibi sufficient in demortui locum ; Quanta in illo animi ornamenta, & quam illustria oportet spectentur ? Sapientia quidem in eo tanta fuit, quantam requirit maximum, atque amplissimum in terris munus regendi populos, atque in officio continendi : justitia par, tum  
ad



gratias agatis , qui vobis Regem dede-  
 rit Christiani orbis decus , atque insigne  
 ornamentum ; sanctitatis , justitiæ , sa-  
 pientiæ , regiarum virtutum omnium il-  
 lustre exemplar agnoscatis. Eos popu-  
 los quibus hujusmodi Reges contingant,  
 esse quam beatissimos : Pro sua in vos  
 egregia voluntate , atque indulgentia ,  
 vos hortari , ne vos transversos agi pa-  
 tiamini cujusquam oratione , qui aut odium  
 aut animi studium speciosa ostentatione  
 pietatis erga patriam occultant , non reipub-  
 licæ sed privatarum simultatum memores :  
 quas qui non patriæ condonant , non illi ci-  
 ves , sed patriæ hostes sunt habendi.  
 Jam sæpe esse periculum factum , quot,  
 quantaque mala sint ab adolescentia ti-  
 menda : cujus rei exempla innumerabi-  
 lia afferri in medium possint , cum in  
 aliis , tum in hoc ipso Polonorum regno.  
 Non esse spectandos solum qui petant  
 regnum ; quam nobili genere ; qua glo-  
 ria majorum , quo familiæ splendore , ma-  
 jestate , eorum petitio innitatur ; sed qui-  
 bus præsidiiis septi ac muniti petant ,  
 animi , ingenii usus : quæ magna regna  
 administrantibus esse prima æquum est.  
 Hæc quæ , si fari possit , sit vobis Ste-  
 phanus Rex dicturus , solutus mortali-  
 tatis


992. IN OR. DE SUECI PR. LAUD.

„tatis vinculis , cujus virtutis , & sapien-  
„tiae memoria nunquam est apud vos in-  
„teritura, ut vobis veniat in mentem hoc  
„vestro adeo necessario tempore cogitare;  
„Deum immortalem regnorum omnium  
„in terris moderatorem etiam atque  
„etiam rogo.



APPEN-





# APPENDIX EPISTOLARUM.

*Quæ aut*

Editione Cracoviensi non continentur, aut  
nunc demum in lucem  
prodeunt.

Ad Julium Revereum Feltrium  
Sancti Petri ad vincula Cardinalem amplif-  
simum Joh. Mich. Bruti in tres libros  
epistolarum,

## PRÆFATIO.

**I**N omni vitæ munere fungendo cum  
multa nobis à natura , & gravissima  
imposita sint , magna quidem est illi  
proposita laus , qui rectè eo fungi &  
præclare potest. Sive autem is magno  
in imperio positus ex sua dignitate ,  
& fide rempublicam administrando , leges  
populis & jura describit : sive idem in rei  
domesticæ procuratione ad honesta studia

R r r

liberos

liberos instituendo , alacri & læto animo magistratum legitimè gerenti paret , cum in eo , qui imperat , & in eo , qui imperata facit , commendatio officii , moderatio- nisque sit : maxima illi laus atque amplif- sima debetur. Una enim est ratio vitæ hominum tuendæ necessaria maximè , ut , qua quisque in arte præstat , etiamsi minus illa honesta hominum opinione & præcla- ra , ea , quoad ejus fieri potest , esse usui & præsidio omnibus velit , qui illa videan- tur indigere. Etsi autem multa à nobis de- siderantur in vita agenda , quæ cum sordi- da admodum atque illiberalia sint , non ita æquo animo obire liberi homines possunt : at nihil tamen ea res habet , si quis illam , magis ad communis vitæ usum quam ad su- am rationem æstimare velit , quare sibi fieri injuriam querantur. Ita porrò esse statu- endum videtur , nihil homine esse indignum , etiamsi ea in re plerique inducti ambitio- ne & cupiditate falluntur , quod sit idem homini ad honestè & cum laude vivendum necessarium. Naturæ vero instituto quod quidem fortuna pervertit sæpissime temeri- tate summa & inconstantia , ne quid nobis desit , quò minus honestè à nobis vita & li- beraliter traducatur , & ad magna gerenda imperia apti homines , & ad vitæ munia obeunda , quæ sordida sunt , quotidie plu-  
rimi



rimi nascuntur. Sed fit fortunæ injuria (præposterè quidem, ac magno totius generis humani incommodo) ut qui magnitudine ingenii atque animi præstantia excellentes, quò illos natura impellit, ad magnas gerendas res studio & cupiditate efferrantur, eorum imperio pareant, qui, si in eunda vitæ ratione naturam ducem lequantur, vix videantur digni esse, quorum opera homines aut fodiendo agro, aut sylva cædenda, aut purganda area everrendaque utantur. Quæ tamen susceptæ ab illis partes, & si quæ sunt aliæ, quæ esse tenuiorum atque infimorum putantur, suam laudem haberent, & quidem longè maximam: si cum eas agerent, studio perficerent atque animi alacritate ut non sui magis, quam aliorum causa illas præstare, atque adeo volentes libentesque viderentur. Neque enim, quid illud sit modo, quod homines agant, spectandum est, sed quem finem etiam sequantur in agendo: ut si reipublicæ moderator, legibus quamvis optimis condendis, studio laudis & gloriæ ducatur: qui agrum colit, imperanti naturæ parens, ex illius instituto sanctissimo sibi hominum commodis serviendum putet, longe is videatur moderatori civitatis quamquam ejus est munus inter homines honestissimum, præferendus. Hæc me una,

res, cum ego nunquam mihi sumptissem, ut magnis gerendis rebus, id quod minimè mihi per meam fortunam liceret, vitæ hominum consularem, in magnam spem tamen erexit, fore, ut si quid mihi natura tribuisset, quod studio à me, atque industria elaboratum in communem usum, omnium conferrem, in eo ipso repræsentando fructus mihi mei officii maximus constaret. Itaque aut scribendo ipse aliquid, id quod nunquam facere intermitto (quam ego id recte, alii viderint) aut quæ docti homines scripserunt, proferendo in lucem, quæ præclara eadem, atque elegantioris doctrinæ, & reconditoris referta, studiosis hominibus voluptati esse, & præsidio ad vivendum possint: enitor, quantum in me est, ne quando jure videantur hoc à me officium desiderare. Ita, autem me à prima mea ætate comparavi, ut quamdiu meminissem me natum hominem esse, tam diu intelligerem me illis omnia debere, quorum causa me hominem natura finxisset. Atque eo nunc consilio à me eduntur eruditæ epistolæ clarorum hominum tribus à me libris comprehensæ, quibus me duas res assequi spero, cuivis imprimis in studio literarum expetendas. Nam cum disertæ maxime, & luculentæ sint, studiosis eloquentiæ hominibus exempla cumula-

cumulate ad bene atque eleganter scribendum suppeditabunt : eruditione & doctrina, quæ multiplex in iis, variaque est, ad informandum animum cogitationibus optimis adjumento erunt. Cum enim à veteribus viris doctissimis, atque eloquentissimis epistolæ permultæ scriptæ ad nos pervenissent, ex quarum imitatione, quicunque huic scribendi generi dediti essent, plurimum proficerent : iisdem autem præcepta doctrinæ peti ab eruditis hominibus liceret, atque excellenti ingenio præditis, sed qui fere hunc cultum, atque ornatum orationis neglexissent, cujus studio tenentur, : illud nobis agendum fuit, utrumque ut eadem opera amplecteremur iis epistolis selectis, in quibus præter orationis nitorem, atque ellegantiam, abstrusæ res permultæ & reconditæ explicarentur, quarum esset cognitio pulcherrima. Ita autem nobis persuasum erat, ubi in horum altero modo nostrum studium operaque constitisset, parum illis emolumentum atque utilitatis accessurum. Enim vero cum in hac re visi sumus, satis nostro officio fecisse, id quod libero homini omnium esse antiquissimum debet : tum vero illud consecuti sumus, ut cum tuo nomini maximo atque amplissimo inscriptæ epistolæ in publicum proponerentur, præclarum nostri in te studii,

Rrr 3

atque

atque observantiæ documentum ad posteritatem constitueretur. Devinxit autem me tibi summo homini non quidem, quæ maxima est, majorum tuorum nobilitas, non parentis tui optimi Principis, atque Imperatoris clarissimi, magnis gerendis rebus, gloria summa parta & laus, non denique hæc tanta dignitas, quæ nonnunquam gratiæ magis quam veræ virtuti patet; sed excellens tua virtus, literarum studium, atque omnis politioris doctrinæ, propensio in doctos homines, cætera ornamenta maxima, quæ ita sunt propria Feltriæ domus, ut cum una semper in Italia maximè hospitio illustrium virorum floruerit: ex ea fere quicunque aut nostra, aut patrum memoria, literarum, aut militiæ commendatione sunt famam hominum & nomen consecuti, & profecti simul, & profecti ad summos honores amplissimasque dignitates, magna quidem cum laude Majorum tuorum summorum hominum, dicantur. Viget autem hæc fama non jam apud nostros homines solum, sed etiam apud exterarum nationes omnes, unam esse in Italia Principum Urbinatum domum, ex qua quidem, tanquam fonte, & seminario virtutum, atque optimarum artium omnium exempla, petantur ad eas res omnes singularia, in quibus qui versantur, & studiosi maxime hone-



honestatis , & appetentes laudis & gloriæ evadant. Quæ omnia quidem cum tanta sint , ut etiam cætera absint , quæ magis imperiti homines admirantur , satis faciunt , fidem , delatum tibi admodum adolescenti summum honorem , non fortunæ , aut nobilitati majorum habitum , sed pudori , probitati , religioni , clarissimis tuis & maximis virtutibus , fuisse. Incensum autem me , studio tuarum laudum , ut eas testificatione illustri celebrandas mihi , ornandasque statuerem ( id quod ego meis viribus diffusus , de me nunquam ausus essem polliceri ) movit Albericus Cibo nobilissimus Princeps Elisabethæ sororis tuæ vir , amplissimæ atque lectissimæ fœminæ : cujus ego auctoritati non obtemperare , minime sine gravi scelere potuissem. Cum autem tanti ejus auctoritas , apud me sit , quanti esse illius debet , cujus sunt magna in me beneficia , & merita , virtus , magnitudo animi , liberalibus digna iis laudibus , quibus illum docti homines in cœlum ferunt , quos sibi omni genere liberalitatis & munificentia devinxit : facile perficit , ut pudori meo quasi vim afferrem , viresque ingenii in re multo quidem iis majore , gravioreque auderem periclitari. Atque , ne hæc una modo accessio esset , Elisabetha Princeps verentem adhuc me , ne genere officii merito sæpe potenti-

bus hominibus suspecto, & invito aucupari magis tuam gratiam, quam servire tuæ gloriæ, parum certè pudoris mei habere, rationem, & constantiæ viderer, auctoritate summa erexit, & confirmavit sua. Nam præter maximarum virtutum omnium insignia clarissima & ornamenta, quibus exulta in sanctissima, & castissima domo, omnes facile in sui admirationem trahit: perpetuo quodam studio & præclaro de me optime merendi, si qua est reliqua in me facultas referendæ gratiæ, quod minime equidem agnosco, jure à me optimo repetere omnia videtur, quæ debita à me summæ virtuti præstari ut cunque eidem ornandæ atque illustrandæ possunt. Ac qua una in re maxime ego à suscepto consilio deterrebar, in ea mihi magnopere fortuna favit. Cum enim hæc tuo nomini inscripta edere in lucem constituissem: in explicanda consilii mei ratione, neminem sum arbitratus ita mihi iniquum futurum, quin illi, ubi intelligeret, quem ego hominem iis edendis mihi patronum delegissem, facillimè hoc ipsum meum consilium probarem. Nam si quis mihi diligendus erat, cujus esset, nobilitas summa, familiæ splendor atque amplitudo, gratia, opes, dignitas, his omnibus major & præstantior virtus: nemo erat quidem futurus, ut delectus etiam inter

ter paucos haberetur, quem tibi in hac laudis contentione tanta anteferrem. Illud autem assequutus es, studio quodam virtutis singulari (quod plurimi quidem faciendum est, & assequuntur admodum pauci) ut cum quis tuas res efferat laudibus is potius majora prædicatione sua, quam re afferre, quæ me res planè vindicat ab omni assentandi suspicione, videatur. Etenim, cum omnia à fortuna habeas, quæ esse summa inter homines putantur, a parente partam gloriam tantam, ut omnium consensu cum rei militaris scientia, atque omnibus imperatoriis artibus, tum usu rerum maximarum, eloquentia, ingenio, gravitate, fide Princeps sua ætate habitus sit, ut omit- tam fratris magni Principis præclaram atque excellentem virtutem, dignitatemque summam, tibi ad studia hominum promerenda & benevolentiam propositam: à te quidem viro omnem tibi duci commendationem ad gloriam velis: cum sis in sum- morum Antistitum collegium cooptatus se- cunda imprimis omnium voluntate & fama, nisi amplissimo ordini ipse ornamento sis, minime eum tibi ornamento futurum putes. Hanc tantam virtutem si ullo ego orationis artificio consequi sperem, haud iatis videar mearum virium conscius esse: eandem, quando eo loco est sita,

ut tanquam ex altissima specula, æque & illustret omnia & ipsa in oculis omnium, sit, ne videar unus sensu penitus carere, perspectam plane mihi & testatam prosequi omni genere laudis institutam, quod ab homine modo mediocri ingenio, atque usu, studio quidem ardenti proficisci, & cupiditate possit: grati certe hominis officium à me susceptum, & beneficiorum maximorum non immemoris, si magis quod volui efficere spectandum est, quàm quod sum assecutus, cupidissime exsolvam, Vale.

Johannes Michael Brutus Vespasiano Gonzagæ viro Principi, ac Philippi Hispaniarum Regis pedestrium copiarum in Italia Præfecto.

**I**Ta est, Vespasiane, clara tua & illustris virtus, ut qui illam fama cognitam non habeant, nostrorum hominum perpauci sint: qui illam norint, & te non ament, aut omnino sint nulli, aut si qui modo sunt, iidem æque & te non amare, & se etiam ipsi odisse possint. Equidem memoria teneo, cum adolescens admodum me Neapolim contulissem ejus urbis visendæ causâ, quam fama acceperam esse imprimis Italiæ clarissimam



simam : te puerum adhuc iis omnibus artibus magna cum laude operam dare, quæ esse dignæ viro Principe viderentur, & qui is aliquando, quem te nunc esse videmus ubi ætas accessisset & rerum usus, esset futurus. Erant autem multa, quæ magnam excitatam de te hominum spem jam inde, à primis tuis annis confirmarent, familiæ nobilitas, quæ, quantum repeti memoria possunt res à Majoribus tuis gestæ, in Italia semper fuit honoribus florentissima; Parentis tui viri clarissimi, & fortissimi summa atque excellens virtus : ingenium in te atque indoles ad laudem & ad gloriam singularis : cum ad hæc omnia educatio accederet, qualem existimari æquum est in sanctissima domo, atq; adeo apud Principem fœminam Juliam Gonzagam, quæ eadem esse hujus seculi ornamentum unum clarissimum & decus, patris sororem tui. Quibus fortunæ, atque ingenii facultatibus tantis, una tamen in dies elucescebat tua virtus major, atque animi magnitudo, ut quocunque esses loco natus, ad eum quò te virtus tua vocaret, facile videreris & tua sponte perventurus. Itaque etsi pudore & modestia impeditus, quæ in te virtus excellit maximè, cum jam longe omnium de te expectationem magnitudine animi, & constantia superaris, debitas tibi summas laudes minus agno-

agnoscis ( neque enim permagni æstimare  
eam gloriam potes , quam partam habes ,  
qui speres majorem ) at agnoscunt cæteri :  
& quoniam agnoscunt , minus iidem mi-  
rantur , quæ virtus tibi & benevolentiam  
hominum summam , & studia conciliarit :  
eam unam ut statuerem te mihi esse aman-  
dum , suspiciendum , meis scriptis ornandum  
effecisse. Atque hujus mei in te animi do-  
cumenta alia multa aliquando extabunt :  
nunc ne viderer , id ipsum dissimulando ,  
mihi ut satis in amore responderes , vereri  
faciendum existimavi , ut his meis ad te li-  
teris , de eo ipso te facerem certiore : mu-  
nere etiam adjecto , quod tibi argumento  
esset & nunquam te , ex quo primum mihi  
fama tuæ virtutis tantæ notus esse cœpisti ,  
amari à me , & coli desiisse , & constantem  
in posterum in te colendo , & amando fore.  
Namque superiore anno cum Mediolani  
aliquandiu commoratus , unde per Rheto-  
rum & Lepontiorum Alpes eram iter in Gal-  
liam Belgicam factururus , ad te salutandi  
causa venissem : sermone orto de Neapoli-  
tani Regni institutione , memini te dubita-  
re cum aliis de rebus multis , quæ illius ar-  
gumenti erant , tum de Normanorum Re-  
gum successione , qui primi Regni ejus di-  
cuntur fundamenta jecisse , quod quidem  
ad Alphonsum Aragonum Regem , ceteri-  
oris

oris ulteriorisque Sicilia nomine vocatum est. Ita enim & levia esse, & repugnancia, quæ de iis scriptores multi tradidissent, & quidem quanquam eorum fere temporum æquales, ut ( quod interdum esse pudendum videretur ) aniles fabulas, & delirantium hominum somnia, quæ essent minime ferenda, pro veris certisque afferrent. Itaque illud etiam addidisti, si quis hoc tempore existeret, qui hæc susciperet explicanda, quæ ita sane involuta tanquam tenebris antiquitatis essent, vix ut id crederes factu facile fore, plane illum magnam gratiam apud Regni Principes initurum. Quin etiam in me conversus, eo usque oratione ferebaris ( credo quod magis quid velles ipse, quam quid ego possem expectares ) ut videri omnino tibi rem dignam diceres, in qua ego vires ingenii omnes industriæque contenderem: nam & inesse, in me ejus rei facultatem, id quod te minime fugeret, multorum annorum usu comparatam, &, quod caput in scribendo est, constantiam parem & fidem, ut minime esse dubitandum censeret, ubi accederet, studium, quo uno maxime res tanta indigeret. Quin ego egregie scribendi hoc munus implere possem. Tum ego cum respondissem, alterum quidem agnoscere me, de his ut summa fide possem scribere, luculenter

lenter & diserte ut possem quod esset alterum, non me esse adeo mei oblitum, ut mihi sumere auderem: ita recepi me rem totam explicaturum, ut quando intelligerem, unum à te modo quæri, non quam copiose id, & ornatè, sed quam vere & constanter præstarem. non diffiderem (id quod nunc facio, serius quidem, quàm vellem, sed aliquando tamen) me posse repræsentare. Etenim superiorem annum totum lustranda Germania, Gallia, Hispania consumpsi, cum omne autumnii tempus, ac magnam partem hyemis, periculoso & gravi morbo conflictatus, in Hispania traduxissem. Sunt autem hæc à me omnia desumpta ex libro secundo de instauratione, Italiæ, quem ego à multis desideratum, brevi Deo immortalis propitio sum in lucem editurus. In his si studium meum tibi fidesque probabitur, id quod magnopere fore confido, satis magnum mei laboris industriæque fructum me cepisse existimabo. Tu interim magis, quid voluerim, quam quid sim scribendo assecutus, tibi esse spectandum putans, fructu non quem sperabas, sed qui parari tibi mea diligentia vigilantiaque potuit, frui, ac voluntatem meam ama. Vale. Datum Mass. Calend. Septembr.



Ex libro secundo Joh. Michaelis  
Bruti, de Instauratione Italiae.

**N**ormannorum uno nomine populi omnes aliquando esse appellati videntur, quicunque ad Oceani Germanici oram, præter Daniam, quam nunc appellant, & Cimbricam Chersonesum, objectas continenti Insulas, finitimasque regiones omnes ad septentriones incolerent. Atque hi per multa tempora, cum principio rei nauticæ periti, piraticam exercerent: Galliae Belgicæ maritimas urbes, Neustriæque imprimis ob accessus opportunitatem, atque eas quæ Armoricæ appellantur, ac postremum Mediterraneum mare universum latrociniis atque excursionibus infestum habuerunt. Romano quidem Lecapeno Græcorum imperatore, ad Hellespontis angustias ausi classe penetrare, cum Græcis, quorum imminebant imperio, congressi, quanquam numero navium superiores, magna accepta clade victi discessisse, & profligati dicuntur. Enimvero regnavit Lecapenus eodem fere tempore, quo Otto primus Cæsar Rex Germanorum, Berengario atque Adelberto filio bello victo, ac Johanne Duodecimo coacto Romæ se Pontificatu abdicare, Italiam Romanorum Pontificum



rum Principem, ac minime eum quidem iustamatre natum, moleste ferebant, ita pellere eundem Principatu Henrici Gallorum Regis gratia nitentem minime sperabant: quod unum erat reliquum, mitius malum esse existimantes, è medio discedere, ad novas sedes & domicilia quærenda, in Italiam, ingenti popularium coacta manu, descenderunt. Horum omnium longe Princeps habebatur Tancredus, vir quidem rei militaris scientia præstantissimus, & quem liberi honestabant, cum quidem XII in eam expeditionem secum adduxisset, omnes pariter rebus bellicis clari. Ita facile Græcis bello victis, atque ex possessione Italiæ deturbatis, brevi Apuliam omnem, magnam illam quidem hoc tempore Neapolitani Regni partem, quæ illis sedes imperii aliquandiu fuit, armis obtinuerunt. Nam cum, ab inclinatione Romani Imperii, diu Italia nationibus exteris prædæ fuisset: à Carolo Magno, Rege Gallorum, qui primus ob præclara in Christianam rempublicam merita à Leone Pontifice Maximo nomen Imperii, atque insignia accepit. Nicephoro Græcorum Imperatori, ea est Regni pars adjudicata. Quam quidem Italiæ divisionem, cum per ducentos ferè & quinquaginta annos, Principes ratam perpetuo habuissent: Normanni, quorum majores, alios

S s s

Duces

Duces sequuti , Galliæ Togatæ urbes fere omnes sibi armis parere coegissent , cum iis præesset Guilielmus Ferrabatus maximus natu liberorum Tancredi , in Siciliam à Græcis auxilio vocati , Pænos , qui jam omnem insulam invaserant armis , uno prælio victos ejecerunt : cum magnam sibi eo bello gloriam comparassent , præmio victoriæ , quod quidem ob egregie sociis navatam operam sibi maximum spondebant , amisso. Ita orta controversia cum Maloccho Græci Imperatoris Præfecto , Græcos jam liberius Normanni violati fœderis per summam injuriam , accusabant ; fecisseque adversus datam fidem querebantur , qui sociorum virtute summa partas tot Siciliæ urbès , nulla eorum habita ratione , sui juris atque Imperii , præsidiiis impositis , fecissent. Convenerat enim in principio , eorum , quæ bello quæsisissent , æquis portionibus præda divisa , quarta quæque pars Normannis cederet , qua quidem à Græcis interversa , qui accitis Byzantio auxiliis , militum numero erant superiores , videbantur tantam eorum injuriam minime neglecturi. Ita in Campania coactos in aciem descendere , cum eorum . à quibus jus atque æquitas stabat , victoria fuisset , decedere victos ex Italia coegerunt. Ea victoria potitus Ferrabatus , cum Brutios ac magnam Græciam ,  
omnem,



omnem tum eas Apuliæ urbes, quæ ad eum diem imperata facere detractassent, suo Imperio adjunxisset: honestiore titulo Apulorum Comitem se appellari in posterum jussit. Decessit jam multis ille rebus gestis clarus, Drogone fratre, qui cæteris ætate anteibat, successore Principatus relicto. Is in principio à Græcis Duce Melete impigro homine, signis collatis victus, atque universa fere Apulia exutus, brevi majoribus comparatis viribus, ter eodem die acie congressus, victoria potitur, hostesque sua etiam confessione victos bello profligatos è continente expellit. At Græcus, qui simul de Imperio agi, & de existimatione censeret. Bubaganum clarum copiarum Ducem, qui Meletis successor bellum instauraret, adversus Normannos, novo exercitu conscripto, misit. Hunc Bubaganum ferunt Trojam Apuliæ urbem condidisse, Luceria distantem ad octo millia passuum, Dauniorum colonia vetustissima: quo quidem Græci receptum in posterum ad omnem fortunam haberent. Fuisse autem castra Hannibalis quo loco est condita urbs, id quod quidam tradiderunt, nullo modo audeo affirmare. Video enim castra Hannibalis à veteribus vocari Locrorum portum, quæ Italiam angustissimam à cætera sui parte diremptam fertur Dionysius superior Siciliæ

adjicere voluisse. Verum cum belli exitus haud huic melior, quam superioribus contigisset : præter gravem impietatis notam, populorum omnium in se odio concitato, quod Pœnis hostibus auxilio fuisset vastantibus Italiæ oram, Henrici Cæsaris optimi Principis in se arma vertit, qui tum opportunè ad urbem venerat, ibi à Pontifice, Imperator appellatus adversus Pœnōs hostes in Campaniam movit. Ita illi ad internecionem cæsi, cum mari victi à Venetis, & Græcis fuissent : integrum bellum gerendum Bubagano reliquerunt, Pontifice maxime in illius perniciem incumbente : quem quidem, ut æquum erat, tantum hominis scelus magnopere movisset. Itaque ejus causa Henricus, copiis Trojam adductis, cum quartum jam mensem obsessa, urbs se illi dedidisset, acceptis à Græco obsidibus, eum in fide atque in officio futurum, opportunè sitam urbem ad Græcos, simul atque Apulos coercendos, Romanorum Pontificum ditioni attribuit. Moritur iisdem fere temporibus Drogo sive, ut à quibusdam traditum est, à Græcis victis in acie cæsus, sive, ut alii malunt, per prodicionem à Nasone Normanno Neapolitanorum Principe interfectus. Nisi autem eo prælio occubuit, quo est postea Leo Pontifex in Marrucinis à Normannis captus

( id

(id quod nemo tradit, quod sciam.) non possum satis mirari, qui venerit cuiquam in mentem, scribere victorem in prælio cæsum fuisse. Semel enim quod diximus, à Græcis fulus, ter eodem die cum iis contulit signa, ter est victoriam adeptus. Hujus Hunfredus frater successor, per septem annos, quibus Normannorum rebus præfuit, summa virtute à fratribus partum imperium, cum secunda imprimis suorum voluntate, hac una laude contentus administrasset: majorem rerum gerendarum molem Gothifredo fratri, qui illi in imperio successit, moriens reliquit. Namque Leo nonus Pontifex Maximus Normannis iratus, quoniam Beneventum, quæ urbs Romanorum Pontificum Imperio parebat, Duce Gisulpho Principe Salernitanorum invasissent: fretus auxiliis Germanorum, qui ab Henrico secundo Cæsare erant præsidii causa in Insucribus relictæ, illis intulit bellum, cum non diffideret, semel prælio victos, ex Italia ejecturum. Occurrerunt illi Normanni in Marrucinis ad urbem Theate, ingentibus instructi copiis: ac memorabili prælio commisso, victis Germanis, Leonem captivum, cum humanis omnibus & divinis honoribus cultum dimisissent. Romanam etiam deducendum, stipatum præsidio suorum, curaverunt. Qua tanta vi-









devictas in fidem recepit. Quibus ita administratis, Trantum copias admovit, quam urbem cum annum fere obsidionem tulisset, eodem tempore, quo Gothifredus Panormum in Sicilia, datis obsidibus, imperata facere coegit. Ita Robertus magnitudine rerum gestarum longe clarissimus, cum, ubique victor longe lateque fines Imperii traduxisset: Apulorum, Calabrorumque Dux, id suis omnibus ad unum exposcentibus, appellatur. Qui res eorum temporum scripserunt, cum in aliis, multis, tum in Brundusii maxime obsidione hærent. Ut enim illud convenit, à Roberto Bossonem fratrem præmissum, qui terra illam, marique obsideret, quod verti ea in re totius belli summam non ignoraret: ita qui exitus rei fuerit, utrum soluta obsidione, an urbe recepta, discessum sit ( id quod tamen verisimile videtur, cum quidem, nisi ea redacta in potestatem, spes omnes adempta Roberto videretur reliqua Apulia potiundi ) nemo tradit. Fabulam quidam, gestæ rei affingunt: cum Rogerius per civium colloquia in spem venisset, per prodicionem urbem recipiendi, lectorum militum ad LXXX. ex quibus plerique ex Normanna nobilitate Principes haberentur, in urbem receptos, cum cæteri, qui sequebantur, arbitrati fraudem abesse & propterea minus



minus cauti, facile exclusi, portis repente repagulis claustrisque objectis, à suis essent, fœde interfectos: capita Byzantium ad Imperatorem relata: immane fœdumque spectaculum non Græco solum homini, sed id, quod ea tempora ferebant, barbaro atque efferato ingenio, prorsusque degeneranti in Thracum morem futurum. Enimvero quanti erat ea voluptas apud Principem tantum futura, cujus ut animus ea expleretur, per tantum maris terrarumque spatium, octoginta hominum capita, madentia sanguine & cruore, essent in conspectum deferenda? eodem videtur spectare fabula de thesauro à Roberto invento, cum index statua è marmore, redimito capite, ænea vitta, in qua rem totam incisum carmen significaret, Pœnus Magus, nescio quis interpres fuisset: qui tantum ob meritum effosso inventoque thesauro manumissus sit, Quæ quam sint vera, viderint ii, qui ea non solum legere, sed probare etiam æquo animo possunt. Ita rebus in continente ex sententia gestis, in Siciliam exercitum traduxit, Betiminio Pœno, magnæ apud suos homine authoritatis, spem faciente, cum Siculis in rerum novarum expectationem erecti, ad defectionem spectarent, brevi insulam barbaris dejectis recipi posse. Is à Biscavetio Rege Pœnorum rebus  
mari

mari gerendis Præfectus, cum eodem tempore Rogerius Calabris præliet, Siciliam cum Imperio administrabat. Itaque adito Rogerio, cum quid consilii sui esset, exposuisset, per eum, Robertum certiolem facit, atque, ut primo quoque tempore in Siciliam transmittat, hortatur, ubi rem statuat sibi esse agendam, pollicitus se ei minime defuturum. Hoc Duce Robertus, principio à Massana factò, quam quidem urbem momento cepit, ad cæteras urbes armâ circumferendo, cum memorabili pugna, Pœnos victos debellasset, facile insulam omnem Barbarorum metu liberatam suo imperio adjunxit: qui se illius fidei permisissent, iis nonnullis oppidis, ita, ut stipendiarii in posterum Normannorum essent, ad habitandum concessis. Tanto bello ita facile, & ex sententia confecto, ad cæteras laudes, moderationis summæ gloria, parta, Siciliam Rogerio, cujus eo bello insignis fuerat virtus, cum imperio administrandam attribuit. Jam cum esset Normannorum tantum in Italia imperium, Gregorius Septimus, Alexandro secundo Pontifex successus, cujus legatus Ricardum Roberti fratrem Pontificum imperio armis imminentem, in Apuliam Mathildis copiis fretus rejecerat, coacto Romæ conventu vir acerrimus ac veterum injuriarum memor,

mor, aqua & igni Roberto Normannisque interdixit: cum adesset Gislulphus Normannus Salernitanorum Princeps Giliardæ Roberti uxoris patruus; id quod minime esse ferendum Roberto videbatur. Itaque cum Gregorium Henrici tertii Cæsaris inimiciæ graves & similitates exercerent, quod nihil ab eo æqui impetrare posset, veteri inimico antequam esset etiam Potificatum adeptus: adesse occasionem rei gerendæ arbitratus, Gislulphum aggreditur, ac Salernum per vim capit eo ipso, cum arcem recepisset, in potestatem venire coacto. Qua urbe potitus, Beneventum, eo copiis adductis, oppugnare instituit, inceptisque fortuna affuisset, nisi à Gregorio jam sua sponte melius cum eo agente, solvere obsidionem persuasus, alio arma vertisset. Erat per ea tempora Michael Diochrysius Græcorum imperio à Nicephoro Botaniate ejectus: quem nonnulli Parapinacium appellant, quod eo administrante imperium in magna populorum inopia & fame, caritas annonæ summa diuturnaue fuisset. Is Roberto convento, qui cæteris oppidis Græcis ademptis, quæ reliqua in eorum ditione erant, ad Tarentum, quæ defecerat, castra habebat, cum bene de suis rebus sperare iussus esset, ad Gregorium cum mandatis proficiscitur, quorum summa erat, ut



ftis ad liberandum Gregorium Pontificem mari transmiſſo, ad urbem Henrico Cæſari occurrit: qui non exſpectato illius adventu, cum ſubito Roma diſceſſiſſet, Gregorium in arce Cincii obſeſſum reliquit: quem rebus ſuis diſſidentem, ne ſæpius Populi Romani fidem experiri cogeretur, Salernum ſecum adduxit. Ita magna gloria pulſo Henrico ac Pontifice liberato, cum Boemundum, qui terra rem gerebat, ſatis copiarum habere, atque hoſti eſſe viribus parem non dubitaret, ne claſſe inferior, ubi ea parte virium periculum faciendum eſſet, cladem acciperet, majore, quàm antea navium numero parata inſtructaque claſſe, in Epirum ſolvit. Cujus diſceſſu cognito, duæ claſſes Venetorum, Græcorumque conjunctæ Dyrrhacium, quo curſum direxiſſe illum audierant, ad fauces portus occupandas transmittunt, eo conſilio, ut ſi hoſtis vim facere conaretur, manum conſererent. Non deſuit Robertus facientibus pugnæ poteſtatem: prælioque acriter commiſſo, cum in littore Boemundus cujuſque virtutis ſpectator inſtructo exercitu adeſſet: quæ res Normannis alacritatem atq; animi ardorem ingentem injiciebat, omnibus fere hoſtium navibus aut depreſſis, aut in fugam conjeſtis, victoriam retulit, cruentam illam quidem, ſed quæ illi aditum  
ad

















citu in continentem traducto, Cannusiam in Apulia post longam obsidionem ceperat : quæ in urbe brevi postea victor decessit. Verisimile est, tametsi hoc ipsum nemo scriptum reliquit, quæ causa Viscardo fuit Bagelardum Gothifredi filium Principatu per injuriam parto pellendi, cum minime obscure præ se ferret, secutum se superiorum morem, non passurum, ut quæsitum fratrum virtute imperium, majores natu liberis legarent : Bossioni quoque visam causam æquam esse, ereptum, fratris filio, sibi proximo ætate vindicandi. Nam jam antea minus inter eos convenisse, illud fidem facit, cum Siracusæ defecissent, patruo, cujus præsertim egregia, virtus bello Punico in Sicilia extiterat, haud esse negotium datum urbis recipiendæ, sed rem transactam per Rogerium esse. At de hac ipsa re mirum est apud eorum temporum scriptores silentium. Interim in Italia magnis rebus gestis per viginti quinque annos, quibus administravit imperium, Dux Rogerius moriens filium Guilielmum, multum illum à constanti & perenni illa, majorum virtute degenerantem, ac minime tanto gerendo Imperio parem reliquit. Itaque præter Sciciliam, quam Rogerius Bossonis filius præsidii tenebat : acerrimus vir & æmulo imperii, qui tantas opes et-



enim Innocentius à Rogerio captus , ac summo in honore habitus , cum magno illi in principio beneficio obstrictus , minus sibi standum suo iudicio , atque utendum , ingenio censeret : ubi primum ab illo digressus ad urbem rediit , atque Anacleum renunciatum adversus se Pontificem cognovit : Pisanorum classe in Galliam transmisit , atque inde auctum Lotharium Cæsarem , ea lege Imperatorem appellatum Regni infulis , atque insignibus ornavit , ut Rogerium bello persequutus , quem ab Anacleto stare moleste ferebat , imperio omni , atque opibus spoliatum finibus Italiæ arceret : Ita Rogerius subito bello oppressus , cum in præsentia esse tempori cedendum putaret , ita omnia in continente prædæ hosti reliquit , ut multo maiore sua gloria , armis recuperarit , spem omnem Pontificibus præciderit eadem in posterum tentandi . Atque quanquam per Pontificum Arma , quibus primis Regni auspiciis erat usus parum æquis , frui per otium parto imperio liceret : Vir peracri ingenio & magis bellicis artibus , quam pacis studiis clarus futurus , haud diu quiescere , aut tueri domesticum otium potuit . Gessit enim Rex Punicum bellum & quidem summa gloria præter Tripolin , Faxum , Aphrodisium , Capsam , Tunete Regia urbe capta ac coactio barba-

T t t ;

ro Re-





suspicionem liberat. Adversus hunc hostem, cujus tanta maleficia in Christianam Rempublicam essent, imprimis secunda hominum fama bellum gessit, atque insulas fere omnes ab Jonio mari usque ad Helespontum, urbibus omnibus per vim expugnatis & direptis, in his Corcyram, Corinthum, atque universam fere Peloponnesum, tum Eubœam omnem ferro, igni, omni-que cladis genere vastavit. Neque his satis expleto animo, cujus inexpiabile odium in Græcum esset, classe Byzantium proventus, cum expositos milites ad suburbia, adduxisset ( tanta fuit hostis inertissimi, & ignavissimi contemptio ) argentea, atque aurea tela à suis jacienda in hortos regios curavit : credo, præter potentiæ ostentationem, ut avaritiam & sordes Græco exprobraret, quibus, ut nemo alius, dicitur infamis fuisse. Postremo ipse cum amicis ingressus, poma, quæ visum est legere, cum nemo adesset qui prohiberet, per otium decerpfit. Colenutius rerum Neapolitanarum scriptor, gloriam recepti Ludovici Regis, cum quidem Seleucia classe soluta, captus à prædonibus fuisset, Rogerio attribuit : id quod Blondus tradit, quem omnium, quæ scribit, authorem habet. Galli scriptores, atque in his quidem Æmylius, cui ego plurimum tribuo, ita Rogerio liberati



matione eorum quæ abstulisset ; restituere quæ cujusque fuissent per æquas pensiones est coactus. Moritur Rogerius ad sexaginta annos natus, cum quartum & vigesimum regnasset, Conrado Cæsare Suevo annum duodecimum Imperium administrante. Fuit quidem ( id quod indicant tot res ab illo præclare atque feliciter gestæ ) optimo atque excellentissimo ingenio: cumque ea, quæ à natura haberet, studio atque industria meliora effecisset, omnibus belli & pacis artibus maximos ejus ætatis, potentissimosque Reges magnitudine imperii æquavit, gloria rerum gestarum longe etiam antecelluit. Erat enim in eo præter ingenii solertiam, quæ ineundo pariter, explicandoque consilio summa conspiciabatur, moderatio par, qua quidem animi vi concitatio repressa, homo per se, ut cætera etiam abessent, prudentissimus, & quem raro fortuna fefellisset, & parere meliorum consiliis, & agere omnia de eorum sententia posset. Nam quo iis fides esset in consulendo major, quicunque per ea, tempora aut belli gloria, aut prudentia & rerum usu præstare maxime dicebantur, evocatos eos præmiis amplissimis summo in honore habuit. Quæ res cum est semper magno usui hominibus in privata vita, tum vero magnis administrandis imperiis



dam illi neptis fuisse ex Rogerio filio tradita est, Henrico Cæsari nupsit Ænobarbi filio, qui primus gentis Suevorum Siciliæ Regnum, dejectis per Pontificum studia, Normannis, obtinuit. Magni quidem hominis memoria, cum tanta illius gloria, domi forisque extitisset, ut clarior posteris & admirabilior videretur filii immanitas in omni etiam barbarie detestanda, & nequitia perfecit. Cum enim beatissimus Regum omnium suæ ætatis, & opulentissimus videri posset, congestas à patre per multos annos immensas opes: atque quod multo gravius est, quorum erant virtute partæ, viros fortissimos & honestissimos, ubi penes unum imperium mansit, aut, sæde interfectos, aut per varias occasiones de medio sublato, evertit. Uni enim homini improbissimo, & malis illis artibus conciliato, cum quidem dissimulantem imperii cupiditatem, obsequio & assentatione perniciofa semel animo victo, agnosce-re haud facile posset, potestatem omnem, imperii administrandi, ipse turpi otio atque ingnaviæ deditus, magno sui ac totius Regni discrimine permisit. Erat is Majo quidam ex humili admodum fortuna, cum Bary taberna olei instructa quæstum sordidissimum fecisset, per Regis gratiam, ærario primum, ac postremo classi Regiæ Præse-



libido atque audacia tanta, cum Regis indulgentiâ gravior in dies fieret: Regni Principes, quorum saluti, & dignitati plurimum domesticæ opes & potentia obesset, à Rege, quando in eo nihil erat præsidii adversus imminentem suis capitibus ruinam, plurimum erat ab eodem periculi pertimescendum, uno & eodem consensu defecerunt. In his omnibus maxime excellebat Robertus Lorotelli comes, cujus avunculus Rogerius Rex, ob singularem virtutis opinionem, Gulielmo filio, ubi is parum ex usu suorum Regnum administraret, hæredem substituerat. Hujus auctoritatem duo filii Rogerii Apulorum Ducis Tancredus & Gulielmus, ac præterea alii multi sequebantur magnæ homines nobilitatis, qui esse minus tuti à Majonis scelere & libidine videbantur. Ab his primum Ænobarbo Cæsare, atque eo, cum exercitus pestilentia laboraret, coacto retro signa referre, Græcis auxilio evocatis, Gulielmum in Regni discrimen urbibus omnibus trans Messanæ fretum uno belli impetu captis, brevi adduxerunt. Atque quo omnia facilius ex sententia succederent, ubi gerentibus bellum, major autoritas adesset: adito ad Fanum Germani Adriano Pontifice Maximo, cum in illius verba jurassent, quacunque pervaderent edicto præmisso, se de Pontificis

U u u

Maxi

Maximi sententia bellum gerere, populos, qui sua sponte jam alieno animo in Regem erant, ob crudelitatis & sævitæ famam, ad voluntariam deditiōem trahebant. Qua hostium fiducia atque audacia Gulielmus territus, cum Pontificem ( ne quicquam per legatos spe pacis tentata ) ad æquas conditiones trahere minus potuisset, magno prælio ad Brundisium Græcis fuis & profligatis, & civitates quæ defecerant, & Regni Principes defectionis authores præter paucos, in potestatem redegit. In his fuit Robertus surrentinus, quem e fossis oculis, teterrimo carcere, per ultimos cruciatus moriturum, includi imperavit. Namque in alios cum nulla non libidinis, crudelitatisque exempla edidisset, unus Majo inventus, qui in damnatos & mortuos sæviret post vitam fortunasque ademptas, pudori infestus nobilissimas matronas, ac virgines filias omni genere flagitii & dedecoris contaminavit. Interea obsessa in Africa urbe Aphrodisio, quæ in ditione Regum Siculorum erat, CC. navium classem obsessis auxilio misit, cui Petrum, Eunuchum, Pœnum genere, ac propterea cum barbaris, quorum occultè religionem colebat, sentientem præfecit. Ita cum se is vinci passus esset ( septem longis navibus ab hoste captis ) classem in Siciliam traduxit.

Enim.



Einimvero cum id unum inter omnes conflet, male à Siculis ea expeditione rem gestam: Colenutius, idem ab eo, à quo cetera, mutuatus, Tunetem captam & direptam, magnam abactam prædam, hinc victam & profligatam primo occurſu Græcorum classem, Siculos magnam ubique gloriam adeptos, victores in Siciliam rediſſe, tradit. At Rex Malus cum tot rebus ex ſententia geſtis, unius hominis perditione aſſentationibus & blandimentis delinitus, optimè regnum conſtitutum convelli ruſſus discordiis & ſeditionibus Principum pateretur: conſpiratione nobilitate facta, cujus, qui idem erat Majonis gener deſtinatus, vir, ſummo loco natus, & magni idem animi & conſilii, Matthæus Bonellus Principes partes ſuſceperat, Majo multis vulneribus domi conſoſſis interficitur: Rege quem, verifiſimile erat in illius interfectores gravius faviturum, in carcerem conjeſto, ac Rogerio filio, ne Regni odio magis, quàm Regis hoc factum appareret, nondum novem annos puero nato, per regiam urbem circumducto, ac magno multitudinis plauſu Rege ſalutato. Cum ad hunc modum acta, eſſent, ac præſentibus, jam impetu animorum atque ira deterveſcente, pueri Regis, qui per multos annos videbatur in conjuratorum poteſtate futurus, pœniteret: concuſſu

fu undique in Regiam facto, mortis denunciatione ni parerent, conjuratos Regem è custodia emittere, ac Regno restituere, quanquam invitos eosdem & tergiversantes, coëgit. Eo tumultu Rogerius puer, cum obsessa Regia tumultuantem multitudinem è fenestra spectaret, ictu sagittæ, cum spiculum per alterum oculum in averfam capitis partem actum, mortiferum vulnus fecisset, subito interiit: puer quidem, ea jam indole, ut Rogerii patruī Apulorum Ducis, in quem maxime studia populorum, inclinaverant, atque avi tanti Regis, quam patris ingenium referret. Affirmabant alii, quibus aditus ad Regis interiorē amicitiam patebat, quibusque minimè erant illius consilia obscura, eo vulnere puerum, haud concidisse, levi quidem, & quod tutò negligi etiam posset, sed patris iracundia, cum percitus furore, quod sibi prælatis à suis esset, abjecto ad pedes calcem in latus impegisset: quo puer exanimatus, cum, subito cohorruiisset, mœrore animi, qui minime par erat tantæ ferendæ injuriæ, brevi occiderit. At conjurati, cum quidem Rex Malus iis cavisset, ut quod Majonem inteterfecissent hominem per summum scelus Regnum appetentem, id illis fraudi ne esset parum se tutos futuros Panormi arbitrati, qui in civitate Tyranno certum multitudinis

nis præsidium, ultimum vitæ discrimen illius oppressoribus paratum esset, Cacabum oppidum se recipiunt: quo quidem confluentem quotidie majorem hominum multitudinem, qui cupidi rerum novarum ad arma atque ad bellum spectarent, de improviso armant, eo consilio, ut subito Regem, oppressum, qui fluctuante adhuc civitate, ac belli expectatione territa nondum plane suis rebus consideret, de Regni processione, id quod semel instituerant deturbarent. Ita raptim Panormum copiis adductis, cum trepidi cives urbem concursando terrorem etiam ignaris, quid rei esset, inferrent: Bonellus, quem conjurati ob rei militaris scientiam exercitui præfecerant (quo id quidem consilio, haud traditur, ita eum receptum, sibi ad Regis gratiam quæsisse, exitus ostendit) magna facultate bene rei gerendæ in præsentia amissa, copias omnium expectatione & spe elusa, Cacabum reduxit. At Rex, qui desperata salute, cum inermum illum fortuna hostibus armatis objecisset, metu impendentium malorum abjecerat animum; illis præter spem profectis, collecto animo ac viribus confirmatis ad ingenium rediit: non ignarus, quando hæc illis è manibus occasio effluxisset, aut parum inter illos convenire, aut non magnopere virtuti suorum confidere, aut nova

consilia inire, quibus omnino esse occurendum censebat. Itaque dolo esse singulos aggrediendos existimans: Bonellum proposita veniæ spe, atque eorum, quæ egisset, impunitate, facile in sententiam traducit. Quod quidem cum sui cognovissent ægre ferentes illum consilia à cæteris, cum eadem omnium causa esset, separasse, Platiam Buteriamque oppida munita, quæ in patris ditione fuerat, repente invadunt: quæ postea eo Rege copias admovente cum voluntariam deditionem fecissent, eversa sunt ac solo æquata. Quæ dum in Sicilia geruntur, Robertus Lorotelli comes, quem Regi bellum intulisse antea commemoravimus, magna spe elatus, ubi rursus belli principium fecisset, per tanti tumultus occasionem, aliquid novi consilii Principes inituros, qui adversus Regem superiore bello steterissent: celeriter collectis copiis, urbes fere Regni omnes, cum fama percrebuisset interfectum Majorem, Regem captum in conjuratorum potestate esse, sublatis omnes, qui libidinis ac superbiæ illius administri, consiliarii que fuissent, quocunque exercitum admoveret, portas certatim oppidanis aperientibus, admissus, ad deditionem impellit. Itaque cum in Sicilia conjurati, qui se Buteriam receperunt, pacti incolumitatem, oppidum Regi tradidissent

didissent, è Sicilia, solventes, se Roberto conjungunt, ut communi consilio omnes adversus Gulielmum rem gererent. Quorum consilio cognito, Rex ne qui novitumultus absente se orirentur, ubi multitudini concitatae dux non deesset: Bonellum popularem hominem, & nobilitati ob Majonem interfectum imprimis acceptum, adversus datam fidem excæcatum, cum nervorum incisione, qua à femore ad talos protensi ad summos pedes flectunt, excrucandum barbaro more, atque inusitato curasset, in carcerem conjici jussit, ubi ceteram ac dirissimam mortem dicitur obiisse: cæteris non pro hominum delictis, (quæ enim esset tanta possent?) sed pro Mali ingenio, fœde & crudeliter necatis. Ita metu vacuus, adversus hostem bello felicior, quam pace, fretum exercitu traducto, contendit. Ac ne qua spes veniæ esset, quærentibus deditioni moram, Tabernis excisis, quod Calabrorum oppidum situ atque opere munitum expugnari per vim, posse non videbatur: oppidi Principem, letissimam fœminam arctissima custodia una cum matre deportari in Siciliam: Thomam & Alferium duos illius avunculos, viros fortes & magnæ nobilitatis, quod Authores defectionis fuisse dicerentur, rapi continuo ad supplicium: milites, qui in præsidio

Uuu 4

dio

dio erant, effosis oculis & manibus præcisis, quo cæteris terrori essent, missos fieri imperavit. Ad hujus rei famam territus Robertus, qui quam esset fidei populorum & constantiæ fidendum non ignoraret, in Germaniam penitus suis rebus diffusus abiit: Rex omnibus facile recuperatis, quæ absenti erant erepta, civitatibus pecunia, quam ad certam diem solverent, grandi imperata, omnibusque ex sententia constitutis, in Siciliam reversus est. Tum vero tanquam is unus fructus victoriæ esset, languori atque inertiae addictus, penitus Regni procuratione neglecta, prædæ omnia Regis ministris hominibus improbis & nefariis reliquit; quæ res quidem Siculorum nobilitati, ubi illi diutius vivere contigisset, pestem atque exitium erat importatura. Carceribus enim non ad custodiam, sed ad supplicium & carnificinam hominum ædificatis, tanquam plurimum in morte solatii esset, quæ miseros tormentis & cruciatibus levaret, eo usque mori prohibebantur, quod mortis genere crudelitatem in se hominum sævientium, cujus exitus nullus reperiri posset, ad satietatem explerent. Quod quidem fatale Siciliæ malum, cum Tyrannorum omnium memoriam refricuisset, quos illa deterrimos atque immanissimos perpeffa esset, Regis Mali

sustu-

sustulit opportuna magis, quam sperata, mors XX. atque alterum annum, postquam regnare cepisset. Patre mortuo, Gulielmus filius meliore omine Bonus appellatus successit : quoniam nondum quartumdecimum annum expleverat, quoad ipse per ætatem Regno administrando sufficeret, traditus in tutelam matri Reginæ fœminæ optimæ, ac magnæ & spectatæ virtutis. Henrico filio natu minori pater principatum Capuæ, ita ut ipse in matris tutela & potestate esset legavit. Principio Regni administratione suscepta, quo Regi filio studia populorum & benevolentiam conciliaret : nihil Regina antiquius habuit, quam ut primo quoque tempore honestos homines & locupletes per summam injuriam à regiis ministris in custodiam traditos, metu ultimi supplicii, bonis omnibus & fortunis restitutis, liberaret : quorum infinita pene multitudo dicitur fuisse. Atque cum superiore bello Apuliæ Campaniæque urbes, quæ à Rege desciverant, immani, ut diximus, pecunia multatæ solvendo non essent : omnes, novi Regis edicto vetitis Regiis quæstoribus, quicquam ab his posthac ullo nomine exigere, onere gravi illo quidem & non ferendo, magna populorum lætitia levavit. Jam cum à Rege crudelissimo & qui humana divinaque jura

Uuu s                      omnia

omnia exæquata habuisset, leges iniquæ permulta latæ, & per vim essent: retexendas, rescindendasque omnes per Regiam, auctoritatem, aliasque novas, quæ ad tuendam populorum otium & concordiam, spectarent, condendas curavit. Ad hæc omnia revocatis ab exilio Principibus Regni, cum præter justitiæ & moderationis laudem, quæ his à calamitate vindicandis summa à cunctis Regi tribuebatur, liberalitatis & magnificentiæ quæreret, quod stabiliendo confirmandoque Regno esse expeditissimum videbatur, eos amplissimis muneribus & honoribus auctos penitus Regi devinxit. Ita facile per recentem beneficiorum memoriam injuriarum vetere oblitterata, cum eos in officio habuit, tum si qui rerum novarum studiosi essent, eorum vim & ferociam Principum consensione, nullo postea negotio repressit. Quæ tamen virtus Reginæ tanta, cum permulti adhuc in aula superessent, qui peccandi licentiam atque impunitatem, Rege Malo dominari assueti, sibi ereptam dolerent, non potuit ita obfistere, ut non perpetuo, quamdiu Rex in illius tutela fuit, Regnum discordiis & seditionibus laborarit. At Gulielmus, cum his auspiciis regnare cepisset, Boni cognomen matris virtute quæsitum, & probitate ingenii & lenitate morum facile  
postea



postea , insiftendo Majorum vestigiis tutatus est : gloriam domi forisque magnis gerendis rebus etiam auxit. Namque Alexandrum tertium Pontificem in urbe à Federico obsessum , pecunia & auxiliis juvit, duabus longis navibus missis , quo præsidio sive fuga sibi consulere , sive quid aliud inire consilii vellet , ad omnem fortunam uteretur. Fœdus cum Venetis percussit : atque ad eos se Alexandrum recipientem , illi obviam progressus , Vestiam usque ad Garganum montem positam urbem summa populorum frequentia , & celebritate comitatum , tredecim navium longarum præsidio deducendum Venetias curavit. Eundem Gulielmus Tyrius tradit, Balduni Regis Hierosolymorum anno quarto, numerosam imprimis classem , Alexandriam nostris cum Saladino grave gerentibus bellum auxilio misisse : cum expositis militibus , male à Siculis pugnatum esset , multis uno prælio amissis , classem à Regiis Præfectis reductam in Siciliam esse. Bellum inde cum Andronico gessit , qui tum Græcis imperabat , cum quidem per violatam jurisjurandi religionem , Alexio Comeno interfecto , in Regiam tanto scelere imbutus , diis hominibusque averfis invasisset. Ita cum Græciam , ac Thraciam omnem igni ac ferro depopulatus , magnum populorum odium

odium in barbarum, atque impium hominem concitasset, quem unum tot malorum authorem detestabantur: Byzantii orto tumultu, Isacio Angelo gratioso homine & populari, multitudinis Duce, vivum captum, ac membris mutilatum crudelissime interfecerunt. Isacio cum ob tantum meritum, tum ob singularem virtutis & continentiae opinionem, id unum expetentibus, deposcentibus omnibus traditum summum imperium est: Quibus rebus gestis cum magna omnium expectatione profecturus esset ad Asiaticum bellum, Lucii Pontificis morte importuna, quo Duce expeditionis res erat gerenda, tanta illi gloria erepta, est: classem quidem egregie ornatam atque instructam, delectorum militum magno numero imposito, qui nostris rem gerentibus auxilio essent, nihilominus in Syriam misit. Hujus classis adventu nostri sublati animis Saladinum, qui jam Regno Hierosolymorum potitus ad Tyrum castra habebat, cum Duce Conrado, Moserratensium Principe eruptionem impigre fecissent, insigni clade illata, salvere obsidionem coegerunt. At Regiae classis Praefecti, satis praclaro in praesentia munere functi: nostris etiam sacra urbe à Saladino ejectis, cum inter feros & barbaros hostes in summo metu circumspectantibus omnia

ac

ac reditu undique interclusis nihil spei ad perfugium pateret, magno usui fuerunt. Namque eos in navibus impositos, cum idonea usi tempestate cursum in Italiam intendisset, ad unum omnes incolumes in Siciliam exposuerunt, in his Heraclium Hierosolymorum Pontificem, quem Rex comitate Regia exceptum, ac donatum amplissimis muneribus dimisit. Jam cum clemente tertio Pontifice Federicus Cæsar, Ænobarbus Philippus Gallorum, Ricardus Anglorum Rex mare transire, ac bellum inferre Saladino statuisent. Qui, ut diximus, magnis cladibus nostros affectos fere universo Syriæ Regno exuisset: ne mari clauso atque infesto latrociniis, Regum exercitus commeatu prohiberentur, pulcherrimam classem, quæ iis ubique præsto esset, auxilia & commeatus supportaret, instructam ornatamque habuit. Quæ quanquam ad huncmodum ab eo administrata essent: ob intestinas discordias rebus male succedentibus, cum Princeps Ænobarbus Helesponti angustias transgressus, Iconio & Philomelo everfis, Armeniaque recepta ad Sarum amnem in Comagena Saphadinum Saladini filium, magno prælio victum effusè insequendo, dum flumen minus exploratis vadis transgreditur, interiisset: Philippus Rex gravitate cæli offensus, tum

Ricar-

Ricardus postremo Ptolemaide, inspectante Saladino, capta, atque eodem ad Antipatrida fuso & profligato, è Syria discessisset: Gulielmus magno mœrore ac luctu suorum, cum XXVI. jam annum regnasset, mortuus est; vir quidem plane memorabilis, & qui in omni vitæ suæ parte Boni cognomen, virtute summa constantiaque æquaverit. Regnum Principum suffragiis, populisque omnibus incumben-  
tibus, Tancredo illius patrueli ex Rogerio Mali fratre, ut alibi dictum est, minime legitimis nuptiis nato, delatum est: qui simulatque est Regnum adeptus, Rogerium filium puerum appellandum curavit, constantia Rogerii filia, ad quam jus Regni spectabat, decedente Gulielmo sine liberis, dejecta. Is est Tancredus, quem regis Mali acerrimum hostem (quæ una res maxime illi videtur Principum studia conciliasse) & Majone interficiendo, & pellendo Rege, fidelem atque egregiam operam navasse diximus. Enim vero suscepisse illum gravissima belli pericula, ac summos vitæ labores, non cupiditate ulla regnandi, sed studio liberandæ patriæ, illud est argumento: quamdiu Malus regnavit, perpetuo eum in armis fuisse: Gulielmo filio adepto Regnum, vitam per summum otium & quietem traduxisse. Viguisse autem in eo,  
ajunt

ajunt, optimarum artium studia, sed Astrologiæ imprimis, cujus quidem peritissimus fuit: ut minime illi certa ratio deesset in privata etiam vita, & honeste & cum dignitate otium tuendi. At Clemens tertius Pontifex, qui jus potestatemque Regni deferendi sibi sumebat: bello Tancredo illato, qui partam Regiam dignitatem & studiis populorum, & viribus majoribus fretus sibi tuendam adversus vim omnem statuerat: Gulielmi Regis optimis legibus atque institutis stabilitum regnum præpostera atque importuna ambitione, quæ magna Christianæ reipublicæ perniciæ ad posteros manavit, pene evertit. Quo quidem mortuo, cum renunciatus Pontifex Celestinus, id unum sibi rebus omnibus prævertendum statuisset, quo id magis jure agere videretur, Henrico Suevo, qui patri Ænobarbo Cæsari in Germania successerat, Constantiam, cujus sæpe mentionem fecimus, tradito illi dotis nomine Siciliæ regno, quod hæreditario jure pertinere ad illam dicebatur, grandem jam natu in matrimonium collocavit. Ac si illa quidem Celestino Pontifice despondente Henrico nupsit, fuisse multo ætate proVectior videtur, quam ut liberorum procreandorum causa esset, viro adjungenda. Malus enim vigesimum atque alterum annum, Gulielmus, filius  
vigesi-





præsentem rerum statum invectus, Constantiæ atque Henrici nuptias, tanquam imprimis Siciliae funestas detestatus esset, haud probabile est, ejusce rei illum quæ una maxime omnium argumentum ad querelam, suppeditaret, mentionem facere neglexisse? Quid enim fœdius videri poterat, quam, adeo grandem natu virginem, cum initiata sacris per omnem suam ætatem Collegio virginum præfuisset, à Pontifice Maximo solutam legibus, nubere viro. Ad sexaginta enim annos natam, Celestino Pontificatum gerente, uti ostendimus, fuisse, illam oportet, atque adeo etiam, si ex Rogerio filio, id quod Colenutius tradit, nata esset: quippe cujus Tancredus frater, Regni Mali principio jam res gereret, plane vir ac coroborata ætate. Ac Falcandus jam, cum Henrico viro Constantia Regni fines ingressa, ad mala eorum sint adventum conlecutura, vaticinando, queritur illam à primis annis in Sicularum deliciarum affluentia diutius educatam (his enim utitur verbis) ad mores atque ad instituta suorum conformatam, Regni opibus externos homines ditaturam, ac prædæ relicturam, opulentissimum Regnum hostibus infestissimis, proficisci. Diutius autem fuisse educatam in Sicilia, minime dubitandum, fuisse eandem in deliciis edu-

tam,



tam, nisi in Regia & inter suos, minime credibile est. Neque enim (id quod hæc tempora ferunt) tum cooptatis in collegia sacrarum virginum locus ad luxum & ad regiam opulentiam patebat. Sed idem satis diserte tamen affirmat, Constantiam Rogerii regis filiam fuisse, atque eandem solutam optionem virum, quem vellet, sibi deligendi habuisse. Cum enim post Regis Mali mortem pene Regnum intestinis malis labefactatum esset; constantes rumores, ait, fuisse dissipatos, Stephanum Porticensem, cujus tum autoritate Regnum administrabatur, Rege puero mortuo, Gothifredum fratrem, per Constantiæ Rogerii regis filia nuptias ad Regnum capeffendum è Gallia evocasse: quo quidem ab imperitata multitudine, præsertim, minime existimari poterat illum fuisse descensurum nisi Constantiæ cuivis nubere integrum fuisset. Quid autem minus credendum erat, quàm Pontificem, qui ejus Regni jura sibi sumeret, passurum, ut per sacræ virginis nuptias quisquam, se inconsulto, illud invaderet? Neque vero manare hæc fama poterat, nisi Constantia cum liberum judicium cuivis nubendi haberet, suspicionem, hanc hominibus, quibus nihil obstaret, quo minus id fieri posse existimarent, injecisset. Monstri enim simile videbatur.

XXX 2

futu-



Germani scriptores , ut est gentis hominum acutissimum , ex eorum temporum collatione ( id quod haud tamen ita difficile est ) contendunt illam adhuc vivente, Ænobarbo Henricum uxorem duxisse : ut mirandum magnopere sit , tot rerum scriptores , quibus nec studium , nec eruditio defuit , nullis certis autoribus , à quibus hæc fama emanarit , vulgo decantatam fabulam , autoritate sua comprobata literis prodidisse. Ergo ita à Normannis Regnum in Suevorum gentem translatum , cum , Tancredo ac Rogerio mortuo , solus Henricus obtinuisset , quò omni spe posteritatis penitus Normanni exciderent , Gulielmum , qui se Regni successorem , per Rogerii fratris ac patris Tancredi mortem , videri volebat : ejectum in Germaniam , simul quæ illi sociæ calamitatis essent , Sybillam matrem , ac tres jam adultas sorores deportandas curavit.

JOH. MICHAEL BRUTUS

Paulo Theupulo viro clarissimo

S. P. D.

**E**Go vero , Paule , in omnibus tibi , quæ te velle , quæque tibi esse curæ intelligam , geram semper morem  
 Xxx ; liben-







tus sim in Hispania, & alii permulti sciunt, & tu minime ignoras. Cum enim amplissima legatione ad Philippum Regem à Republica legatus fungerere, ita multus quotidie eram tecum ex gravi morbo, & diuturno convalescens, ut quæ mevis morbi, omni alia humana ope major, pene confecisset, tentaret autem altero quoque die novis commotionibus, eam subito senserim uno congressu, arque una communicatione sermonis depelli tui. Noster autem, cujus me domini recreari aspectus poterat ( nihil enim eo fingi humanius quicquam, aut suavius potest ) & Regis erat & Regiæ totus : domi raro, & nisi qua hora iniri convivium oportebat : quod quidem instructum quotidie regio luxu, nobilissimorum hominum frequentia honestabat, & qui plurimum gratia apud Regem & autoritate possent, sed hoc nihil ad meum ingenium. Multa vero ferunt hi mores, quæ neque tui stomachi sunt, lenissimi hominis, & qui minime esse contumaciter repugnandum, sæpe enim serviendum temporibus censeas. Neque enim stultitia abest à nobilitate & luxu : quin etiam cum petulantia maxime ab errore sit & inscitia, multo illa se in magnis opibus jactat insolentius. Quid porro ego agerem, ubi aut multa,

Xxx 5

mihî





corporis viribus collectum animum à mœ-  
rore ad scribendi studium revocasse: quod  
quidem penitus cum spe vitæ reliqua abje-  
ceram. Atque cum hoc inter nos conve-  
nisset, mihi plane esse scribendum, non ni-  
hil in eo tamen videmur dissentire. Nam  
tu quidem cum me ad patriam convertis,  
quid debeam modo videris spectare; ego  
quid possim, etiam mihi puto consideran-  
dum esse. Enimvero nisi ego patriam am-  
plio rem augustioreque velim, cum am-  
plissima augustissimaque sit, omnem plane  
videar humanitatem exuisse. Quicquid  
enim sum, aut esse etiam possum, illi plane  
debeo uni: quod quidem cum magni faci-  
endum per se est, tum vero illud facio plu-  
rimi. Nam ea contingit mihi patria ut sit,  
quam gentium populorumque omnium lon-  
ge maximam, atque opulentissimam com-  
munem bonorum arcem, tutissimumque  
perfugium homines verentur: id quod uni  
datum divinitus haud scio, an ulli præte-  
rea post hominum memoriam in terris con-  
tigerit. In quam vero singularis mea pie-  
tas & studium extat, qui ego in eam aliter,  
ac debeo, animatus esse possum? Nam quod  
illa careo hoc tempore, neque ulla illius  
culpa hoc, neque dedecore ullo meo acci-  
dit, sed fortunæ injuria. Ejus enim mihi ini-  
quitate ereptus est inter meos locus, quem  
Majores

Majores mei per CCC. annos retinuerunt honestissimum: quo quidem cum adsum, non possum æquo animo carere, fore ut aliquando eundem cum pristina fortuna recuperem, tua gratia fretus, non despero. Sed ne hæc nos cura magnopere angat, quot patria nostra habet, qui has illi partes possunt egregie præstare? Neque enim etsi est Petrus Bembus jam, & Andreas Navagerius mortuus, summi homines, & quorum est apud posteros merito futurum semper, illustre nomen, simul etiam cum iis est lumen eloquentiæ in civitate extinctum. Neque vero hoc tempore unus, cujus hæc est hæreditaria laus, Bernhardus Navagerius scribendi gloria excellit: neque si id fieri possit, patriæ causa velit. Etsi autem ille jam majore ætatis parte per honores amplissimos acta, spectare tanquam portum tranquillitatis atque otii videtur: quod esset illi tempus aptissimum ad hoc tantum munus obeundum, quod illi Respublica imposuit: at non patitur patria tantam virtutem à Reipublicæ procuratore abesse. Nam si illi hoc per publica negotia liceret, quis eo uno posset præclarius? Etenim facultatem eam habet per omne vitæ suæ tempus occupationibus districtus gravissimis, quæ esse major in nullo potest, cui licuerit per omnem vitam otioso esse: usum rerum

rerum, quem obeundis plurimis legationibus ad maximos & potentissimos Europæ Reges, magistratibus amplissimis fungendis, præfecturis administrandis, summo imperio inter principes civitatis gerendo, sibi potuit comparare. In eodem ingenium tantum, ut doctrinæ adjumentis, quæ sibi maxima studio quæsit, & labore summo, haud magnopere indigeat. Quæ res quamquam ita se habet, haud desunt tamen, qui quasi Vicarii illius muneri & functioni succedant, & sapientiæ studiis adolēscētes, & elegantioribus iis literis perpolitī, quibus eloquentia comparatur. Etenim Augustinum Valerium novi ego, hujus filium sororis, cum aliquot ab hinc annis Philosophiæ studiis Patavii operam daret, quem cum audirem disputantem in Philosophorum corona, de quæstionibus maximis, atque imprimis in Philosophia reconditis: tantam animadvertēbam inesse, in argumentando vim, ingenium, acumen: tum adeo parata omnia, quibus aut probaret sua, aut refelleret contraria: vix ut mihi possem persuadere (cum præsertim, admodum esset adolēscens) per omnem suam ætatem literam illum, quæ ejus facultatis non esset, ullam discere potuisse. Neque ille vero eruditione magis & cognitione maximarum rerum quam vitæ sanctitate

tate, pudore, innocentia Philosophi nomen tuebatur. At cum rursus illius scripta legerem, lumina admirabar eloquentiæ, & ornamenta doctrinæ maxima: ut cum me afficeret voluptate summa, oratio cum purè & latinè scripta, tum apte & numerosè cadens, gravitas me sententiarum teneret imprimis, quæ effluere videbantur ex animo instructissimo optimis artibus, & quem Philosophia arctissime complexum nunquam videretur dimisisse. Ac Valerio quidem paulo inferiorem ætate, Nicolaum Barbadicum, peracri adolescentem, ingenio, studio flagranti, eruditione summa perfecisse ajunt, ut cum incredibilem sui expectationem hac sua florenti ætate concitarit, unum illam modo tueri, præterea contendant posse neminem. Cum enim eloquentiam à naturæ fonte hauriat, qua maxime excellit, tanquam nihil habeat ab ingenio adjumenti, studium acerrimum, usum, exercitationem adhibere affirmant, quibus eos processus effecerit, ut cum jam à nullo vinci scribendi laude possit, jam sui ille æmulator vehementius quotidie cupiditate & studio vincendi sui incendatur. Uterque autem cum ingenio & studio præstet, & amplissimo fit loco natus, aditum habet ad ea cognoscenda facillimum, sine quibus fungi hoc munere nemo

mo præclare potest. Alios item esse credo horum non æquales solum, sed qui eorum ætati succrescant, eruditos adolescentes (id quod credere æquum est in ea civitate, quæ omni genere liberalioris doctrinæ exculta & exemplis aliis abundat ad virtutem singularibus, & semper pacis artibus, quam belli clarior fuit) quos quidem facile patior mecum homine hujus ætatis de scribendi gloria, atque adeo certa spe vincendi certare. At ne cui tamen videar esse oblitus hanc mihi patriam esse, quæ merito suo quidem mihi charissima, eadem est Italiæ omnis ornamentum unum maximum & decus quæ illi possum, ubi se occasio dat, pietatis munera persolvo: id quod facile ea declarant, quæ de origine urbis à me scribuntur eo libro, quem de instauratione Italiæ inscripsi. Ea autem ad te mitto epistolæ subjecta, ut habeas jam argumentum certius hujus mei in illam studii, nec me posthac aut desertorem officii, aut verbo etiam graviore alio, tanquam à labore scribendi refugiam, appelles. Nam qui mihi hanc pietatis laudem præreptam volunt: ea sunt homines indignitate, ut non solum propterea quod tibi sunt noti, eorum suppressa omnia habere velim, sed ne etiam noti aliis meo testimonio sint (ita enim sunt perditæ, ut præclarum ducant, quærere



tiones invaserint, tantum semper in communi salute tuenda consensum civium extitisse, ut una per tot secula suis usa legibus & institutis integram adhuc quidem libertatem acceptam à majoribus retineat : dignitatem finibus imperii proferendis, terra marique virtute summa, & felicitate auctam, constantia pari & gravitate tueatur: Nam opulentia rerum omnium & copia, ut magnitudinem urbis æquet, incolarum, industria summa & solertia efficit. Ita veluti ex uberrimo & feracissimo solo non modo aliis omnibus Italiæ populis, sed cunctis etiam transalpinis, transmarinisque gentibus, omnia quæ sunt ad vitæ cultum necessaria, & ad omnem politiores elegantiam ex ea una largo & copiosissimo proventu suppeditantur. De ea autem cum tanta sit, ita statuo: ut invidentis illius gloriæ esse de ea non scribere: sic neminem, scribendo assequi illius magnitudinem posse. Itaque minime mihi video esse verendum, cum quæ de illa traduntur, superare jam facile omnium fidem videantur, ne iis scribendis parum videar meæ constantiæ gravitatisque meminisse. Totius enim quasi orbis terræ emporium, ita una patet ad maxima gerenda negotia gentibus populisque omnibus, ut quorum ego testimonio meam fidem liberaturus sim, haud

Y y

mihi













tes per multa secula populi vires & nullis adhuc bellis affectæ excitari cœperunt. Ita producti fines imperii, & non solum subactæ vicinæ urbes, sed Insulæ omnes ab Adriatico ad Jonium atque ad Ægeum mare, tum inde cum Peloponneso universa, Græciæ maritima ora omnis eorum imperio ad Hellepontum usque adjuncta. Ergo jam maximis rebus domi forisque gestis, cum in aliis orbis terræ partibus, tum in Ionio mari, ac Græcia fere universa, portibus omnibus occupatis, qui & accessus opportunitate, & frequentia incolarum, & exterarum gentium commercio, quæstui uberiori navigantibus essent: eousque dicuntur augendo imperio processisse, ut à navigantibus supero mari, tanquam sui juris esset, portoria exigenter. Magnam urbi dignitatem jam Pipinus Gallorum Rex visus est conciliare. Nam post devictos summa gloria Langobardos: cum ageretur de Italiæ rebus constituendis, inter præcipuas pacis conditiones convenit, ut Venetis exceptis, quorum una in Italia civitas invicta adversus tantam vim bellorum stetisset, quique sui juris essent, suis legibus, suis institutis uterentur, aliæ urbes omnes aut Græcorum Imperatori, aut Romano Pontifici, cujus causa Pipinus Langobardis bellum intulerat, adjudicarentur.

Y y 4

Atqui



concitante, in rerum omnium discrimen venit, mansit illi tamen relictum à majoribus imperium, non minore gloria, ab hostibus sæpe victoribus vindicatum, quàm invidia, cum summa fuisset, ante amissum. Vicit enim Pontificis religio, quos terrere arma non potuissent: Pontificis ferociam frangere neque quod gerebat tantum in terris munus, neque imminens Italiæ exitium potuit. Id autem ita esse exitus belli comprobavit. Nam quibus armis speciosior titulo liberandæ Italiæ deformatam illam perpetuis cladibus, atque incendiis vastauerat, iis suis funesto prælio, & cruento victis: præreptam illi gloriam (si qua modo illum manebat) importuna mors Leoni Pontifici successori tradidit fruendam: nobilissimæ civitati religionis summæ, & sapientiæ laudem, quam obterere Regum atque Principum omnium viribus conatus esset, omnes concesserunt. Subnixus enim Venetus externis auxiliis cum mare classibus sternere, Italiam exercitibus complere posset: magis religionis majorum & constantiæ, quam salutis suæ memor, eam victoriam detestatus, quæ Italiæ ruina atque incendio constaret, se, vinci quidem in præsentia est passus, belli exitu, hostibus & victis æque, & victoribus superior atque admirabilior fuit.

Johannes Michael Brutus, Franco

Nicolai filio Spinolæ, S. P. D.

**N**ihil mihi esse gratius potest, quam ad te scribere, adolescentem non magis nobilitate (hanc enim unam, commendationem ad gloriam habes à majoribus) quam virtute, quæ abs te tota est, ut merita tua in me multa & illustria omit- tam, & suspiciendum mihi maximè, & amandum. Ita autem posse videor deside- rium tui absentis lenire, si non modo hoc crebro fungar munere scribendi, sed si iis de rebus etiam, quas plurimum tibi volu- ptatis esse allaturas intelligam. In his au- tem cum agatur existimatio optimi ac nobi- lissimi Principis, & cui non solum ipse es propinquitate conjunctus, sed maximis ego, atque amplissimis beneficiis devinctus: cave putes, quicquam hoc mihi uno abs te imposito onere esse jucundius: idem certe ut & merito tuo mihi, & illius æque anti- quissimum esse intelligas, omni studio, assi- duitate, vigilantiaque curabo. Panvinius, cujus apud te scripta de Innocentio subof- fenderant, & vir optimus est, & planè doctus, uno hoc quidem nomine dignus, quem nostri ordinis homines in oculis ferant, quod non desistit quotidie præclarius de li-  
teris



teris mereri. De innocentio quod scribit, quando nihil certius habet, quod sequatur, vir, quo nemo unquam diligentius elaboravit aut veterum scriptis pervolutandis, aut monumentis virorum illustrium inspicendis quo veritas suo studio erui, & vindicari in notitiam hominum posset, non est, quod queramus. Perfunctum enim se labore existimavit, quando nihil præterea, in quo elaboraret, sibi reliquum putavit. Sed heus tu? Dum hæc scribo, literæ ad me commodum Roma afferuntur, quibus certior, fio, alia nunc de Innocentio Panvinium, scribere. Quæ me res haud satis scio, majore ne admiratione, an voluptate affecerit: quanquam quæ hæc est admiratio? Nihil enim debet mirum videri quod divino consilio nobis quamvis id quidem novum, repentinum, inexpectatum contingat: quibus quid fiat magis, quam quibus de causis fiat, esse perspectum potest. Nam hoc plane divinitus, ut scribentem de Panvinio literæ de eo, & quidem quo uno maximè insistebam argumento oppræsserint. De eo autem Princeps ad me his verbis: Onuphrius Panvinus, vir eruditionis & probitatis singularis, totum negotium suscepit, libentissime. Itaque jam scribit de Innocentio quæ volumus: volumus autem ea quæ digna sint summa illius religione, & fide.

Nunc





pretiosis mercibus directum cursum Genuam haberet, interceptam direptamque retinuerat. Qua ex injuria tanta susceptam, Daniel simultatem, nisi per hujus affinitatis conjunctionem sublata esset, acerrime persecuturus videbatur. Meminit horum fere omnium Augustinus Justinianus, qui Italica lingua Genuensium annales conscripsit, ut aliis omnibus religiosus, & diligens habitus, quæ suis est scriptis conexus, ita in his, quæ pertinent ad Innocentii majores, magis, ut dicitur, veteris simultatis, quæ illi cum ea familia intercessit, quam religionis suæ, & fidei memor (equidem id minus ausus fuerim affirmare) iniquiore, certe animo in suos, quam rerum scriptorem æquum esset, multa consulto præterisse posteri queruntur, quæ honesta imprimis essent familiæ futura. Quicquid autem est, quod de Innocentii majoribus scriptores tradant, satis illud semper inter omnes convenit, honestissimum illos inter principes civitatis locum perpetuo quasi per manus traditum retinuisse. Generis originem, cum veterum monumenta multa, temporum injuria, interierint: posteri conjectura illi quidem adducti satis probabili Byzantium referunt. Authorem enim nobilitatis suæ agnoscunt Johannem Vitalianum, cujus quidem illustre & clarum nomen apud scriptores

ptores eorum temporum est, magnis ab illo rebus gestis, Belisarii primum auspiciis, qui Italiam à Gothis liberavit, clarissimi imperatoris, & magni nominis, & ductu postea, imperioque suo, cum revocato in Thraciam Belisario à Justiniano Cæsare, præesse rebus in Italia gerendis jussus esset. Nam in quibusdam annalibus Græcorum Cybo illi cognomen fuisse affirmant: quæ quidem vox cum Græca est, tum quadrat maximè ad hujus familiæ insignia. Est enim in his transversus alueolus quadrata forma, pluribus quadratis veneto atque albo colore alternis, æquisque lpatiis confectus. Nam superne posita crux testimonium habet laudis præclarum, egregie illos de suis civibus meritos, quod iis pietatis præmium amplissimum esset, patriæ insignia retulisse. Ita si est vis verbi spectanda, satis verisimile videri potest, ejus familiæ, quæ CCC. & L. ab hinc annum clara, floruerit, Græcum hominem & multis eundem clarum victoriis, & eodem cognomine insignem, cum præsertim nunquam postea in Græciam rediisse traditus sit, principem atque authorem fuisse. Sed hæc quidem, etsi perbelle conjecta videri possunt, quando, veterum testimonio, quorum aliqua, autoritas sit, nullo nituntur, haud temere esse assentiendum puto. Illud nemini dubium

bium est, Genuæ diu veterum nobilitate illustrem familiam, Neapoli ex iisdem ortos majoribus ampliore Tomacellos, clario-remque reddidisse : ex his maxime Petrum Tomacellum Cybo, qui Pontifex Maximus Urbano Sexto susceptus est, & dictus Bonifacius Nonus. Etsi autem minus convenit, quo tempore aut Innocentii majores Neapolim, aut Genuam Bonifacii migrarint, quæve iis migrationis fuerit causa, in re haud satis illa quidem explorata, minus illud tamen habere dubitationis videtur, eandem familiam diversis nominibus Genuæ, & Neapoli, cum eadem insignia essent ( quicquid hujus rei fuerit causæ ) appellatam esse. Nam quod res esse obscurior videtur, est id quidem argumento, quanta ejus familiæ vetustas sit, cujus tradi principia nulla certa possunt. Romæ quidem adhuc visitur picta Bonifacii imago, atque adeo, ut videtur, perantiqua hac inscriptione, BONIFACIUS NONUS TOMACELLUS CYBO. Quamquam vero Genuæ cruce rutila assumpta, variari nonnihil in eo insignia videntur : conjici hinc potest, migrationem hanc aliquanto vetustiore Bonifacii temporibus fuisse. Quod quidem, ut interdum minus pertinere ad rem videatur ( veræ enim nobilitatis ducenda à nobis commendatio, non à majoribus est ) testimonium familiæ tribuit

tribuit antiquitatis præclarum : quæ res nunquam non est honesta futura, cum iisdem artibus posteri, quibus partam nobilitatem habent, tuendam sibi retinendamque existimant. Fuit Bonifacii Pontificatus imprimis memorabilis, quem quidem adversus duos Pontifices Clementem septimum, & Benedictum XI. quamvis illos maximorum Regum potentia & autoritate nitentes, turbulentis Christianæ Reipublicæ temporibus per XV. annos constantissime gessit. Nam per Pileum Concordiensem Rauenatum Pontificem, qui à Clemente septimo adversus Bonifacium Pontificatum in Gallia gerente ascitus in Cardinalium collegium ad illum defecerat, Umbriam omnem, Picenum, Bononiam recepit : cum jam antea per voluntariam civium deditionem Perusium, quæ civitas partibus divisa laborabat intestinis discordiis, suæ ditionis fecisset. Jam & Ladislaum puerum, qui Carolo patre Rege Neapolitanorum interfecto, per ætatis contemtionem Regno patrio fuerat ejectus, & sibi suscepit tuendum, & suis copiis adversus Ludovicum Andegavensem jovit, qui tum Regno maxima subnixus potentia imminebat : atque eundem postremo superatis hostibus, ac Neapoli per copiarum duces recepta, Regem Neapolitanis in fidem receptum constituit : ne quando





fratris, quem Johanna Regina adoptaverat, ad se pertinere contenderet. Sed de Arunte Cybo pluribus quidem in vita Innocentii Pontificis, quæ à nobis brevi absoluta, edetur. Hæc partim ex Alberici Principis monumentis, partim ex Genuensium annalibus in præsentia collegimus, magis ut tibi mos gereretur, qui id te maxime velle ostenderas, quam quod magnopere esse tibi obscura possent, adolescenti à primis annis omnium, quos unquam noverim, studiofissimo antiquitatis. Qua quidem illustranda, si quid est, quod te fugiat, habes domi quem consulas, eruditissimum eundem hominem, & tibi propinquum Franciscum, Mariam Cybo. De quo quid tibi spondeas, videris: quid debeas, & possis ipse intelligo. Namque in nemine est aut facultas hujus rei major, aut voluntas ad te amandum propensior. Quæ duo quando tenes, posthac ego abs te, si quando quid à me petes, mutuabor. Genuensium historiam Latine scriptam, ubi voles, licebit cures describendam: quanquam cur id velis nihil video causæ subesse. Nam neque est genus scribendi, quod te magnopere delectet (est enim ex illa veterum barbarie, quæ est minime tui stomachi elegantissimi adolescentis ingenii: vix autem est mei, qui paulo sum ad hæc durior) neque res fere sunt

ullæ, quas non Justinianus in Annales translulerit, quos ipse jamdiu per otium excussisti. Sed quando in veterum scriptis non quid delectet semper, sed quid sit usui, quæritur etiam cum abest voluptas : non committam, ut me authore videaris à sententia destitisse. Adornas enim bibliothecam, in qua quidem haud est pulcherrimum ea esse, quæ terantur à multis solum, sed quæ etiam legantur à paucis. Horum est autem æque legere quæ probent, & quæ rejiciant, cum nihil sit adeo rejiciendum, quin idem commodo aliquando, & compendio sit. Ergo ut libet, quando per me quidem tibi licere semper, velle me autem omnia tua causâ intelligis. Vale.

Johannes Michael Brutus Sylvio  
Vonico S. P. D.

**S**I quando, Sylvi, tibi ullo meo officio persuadere potuisti, summum meum in te amorem esse (contendi equidem semper plurimum, ut hoc tibi probarem) licet jam in posterum, constantem me putes in te amando etiam fore. Tulit, autem diversa utriusque nostrum vitæ ratio, ut quo quidem tempore tibi studiorum causâ aut Patavii, aut Bononiæ, mihi in Germania, in Gallia, in Hispania, in Anglia

Anglia esset manendum. Sed potuit perficere memoria veteris nostræ consuetudinis, ut disjuncti etiam cum essemus spatiis terrarum immensis; conjunctissimum tamen inter nos animum præstaremus. Id autem magnopere ego tibi persuadeas velim, quanquam mea factum adversa fortuna sit, ut adolescens sumo loco natus, & maxime paratus à fortunæ bonis, me tibi arctissimis amoris, atque officii vinculis obstringeres: nihil tamen æque me unquam, atque tuam virtutem, pudorem, moderationem animi cepisse. Quæ de re quidem pluribus agerem, si de tua in me voluntate, dubitare sine magna injuria tuæ constantiæ, ac mei judicii possem. Cum enim tu semper multo mihi plura, quam ego sperare auderem, tribuisti: tum vero minime unquam ademisti judicium. Eo autem plane mihi videar carere, si, cum alias virtutes omnes maximas in te facile intelligam inesse, desiderem constantiam, qua una illæ maximè nituntur. Sed, ne videar, longior esse, causa brevitatis explicanda, nunc decimum post annum tibi receptum à me officium persolvo, ac Lazari Bonamici orationem de laudibus historiæ, viri omnium nostræ, superiorisque ætatis doctissimi, atque eloquentissimi, ad te mitto: satis quidem intelligens, à te, id quod est,

minime

Zzz ;

minimè existimari ulla me oblivione tui repræsentandum id in hoc tempus distulisse, cum non ignorarem te illam maximè avere: sed eorum injuria, quibus illam, commodaveram describendam, nisi ignaviam dicere, aut inertiam malis. Credo autem id jam tibi memoria excidisse (est enim magni animi, officii alterius oblivisci, meminisse sui) mihi quidem, cui dependendum erat, ita infixum animo hæsit, ut cum primum licuit, nihil potius mihi, atque antiquius fuerit, quam ut id tibi primo quoque tempore curarem. Orationem vero ad me Roma misit, Perseus Cataneus, vir quidem multis aliis nominibus mihi maximè amandus, virtute, probitate, ingenio, optimarum artium studio, mirifica in me animi benevolentia & magnis in rebus mihi cognita & perspecta, sed non minimum mihi hoc officio persolvendo. Adolescentem hunc, credo, Patavii nosti, optimæ illum indolis, & spei: unde jam quintum abhinc annum Pisas profectus, magna sua cum laude superata omnium de se expectatione, cum summa esset, Gymnasio præfuit. Tametsi autem est eo ingenio, ut, cum bene de aliquo promeritus sit, sibi tum fieri beneficium maximum putet: non una tamen de causa est, illi à me gratia referenda. Nam cum in eo mihi gratificatus est, quod



nihil omisſum ſit, quod ejus argumenti videri poſſet, laudarit. Interfui ipſe orationi adoleſcens, atque cum nunquam ab optimi ſenis, & ſanctiſſimi latere diſcederem, (neque vero facile erat dijudicare, utrum in illo comitas, atque ingenii lenitas major, an optimarum artium ſcientia, cum in omnibus excelleret maxime, ineſſet. Cetera tu noſti, quæ jam ferri debent à nobis animo æquiore, quando jacturæ incommodum perbelle licuit ſtudio & ſedulitate amiciffimi hominis ſarcire. De Daniele Padua, ac Gradenico fratre, ſi quid habes explorati, velim me facias certior: quorum alterius cauſa, etſi nullo meo compendio fieri quemquam improbum velim, cum id ſine multorum injuria & maleficio poſſit accidere, gaudeo barbari illius impuram cohortem, cujus jam celebre nomen eſt, non modo Antuerpienſi conventu maximo, & nobiliſſimo, ſed in Europa etiam univerſa (παρετίθει δ' ἡμῖν ὅλως ἐκ κριβάνου βῆς) ſic ſpem omnium eluſiſſe: me quidem nunquam fefellit. Ἐ τίς εἶδεν πώποτε βῆς κριβανίτας; at magni homines aſſum etiam elephantum: ita eorum erant magnifica verba. ἄχθομαι γὰρ πρέσβεσι, Ἐ τοῖς ταῷσι, τοῖς τ' ἀλαζανέμασι. O homines elegantes!

tes ! Itane vero ? quinquaginta millibus amplius , barbaro homini ( quid enim ille habet præter hoc unum ) nulla accepta fide, nullo sponfore credidisse ! Tantum autem potuit siue *παγαγοντες* *Φία* nescio quæ, siue *τρεβαυνοΦορία* ( audienda sunt prodigiosa nomina, quando res sunt prodigii similes & ostenti ) ut cum perdiu neminem in corona imperitorum hominum fefellerit, in foro celeberrimo, ac frequenti gentium omnium conventu callidos homines, & qui, cum cauti semper in aliis rebus omnibus sint, nunquam satis sibi cauti esse in credendo videntur, in gravem adeo, & pudendum errorem induxerit : quanquam isti regio ornatu, & minime *τρεβαυνοΦερῆντες*. Sed parvi refert, utrum obsoleto & sordido pallio, an lauto & nitenti quis fallat. O diem mihi expetendum, quo mihi liceat in vestrum complexum venire. Ne sim salvus, Vonice, ni omnes aulæ delicias cum unico vestro congressu tum sim libentissime commutaturus. Gradenico velim hæc legas : qui si mihi adolescens credidisset, nunquam tanti fecisset hos *παγαγοντες* *Φας*, ut ægrè ferret eorum iudicio sua scripta improbari. Ego ne pilo qui-





torum consuetudine uti licuerit, atque eorum adeo, in quibus causæ amoris insignes, & multæ essent, neminem aut morum elegantia, aut ingenii suavitate, aut fortunæ ullis, atque animi ornamentis, quæ studia populorum magnis viris, & gratiam conciliant, iis duobus fratribus amabiliorem, invenire posse. Iterum valeas, & me, ut cœpisti, amare pergas. Ex Laurentiano, Calendis Decembris.

Johannes Michael Brutus Petro  
Angelio Bargæo S. P. D.

**F**acilius Bargæe, quavis in arte excellere homines, quam id probare multitudini possunt. De eo enim nemo quid sit, nisi raro admodum, sed quid sibi videatur, constituit. Ita autem omnes vero investigando habent quod sequantur, ut sæpe is ab eo absit quam longissime, qui se proxime id consequi arbitratur. At illud est haudquaquam ferendum, qui recte de rebus sentiant, pravitate quadam ingenii, ne cogantur suo testimonio laudare quem nolint, suam sententiam dissimulare, improbare quod optimum rectissimumque putent. Nam in eo quidem pessime cum hominibus agitur, ubi qui judicant, sibi standum esse multorum judicio centent. Quid vero?  
Quid

Quid tu enim agis: aut qua in re laboras? An non id nunc mihi usu venit? Laudem, inquit, scribendæ historiæ unus nostræ ætate præripuit. Mitto ego quorum id testimonio, mitto imperitorum: eorum quibus ut liceat nobis esse iniquis, uni sunt æqui. Do enim hoc, egregie scripsisse. Quid igitur? ita is summum locum tenet, ut aditum cæteris præcludat, etiam si ipse perveniendi nulla sit, eodem contendendi? At eousque iniqui sumus, ut sæpe in cursu, qui vix medium est spatium assequutus, ei, qui jam metam contingit, præferamus. Ridiculum autem esset, quod princeps ille è carceribus exeat, hoc nomine ei esse anteponendum, qui jam cursum confecerit, censere. Quid enim æquius, quam, quod valere debet ad dedecus, sumi ad laudem? Sive enim noluit properare, cum posset, tarditati & ignaviæ: sive non pouit cum vellet, imbecillitati est dandum. Qui me vero reprehendunt (non dico qua in re, quando tu id satis tueris præclare) iidem laudant: quem tu putas? At si libet, id quod isti volunt, aut Thucydidem, aut Livium aliquemingas: tanta est enim hominis autoritas, ut non desint qui illum audeant cuivis veterum anteferre. Est autem hujus magnifica illa & præclara vox, dignum modo videri scriptoris nomine, qui possit etiam

iam in solitudine scribere: quam quidem,  
iidem ferunt in cælum laudibus. Quid?  
etiamsi, ut ille, fœdè, barbarè, nullo dele-  
ctu, nullo usu, exercitatione, nulla tracta-  
tione scriptorum veterum? Næ si is videtur  
dignus hac laude tanta, qui hoc possit: per-  
quam multis illa patebit qui ita scribere,  
atque adeo præclarius, etiam cum rheda ve-  
huntur, aut equo, non desperent. Atque,  
si quantum quis scribat, non item quid scri-  
bat, spectari oportet: jam licet nostro ju-  
dicio, Alcestides nescio quis Euripidi præ-  
feratur. Quo enim tempore alter versum  
efficiebat, & quidem summo labore: cen-  
tum, aliud etiam agens, fundebat alter.  
At hujus & nomen, & scripta interierunt:  
alterius cum immortalitate atque æternita-  
te nomen est & fama perpetuò duratura.  
Itaque qui novit quantum munus scribendi  
sit: meditandum sibi modo in solitudine &  
commentandum, scribendum idem sine præ-  
fidio librorum nullibi censet. Secus autem  
si quis agat, tum audiat quod Livius hic  
noster de homine erudito, cum quid de il-  
lius scriptis sentiret, Romæ rogatus dixisset,  
nihil videri expectatione magna dignum  
in verbis: in rebus fidem, vigilantiam cer-  
te majorem, & studium desiderari. At non  
hoc mihi solum objectum est. Verto enim  
quæ scribo ex Hetrusca lingua. Quid ve-  
ro mi-

ro mirum ? quasi non una ratio sit conficiendæ historiæ, ut cum gestæ res sint, de quibus est scribendum, ab iis mutuemur, qui eas habent in commentariis, nihil præter fidem nobis præstandam putemus. Genuus scribendi, orationis elegantia, copia, varietas, tum regionum, urbium, locorum describendorum proprietas & vis: jam in consiliis explicandis, dicendis sententiis, in colloquiis Principum, conventibus civitatum, in concionibus facultas dicendi facile, quæ velis, eruditio, acumen, ingenium, non ut quæ potuerint dici, sed quæ æquum fuerit, habita ratione eorum qui dicunt, explicentur, facit ut alter quidem expetatur, explodatur alter, cum eandem rem tamen uterque tractarit. Quot enim ante Livium rerum Romanarum historiam scripserunt? Fabius, Cælius, Piso, Antipater, Sisenna, quorum cum vix nomina modo extent, Livii ætate ita scripta extabant, ut jam legi desiissent, illius modò quanquam iisdem, de rebus essent, in manibus haberentur. Nam quid mihi erat addendum de meo, qui fidei laudem scribendis rebus, & constantiæ quærerem, ubi Latine explicarem, quæ Hetrusca lingua scriptores tradidissent? Equidem cum in aliis historiæ partibus, tum in concionibus, in quibus maxime scribentis ingenium spectatur, & eloquentia, quam labora-

laboraverim ipse scio : quid perfecerim , cum eundem mihi finem , quem alii suadendo , dissuadendo , diluendo , probando , laudando , vituperando proposuerim , etsi quid judicent docti homines , me non fugit : facile patior cujusvis liberum judicium esse. Sed quando jam , Bargæ , habes cujusmodi eorum judicium sit , qui ita statuunt : non nihil etiam arbitror interesse , abs te , qui ii sint , quorum hæc sententia est , cognosci. Intelliges enim esse certos homines , elegantes quidem , ut sibi videntur , certe , id quod possum asseverare , locupletiores , quam disertos , aut eruditos : qui se dicant domi inclusam eloquentiam , tanquam incorruptam virginem , habere : quam quidem ( veriti , credo , ne , si à nobis minime , Ciceronis sacris initiatis , qui est unusquisque Deus , conspiciatur , aspectu polluatur ) se plane negent ostensuros. Itaque minime jam illi dissimulanter , aut recte Julii Camilli manes execrantur , qui cum oculos cornicum configere statuisset , paucis illam antea cognitam , à quibus sancte per omnem vitam , & caste culta esset , veluti nisi is hæc nobis mysteria enuntiasset , augustior , sanctiorque esset futura , in theatrum educere , ac proscribere venalem sit ausus. Quid tu autem de his statuas , qui eloquentem putant esse neminem , nisi in quorum scriptis altera quaque pagina,



locum : Platonis autoritas non ex Phædro ( delectat enim nominis elegantia ) sed ex Gorgia, aut Timæo, aut Jove petatur, dignum scriptorem non putent, qui in desertorum numero habeatur. Quin etiam si quis in verbum incurrat, quo non sit Ciceri usus : tanquam convitium fecerit, dedecusve admiserit, continuo illi actio injuriarum intenditur. At horum ( id quod necesse est ) exilis, enervata oratio, sine sanguine & colore, qui si modo est ullus aliunde quæsitus, & fucis illitus eandem deformat : Latina quidem, si singula verba spectentur, sin conjuncta eadem, barbara plane & fœda, ut Insubrem, Hetruscum, Ligurem errare ac peregrinari in aliena lingua animadvertas. Nam modus, numerus, concinnitas nulla, nisi si quando integra Ciceronis clausula, quo est quidem nihil putidius, pueriliter structæ atque elaboratæ orationi annectatur. Quæ cum ita sint, tanquam cœlo demissi homines, audient de loco superiore in imperitorum corona otiosorum hominum, libere quavis de re sententiam ferre. Quos tamen te authore homine doctissimo & gravissimo posthac facile contemnâ. Ita autem tanquam septis quibusdam nos continent Ciceronis scriptis, ut quidam, cujus erat summa Romæ autoritas me etiam in scribenda

Aaaa

histo

historia à Cæsare imitando deterreret : cum ita diceret, satius videri quingenties Ciceronis verbum repetere, quam variandi causa semel à Cæsare, aut Livio sumptum efferre. Quæ (malum) hæc superstitio, an dementia est, cui nos patimur illigari? Nam ut aperte, id quod est ingenueque fatear, ita ad hanc consuetudinem passus sum, me adolescens deduci, ut repugnante ratione, plane jam corroborata ætate, confirmatoque judicio, eodem invitatus trahor. Quid enim absurdius? quoniam præter pauca, quæ in Catone majore habentur, Ciceronis nulla scripta extant de re rustica, non à Varro, Columella, Plinio summam adhibito judicio, & delectu? Quid de re militari? nisi eidem Imperatori in Cilicia appellato de rebus ab se gestis ad Senatum fuisset, & ad Populum scribendum, qua de re unam, aut alteram epistolam legimus, jam nobis non liceret, neque iis ipsis adeo angustis finibus circumscriptam historiam attingere. Nam mutuari ab aliis, ubi à Cicerone discedas, capitale est. Jam quis præter Celsum ex veteribus de medendi arte Latine scripsit, cujus à nobis scripta legantur? At, quoniam non venit in mentem Ciceroni, quæ ejus argumenti essent, complecti, jam per istos licet, politissimi scriptoris, atque elegantissimi cum aliis monumentis illius

inge



ingenii præclaris, quæ injuria temporum, interierunt, hæc, quæ de re tanta nobis scripta reliquit, quando nullus eorum usus est iis, qui se uni Ciceroni addixerunt, tandem tollantur: medicinam à barbaris scriptoribus, & imperitis conspurcatam, nemo, qui liberali sit atque eleganti ingenio, attingat. Sed de his jam nimis multa, cum Bargæo præsertim. Equidem quemadmodum tu me prudenter mones & amanter, pergam quæ institui scribere, minime veritus, quando meorum scriptorum te habeo propugnato-rem, hominem doctissimum, atque amantissimum mei, ne male videar studium inscribendo, & operam posuisse. Vale.

Johannes Michael Brutus Nicolao  
Pallavicino Francisci filio S. D.

**E**X iis omnibus causis, quæ liberum hominem ad amandum impellunt, nulla est, Nicolae, quæ non me tibi plurimum devinxerit. Nam cum ea in me beneficia contulisti, quorum ego oblivisci sine gravi scelere haud possum, tum, ut me imprimis diligi abs te putarem, nullo unquam genere officiorum, quæ quidem ab humanitate summa, atque inductione animi proficiantur, declarare intermisisti. Ea autem est tua virtus, ut tanquam mihi

Aaaa 2

hoc

hoc uno nomine modò sis amandus, quem amare multis debeo, me totum tibi plane addicat. Est autem hoc virtutis, ut quemadmodum cum exoritur Sol, lumina nulla alia conspiciuntur, quorum est admirabilis aspectus, & clarissimus: sic magnitudine illius splendoris, quæcunque sunt in vita, ornamenta reliqua, sive illa præclara à fortuna, sive à natura sint, ubi semel illa eluxerit, obscurentur. Itaque etsi fortunæ debes multum, quæ tantum tibi tribuit, quantum moderato homini & ad agendam vitam, & ad dignitatem tuendam satis videri potest: à natura autem unus habes quæ illa raro pluribus elargitur: at quod te omnes ament, in oculis ferant, amplissimum esse, & honestissimum velint, virtuti uni, pudori, probitati referre acceptum debes. Atque in eo es tamen fortunatus, quod non solum iis, qui hæc in te bona agnoscunt, amabilis videris (perpauci enim hi essent) sed quos illa etiam tenent, quibus nunquam ego inficiabor non me plurimum capi, morum atque ingenii suavitas, facilitas, comitas, his adjuncta gravitas summa, dignitas: quæ quidem etsi non sunt plane omnia virtutis: at esse sine virtute haud possunt. Dissimulantur enim naturæ vitia, & tolluntur, adhibita vigilantia & studio: naturæ bona ut conspiciantur, quæ una illa modò ad

ad decus potest, & ad honestatem conformare, moderatrix assequitur rerum omnium optimarum atque effectrix virtus. Itaque ut humanus sis, miti ac leni ingenio, tum natura ad gravitatem atque ad severitatem propensus: in affinia vitia hoc incurrat, necesse est, nisi animum virtus, quasi intra cancellos quosdam ratione cohibeat: id quod tu optime semper à prima tua pueritia præstitisti. Memini enim te admodum adolescentem, cum una in Anglia essemus superioribus annis, tametsi quæ alii jam multo confirmati usu, scire vix per ætatem possent, fretus ipse bonitate ingenii teneres optimæ: quo hac modestiæ laude commendabilior videreris, quotidie eorum, quæ egisses, ratiocinatore acerrimum, de majoribus natu, in quibus (credo, quod tibi imprimis mea esset fides, & benevolentia, probata) me unum maxime consulebas, quæ de his deduci, corrigi, addi, tolli placeret, percunctari. Est autem cum hoc semper, in vita tutissimum omnibus, tum adolescenti imprimis, cum viæ multiplices sint, una ex his modò ad vitæ beatæ finem directa quò est viris bonis contendendum: deligere ducem optimum, qui, & quò insistendum sit, & quâ declinandum, necubi offendatur possit commonstrare. Sed dum tibi probare contendo, quam te merito tu amem,

id autem non in eo esse, quod multis mihi, maximisque in rebus tuam erga me benevolentiam esse perspectam voluisti, sed in una virtute probitateque positum tua: multo, quam volebam, scribendo progredior longius. Nam quod me diligis opinione nonnulla, quam de mea virtute habes, (ne quando te illa ipsa fallat, video quam mihi elaborandum sit) illud efficis, ut vicissim amando te, haud plane inhumanus videar, ferreusque esse. Quod mirificum tuum in me amorem merita tua, in me multa, & officia consequuntur, sit, nulla ut mihi laus debeat major, quam quæ grato homini speranda est, & non immemori beneficiorum. Est enim hujus rei una ratio, ut quemadmodum in referenda gratia perexigua est laus: ita in habenda, cum possis referre, & turpitudine quidem insignis sit, & scelus maximum. At virtutem tu quidem, qua ego una adductus, quam mihi sis amandus, intelligo, in te nullam moderatione animi quadam agnoscis: quæ quidem res etsi maximo tibi est ornamento, ne quando mihi tamen offensionem sit, tibi est magnopere providendum. Ita enim mihi amorem tribuis, ut non adimas idem iudicium: quanquam me nunquam sane poenitebit, dum ego hoc ipsum urgeo, consequi te negando, modestiæ laudem consensu omnium







nem, cupiditatem continentia, ratione ferociam coercet: ut cum nusquam oculos de vitæ custodia dejiciat, tutissimam eandem, semper adversus vim omnem, atque infidias præstet. Eo igitur bono qui fruaris, in quo uno ea omnia sunt sita, quæ summa expeti in vita ab homine possunt: nisi sit mihi tua plane modestia perspecta, non me irrideri abs te putem, qui me tuis literis ad tui cohortationem impellas? At ita mihi Deum immortalem propitium velim, ut, tua probitas me, religio, pudor, moderatio, excellens in rebus omnibus virtus, si quando ejus mihi in mentem venit (venit autem sæpissime) hominem hac ætate, usu rerum, ( adde literis, si placet, id quod mihi video abs te tribui ) ita commovet animo, ut tanquam tum mihi primum perfectæ virtutis imagine objecta, notum esse incipiat, quid mihi illam quærenti desit: mei me simul incipiat pœnitere. Quæ enim summa est adolescenti laus ( hac autem una quæ esse alia major homini, decursa etiam ætate, potest? ) minimè honestum mihi ( utinam non etiam turpe! ) in summæ laudis cursu eo mihi abs te intervallo præcurri, ut cui ego esse exemplo ad capeffendam virtutem debeam, ab eo mihi intelligam esse exemplum ad idipsum sumendum. Sæpe autem memoria teneo, cum mihi adesses meo



meo tristissimo tempore ( nondum tu autem plane è pueris excesseras ) ea à te afferri ad cohortandum me , revocandumque à mœrore , quæ ob id mihi solatio essent , quod non putarem ab ea ætate , nisi quædam inesset divina vis , atque humana amplior , tantam posse sapientiam proficisci. Fiebat igitur , nescio quo pacto , ut quæ ego vix sine rubore à magno natu homine cohortandi mei causa commemorari sustinerem ( parum enim mihi hoc esse honestum censebam ) te de his ita audirem differentem , ut non modo mœrorem omnem levaret tua oratio , sed animum etiam perfunderet voluptate quadam mirifica : interdum ut existimarem mecum præclare agi , quem ob id fortuna videretur perculisse , quo ego à tanta virtute erectus illius ictus posthac aspernari contemnereque auderem. Hanc tantam animi tui præstantiam , cum primum ego Genuam venissem , populari modò fama acceperam : cui quidem , sæpius falsus , quam vellem , multitudinis levitate , non soleo ita facile assentiri. Itaque avebam accedere propius , haud omnino existimans , de nobilissimo præsertim adolescente , eam dissipari famam temere potuisse. Qua quidem in re , est quod plurimum debeam Johanni Francisco Baffigo juveni spectatæ virtutis , ac minime digno ea fortuna , qua nunc jactatur : quo  
mihi

mihi interprete licuit, ut me minime esse fama deceptum putarem, consuetudinem, tecum, & amicitiam jungere. Nam cum is ea de te prædicaret, quæ referente alio, videre prorsus incredibilia possent: de illo audita, in quo ne ipse falleretur, prudentia, summa, ne me falleret, fides egregia, & benevolentia præstaret in me singularis: eam cupiditatem mihi agnoscendi tui injecerunt, ut non sim passus intercedere diem, quin me ille ad te deduceret. Id autem fuit Baffigo satis & ad liberandam suam fidem, & ad me confirmandum in ea sententia, in quam me ille jam de tua virtute adduxerat. Cætera unicus ille congressus ita comprobavit, ut statim mihi dubitatio omnis tolleretur quicquam esse fama afflictum tuis verissimis laudibus. De quibus equidem amore & studio provectus, pluribus egi fortasse, quam modestia tua pudorque postulat: sed ne eadem videar collegisse tibi assentandi causa, à quo ego semper morbo longe abfui, ipse etiam gravitate tua summa præstas, cui honos haberi verborum nullus potest, quo non merita tua multo sint majora existimanda. Illud certè volui efficere, ut tibi te, quod antea dixi, tuis pictum coloribus ostendendo, incensum ejus æmulatione gloriæ, quæ quidem tibi hac tua florenti ætate contigit, ad eandem tuendam constantia, augendam

gendam si fieri posset, studio, consequenti etiam tempore, quando tibi mos gerendus fuit, adhortarer. Nam si quis est, qui arbitretur, magnopere te commemoratione tuarum laudum commoveri, is tandem intelliget, in agenda vita hanc te esse sequutum rationem, ut collectam famam temeritate multorum aspernareris: fructum virtutis esse, quem sapientes semper maximum duxissent, unam virtutem statueres. Vale.

Johannes Michael Brutus Francisco Luisino S. P. D.

**Q**uanti apud me esses, cum istic agerem, non putabam me ignorare. Nunc quidem cum absūm, plane mihi id videor scire: ipse autem? imo quis non æque, atque ego? Tantum, Franciſce, peragravi terrarum: cave putes locum jam ullum esse, in quo ego modò vestigia impresserim, ubi non vestigia quoque amoris in te mei. Quod quidem si potes credere, voluntatem meam ama. Ut enim ego alia in re de te merear, neque fortuna tua patitur, neque ipse debeo optare. Sin de eo subvereris (est enim amor in te meus incredibilis) at de hoc tu facias conjecturam. Gentem ego antea istam pessime ode-  
ram

ram (quis autem non illam nostrorum hominum, quam vix possunt non externi odisse, qui semel cœlum Italiæ aspexerint?) nunc amo eandem tui causâ. Etenim Afros etiam finitimos, si te illi tenerent, amare tua causâ æque possem. Tulit autem sive casus id, sive fortuna mea quædam, mihi ut fluxis meis rebus, amicos multos compararem. Nonnullorum egregia merita in me, & multa extiterunt: mirificus multorum amor, nemo mihi, nisi quem boni omnes odissent, inimicus: nunc quidem sic tibi persuadeas velim, neminem te mihi uno esse chariorem. Tanta vero in te est morum, atque ingenii suavitas, ut tametsi nullus tuus accedat in me amor, ferreus plane videri possim, ni te ego ob hanc unam causam in oculis feram. At hæc una modò causâ me in tui benevolentiam impellit? Quid literæ, eruditio, ingenium, usus rerum maximarum? His aliis fortassis videare suspiciendus: mihi æque & suspiciendus es, & amandus. Manat enim hoc ab ingenio tuo, ut aspersæ in te literæ jucunditate quadam, mirifica tanto te amabiliorem reddant, quanto sunt plures, qui his comparantur ad tristitiam & severitatem: id quod vix ullo modo ferri potest. Natura enim nos ipsâ ad humanitatem fingit, quam etiam depravatam, doctrina excolere, usus atq; ætas, ubi accedat, perpolire

perpolire etiam potest. Delectant vero literæ semper, quicunque is sit, in quo illæ exquisitæ præsertim & reconditæ, conspiciantur: quinetiam amantur multi, & expetuntur, qui, nisi hæc una causa amoris subesset, ob vitam, & mores insuaves, cujusmodi literatos homines esse permultos videmus, digni odio hominum, atque irrisione haberentur. Quid? cum amor intercedit, consuetudo, usus, quanta hæc accessio videri debet? Equidem Francisce, dicam quod sentio, libere, si id mihi modò facile erit: nite ego amem cum humanitate tanta, & virtute adductus tua, tum vero benevolentia quadam in me & studio singulari: plurimum eundem suspiciam & colam adductus ingenio, eloquentia, eruditione, qua inter paucos excellis, tum vero fatear, non te magis, quam me mihi satis cognitum non esse. Verum, si quæris, amo te mea causa non minus. Quod enim, cum istic essem, te unum habebam, in cujus suavitate sermonis, cum me conficiebat dolor, ac graviores curæ molestiæque angebant, conquiescerem, ac luctum omnem mœroremque depone-rem: tum ita te amabam, ut causa amandi tui esse in me uno posita videretur. Quinetiam nunc idem absens tui memoriam colo, propterea quod est mihi illa jucunda, quam quidem spero fore etiam diuturnam, quod eandem non dubito mihi indies jucundior-  
rem

rem futuram: quod ipsum tamen eodem recidit. Nam quia tantum voluptatis haurio ex tuo amore, hanc tibi debeo gratiam referre (majorem autem non possum) nihil mihi ut uno te esse charius, jucundius, gratius statuam. Singularis autem tua virtus, elegantia morum, comitas, facilitas, accessione præsertim summi amoris, tanti à me fit, quanti esse apud me is fructus debet, quem ex his capio: est autem is maximus, atque uberrimus: sed illustria alia sunt tua in me merita, quæ consequi quidem voluntate ac studio possum, referenda gratia, cum immortalem debeam, non possum. Literis enim tuis ad me, tanquam parum esses de me præclare meritis, si quam me amares, iam modò, qui nunc sunt, prædicatione tua intelligerent, posteris etiam testatum relinquere voluisti. Quibus quidem literis & elegantissime scriptis, & amanter, quam mihi tribuas video: quid sentias, dubitabunt alii, nisi hoc esse amoris indicium, id quod ego existimo, arbitrentur. Equidem hoc lucri in hac re faciam, ut testimonio tanto tuo honestatus, dandam operam mihi in posterum putem, ne quando, quòd ita de me judicaris, plane esse deceptus videaris. Sed de his alias pluribus. Mediolani Aonium Palearium conveni, à quo homine doctissimo atque amantissimo tui earum literarum exemplar accepi, quas

quas ad te ille in Hispaniam. Puto autem, respondent iis, quibus tu ad illum multa de Andrea Marino. De cujus ego humanitate adolescentis, virtute, eruditione, propensione animi in doctos homines plura dicerem, si sperarem me consequi posse scribendo. Nunc autem sic habeto, unum esse nunc adolescentem, in quo hæc omnia summa sint: summa autem hæc propterea esse existimanda, quod explicari, quanta sint, minime possit. Obtuli ei libellum variarum lectionum in Cæsaris Commentarios illius nomini inscriptum, quem quidem & hilarè accepit, & sibi esse gratissimum munere perliberali testatus est. Petrus Angelius Bargæus doctissimus vir, & mihi amicissimus, multam tibi salutem meis verbis. Hujus sex de Venatione libri longe luculentissimi propediem Lugduni edentur magna doctorum hominum expectatione. Vale, mi Luifine, & si me amas, quamprimum ad nos cum Epithalamio, quod jam avidissime, omnes expectant, Orationem de Regiis nuptiis, quam quidem cum aliis (qua dere jam Lugduni egicum Gryphio adolescente eodem & erudito, & humanitatis singularis) curem imprimendam. Vale iterum.

Joh. Michael Brutus Johanni Baptista Minutulo S. P. D.

**N**Unquam potui Minutule dubitare, quin tibi omnia mea curæ essent: sunt enim

B b b b

eadem



eadem tua. Et si autem in iis sæpe etiam fallimur, quæ sunt amicorum: at te prudentia summa ab errore, amor & studium à tarditate & cunctatione vindicat. Tantum porro abest, ut de his sollicitus sim, quæ commensata tuæ fidei habes, ut laborem quidem ratione excogitanda, qua pro his tibi gratiam referam, parem ut referam, nunquam futurum putem. Hanc tu scilicet laudem, quæris, quæ quidem paucorum est, spem omnem ut tollas grati animi declarandi ei, in quo beneficium collocaris. Itaque si hoc modo fieri potest, locum expostulandi in beneficio relinquis. Habet enim non solum qui beneficium facit, sed qui accipit etiam, suam laudem, quam ei præripere videtur, qui non concedit. Nam ut est magni animi, bene velle de nemine cum spe gratiæ mereri, ita videri velle in eum gratum, qui hoc animo sit, moderati & pudentis. Is autem est maximè dignus, cui gratia habeatur, qui cum magnam sit promeritus, sibi tamen nolit ab eo, qui debeat, haberi. At tu quidem, ut minus videar in te animo grato esse, fortasse efficies (video enim tibi gerendum esse morem) ego ut sim, facile præstabo. Quia in re si minus fructu mei officii aliorum iudicio fruar, at equidem fruar meo: qui idem esse uberior, quo est certior, & fallere minus potest, videtur. Sed heus  
tu



tu ( jam enim est ad alteram epistolæ tuæ partem veniendum ) ita de fortuna tua queris , ut subinvidere videaris meæ : adeo multus es in eo otio laudando & vitæ ratione , quam sequor. Quæ mea tamen fortuna hujusmodi est , ut una in re modo mecum illam putem egisse præclare , quod me nulla in re sibi voluerit debere. Accidit autem hoc sæpissime , ut magis illa adversa faveat , quam secunda. Quicquid vero ego sum ( tu quidem ut videris , amore pro- vectus , me cumulas maximis laudibus , atq; id sive ingenio , sive studio tribuis ) cuivis id potius , quam fortunæ refero acceptum. Pupugit me illud vero vehementer : nam , ita ais te hujus tuæ fortunæ pœnitere , ut neq; diuturnitate temporis à te impetrare doloris levationem aliquam possis : revocando animum ad ea studia , quæ puero adamasti , qua in re positum tibi paratissimum perfugium speraris , refrices tu quidem dolorem , vel aug eas potius : à qua re cum nunquam tamen , obrutus etiam maximis negotiis , abducere animum queas , neque momentum horæ vacuum traducere tibi à dolore summo licere. Sordibus enim quæstus , inquis , minimeque tota res digna libero homine. Itaque illud habes semper in ore , ὁ δὲ τόκος γίνεται νόμισμα νομίσματος, ὥς τ' ἑ μάλιστα παρὰ φύσιν. O hominem

Bbbb 2,

mi-

mirum Aristotelem ! Quid enim non pariat nummus, qui saepe etiam abortum faciat? quot vero modis hoc tempore, angusta non privatorum modo, sed Regum fide? Sed hoc joco, illud serio. Equidem & ipse malim agrum colere, si data optio sit: quid enim hoc vitæ genere beatius? sed hoc quidem est cum robusti & valentis, tum qui paterna rura bobus exerceat suis. At quid faciat Ligur, qui agri glebam non habet, quam colat? an quod ea quondam loca incolentes homines asperi, duri, & assueti malo speculas & montes insidendo, latrociniis vitam in latibulis, ferarum more, tueatur? Dii meliora! inquis. Quid igitur? utrum quod postea, hujus majores, jam mitescentibus ingeniis, humanissimi homines & magnæ industriæ, rem maritimam colat, quæstum faciat navigando, commercii causa ad exteras nationes adeat, quibus illi in rebus minus liberalis aut fortuna, aut natura fuit, cura, sedulitate, solertia, studio occurrat? optime hoc quidem. Quid cum aut militi conducendo, aut muniendis urbibus, aut classi reficiendæ trans mare curare pecuniam Rempublicam oportet? Quid si longe præstat, ab eo, qui in Syria, aut in Ægypto negotiatur, eam solvi, quàm magno vecturæ periculo, per tantum maris, terrarumque spatium transmitti? Quid igitur? Cum vicissitudine officiorum vita hominum constet,

constet, utrum debet cuiquam turpis quaestus videri, cum qui Reipublicæ serviat, ei id fraudi non sit? suppeditetur, quo se suosque honestè alat? multis adjumento sit & præsidio ad vivendum? Nam illud æquissimum videtur, quam à me pecuniam implicatam habeas, qua tuo difficili tempore utare, quæ tibi subsidio sit, quando collocare interea aut fundo emendo, aut alia re, quæ sit compendio & utilitati non licuit: ea ut tantundem mihi lucri apportet, quantum videatur fuisse accessurum, si ea ager emptus aut cædua sylva, aut pratum, aut vinea esset. Neque vero video, qui venerit in mentem summo oratori, sordidam mercaturam vocare, cum rem lenire, verbo levius vellet, minus esse vituperandam, ubi copiosa & de magnis rebus esset affirmare. Etenim si quis rem velit considerare diligentius, iis exceptis, quibus administrationes civitatum, & magna imperia, mandantur (iis si libet adjungantur etiam, qui aut literarum studio, aut rei militaris gloria excellunt) neminem reperiat, qui majores vitæ utilitates & commoda, quam eos, qui negotiationi & mercaturæ student, apportet. Commercium enim una maxime necessaria res societati hominum conservandæ, horum imprimis stat autoritate & fide. Ita qui ultimas terras ad Orientem solem,



illos verifimile est, pulchritudine illius & forma captos, sensim è feris, veluti cicures fieri, leges accipere, magistratibus parere, ac divina colere, & humana jura assuevisse. Naturà enim esse comparatum videtur, ut, usu & tractatione rerum magis, id quod totum ab iis est, quàm ullis præceptionibus sapientium, imperiti homines ad virtutem, atque ad honestatem informetur. Itaque urbes omnes, quæ sunt in locis maritimis positæ, ob commercii opportunitatem longe præstant mediterraneis, communibus vitæ officiis atque humanitatis perolvendis. Nam Athenienfium civitas, prima omnium dicitur fuisse, in qua homines feritatem immanitatemque exuerint, maritima quidem urbs, & quæ exilem ac sterilem agrum coleret. Itaque cum domi leges optimas condendo, tum multo magis cum vicinis populis communicando, quam ab illis solertiam exiguitas agrorum ac soli sterilitas exigebat, eò magnitudinis pervenerunt, ut coacti sint multitudinis levandæ causa colonias ad vicinas civitates mittere, quibus cum maxime lonia creviffet, adversus suos conditores pro hostium victoria bellum gessit. Ex hac una civitate omnes liberales artes, leges, jura gentium manasse ad exterarum nationes dicuntur, sed ita quidem, ut per vestri ordinis homines frui illis tanto bono licuerit. Cum enim

mari exposita commercio gentium omnium pateret, fiebat, ut commutatione quadam, studiorum, commiscendo cum externis animos ita ab iis, quæ suis ad vivendum essent necessaria acciperent, ut rationem illis colendæ humanitatis, cujus expertes essent, tum cætera vitæ instituta præclara, quibus ad honestatem, ad decus, atque ad omnem politiozem elegantiam instituerentur, captis hac quasi illecebra virtutis, & delinitis præberent. Ita magna ex ea re gloria parta, & aucta, urbs, & imperio est gentium multarum, & populorum potita. Atque ne ea colligam, quæ sua jam vetustate obsoleverunt, usus etiam nunc docet quàm omnis hæc ratio præclara & honesta sit. Nam cum in iis civitatibus, quæ unius imperio parent, ferè hæc ratio quæstus vilis habeatur (Principum enim institutum facile populi æmulantur) non ita autem sint multæ, quæ usæ suis legibus & institutis mercaturam colant, quid inter illas intersit res ipsa loquitur, etiam tacente me. In illis quidem ambitiosi homines, & qui inflati vana opinione honoris, inanem nescio quam nobilitatem lautissima patrimonia effundendo alea, luxu, intempestivis conviviiis, cum præterea nunquam desint, qui perdant, homines flagitiosi & impuri, quos canes circum se habent ad venandam pudicitiam matronarum, atque ingenuorum, ob-

ruti

ruti semper alieno ære tueantur. In his diversa omnia, honestæ familiæ, & locupletes, navi, industrii, experientes homines, & qui re familiari procuranda tenues atque egen-tes alant, liberales omnes artes, honesta studia foveant, nihil fucatum, & quod appareat modò, & non sit, nihil inane, atque ex hominum imperitorum errore haustum, magnifica omnia, & luculenta, amplæ domus, & regiæ, sine ulla tamen invidia. Venetias nunc mitto, vel quod mihi ea patria est, vel quod, cum multa de illa dicantur, satis tamen multa de illa dici pro illius magnitudine non possunt: Genuæ sum aliquandiu comoratus, quæ urbs cum rerum omnium affluentia & copia, tum ædificiorum magnificen-tia, situs opportunitate, frequentia homi-num & celebritate, imprimis Italiæ omnis nobilissima habetur: nullam est genus offi-cii, humanitatis, liberalitatis, quod in ullo unquam, cum multorum mihi familiaritate uti contigerit, sit ullo meo tempore à me de-sideratum. Atque cum hoc instituto domi-utuntur, ut præter cætera humanitatis offi-cia, hospitii jura sancte & religiose colant, tum multo illi in hac re foris magnificenti-us se gerunt. Nam cum aliquot ab hinc an-nis Antuerpiæ agerem, qua in urbe ex ea civi-tate homines honestissimi permulti, & splen-didissimi negotiantur: illud quidem anim-

B b b b s

adver-

advertēbam , cum eorum nulla fere domus  
esset, quæ non hospitio clarorum hominum,  
pateret, studio illos inter se, atque æmulati-  
one, ne quis sibi eam laudem præriperet, cer-  
tare, excipere domum, omni genere honoris,  
magnificentiæ, comitatis à se excultos dimit-  
ter. Atque observabam ego ex his maxime  
Sylvestrum Cataneum, Lazarum Grimaldum  
Pauli filium, Cevam, Augustinum, & Stepha-  
num fratres gentiles nobiles homines, &  
quod detrachere nonnihil de mea fide vide-  
tur, multis in rebus de me præclare meritos,  
quos quidem verissimè affirmare possum ita  
magna atque ampla negotia gerendo, ma-  
ximis vitæ laboribus perfungi, ut unum mo-  
dò quærere fructum videantur laudis, glo-  
riæ, immortalitatis. Quæ omnia etsi, ut ho-  
mines assequi possint, facultatem fortuna  
præbet: at, ut assequantur, vera virtus, &  
magnitudo animi efficit, in qua est summa  
posita, atque eximia laus. Atque, ut jam  
veniam, Minutule, ad tuos, an non in ea-  
dem urbe est vestra domus hospitiiis summo-  
rum hominum florentissima? Quid Lugduni!  
missam facio vestram, ne nunc vobis videar  
assentari: quam liberaliter sim à vobis excep-  
ptus, quæ in me humanitatis officia, quæ  
summæ necessitudinis & benevolentiae con-  
tuleritis, non est nunc commemorandi lo-  
cus. Michaelium est hæc domestica, & Ar-  
nul-



nulphinorum laus, ut humanissimi in hospites sint, & liberalissimi. Quid Matthæus Balbanus? quî illi magnus Princeps ( si magnitudo animi, vitæ splendor, magnificentia non ex fortunæ magis temeritate, quam ex vera virtute, æstimari debet ) in hac fortuna, quam adeo non probas, potest præferri? Alit domi doctos homines non solum, sed colit etiam studio atque observantia summa: virtutem autem afflictam & abjectam ita erectam quasi in sinu suo fovet, ut jam minime illam pœniteat opulentissimam totius Europæ regiam cum privati hominis domo commutasse. Atque ille quiden ejus gloriæ consortes fratres viros clarissimos, Lucæ Joannem, & Philippum, Thomam Antverpiæ habet: æmulos præterea multos ex eadem civitate summo loco natos homines, & inter suos imprimis copiosos, per quos minimè ei liceat uni hoc fructu laudis tanto frui. Audio enim & Vincentii Bonvisii domum Lugduni, hominis amplissimi & dignitatis summæ, ut fratris olim Antonii, Lovanii, cujus ob id celebre in iis locis atque illustre nomen est, & aliorum etiam esse, in quibus viget hoc institutum præstantes virtute ac nobilitate homines liberalitate, hospitio, honore prosequendi. Hos quidem mercatores extulit semper vestra civitas, in quorum ego numero si sim, nunquam sane mihi veniat in

in mentem, Regum maximorum gloria invidere. Fortuna enim ipsa fingit, qui Regna atque Imperia administrent : qui digni Imperio & Regno sint, una modo inter homines fingit, conformatque virtus. Atque illud quidem longe pulcherrimum est : vestri ordinis homines cum nobilitate, atque opibus excellant : æquabilitatem cum cæteris tueri, nihil sibi sumere, quod invidiæ expositum sit, à nemine pati comitatem in sermone, affabilitatem, facilitatemque desiderari. Hæc qui possint præstare, cum velint, non ita multi sunt : qui velint, cum possint, multo pauciores : cum tamen de eo minime dubitandum sit, quanquam mirifica voluntas adsit, & quæ animum maxime flectat ad bonum, nisi sit adjumento. & subsidio fortuna, nequicquam hujus tantæ rei laudem ab ullo peti. Ac volens quidem præterii exterarum gentium clarissima exempla, unius vestræ civitatis, atque alterius contentus. Quot enim sunt extra Italiam mercatura florentes, quæ ditissimæ ac copiosissimæ habentur ? Mitto Lugdunum, Antiverpiam, alias Gallorum, ac Belgarum urbes, Londinum Anglorum, quæ quidem per commercii occasionem divitiis & copiis auctæ, cultum etiam hunc humanitatis amplexæ, ac mitioris vitæ studia adamarunt. Hæc ipsa Germania, quam feri olim, & barbari homines incolue-

coluerunt, & qui susceptos statim in lucem liberos, in fluminibus tempore anni durissimo lavabant, ab humanissimis nunc gentibus incolitur. Emporia habet totius Europæ celeberrima, nobilissima Gymnasia ad juventutem instituendam, colit omnes libero homine dignas artes, utitur quidem importatis multis, sed multa ipsa etiam ad alias gentes transmittit, valet plurimum industria, floret ingeniis: quæ omnia cum in aliis civitatibus, tum in iis maxime conspiciuntur, in quibus mercaturæ studium viget, Augustæ Vindelicorum, NoreMBERGÆ, Francfordiæ, cæteris, quæ liberæ vocantur, quarumque est summum penes mercatores imperium. Jam vides, mi Johannes Baptista, qui sit hic nummi partus. quem tanquam nobis in Catonis Regno sit vivendum, severi quidam ac nimis duri homines calumniantur. Hinc enim est nomen, gloria, fama maximæ vitæ opportunitates: quæ omnia si qui sunt, qui non pariant, aut monstra atq; ostenta pariant, necesse est, cupiditatem, avaritiam, fordes, quod faciunt multi, aut quasi sibi ab actio partu, domi obscuri, quæ cæteri tantopere avent, posteritatem, famam, immortalitatemque damnent, quam consequi nullo negotio possent. At invides nostri ordinis hominibus: (vis enim tu esse me, id quod minime mihi tribuo, in eorum numero, quos  
tu

tu colis , doctorum hominum ac spectatæ virtutis ) recte tuquidem , si aut animi causa modò , aut cum alium tibi propositum finem habeas , non hæc temporum ratio frustretur tuam spem. Video enim eruditos esse multos : quorum autem partes sint , eorum tenuitatem fovere , maximos potentissimosque Reges , ex iis qui hoc agant , esse plane hac ætate neminem. Quotus autem quisque est , ut maxime eruditione , atque ingenio valeat , cui non minus , ludius , saltator , scurra , & leno improbissimus , si quando est viri Principis liberalitas periclitanda , præferatur ? Quid illa manus hominum nefariorum ? sunt enim quasi ex alia classe , ficarii , venefici , subiectores testamentorum , maledici , assentatores , qui , ne religioni , officio , pudori aditus pateat , dies noctesque obsessam regiam habent. At hi quidem dominantur , divitiis , copiis , honoribus , sacerdotiis augentur : uni si quid extorquendum est , ad importunum , atque immanem dominum à viris honestissimis , nolentibus etiam & invitis , allegantur. Nam illud jam proverbio increbuit , aleatori aditum etiam ad summos Reges , quanquam sit loco infimo natus , inter amicos interiores patere. Qua re quid excogitari sædius potest ? At quante illa indignitas est , cum homo severus & gravis à scurra

ra

ra dicaci atque impudente jactatur, quo materia suppeditetur beato homini ad ridendum, jam ventre infarciendo, epulis ac mensæ deliciis fesso? Nam convictus cum iis nulla non est capitalior peste: ut si instituas locum tueri, odium tibi continuo & invidiam, contemptionem, ubi te semel iis dederis, non ferendam pares: neutrum autem licet. Hæc ferat, & si qua his sunt indigniora oportet, eruditus homo, & qui in luce atque in oculis omnium, Regum, ac summorum hominum gratiam consecrari, quam in vita agere privata, malit. Atque idem tamen præter paucos admodum haud ferme utitur æquioribus privatis: ita infesti fere homines suo ingenio sunt iis, quos intelligunt se esse meliores. Itaque aut devorandæ ineptiæ multorum, & dissimulandum quod sentias, aut si liber esse atque ingenuus velis, petenda solitudo & recessus, ne in multorum odium & offensionem incurras. Atque ego nunc loquor, tanquam mihi cum eo res sit, qui nullus ope indigeat, quò honeste vitam possit, & liberaliter traducere. Quid porro agat is qui vitæ præsidium à literis, non voluptatem solum, & oblectationem petat? Quæ alia ars (de honestate nunc non loquor, nulla enim est hac una contemptior, si opinionem hominum magis, quam rem ipsam spectari oportet) non uberiori quæstui est? In

no.

nobilissimis Gymnasiis honesti homines, ut habeant quæ vix sufficiant victui tuendo, totos dies clamando de loco superiore, existimationem nominis & famæ expositam imperitorum adolescentium convitiis habent. Ac si cui magis, id quod nunc iple ago, solitudo probatur, atque otii sibi consistere fructum velit: quis adeo præclare literarum ullum munus post obire, cui si quando sit teruncio opus, non illi aut pudor omnis exhauriendus, aut fame pereundum sit? Dura est conditio proposita pudenti homini, sed in eo est aliquanto eadem acerbior, non extare ei, cui pudorem necessitas & verecundiam ademerit, tantæ jacturæ solatium ullum falso sua spe, ac coactæ fortunæ injuria tantæ repulsæ indignitatem ferre? Ita aliis famam quærimus, nobis famem, præmium scilicet honestissimi laboris, bene de viris ingratissimis promeritis, expectandum. At tibi, Minutule, si sapias, non solum pauperies immunda domus procul absit (faxit enim Deus, nunquam ut tecum tam male agatur, ut hoc tibi sit precandum) sed sit etiam curæ, quo modo ex veterem majorum torum instituto, id quod facis vitam domi cum splendore tuearis. Nam hoc summæ tuæ virtuti & singulari debetur, ut cum habeas cumulate, quo dignitatem inter tuos retineas tibi à majoribus relictam, eandem etiam auctam atque amplificatam relin-



relinquere posteris velis. Sed jam est epistola longiormulto, quam constitueram: quod quidem accidit, dum mei sum magis, quam tui memor. Nam cum nunquam facile mihi moderari soleo in scribendo, tum idem est mihi, cum ad te scribo, difficillimum: ut si tibi liceat legere per tua negotia gravissima, & maxima, non jam ad te literas, sed volumina sim missurus. Vale, è Laurentiano xviii. Cal. Januar.

Johannes Michael Brutus Dionysio Lambino S. D.

**E**Quidem Lambine, ni te plurimum amem hominem eruditissimum, atque omni genere reconditoris doctrinæ perpolitum, gravem non tibi magis, quam mihi videar injuriam fecisse. Detrahā enim nihil de tuis summis laudibus, non amando, atq; observando te: de meo judicio plurimum, quod ut nunquam mihi sumpsi, ita facile semper sum passus ab iis hominib; mihi tribui, qui, ut de hoc statuere possent, doctissimi: ut vellent mei amantissimi etiam essent. Quid tu vero statuas de eo homine, qui lucis aspectu cum illam videat, non oblectetur? Nā ego citius omni sensu caream, quam hoc tam prapostero judicio sim. Atque ad meum tibi amorem, & studium probandum, satis est, te intelligere; mihi, quæ in te bona sunt, explorata

Cccc

plorata

piorata jam pridem esse. Sed cum te amo, & observo, eximia, atque excellenti doctrina, adductus tua, aut nullam hoc nomine mihi videor abs te, aut perexiguam gratiam inire. Ita enim causa amandi tui esse in iis rebus sita videatur, quæ in homine amantur etiam cum cætera adsint odio digna. Alia quædam majora me in tui amorem induxerunt: quæ nunc ego commemorarem, si id modo à me fieri sine modestiæ tuæ offensione posset. Cui autor, non est cognita tua virtus, probitas, pudem religio? Ita enim in tuis scriptis elucent, ut non minima hæc mihi causa sit, cur ab eorum commemoratione nunc mihi superse- dendum putem. Accessit ad hæc omnia tuum meritum erga me, magnum illud quidem, & illustre: quo quidem mirarer auctum me esse, à quo homine nullo es unquam officio provocatus, nisi causam haberem cognitam, & perspectam, singularem eandem illam tuam probitatem, quæ ex ingenio manans imprimis ad benigne faciendum propenso, literis etiam exculta, jamdiu te in hanc consuetudinem bene de omnibus merendi adduxisset. Itaque quod susceptum à me munus edendi epistolas doctorum hominum, adjectis tuis, & eruditissimis illis quidem & elegantissimis, testimonio quasi quodam luculento, & præclaro augere, honestareque voluisti, sentio ipse, quam tibi debeam, semperque id adeo præ  
me



me feram : scribere omitto , quod minus me oratione assequi id posse confido. Atque non in eo solum , me tibi obstrinxisti , quod beneficio me in præsentia affecisti singulari , & cujus esse immemor nunquam potero : sed quod simul injecisti spem mihi per hanc occasionem, fore ut jactis his quasi amicitiae nostrae fundamentis, nunquam posthac ab ea ita constituta, confirmataque divellar. Quæ res quanti apud me sit futura tum intelliges, cum periculum facere , quibuscunque in rebus visum fuerit , quæ ad tuam dignitatem, existimationem, & commoda pertineant , libebit. Non fallam opinionem tuam. Tu interim pro singulari tua humanitate, quod reliquum est, ita statuas velim, accessisse quidem ad veteres tuas necessitudines hanc unam hominis studiosissimi tui , atque amantissimi : quæ quidem propterea colenda tibi, tuendaque sit, ne male posuisse tuum beneficium videre. Vale, vir doctissime, & da hoc jam amicitiae nostræ, ut vigilantem hominem, & præclare de literis merentem , liceat hoc genere scribendi interpellare : temporis enim jacturam, amoris fructu sarcies, quem tu magnum, atque uberem homo humanissimus , non negligere non solum, sed ultro appetere etiam soles. Vale iterum : & mei sis memor. Lucæ, Kal. Mart. c10. 10, LXI.



multò ut esse majores putarentur opinione hominum, quam re ipsa fuerunt. Quis enim dubitat, quin Trojanorum in Italiam adventus à scriptoribus & Latinis, & Græcis tantopere celebratus, ut Lacedæmonios, Thebanos, Athenientes, Corinthios, cæteros omit- tam, quorum Respublicæ, si verum quærimus, cum aut nullas, aut paucissimas res gesserint memoratu dignas, eloquentissimorum hominum scriptis, atque illustribus testimoniis ac monimentis factum est, ut magnopere floruisse credantur, & rerum gestarum gloria & magnitudine præstitisse: sed tamen quis dubitat, quia Trojanorum adventus obscurissimus, origo urbis Romæ humilis, & minime generosa, imperium plus minus C C C C. annos ejusmodi fuerit, ut non modò ab Hetruscis, qui tum erant potentissimi, sed à Vejis, Volscis, Antemnatibus, Crustuminis, à Cæni- nensibus nescio quibus contemneretur? Et tamen, quid est, quæso, quod majore cum animi admiratione hodie vellegatur, vel audiatur, quàm quæ tum à Romanis domi foris- que acta sunt? Mihi quidem ea tempora cum his temporibus comparanti, atque in hominum naturas & ingenia valde diligenter inquirenti venire in mentem solet aut Deos fuisse aliquos, qui tum illi Reipublicæ præfue- runt, aut doctos & eruditos homines dicen- do, ac scribendo effecisse, ut quæ ne esse qui-

dem potuerunt, ea tamen fuisse sine ulla dubitatione crederemus. Quod quam sapienter factum sit non disputo: illud disputo hunc errorem si modò erroris est, qui nos ad laudem solet incitare, tibi cum Thucydide, cum Xenophonte, cum Herodoto, cum Livio, cum Salustio, cum omnibus communem esse. Cujusce quidem rei cum multa esse argumento possunt alia, tum illa imprimis, quæ Græci de Alexandro Macædonum Rege memoriæ prodiderunt: quæ non modò veteribus, qui ab ejus ætate non multum aberant, sed etiam nobis ipsis, ut vera probari nunquam potuerunt. Ergo illis ad alicujus nomen illustrandum, memoriamque posteritati propagandam mentiri licuit, & quidem ita mentiri, ut eos id facere, lateret neminem: nobis quæ vera sunt, ornatè memorare, atque amplificare verborum sententiarumque gravitate, & pondere non licebit? Sumus, mi Brute, sumus, inquam, judices in nos ipsi severiores, quam oportet: quanquam Petrus Bembus V. C. ne nunc M. Antonium Sabellicum, aliosque permultos commemorem, qui idem fecerunt, in historia perscribenda rumores ejusmodi planè contempsit: quippe qui Venetorum res eo scriptionis genere persecutus est, quo cum elegantius inveniri vix quicquam possit, eorum præclare facta mirabiliter ornavit, dicendoque, ac scribendo consecutus



tus est, ut ea multi audeant penè cum florentissimæ illius Rom. Reipublicæ factis comparare. Quorum iudicium, quanquam ego facile adduci possum, ut verum esse statuam: alii tamen minime blandi, nostrorumque temporum atque hominum parum studiosi ac fautores aliter & sentiunt, & loquuntur. Atque hoc quemadmodum à me non dicitur, quod tantæ Reipublicæ gloriam vel obscurari cupiam, vel aliqua ex parte minui: sic etiam eò minime pertinet, ut quoniam populi Florentini res à te plus omnino, quam res & veritas patiatur, augeri, atque ornari videantur, hac ipsa scilicet ratione te tuearis ac defendas ( fuerunt enim illæ tum magnitudine, tum casuum varietate amplæ, illustres, mirificæ, neque mehercule ullius Reipublicæ rebus, si Romanos, & Carthaginienses exceperis, inferiores) sed ut ostendam, eos, qui te propterea reprehendunt, non omnino rationem scribendi tuam reprehendere, sed surgenti potius, ac nunc denique reviviscenti Hetruscorum gloriæ invidere. Perge igitur, ut incepisti, & quod jam à te summis vigiliis perfectum est, ne patiare diutius desiderari ab hominibus nostris. Neque enim illi tibi minus debebunt, qui res tantas huiusce urbis tam eleganti oratione perpolieris, quam iis ipsis debeant, à quibus tantum imperium, quantum quidem nunc est, maximis

laboribus fundatum, & virtute stabilitum sua  
acceperunt. Vale.

Franciscus Luifinus Johanni Mi-  
chaeli Bruto S. P. D.

**N**ondum satis constitui, tua ne mihi  
consuetudo majorem hic attulit vo-  
luptatem, an tuus me ex Hispania  
discessus vehementius commoverit.

Cum hîc eras, Brute, nihil mihi unquam fuit  
optabilius, quam esse tecum, quam curas &  
cogitationes omnes communicare. Et,  
quia sæpe soleo, ut scis, dolore confici, quod  
luce Italiæ, quod doctissimorum hominum  
sermone, & familiaritate caream: tuus me  
statim aspectus ita recreabat, ut in te uno  
acquiescerem, tua mihi probitas, atque ex-  
cellens eruditio ita omnem eripiebat mæro-  
rem, ut cum te mihi licebat per occupationes  
tuas frui, animum penitus relaxarem: tuarum  
vero me lectio historiarum, quibus res ge-  
stas Florentinorum complexus es, vehemen-  
ter delectabat. Scriptæ enim sunt à te summo  
dicendi artifice: in quo nec gravitas senti-  
arum, nec ubertas desideratur orationis. Quo  
fit, ut suavissimè animos hominum erectos in  
legendo retineant, & præclare, cum Medi-  
cea imprimis familia, deinde cum aliis flo-  
rentissi-

rentissimis viris esse actum judicem, qui in tua scripta pervenerunt, quorumque fortunæ varietates, & vicissitudines monimentis illustrantur, & celebrantur tuis: nam tu nobis quasi temporum imaginem non Italica quidem lingua, sed Latina expressisti. Latinæ enim linguæ gloria non Italiæ limitibus, ut Hetruscæ, sed terrarum orbis finibus terminatur. Historias à seniore Cosimo exordiris, jamque ad Leonis X. Pontificatum perpetuo eas ordine deduxisti: ac Cosimi primum ancipites, variique casus, invidia, quam inimici ei homines conflagrant, exilium, reditus in patriam honestissimus incredibilem quandam habent admirationem: Petri vero senioris virtus, quæ in eo, licet adversa semper valetudine conflictaretur, tamen elucebat, cujus animum non explere jucundissimæ lectionis voluptate possit. Consecutæ sunt postea turbulentissimæ rerum tempestates, cum Respublica bellis vexaretur, quod Reges ferre Laurentii amplitudinem, & splendorem non poterant. Ille vero, ut patriæ rationibus consulere, summis vitam periculis exponere, atque opes suas profundere non dubitavit. Leo demum Laurentii filius, cujus virtutes laudibus in cælum fers, diis, hominibusque approbantibus Pontifex maximus creatur. Et quamvis reliqua cum his contexere, quæ patrum nostrorum me-

moria sunt gesta, constituisti, hoc mihi tamen temporis spatium summam attulit, mi Brute, delectationem: nunc quia te, tuisque scriptis careo, vitam mihi pene acerbam puto. Quod nisi te assiduæ occupationes distinent Lutetiæ, ac Lugduni, da, quæso, ad nos literas aliquando, quibus nihil accidere potest nobis optatius. Oratiunculam meam ad Philippum Regem de Isabella Valeria Regina, quam petis, mittam ad te libenter, ea conditione, ut lectam, statim conscindas: nam quamvis ego omne in eam studium, omnemque industriam contuli, non est tamen cum aliis, tuaque illa imprimis ad Carolum V. Augustum nec exquisitis sententiis, nec verborum luminibus comparanda. Vale. Toleti, III. Id. Februarii. M. D. LX.

Johannes Baptista Minutulus Jo-  
hanni Michaeli Bruto S. P. D.

**D**Ederam equidem ad te literas Venetias, & Paulo Manutio, cujus hominis te esse studiosissimum cognoveram, fasciculum, ut mandaras, inscriberam: sed incertus, utrum eò accessisses, an tibi illæ recte redditæ essent. Quod quidem si accidit: & de Facii historia, qua in re tibi Gryphius strenue operam dat, & de libris ad te missis, tum vero nos valde esse lætatos, cum  
nos



nos tabellarius quidam te bellissime iter facere narrasset, cognovisti. Id autem ita esse, quidam è nostris, cum vobis unius diei itinere prope Mediolanum occurrissent, affirmarunt. Spero equidem non longe abesse tuas literas Mediolani datas, quæ me de toto tuo itinere doceant: cupio quidem certe. Capsa librorum, quòd muliones oneri ferendo mulos esse negarent, nobis aperienda fuit, vestimenta que detrahenda: quorum fasciculum separatim faciendum atque ad te prope diem afferendum curabo. De eo fratrem meum percontari poteris: quem tamen puto, simulatque accipiet, te certiores facturum, sic enim mandabo. Libros vero qui vehunt, cum hæc scribebam, quantum ego ex dierum & itinerum ratione colligo, dimidiam partem itineris processisse putabam. Expensum rationum huic epistolæ adjunctum habebis. Quod autem tibi tuli expensum, ut cognoscere poteris, summam XLIX. nummum aureorum facit. Id fratri, ut convenit, curabis, simulque pro vectura quod solvet. Gryphius quæ hactenus excusa erant folia attulit: ea sunt ad librum usque sextum. Quorum duos jam libros perlegi, quæque visa sunt adnotavi, ex quibus indicem conficiam parvo, ut mihi videtur, negotio, sed vereor ne multa defint, quæ tu postea requiras. De cæteris rebus quod ad te scribe-



sona laudares, vel ut periculum mei faceres. Atqui quamvis me non admodum acutum, aut sagacem esse fatear: non usque adeo pinguis, aut hebes sum tamen, ut meas laudes, si quæ sunt, ab alienis distringere non possim. Vir bonus, ac prudens dici delector, ego, ac tu: inquit Flaccus noster. Verum tamen scitum est, sua ipsius conscientia, non aliorum scriptis, aut prædicatione, sua bona meriti, ac ponderare: neque maiorem aliorum testimonio, quam suo iudicio fidem habere. Hoc igitur, mi Brute, tibi responsum esse puta, me laudes istas, quas mihi tribuis, non agnoscere, ut meas: sed, ut tuas, tibi-que potius, quam mihi, convenientes, ad te remittere. Quod si apud me habitare, atque hæreere volent: primum suadebo, ut eò unde profectæ sunt, libenter revertantur: deinde si negabunt se mihi obtemperaturas: tum eas tanquam à domino fugitivas, artissimis vinculis contrictas, ad te reducendas, atque adeo retrahendas curabo. Tuum igitur tibi reddo; alterum illud, in quo te mihi amicum profiteris, tuamque erga me benevolentiam ad cæteras necessitudines, quæ mihi cum meis veteribus amicis intercedunt, aggregare jubes, libenter accipio, mordicusque tenebo: teque obtestor, ut, si me hominem esse humanitate excultum, non ferum existimas, tuam istam erga me bene-



in te amor, ut non patiar nunc te ignorare, quod te scire haud parvi intelligam tua interesse. Quot in una re peccata? facile me onere levas, cui satis est cognoscere, quid sit. Berzevicæus ne Cratoni? At ille idem Pyrgopolinices retulit adolescenti optimo, qui disertis verbis sibi ab homine ostensas affirmavit. Do illi, non actum consilio tibi nocendi, stultitiane igitur summus vir? quis infimus, cujus sit hic summus? Tu vero, ut Lipsienses, recta ad Regem tuas querelas, qui quidem non indiget interprete audiendis iis, quæ Regii muneris esse existimat. Tua illa gravitas, quæ inter alias eximias tuas virtutes semper excelluit, percellet, mihi crede, hunc urbium atque arcium multarum expugnatorem, cui video strenuum paratum Periplectomenem, qui quo tempore minus credat, non verbis sed verberibus, multorum flagitiorum, quibus est coopertus atque obrutus totus, ab illa expetat pænas. Literas à Squarcialupo cum his habebis, & quidem apertas, ut ipse ad me, eo consilio, ut legere liceret. Erat in eodem fasciculo, Transylvani Medici testimonium, de Marcello perhonorificum, & de illius adversario; in quo quidem illud mirificum, appellari eodem militis gloriosi nomine, quo ab illo tui studioso homine: quæ nunc mihi fuit causa, ut ego utrique assensus, statuerem mihi eodem nomine appellandum. Nihil certe propri-





tis est. Nam quantum ad te pertineat, minime dubito, quin ita tibi de mea in te observantia & amore persuasum sit, ut tua omnia sive illa secunda tibi sive adversa accidant cum meorum caritate habeam conjuncta. Etsi vero otioso etiam homini, minime necessarium ad Cratonem scribere de dolore minuendo, at scribere ad hominem humanum est, qui ita de tolerando dolore præcepta hausta habet à sapientiæ fontibus, ut hoc ipsum sit indicio eundem ad tolerandos æquo animo rerum humanarum casus præsidio indigere. Non enim ille credo sapiens, qui ut truncus, aut lapis, fractus careat sensu doloris, sed qui ita afficiatur, accepta plaga, ut percellatur quidem sed percussus haud cadat. Imo doleat vir fortis petitus adversæ fortunæ telis, modo in eo agnoscat fortitudinis argumentum, quæ roboret in adversis, non minuat vires. Quæ alia uberius vena eloquentiæ Cratonis in alieno dolore sedando? at ea lex humanitatis, ut non areat illi quidem in sedando suo, sed quo minus tamen rapide fluat, multis obicibus retardetur. Scitum hoc quidem, neque satis peritum medicum quenquam domesticis morbis curandis, neque satis idoneum patronum privatae causæ tuendæ. Exstabit, quicquid in longiorem diem proferatur,

Dddd                      meæ





temptum certe non acceptum eo animo, quo Buccella solet, faciendi solertior artifex quam dicendi, quod in Christianæ sapientiæ schola profitentibus est primum. Accessisse aliquid verisimile est à tuo necessario, ad quem Perschius attulit commendatitias literas. Habet ille vero hic Bucellam, qui tacendo pugnat, quam Squarcialupum, qui clamando & convitiando in Dacia, ἀνταγωνιστήν acriorem. Valeas, ut animo ita etiam corpore dignus vir, cujus vita sit, multorum causa immortalis D. Cracoviæ. Kal, XIII. Aug. XXCV.

Gratissimam rem facies, si clarissimo viro Monauco meis verbis multam salutem imperties, simulque significes, Adestenium, per hos dies huc advenisse, eo consilio, ut typographo rerum Moschoviticarum commentarios excudendos tradat: simulatque excudentur, dabo operam, ut habeat: Habitat & ipse in arce, in prætorialia domo, non proculà Regia, ut sit facultas crebro conveniendi.

FINIS.











